



34



$$\begin{array}{r}
 4000 \\
 200 \\
 12 \\
 30 \\
 10 \\
 16 \\
 0 \\
 \hline
 4276 \\
 2092 \\
 \hline
 2084
 \end{array}
 \qquad
 \begin{array}{r}
 73 \\
 37 \\
 \hline
 110
 \end{array}
 \qquad
 \begin{array}{r}
 73 \\
 37 \\
 \hline
 110
 \end{array}
 \qquad
 \begin{array}{r}
 7 \\
 3 \\
 7 \\
 3 \\
 \hline
 20
 \end{array}$$

V I A.

29. Camaldulensium
 Exe. Regia ad Vanaucum



REGIA
CRVCIS
VIA.

*PP. Camaldulensium
Eremit Regia ad Vanauatem*

Bien F. H. B

V

EXCEL^{MO} ET ILLVST^{MO}
DOMINO
D. IACOBBO
DE NOYELLE

MARCHIONI AC CASTELLANO
LISBURGENSI,
COMITI DE CROIX,

*Viccomiti de Nielles, Baroni de Malde-
gem, Guize, Contsy, Toparchæ de Laires,
Boucourt, &c.*

ÆRARI REGII PRÆFECTO,
*Et renouandis per Flandriam Magistrati-
bus Commissario Regio.*



V Æ nobis è solo
ad cælum à cælesti
Rege demonstrata
iam olim strataque
est REGIA CRVCIS
VIA, eam, COMES EXCELL^{ME},

*Iren: Camaldul³ calamo
prope Varsavia*

vj

calamo nostro adumbratam no-
mini Tuo imus consecratum.

Dux siquidem & præcursor no-
ster, qui non sine comitatu suam
sibi in Caluariæ locum detulit
CRUCEM, per omnes sæculorum
ætates itineris huius comites re-
quirat. Quemadmodum enim

Iudic. 9, 48 strenuus ille Abimelech *ascendens*
in montem cum omni populo suo,
arreptâ securi præcidit arboris ra-
mmum, impositumq; ferens humero,
dixit ad socios: Quod me videtis
facere, citò facite: non secùs supre-
mus noster Imperator, qui

Lucan. l. 9.

— *primus arenas*

Ingrediens, primusq; gradus in pul-
uere ponens,

omnibus idemtidem inclamat:

Ioan. 13,
15.

Exemplum dedi vobis, ut quemad-
modum

modum ego feci, ita & vos faciatis.

&: Si quis vult post me venire, Matth. 16, 24.

abneget semetipsum, & tollat CRUCEM suam, & sequatur me.

Hinc maxima CRUCEM ferendi Christianis imposita necessi-

tas. nam qui dicit se in CHRI- I. Ioan. 2, 6.

STO manere, debet, sicut ille ambulavit, & ipse ambulare. * Quo-

* Paulin. Epist. 5. ad Severum.

modo autem putas CHRISTVM sequendum, nisi lege quâ docuit,

& formâ quam prætulit? * Se-

* Hilarius Pict. can. 16. in Matthæum.

quendus, inquam, est CRUCE assumptâ, & passionis suæ si non sorte, attamen voluntate comitandus.

In hoc comitantium agmine quòd primas, EXCEL^{ME} COMES, Tibi deferam, non Comitatus Tui dumtaxat titulus, sed rara in Deum pietas fecit. Nam præ na-

viii]

Deut. 13, 4
ita legit
Ambros.

Eccli. 23,
38.

S. Hilar.
Arelat.
Serm. de
S. Hono-
rat.

talium splendore, omnibusq; qui-
bus merito Tuo illustraris nomi-
nibus, gloriosum ducis, in Te im-
pleri, quod scriptum est: *Post Do-
minum Deum tuum ambulabis: &
ipsi soli adhærebis.* Quid enim? an
non gloria magna est sequi Domi-
num? & huius non modò comi-
tem fieri, sed & filium? *Fastigium*
scilicet nobilitatis est, inter Dei filios
computari: nec addere nobis quid-
quam ad dignitatem terrena originis
decus, nisi contemptu suo potest.
Nemo est in caelestibus gloriosior,
quàm qui repudiato Patrum stem-
mate, solâ elegit CHRISTI pater-
nitate censerî.

Maçte hac virtute, COMITVM
PIISSIME, tanti Ducis insiste ve-
stigijs, certus, quòd, vt dici solet,
Bonus

Bonus Dux, bonum reddet Comitem. imò iam reddidit. Ab illo enim sunt, quæ in Te suspicimus, non vulgaria ornamenta. Ab illo singularis ea, quam dixi, in Deum pietas, in Regem fides, iuuandæ Reip. studium indefessum. Ab illo nota illa in rebus arduis prudentia, in dubiis consilium, in prosperis moderatio, in aduersis æquanimitas, & benigna in omnes comitas. Quæ sanè Catholici Regis permouerint Maiestatem, vt nouo Te, quem gratulamur, MARCHIONIS ornaret titulo; cui & ipse futurus sis ornamento. Quid dicam de Tuo in Dei Seruos amore, quos inter nostræ Congregationis homines ita complecteris, vt operam Tuam, cùm eâ

x

opus est, perhumaniter iis prolixēque impendas.

Hæc aliaque, quæ recensere promptum esset, lubens prætereo, quia

Fucati sermonis opem mens conscia laudis

Abnuitt: —

& vna ac verissima hæc Tua laus, posse, nec velle laudari. In partem tamen gratitudinis CRUCEM hanc VIAMQUE accipe: hanc, vt teras; illam, vt feras; & vtriusque tandem præmium referas æternum. Affligenio, Nonis Ianuarij, anni M. DC. XXXV.

EXCELLENTIAE TVAE

obsequiis addictissimus.

F. BENEDICTVS HAEFTENVS.

GLORIOSISSIMÆ
VIRGINI
S. TERESIAE
A I E S V

Carmelitarum Excalceat.
FVNDATRICI.



AS mihi sit, arden-
tissima CRVCIS
CHRISTIAmatrix,
Seraphica virgo TE-
RESIA, REGIAM
hanc CRVCIS VIAM sacris Tuis
substernere pedibus, & nomini
Tuo longè celeberrimo consecra-
re. Quamquam enim cælestis vr-
banitatis ignari, nimix id forsitan
adscri-

xij

Cant. 5.
10.

adscribent audaciæ; ego tamen
vel hoc pacto perennem illum
Tuum erga CRVCEs afflictionesq;
amorem venerari mihi posse vi-
deor. Etenim *dilectus Tuus candi-
dus & rubicundus, electus ex milli-
bus*, vnam Te ex multis elegit mil-
libus, ad similitudinem suam vir-
ginitate candidam, patiendi desi-
derio rubicundam, cui diuitias &
delicias CRVCIS suæ luculentius
aperiret. Hinc vitæ Tuæ cursus a-
liud fuisse non videtur, quàm ad-
scensus purpureus, quo per CRV-
CES & dolores ad ferculi Salomo-
nis reclinatorium aureum pene-
trasti. Non modicum Tibi præbe-
bant CRVCEs solatium; pœnæ &
tormenta Tibi videbantur orna-
menta: opprobria & conuitia vel-
ut

ut suauissima quædam harmonia
 Tu is insonabant auribus. Parum
 Tibi erat , ô Magnanima He-
 roïna , tribulationes æquo animo
 tolerare, nisi etiam flagrantissimo
 eas desiderio à Deo flagitares, &
 crebrò Tibi esset in corde, crebrò
 in ore;

AVT PATI, AVT MORI: Teref. Vi-
ta suæ c. 40
 & quòd, vt ipsa litteris signifi-
 sti, *afflictiones cum omnibus mundi* Teref. in
Concep.
diuin. a-
mor. c. 6.
thesauris non commutares. Vnde
 autem hæc vota ? vnde hæc af-
 flictionis æstimatio ? vnde hoc
 desiderium ? Ab Amore Tuo
 Crucifixo CRVCIS hunc amo-
 rem hausisti : impatiens hoc pa-
 tiendi desiderium ab eo procul-
 dubio processit, qui se patientiæ
 præceptorem fecit & exemplum.
 Nimi-

Nimirum totus Tibi fixus erat in corde, qui pro Te totus fixus fuerat in CRUCE.

Sed finem non habent amantium vota, nec mortali clauditur vitâ immortale desiderium. Manet iam cælo receptæ eadem Tibi, si non maior, patiendi voluntas. Et si quâ causâ, interminâ illâ carere velles beatitudine, hac solâ id velles, vt posses pati. Ergone cælestes animæ, si hæc in eas cadat affectio, mortalibus CRUCES inuideant? Auxisti, ô prudentissima Negotiatrix, auxisti hoc Tuo suffragio tribulationis & CRUCIS pretium: tantumque piorum mentibus calcar addidisti, nemo vt iam sit, qui vel longiorem, vel æquo grauiorem que-

queratur, quam à Cælitibus ambizioso didicerit voto posse concupisci.

Tibi igitur, ô sacra Virgo, REGIAM hanc CRVCIS VIAM sacro. Digna enim es, quæ post Agnum crucifixum, Ducemque nostrum, CRUCEM ferentium agmen deducas, *quæ CRVCIS diu portata vexilla circumfers*. Post Moysen præeuntem *in veteri Testamento virgo Hebræorum per mare duxit exercitum*. Felici Tu cum IESV contubernio, per sæculi huius pelagus CRUCE suâ iter pandente, piorum præibis exercitum; omnibus Apostolicum illud ingeminans: *Imitatores mei* 1. Cor. 4. 16. *estote, sicut & ego* CHRISTI.

Neque verò nouum quid abs

Te

Sidon. l. 6.
Epist. 1.

Ambros.
Epist. 7. ad
Siricium
Papam.

Te peto. Etenim cùm commu-
 ni nobiscum hîc sorte degeres,
 CRVCIS trophæa passim erige-
 bas. Iam tum, velut altera Ma-
 chabæa, *Tu supra modum Ma-*
ter mirabilis, & bonorum memoriâ
digna, lectissimam quam condi-
disti gentem hortabaris voce pa-
triâ fortiter, repleta sapientiâ, &
femineæ cogitationi masculinum
*animum inserens, dicebas: * Hoc*
 SYMBOLVM & axioma vestrum
 esse credite: QVAE PLVS PATI
 POTEST, PLVRA DEI NOMI-
 NE PATIATVR; hacquæ omnium
 erit beatissima. * Quæcumq; au-
 tem hoc patiendi in se desiderium
 non sentiet, illa se veram Discal-
 ceatam esse non existimet; cùm
 non tam recreationes quàm patiendi
 mate-

2. Macha.
7, 20.

* Teref.
Castell.
anim.
manf. 2.

* Lib. 2.
Fundat.
cap. 27.

materiam desiderare debeamus.

Quod in CHRISTI Sponsis potissimum requirebas, insignis erga illum erat amor: sed huius mensuram CRUCEM esse voluisti, certissimum arbitrata pro magna^a aut parua^a in CRUCE ferenda resolutione, amorem esse solere, iuxtaque eam debere commensurari.

Via perfect. c. 32.

O voces prudentissimâ virgine, fortiq̃ue viragine dignas! voces quæ tenerrimis etiam virgunculis CRUCIS amplexum serio persuaserunt!

Patere igitur, ô gloriosa patientiæ Magistra, Te, post Agnum quem sequeris, REGIAE huius VIAE ductricem Doctrinamq̃ue nominari: instrue, quæso, errantes, iacentes erige, euntes dirige.

**

Pro

xviii

Pro hoc verò qualiquali scripto,
quod sanctissimo nomini Tuo
supplex veneransque inscribo,
CRVCIS & CRVCIFIXI amo-
rem tabulis cordis mei inscribe,
& Clientum Tuorum me, licet
indignum, numero adscribe.



A D

A D
PIVM LECTOREM
SEV
VIATOREM
PRÆFATIO.



AELESTEM, exul homo
& peregrine, inquiris pa-
triam? REGIA huc CRV-
CIS ducit VIA. Quam, ne
vagus forsitan & incertus
oberrares, diuinus Ductor Doctorque, qui
regnavit à ligno, suis olim calcavit pedibus,
inculcavit sermone, signavit Sanguine.
Hanc denuò tibi sub eius personâ proponi-
mus, & utcumque exponimus. Sequere,
Viator, praeuntis vestigia, & exhortantis
verba libenter excipe. Si quis, inquit, vult Luc. 9, 23.
post me venire, abneget semetipsum,
& tollat CRVCEM suam quotidie,
& sequatur me.

Sur. in Vi-
tâ, 29. De-
cembris.

Gran. in
Catechif.
maiore
lib. 3. c. 20.

Hoc Opusculi huius argumentum, hoc
Hodœporicon regni cœlestis, & iti-
nerarium est vitæ æternæ. Sententiam
hanc cùm ex Euangelio sanctus legisset
Ebrulphus, attentiusque apud animum
suum, quàm vulgò solemus, considerasset;
non insuper habendam ratus est conditio-
nem, quam non homo Rex, sed Deus offer-
ret. Mox igitur aulæ Regis Gallie, con-
iungi, liberis, opibus & clientelis vale
ultimum dixit, Angeloque duce in solitudi-
nem sese abdidit, verus Crucifixi IESU
futurus discipulus. Hæc ipsa verba cùm
beato Siluestro (qui Monachorum Siluestri-
norum sub Regulâ sancti Patris Benedicti
deinde fundator fuit) aliquando occurrif-
sent, facile ei persuaserunt, vt relicto sæ-
culo eremum peteret, vbi vigiliis, oratio-
nibus, ieiuniisque deditus, crudas tantùm
herbas in cibum sæpius adhibebat. Fuit
& vir quidam Religiosus in paucis; cuius
(vt Granatensis testatur) continuum stu-
dium, sententiam hanc diligenter expende-
re: adeò enim illi placebat, dicere vt sole-
ret,

ret, librum se conscripturum, cuius singulas paginas his CHRISTI insigniret verbis. Intelligebat scilicet, iis omnia contineri quæ ad salutem necessaria. Votum hoc viri verè pij secuti, eadem Redemptoris nostri verba pro modulo nostro illustrauimus; ipso illo fine, quo ab eo prolata.

Ipsam proinde CHRISTVM cum Staurophilâ eiusque sororibus dialogismi formâ differentem introducimus. Hanc enim et Platonem, et Tullium, et ex S S. Patribus Augustinum, Chrysostomum, Magnum Gregorium, aliosque adamasse constat: quin et ipse Spiritus sanctus amoris illud Epithalamium dramatico flore depinxit. Gratiора nempe solent esse colloquia, quàm perpetui libri. Condimenta namque ac pigmenta multa adhiberi queunt: continuatæ tractus vniformis orationis, haud rarò strigosus est; aut æquabilitate, succedentiumque catenatâ sententiarum similitudine tædium parit sæpenuerò. Et hac causâ versiculi et imagines insertæ, vt horrorem, quem

Scaliger
Exercit.
108. in
Cardan.

CRUX & tribulatio adferre solent, aliquousque leniant, & Lectorem nonnihil oblectent.

Lucret.
lib. 1. de
Rer. nat.
& iterum
lib. 4.

—Veluti, inquit ille, pueris absynthia
tetra medentes

Cum dare conantur, prius oras pocula circum

Contingunt mellis dulci flauoque liquore.

Exempla sparsim miscuimus, ut Viatores nostri in hoc itinere comites, imò & duces habeant, quorum insistant vestigiis.

Seneca
Epist. 6.

Chrysost.
Hom. 1.
ad Pop.
Antioch.

Semper enim homines amplius oculis quam auribus credunt. Longum iter est per praecepta, breue & efficax per exempla. Nam ideo Deus Sanctos tribulari permittit, ut reliqui in grauia incidentes, sufficientem mitigationem & consolationem habeant, in eos respicientes. Scripturae sacrae haec vox est: Tob. 2. 12. Hanc tentationem ideo permisit Dominus euenire Tobiae, ut posteris daretur exemplum patientiae eius, sicut & sancti Iob.

Dicendi

Dicendi porrò character hîc varius est, & esse etiam debuit. Cùm enim inuentio tota & ordo à nobis sint, verba tamen & sententias variè conquisiimus, à Scripturâ in primis sacrâ, & Auctõribus priscis & recentibus. Nec verò nudas aut sparsas sententias dedimus; ne diffluerent, & esset, quod dicitur, arena sine calce: sed eas aut inter se utcumque vinximus, aut interdum velut cæmento quodam commisimus nostrorum verborum. Ad summam, ut Phrygiones è varij coloris filo vnum aliquod aulæum formant: sic nos è mille aliquot particulis vniforme hoc & cohærens corpus. Quæ autem CHRISTO hîc tribuuntur, non ea maioris censeri debent auctõritatis, quàm fides mereatur eorum, quos ad marginalem citamus oram.

Non me fugit, Auctores bonos, quâ veteres quâ Neotericos, in hoc argumento multa & bona scripsisse, & benè; hos ego à longè subsequi conatus sum, non

Lipf. Præ-
fat. ad
Polir.

Sueton.
Calig.

Gregor.
Nyssen.
Orat. ad-
uers. Fœ-
nerat.

Aug. lib. I.
De Trinit.
cap. 3.

Iob 4, 6.

Tertull.
lib. De
Patient.
cap. I.

assequi : nec alia scribere volui, sed aliter, nullo aliorum detrimento. Nam & onerariam nauem, quæque millenis mercibus referta hinc inde impellitur, sequitur exigua quædam cymbula, idem secans æquor; virisque athletico more & ritu depugnantibus, eadem lege digladiantur & pueri. Sed & vniuersè vtile est, plures à pluribus fieri libros diuerso stylo, non diuersâ fide, etiam de quæstionibus eisdem; vt ad plurimos res ipsa perueniat, ad alios sic, ad alios autem sic.

*Ceterum ne quis fortè mihi illud obii-
ciat : Vbi est fortitudo tua, patientia
tua, & perfectio viarum tuarum?
lubet humillimam vetusti Scriptoris in si-
mili causâ protestationem pro me adscri-
bere.*

Confiteor ad Dominum Deum, fa-
tis temerè me, si non etiam impu-
denter, de CRUCE & patientiâ com-
ponere ausum, cui præstandæ idoneus
omnino non sim, vt homo nullius bo-
ni :

ni : *vereor*que , ne dicta factis deficientibus erubescant. Atque utinam erubescere istud, remedium ferat, uti pudor non exhibendi, quod aliis suggestum imus, exhibendi fiat magisterium ! Itaque velut solatium erit, disputare super eo quod frui non datur, vice languentium, qui cum vacent à sanitate, de bonis eius tacere non norunt. Ita miserrimus ego, semper æger caloribus impatientiæ, quam non obtineo patientiæ sanitatem, & suspirem, & inuocem, & perorem necesse est.



C E N S U R A.

VT mundi huius euadas labyrinthum, auream hanc è sacræ Scripturæ sanctorumque Patrum sententiis variegatam apprehende Catenam, quâ R. D. *Benedictus Hæftenus Affligeniensis Præpositus* fidelium pedes ceu Ariadnæo filo per REGIAM CRVCIS VIAM dirigit in vitam æternam. Publico proinde bono lucem adspiciet, vt eam viatoribus omnibus præferat. Ita censui hac XXIII. Februarij, anno M. DC. XXXIII.

*Henricus Calenus S. Tholog. Licent.
Archipresbyter Bruxellensis, Librorum Censor.*

SVMMA PRIVILEGII.

PHILIPPVS IV. Hispaniarum & Indiarum Rex Catholicus, ac Potentissimus Belgarum & Burgundionum Princeps, Diplomate suo sanxit, nequis *Regiam Viam CRVCIS, Auctore D. Benedicto Haesteno Ultraiectino, Reformati Monasterij Affligeniensis Ordinis sancti Benedicti Præposito*, præter Balthazaris Moreti voluntatem vlllo modo intra sexennium imprimat, aut alibi terrarum impressam in Inferioris Germaniæ ditiones importet, venalemve habeat. Qui secus faxit, confiscatione Librorum & aliâ graui pœna mulctabitur, vti latius patet in literis datis Bruxellæ XI. Septembris anno M. DC. XXXIV.

Signat.

Steenhuyse.

INDEX
AUCTORVM
QVI
IN HIS LIBRIS CITANTVR.

A.



C T A S. Andreæ.

Acta canonizationis S. Terefiæ.

Acta canonizationis S. Xauerij.

Ambrosius.

Anselmus.

Antiochus.

Antonius Balinghem.

Antonius Hemartius.

Archita Tarentinus.

Athanafius.

Augustinus.

B.

Baronius.

Bafilus Magnus.

Bafilus Seleuciæ Episcopus.

Beda.

Benedictus Abbas.

Bernardinus Senensis.

Bernardus.

Biblia sacra.

Birgitta.

Boëtius.

Bonauentura.

Breuiarium Romanum.

C.

Carolus Scribanius.

Chryfillus.

Cicero.

Clemens Alexandrinus.

Clemens Romanus.

Concilium Tridentinum.

Cornelius à Lapide.

Cyprianus.

D.

Daniel Mallonius.

Didymus.

Dionysius Areopagita.

Dionysius Carthusianus.

Dorotheus.

E.

Ealredus.

Ephræm.

Epictetus.

Euripides.

Euthymius.

F.

Faustus Rhegiensis.

Franciscus Labata.

Franciscus Ribera.

G.

Gertrudis Abbatisſa.
 Gregorius Magnus.
 Gregorius Nazianzenus.
 Gregorius Nyſſenus.

H.

Henricus Suſo.
 Herodotus.
 Hieremias Drexelius.
 Hieronymus.
 Hieronymus Platus.
 Hilarius Arelatenſis.
 Hilarius Piſtauienſis.
 Horatius.
 Hugo de S. Victore.

I.

Iacobus Corenus.
 Iacobus Salianus.
 Idiota.
 Ignatius Martyr.
 Ioannes Auila.
 Ioannes Baptiſta Vilalpandus.
 Ioannes Brugmannus.
 Ioannes Caſſianus.
 Ioannes Cedrenus.
 Ioannes Chryſoſtomus.
 Ioannes Climachus.
 Ioannes Damascenus.
 Ioannes Geſſon.

Ioannes

Ioannes Lorinus.
 Ioannes Ruysbrochius.
 Ioannes Stobæus.
 Ioannes Taulerus.
 Isidorus Hispalensis.
 Isidorus Pelusiota.
 Iulius Scaliger.
 Iustinus Martyr.
 Iustus Lipsius.

L.

Lactantius.
 Laurentius Iustinianus.
 Laurentius Surius.
 Leo.
 Leonardus Lessius.
 Leontius.
 Lucanus.
 Lucas Pinellus.
 Lucretius.
 Ludolphus Carthusianus.
 Ludouicus Blosius.
 Ludouicus de Ponte.
 Ludouicus Granatensis.

M.

Marcus Eremita.
 Martialis Episcopus.
 Matthæus Raderus.
 Maximus Taurinensis.
 Minutius Felix.

Missale Romanum.

N.

Nicetas Choniates.

Nicetas Serronius.

Nilus Abbas.

O.

Origenes.

Ovidius.

P.

Paulinus.

Pelagius.

Petrus Blesensis.

Petrus Chrysologus.

Petrus Damiani.

Petrus Equilinus.

Philo Carpathius.

Philo Iudæus.

Pindarus.

Plinius Secundus.

Polybius.

Prosper.

Prudentius.

Publius Mimius.

R.

Richardus de Sancto Victore.

Ruffinus.

Rupertus.

S.

Saluianus.

Seneca

Seneca Philosophus.

Seneca Tragicus.

Sidonius Apollinaris.

Silius Italicus.

Sixtus Papa.

Sophronius.

Sozomenus.

Stephanus Eduensis.

Suetonius.

T.

Terentius.

S. Terefia.

Tertullianus.

Tibullus.

Titus Liuius.

Theophylactus.

Thomas à Kempis.

Thomas à Villâ nouâ.

V.

Valerianus Episcopus.

Venantius Fortunatus.

Vincentius Puccineus.

Virgilius.

Vitæ Patrum.

INDEX CAPITVM.

LIBER PRIMVS.

Præambula ad viam CRVCIS
ineundam.



APVT I. <i>Ingressus in sermonem.</i>	I
Paginâ	
CAP. II. <i>Crux certa ad calum via: omnibus perambulanda.</i>	7
CAP. III. <i>Quid CRUX, & quotuplex.</i>	15
CAP. IV. <i>Quodcumque CRVCIS genus CHRISTVM tulisse.</i>	25
CAP. V. <i>Beatissimæ Virginis exemplo CRUX ferenda.</i>	31
CAP. VI. <i>Cur CRVCES necessaria.</i>	39
CAP. VII. <i>Cuiusque viribus CRVCEM à Deo contemperari.</i>	49
CAP. VIII. <i>Voluntatem omnino firmam ad CRVCIS baiulationem adferendam: signi- ficasse id CHRISTVM, cum dixit: Si quis vult venire post me.</i>	54
CAP. IX. <i>Voluptati studentes CRVCEM fugere.</i>	63
CAP. X. <i>Honoris cupidos CRVCEM spernere.</i>	71.
CAP. XI.	

- CAP. XI.** *Peccatoribus maiorem à demone
imponi CRVCEM.* 81
- CAP. XII.** *Voluptuariis, auaris, ambitiosis,
& Aulicis suas non deesse CRVCES.* 88
- CAP. XIII.** *Coniugatorum CRVCES.* 95
- CAP. XIV.** *Abnegatio sui, optima ad CRV-
CEM ferendam preparatio.* 103
- CAP. XV.** *Baiulandi CRVCEM CHRISTVS
se formam exhibuit.* 114

LIBER SECVNDVS.

De optimâ CRVCEM ferendi
methodo.

- CAP. I.** *CRVX absque dilatione statim
tollenda.* 119
- CAP. II.** *Sua cuiq, ferenda CRVX, nulla
eligenda.* 127
- CAP. III.** *Non trahenda, sed ferenda CRVX;
spernenda quoque, qua ob illam ingeruntur
opprobria.* 137
- CAP. IV.** *Ostentatio in CRVCIS baiulatio-
ne vitanda.* 147
- CAP. V.** *Non precedendum, sed CHRI-
STVM cum CRVCE sequendum.* 155
- CAP. VI.** *Exemplo CHRISTI CRVX
ritè ferenda.* 163

XXXVj

- CAP. VII. *Depulsio querelæ de nimia CRV-*
CIS longitudine, aut pondere. 169
- CAP. VIII. *CRVX ferenda quotidie,*
abijcienda nunquam. 177
- CAP. IX. *In CRVCEM ferente, non ferenda*
inanis gloria. 187
- CAP. X. *Quâ intentione CRVX ferenda, &*
primò ad satisfaciendum pro peccatis, & vi-
tandas inferni pœnas. 195
- CAP. XI. *Spe mercedis CRVX toleran-*
da. 203
- CAP. XII. *CHRISTI amore CRVX*
ferenda. 211
- CAP. XIII. *In CRVCE orandum.* 219
- CAP. XIV. *Gaudendum in CRVCE.* 227
- CAP. XV. *In CRVCE, & pro ipsâ agenda*
gratia. 237
- CAP. XVI. *Potiùs in aduersitate quàm*
prosperitate referendas gratias : non Deo
tantum, sed & CRVCEM inferenti. 247
- CAP. XVII. *Vt in CRVCE gloriandû.* 257
- CAP. XVIII. *VIÆ CRVCIS finis, car-*
nis CRVCIFIXIO. 265
- CAP. XIX. *Vt mundus crucifigendus.* 273
- CAP. XX. *Cum Crucifixo simul crucifigi*
oportet. 279.

LIBER TERTIVS.

De baiulata CRVCIS fructibus.

P RÆLOQVIVM.	290
CAP. I. CRVX servat à lapsu, vincit tentationes.	295
CAP. II. CRVX emendat, & emundat à peccatis.	305
CAP. III. CRVX oculos mentémque ape- rit.	313
CAP. IV. CRVX anchora spei, tessera sa- lutis.	321
CAP. V. Ex CRVCE vinum spirituale.	327
CAP. VI. CRVCE homo fit templū Dei.	333
CAP. VII. CRVCI decreta corona.	343
CAP. VIII. Maiórne CRVCI & passio- nibus, quàm actionibus corona respōdeat.	350
CAP. IX. CRVX CHRISTO unit, & conformat.	359
CAP. X. Presidio CRVCIS mare sæculi transfretandum.	369
CAP. XI. Vehiculo CRVCIS caelestem adiri Ierusalem.	379
CAP. XII. CRVX scala, quā ascenditur in domum Dei.	389
CAP. XIII. CRVX regni calorum pandit portas.	397.

ARGVMENTVM

LIBRI PRIMI.

Vitam quæ faciant beatiorem,
Sophis quæstio ventilata priscis:
 Hic enim titulos, honoris vmbrae,
 Ille diuitias pecuniasque,
 Iste delicias, iocosque falsos,
 Et quid non ? animi beatitatem
 Dixit, ut sua cuique suggererat
 Seductrix facilis libido mentis.

Erratis sed enim perita turba,
 Erratis male, quotquot estis, omnes.
 Et tu, qui hendecasyllabis notasti
 Vitam quæ faciant beatiorem,
 Jucundissime Martialis, erras.
 Non tu, non alij, expedire nobis
 Hanc vnam potuere veritatem.

Una sed pote veritas IESVS,
 Doctor optimus, optimusque Ductor,
 Et VITAE VIA vera sempiternæ.
 Hunc ergo, hunc adeamus, hunc sequamur,
 Hunc quotquot sumus audiamus vnum.
 Vitam

Vitam quæ faciat beatiorē

CHRISTO Iudice, *Christiane*, CRVX est: II.

Dura CRVX, *gravis, aspera, & molesta*, III.

Tristis, difficilis, labore plena;

Certâ sed ratione, lege certâ, VII.

Certo pondere, lancibusque certis

Omnium moduloque, viribusque

Summo à Numine temperata amore.

Quid CRVCEM refugis superbe vilem? X.

Duram quid refugis voluptuose? IX.

Frustrâ, ne dubitetis, estis ambo.

Non patet fuga, nec tibi, nec illi.

Iter nam CRVCIS omnibus terendum, VI.

Pondus est CRVCIS omnibus ferendum.

Nec CRVCIS fuit ipse CHRISTVS IV.

expers,

CHRISTI nec Genitrix, nec hi, *superna* V.

Quos nunc indigetes recepit Aula.

Ergo quâ ratione, quove iure

Vobis eximiis licebit esse?

Omni, credite, destinata ab euo

Cunctis stat sua CRVX, manetq; cunctos;

Nec quisquam potis est, licet repugnet,

Declinare. Iugum fugisne CHRISTI?

Te

- XI. XII. Te CHRISTI, CRVCIS, & salutis hostis
 XIII. Confestim grauiore degrauiabit.
 XIV. An lubet magis abnegare temet,
 Et pedes Domini sequi libenter?
 XV. Iam iugum CRVCIS esse denegabis
 Asperum, graue, triste, permolestum:
 XVI. Nam CHRISTO duce, gratiâ iuuante,
 Senties leue pondus & suauē;
 XVII. Mortem quod faciat quietiorem,
 XVIII. Vitam quod tribuat beatiorem.



R E G I Æ
V I A E C R V C I S
L I B E R P R I M V S.

*Preambula ad viam CRVCIS
incundam.*

C A P V T P R I M V M.

Ingressus in sermonem.



A C R Y M A R V M illa spatiosa
vallis, quæ specioso Cosmopo-
litani Regni exornatur titulo,
vetus Adamidum sedes & ha-
bitatio fuit. In hac, Deo pater-
num vlciscente scelus, destinati prius quàm
nati, ærurnosam hæcenus vitam trahunt.
Postquam enim à diuinis legibus primus ille
generis huius parens sponte recessit, patriam
& dulce hospitium, in exilium; paradysum
voluptatis, in terram desertam, absynthio &
felle repletam, commutauit. Miseranda pro-
fectò, & omnium sæculorum luctu deplo-
randa

randa catastrophæ, quæ amœnissimum ver in hiemem, Zephyros in Aquilonem, rosas in spinas, lilia in zizania, serenitatem in procellam, libertatem in captiuitatem, ianuas cæli in portas conuertit inferorum. Hinc scilicet illæ lacrymæ, quibus omnium maxillæ & ora madent, quasi non pomum, sed allium Adamus olim momordisset.

Sed posteri primæuam illam, à quâ exciderant, felicitatem memoriâ identidem repetentes, vehementissimo studio illius, quâ liceret, resarcire iacturam conati sunt. Magnâ enim animi consensione, magnisque impendijs ædificauerunt sibi ciuitatem illam, quam vocauerunt THARSIS, quasi dicas, * GAUDIÏ EXPLORATIONEM. Quidquid enim hîc moliuntur, quidquid ardentissimo desideriorum impetu ambiunt, eò ferè spectat, vt fugitiuam postliminio reuocent voluptatem, & vmbra saltem amissorum bonorum suam quoquomodo solentur miseriam.

*Ita exponit Hieron. in cap. 23. Isaia.

Cuius hîc fuit PHILETES nomine, stirpe nobilis, & à fortunis copiosus: ternas ei vxor, iam pridem vitâ functa, reliquerat filias; quarum senior, quæ formæ venustate, animique solertiâ, ceteras faciliè anteibat, STAVROPHILA dicebatur, quòd festo CRVCIS lucem hanc primum aspexisset. Quæ huic ætate erat proxima, HILARIA; tertia

tertia natu minima, **HONORIA** à parentibus appellata est. Conueniebant rebus nomina : hæc enim honores, & magna nomina, illa voluptates mundi quæ delicias auidiffimè confectabatur. Non rarò autem tres hæc sorores laxandi animi gratiâ rus adibant patrum, atque ibi vno alteròve die moram trahabant. Venum iam appulerat tempus, quo incipit

Cælum nitescere, arbores frondescere,

Vites letifica pampinis pubescere,

Rami baccharum vbertate incurvescere,

Segetes largiri fruges, florere omnia,

Fontes scatere, herbis prata conuestirier.

Ania cùm resonant aëribus virgulta canoris, Virg. 2.

Parturit almus ager, zephyriq; tepetibus auris Georg.

Laxant arua sinus.

Cicero 1.
Tusc.

Temporis huius amœnitas, ei quæ accedens inuentæ **CRVCIS** festum, virgines has in villam velut inuitabat. Copiam benignior facit pater. Ecce autem in ipso itinere **Staurophilam** incescit cupidus visendi sacellum in proximâ siluâ salutiferæ **CRVCIS** sacrum. Hortari igitur germanas occœpit, religionis causâ comitari ne negligent. Illæ contra niti, & importunam dicere hanc pietatem; eundem potius, quod patris destinarentur voluntate. **Staurophila** tam nominis quàm solemnitatis memor, multis illas in suam per-

trahere nitebatur sententiam : minari etiam se patri delaturam , quod in re piâ , nec admodum difficili, tam præfractè seniori restitissent. Verùm frustra omnino fuit. Cœptum illæ vrgebant iter , & hoc illi dumtaxat permittebant, vt si ire prorsus decreuisset, sola, quò animus & deuotio ferebant, abiret : non ingratam eius fore absentiam , quæ pro recreatione intempestiuam hanc ingereret pietatem.

Recessit igitur moerens; & In prandio, vel circa, inquebat, vobis adero. Viarum autem non admodum gnara, dum densiorem ingreditur siluam, sacram ædem incauta pertransiit , quoque magis ad illam volebat accedere , eò recedebat longius. Varias itaque oberrans semitas , atque ex vnâ dilapsa in aliam, plures consumpsit horas. Sorores, longioris moræ, quàm precibus credebant impendi, pertæsa, cibum iam sumpserant. Interim huc illuc incerta vagabatur Staurophila , nec qui se anfractibus istis extricaret, videbat. Ingrauescentes paulatim tenebræ alteram moerori adijciebant causam. In lacrymas proinde soluta, Næ, inquit, infelix ego puella, quæ, dum CRVCEM veneratura accedo , magnam mihi ipsa inueni CRVCEM ! & quis tandem me his bonus Angelus educet locis ? domus apparet nulla, & quò deinceps

ceps pergam ignoro. Hic si mansero, belluis
fortè præda fiam, & , vt illæ absint , incom-
modè saltem quiescam , probeque complu-
ta. Ad cumulum enim malorum & hoc ac-
cedebat, quòd

—— athere toto

Virg. 9.

Turbidus imber aquâ , densissq; nigerrimus

Aen.

Austris

prorueret. Quid ageret ? Necessitati ceden-
dum fuit. Patulæ ergo sub tegmine fagi, fa-
me & mœrore confecta confedit : seque, vt
potuit, ad qualemcumque composuit quie-
tem. Animi mœror, & contracta defatiga-
tio non difficulter ei somnum conciliarunt.
Breuis tamen is fuit , quem & anxia formi-
do , & loci horror, idemtidem interrompe-
bant. Varia igitur animo versans , hæc quo-
que (diuino vt creditur instinctu) iniecta ei
cogitatio. Vt ipsa iam à facello aberrans, per
varios anfractus huc illuc discurrendo dis-
cessisset longiùs , ita animas minimè paucas,
dum à rectâ salutis deflectunt semitâ, mundi
hunc peruagari labyrinthum , in plurimos
sefe induere errores , à cælesti denique patriâ
æternùm excludi.

Voluebat hæc animo attentissimo , & eli-
quabatur sensim eorundem veritas in corde
eius. Quare de se iam magis quàm de exitu
filuæ sollicita, vnum id suspirabat, id vnum

agebat, vt VIAM inueniret VITÆ. Conuerſa proinde ad Dominum, altumque ingemiſcens, in hæc prorupit verba:

Dominator vitæ meæ, Deus meus, en ego ancilla tua, tot iam annis vitam hanc duxi; & quis ſcit, an benè? in communi hoc ſtadio, quod mortales omnes decurrimus, plurimos iam paſſus feci; at ignoro an ad ſalutem, an ad perditionem. Quid enim, ſi pro viâ veritatis, viam elegerim vanitatis? *Eſt namque VIA quæ videtur homini recta, & no- uiſſima eius ducunt ad mortem.* Erraui fortaſſis ſicut ouis quæ periit, vadens non quò eundum, ſed quò paſſim itur vel erratur. Et nunc ſcio Domine, quia non eſt hominis via eius: nec viri eſt vt ambulet, & dirigat grefſus ſuos. ſed, vt Sapiens ait, à Domino diriguntur grefſus viri. Quare vide, quæſo, ſi via iniquitatis in me eſt, & deduc me in VIA ÆTERNA. * *Notam fac mihi, Domine, VIAM, in quâ ambulem, quia ad te leuaui animam meam.*

Prou. 16, 25.
Pſal. 118, 176.
Ier. 10, 23.
Prou. 20, 24.
Pſal. 138, 24.
* Pſal. 142, 8.

Hæc, & plura his ſimilia, amariffimè lacrymans, dicebat, & turbida parturitione melioſis vitæ, exuebatur mundo mens eius, & flagrantibus votis affigebatur cælo.

CAPVT II.

CRUX certa ad cælum via: omnibus
perambulanda.

Hæc est via, ambulate in eâ. *Isaia 30, 21.*

Ardua floriferæ CRUX cingitur orbe coronæ: *Paulin.*
Hanc, age, si volup' est tollere, tolle CRUCEM. *Epist. 12.*



ON poterat tam calidas preces
non exaudire is, qui *prope est* *Psal. 144,*
omnibus inuocantibus eum in *18.*
veritate; & his præsertim, qui *Psal. 33,*
tribulato sunt corde. *Volens* *19.*

proinde consolari ancillam suam, pulcherri-
mâ iuuenis specie, multoque lumine coru-
scans, se illi visendum præbuit. Tam inopina-
tus formosissimi adolescentis aspectus pænè
stuporem Staurophilæ attulit, & vocem
prorsus interclusit. Sed benignissimus IESVS
blandè eam sic compellauit: Noli expau-
scere filia, ego sum æterna Sapientia, *initium* *Prou. 8, 22.*
viarum Domini. * Ego sum VIA, veritas, & * *Ioan. 14,*
vita. Et ad hoc nunc veni, vt desiderio tuo *6.*
faciam fatis. Complacuit enim deprecatio
tua, quæ ardenti emissa corde, velut virgula
fumi ascendit ante conspectum meum. Me-
lius sanè optare nihil poteras; *Hæc enim di-* *Ier. 6, 16.*

Hæc est via, ambulate in ea. Isa. 30. 21.



*Ardua florifera CRUX cingitur orbe coronæ:
Hanc, age, si volup est tollere, tolle CRUCEM*

cit Dominus: State super VIAS, & videte, & interrogate de semitis antiquis, quæ sit VIA BONA, & ambulate in eâ: & inuenietis refrigerium animabus vestris. Propterea & ego nunc ad vocem orationis tuæ inclinaui cælos, & descendi, vt docerem te VIAM SALVTIS quam exquirat anima tua.

Lætabatur admodum hæc audiens Staurophila, atque admirans dicebat: Domine, quid est homo quod memor es eius? Et vnde hoc mihi, vt veniat Dominus meus ad me? Quod ad te accesserim, inquebat Christus, non tua dignitas, sed mea fuit dignatio. Nam *deliciae meae esse cum filiis hominum.* Ad Prou. 8, 31 hæc Staurophila: Gratia tibi, benignissime IESU, quia respexisti humilitatem ancillæ tuæ, nec despexisti orationem pauperis. Sed, obsecro, fiat mihi nunc secundum verbum tuum, & doce ancillam tuam VIAM VERITATIS, & semitas iustitiæ.

Audi igitur filia, inquebat Christus, & inclina aurem tuam, vt intelligas verba vitæ æternæ. Postquam omnis caro corruperat viam suam, & à tramite iustitiæ deflexerat, descendi ego de cælo vt *initiare* vobis *VIAM NOVAM, & viuentem per velamen, id* Heb. 10, 20. *est, carnem meam.* Sicut enim caro viam cæli clauserat, & velut obstaculum sese opposuerat: ita per velamen carnis meæ, quâ ego

Ita exponit
Anselm. in
cap. 10.
ad Hebr.

propter vos homines, & propter vestram salutem obuelatus fui, NOVAM VOBIS VIAM dedicaui; quam ipse omnium primus intraui, ipse primus perambulauit, & fidelibus potestatem ambulandi per eam tribui.

Sed, inquiebat Staurophila, haud facile assequor quænam hæc noua viuensque VIA, quæ & intrantes viuere faciat, & perducatur ad vitam æternam. Via hæc, inquiebat Christus, vt verbo dicam, non est alia quam VIA CRVCIS. An non audisti in Euangelio: *Qui non accipit CRVCEM suam, & sequitur me, non est me dignus? Quam sententiam idcirco sæpius inculcaui, vt neminem omnino lateret, nemo se de ignorantia excusaret. Quare ne solis Apostolis aut Discipulis meis dictum videretur, putauit Euangelista clarè exprimendum, me omnes allocutum. ita enim habet:*

Luc. 9, 23. Dicebat autem ad omnes: Si quis vult post me venire, abneget semetipsum, & tollat CRVCEM suam quotidie, & sequatur me. Idipsum autem Marcus euidentius declarauit: postquam enim narrasset sermonem quem cum Discipulis de passione meâ habueram, subiecit: *Marc. 8, 34. Et conuocatâ turbâ cum discipulis suis, dixit eis: Si quis vult me sequi, denegat semetipsum, & tollat CRVCEM suam, & sequatur me.* Omnibus ergo, Staurophila, omnibus omnino hanc VIAM proposui. Hæc est enim

via

Bern. Ser. 1
in die Palmar.

*via vite, via glorie, via ciuitatis habitaculi, via regni. * Non est salus anima, nec spes eterne vite, nisi in CRUCE. Non est alia via ad vitam, & ad veram internam pacem, nisi VIA SANCTÆ CRVCIS. Ambula vbi vis, quare quodcumque volueris, & non inuenies altiorem VIAM supra, nec securiorem VIAM infra, nisi VIAM SANCTÆ CRVCIS. In CRUCE salus, in CRUCE vita, in CRUCE protectio ab hostibus; in CRUCE infusio supernæ suauitatis, in CRUCE robur mentis, in CRUCE gaudium spiritus, in CRUCE summa virtutis, in CRUCE perfectio sanctitatis.*

*Thomas
à Kemp.
lib. 2. de
Imit. Chri-
sti cap. 12.

Horrore quodam ad hunc sermonem percellebatur Staurophila, admirans nihil aliud quàm CRUCEM sibi denuntiari. Et durus, inquit, mi Domine, hic sermo, qui animum meum non leuiter discruciat. Nam & ipsum CRVCIS vocabulum pœna est. * Asperum enim est cum dicimus, CRUX: & ipsius verbi asperitas, cum doloris, quem CRUX efficit, asperitate concordat. Ideoque contremui ad verba labiorum tuorum. Quid hoc? respondebat Christus, adeone ad solam CRVCIS mentionem expauiisti? nimium delicata es, filia, cui solum CRVCIS nomen incutiat terrorem. Et vide num palam in nomen tuum pecces, Staurophila, quod non dubites CRVCIS significare amatricem. An ignoras, in hac la-

Chrysost.
Hom. de
Cruce &
Latrone.
*August.
lib. de Prin-
cip. Dia-
lect.

ory-

crymarum valle non esse gaudij & deliciarum tempus, sed laboris & afflictionis? Quis vmquam virtutis VIAM absque tribulatione & difficultate depinxit? An non ille cecinit:

Virgil. de
Litterâ Pi-
thag.

*Nam via virtutis dextrū petit ardua callem,
Difficilemq; aditum primum spectantibus of-
fert?*

Et alius:

Silius Ital.
lib. 15. de
Bello Pun.

*Ardua saxoso perducit semita cliuo,
Aspera principio (nec enim mihi fallere mos
est)*

*Prosequitur labor; adnitendum intrare vo-
lenti.*

Sed mittamus nunc hæc sæcularia. Tu sanè

Ioel 2, 23. non ignoras me datum à Deo Doctorem iu-
stitiæ, & magistrum veritatis, quem cælestis
Pater in monte Thabor hoc elogio decora-

Matt. 17, 5. uit: *Hic est Filius meus dilectus, in quo mihi
Ioan. 13, benè complacui; ipsum audite. Vos quoque
13. vocatis me, Magister & Domine, & benè dici-*

Coloss. 2, 3 *tis: sum etenim. Nam in me reconditi sunt
omnes thesauri sapientiæ & scientiæ Dei. Iam
verò in scholâ huius mundi, quid aliud do-
cui quàm VIAM CRVCIS? An non aperte
Luc. 14, 27 dixi: Qui non baiulat CRUCEM suam, & ve-
nit post me, non potest meus esse discipulus?*

IE SV præceptor bone, inquiebat Stauro-
phila, ignosce rudi etiamnum in scholâ tuâ
discipulæ: pænè oblita eram decantatæ toties
lectio-

lectionis. Non audiuisse, referebat Christus, sufficit; sed retinere audita, & in opus conferre oportet. Totum hoc vitæ spatium, à Deo tibi concessum, tempus studij est, quo doctrina CRVCIS ediscenda. A morte tempus est examinis: tum ego Magister & Iudex à singulis repetam præscriptam lectionem. Qui VIAM CRVCIS ignorauerit, reijciatur tamquam me indignus, nec scholæ meæ discipulus. Hoc enim signum CRVCIS erit in cælo cùm ad iudicandum venero.

*Hoc signum oues ab hædis in extremo examine segregabit. Hunc in electis characterem ego Iudex recognosciam, & propria mortis decoratos stigmatibus, mox ad æternæ vitæ præmia gratus remunerator inuitabo, dicens: Venite benedicti Patris mei, percipite regnum. * Tunc omnes serui CRVCIS, qui se mihi crucifixo conformauerunt in vitâ, accedent ad me Iudicem cum magnâ fiduciâ. Qui enim modò libenter audiunt & sequuntur verbum CRVCIS, tunc non timebunt ab auditione æternæ damnationis. Tu itaque si discipula mea es, angustam & asperam incede viam, nec ægrè feras, nec indigneris. Non enim potest citra CRVCEM, non potest citra tristitiam præsens vita transmitti. Noli igitur, mea Staurophila, subito pavore perterrita refugere VIAM SALVTIS, quæ non est nisi angusto initio incipienda. Processu*
verò

Pet. Damiani
Serm. 18.
de Inuent.
Crucis.
Matt. 25.
34.
* Thom. à Kemp. l. 2.
de Imitat.
Christi
cap. 12.

Chrysostr.
Hom. 66.
Tom. 5.
S. Bened. in
Prologo
Reg.

*verò conuersationis & fidei, dilatato corde, in-
enarrabili dilectionis dulcedine curritur via
mandatorum Dei.* His verbis perstricta Stau-
rophila, Propter verba, inquebat, labiorum
tuorum, Domine, deinceps custodiam vias
duras; fiducialiter ingrediar angustam CRV-
CIS VIAM; tu tantum sis Adiutor & Prote-
ctor, meus Domine. Confide filia, aiebat
Christus; non ego te deferam, neque dere-
linquam, qui sic insto præcepto, vt præcur-
ram exemplo. Non enim iuberem venire
post me, aut sequi me, nisi ipse præcederem,
& tecum forem in omni angustia, & tribu-
latione cordis.



CAPVT III.

*Quid CRVX, & quotuplex.*Multæ tribulationes iustorum. *Ps. 33. 20.**Non lignum, signumve, CRVCIS modò nomine dignum,**At animum quidquid discruciare potest.*

CQVIESCEBAT Staurophila
 sermoni quem dixerat IESVS :
 sed porrò etiam instrui volens ,
 Quia cœpi, inquiebat, loquar
 ad Dominum meum, cum sim
 cinis & puluis. Dic, obsecro, ancillæ tuæ:
Quid vult sibi hoc verbum, Tollat CRVCEM Chrysoft.
suam? An. ut lignum vnusquisque nostrum Hom. 1.
ferat? aut cum Christo crucifigatur in ligno? De adorac.
Quasi vna de stultis mulieribus, inquiebat Crucis
 Christus, locuta es, non intelligens Scriptu- Tom. 1. in
 ras. Nec enim CRVX Christiana solum li- fine.
 gni est patibulum, sed vita virtutisq; propo- Iob. 2. 10.
 situm. Tota vita Christiani hominis, si secun- August.
 dùm Euangelium viuat, CRVX est atque mar- Sermon. 3.
 tyrium. Fuerunt autem, Staurophila, similes de Sanct.
 tui districtissimi quidam monachorum, habentes quidem zelum Dei, sed non secundum scien-
 tiam; qui simpliciter intelligentes illud, Qui
 non

Cassian.
 Collat. 8.
 cap. 3.

Multæ tribulationes iustorum. Ps. 33, 20.



Non lignū, signūve, CRVCIS modò nomine dignū,
 Ast̃ animum quidquid diseruciare potest.

me exequi mea vota prohibes, alias vrbes oppidaque petam. Sensit interim cautus Præsul^o hominem minimè malum; imò sanctum arbitratus, Ego verò, inquit, nihil impedio quò minùs cœptum viuendi genus prosequare. Accedas etiam ad meam quotidie licet mensam, vt commodiùs pietatis studiis vacare possis. Grata fuit hæc Nicolao pij Pontificis clementia, sed intra paucos dies febriens, citato comitatu suo, pueris inquam frequentibus, CRVCEM suam velut amplissimum patrimonium quasi testamento tradidit, omnibusque benè precatus, ad caelestem Imperatorem profectus est. Quàm verò mors eius fuerit pretiosa in conspectu Domini, crebra per eum beneficia mortalibus impetrata docuerunt. Hoc habuit bonus ille, de bonâ intentione præmium. Sed, vt dicere cœperam, dum CRVCEM ferre iubeo, non lignum, sed quidquid molestum est tolerare præcipio. CRVX enim à *cruciatu* Bernard.
dicitur, aut certè cruciatus à CRVCE. Serm. in
Tollere Vigilia
ergo CRVCEM, est ferre quidquid molestum S. Andræ.
est, ac cruciat. Tollere CRVCEM, est tolerare in mundo pro nomine meo, quidquid intulerit mundus. *Siquidem & animi ad mortem pro me subeundam alacritas, & membrorum quæ sunt super terram mortificatio, & illud quòd quis libenter se cuius impendenti pe-*

Basil.in
Reg. fus.
Interrog. 6.

*August.
Serm. 47.
de Diuers.

*riculo offerre pro meo nomine paratus sit, & nullâ de rebus vitæ huius affectione tangatur, hoc nimirum est tollere CRVCEM suam. * Siue ergo minas, siue blandimenta, siue quælibet prohibitiones, si sequi vis, in CRVCEM verte; tolera, porta, noli succumbere.*

Tacebat Staurophila, conferens in corde suo verba sapientissimi Magistri; cùm Dominus rursus, Et vis, inquiebat, ô filia, plenius cognoscere, quàm non vnica CRVX sit quam tollere iubeo? age semitam hanc, quæ ad dexteram est, mecum perambula, & ostendam tibi totum Staurophylacium Patris mei, capacem, inquam, CRVCIVM OFFICINAM, quas electis distribuit prout vult. Sequebatur illa promptissimè, & gestiebat CRVCIVM genera suis distributa classibus cernere. Ibant ergo pariter, cùm ventum tandem ad montem duplici colle distinctum, vndique CRVCIBVS, ceu proceris arboribus, consitum. Et Ecce, inquiebat Christus, hæc illa CRVCIVM supellex, in salutem humani generis destinata. Viden' supremum illum collem, vsitatis & propriè dictis CRVCIBVS exornatum? Et agnoscis, credo, primo loco meam illam CRVCEM, spineâ coronâ redimitam, lanceâ & spongiâ hinc inde cinctam. Principem enim locum obtinere debuit arbor illa nobilis, supra omnia ligna

gna cedrorum excelsior, in quâ ego, vita mundi, pependi, & mortem superavi. Agnosco, inquiebat Staurophila, instrumentum salutis publicæ, *trophæum contra potentiam diaboli, & principium condemnationis eius.* Sed dic, quæso, quænam altera illa CRVX, tuæ non admodum dissimilis, nisi quòd inuerfa? Hæc, inquiebat Christus, Apostoli mei Petri est, qui & ipse CRVCIS LIGNVM degustavit, sed *ad instar magistri in recto schemate crucifigi recusavit, rogans vt inuersis vestigijs figeretur, tamquam in celum viam à terrâ faciens.* Exspecto, inquiebat Staurophila, quæ reliquæ CRVCIVM species. Quid opus? inquiebat Christus. an non cernis decussatam illam? Hanc *Andreanam vulgò dicitis, validâ & satis veteri samâ, diuum istum in eâ cruciatum.* Iam hinc veterum furcam, inde Iaponum CRVCEM spectas: reliqua nota hodieque apud vos patibula.

Sed enim, inquiebat Staurophila, auct animus inferioris ordinis CRVCEs cognoscere: video enim varia illis adiungi symbola, quæ sine dubio mysteriis foeta sint. Illæ etiam, aiebat Christus, referunt varia cruciatuum genera, quibus aut corpus, aut animus hominis, aut vtrumque torquetur. Et quidem CRVX illa, cui cor gladio transfixum hæret, interiore CRVCEM significat, quæ mentem

S. Ignat.
Epist. ad
Philipp.

Chrysoft.
Orat. in
Pet. &
Paul.

Vide Lips.
lib. 1. de
Cruce. 7.

validè excruciat. Hæc CRVX beatissimæ
 Luc. 2, 35. Matris meæ, cuius animam (vt Simeon præ-
 Rom. 9, 2. dixerat) pertransiuit gladius. Hæc & Apo-
 stolus ille affligebatur, qui dicebat: *Tristitia*
mibi magna est, & continuus dolor cordi meo.
 Gregor. Hæc compassionis CRVX dici potest. *Qui*
 Hom. 37. *enim dolorem exhibet in alienâ necessitate,*
 in Euang. CRVCEM portat in mente. Ad hanc CRV-
 CEM sollicitudines, curæ, agrimonix, mœro-
 res, angores, scrupulorum aculei, animi de-
 iectio, desolatio spiritualis, tædia, aliaque his
 similia sine dubio pertinent. Grauis hæc pla-
 nè afflictio, vt testabatur ille qui clamabat:
 Pl. 87, 2. 4. *Domine Deus salutis meæ, in die clamaui, &*
nocte coram te: quia repleta est malis anima
mea, & vita mea inferno appropinquauit. Ita
 est, inquebat Staurophila, supremum enim
 malorum arbitratur animus, qui offensum
 sibi suspicatur misericordiarum Patrem, &
 Deum totius consolationis.

Sed pergat, quæso, Dominus meus alias ex
 ordine CRVCES explicare. Subiunxit ergo
 Dominus: Illa, quam vides gladiis, fustibus,
 catenis, laqueis, compedibus, virgis & flagel-
 lis decoratam, varia Martyrum meorum
 supplicia designat. Quanta enim passi sunt
 tormenta, vt securi peruenirent ad palmam
 Hebr. 11, 36. martyrij! nam *ludibria & verbera experti,*
insuper & vincula & carceres; lapidati sunt,
secti

secti sunt, tentati sunt, in occisione gladij mortui sunt: & quid non pertulerunt in mundo, quibus dignus non erat mundus?

Morborum CRUCEM non difficulter agnoscis, quæ non utilis modò, sed subinde etiam necessaria. Israëlita fani obliquiscebantur Dei; at ubi *multiplicatae sunt infirmitates eorū, postea accelerauerunt.* * Et cū Deus *occideret eos, reuertebantur, & diluculo veniebant ad eum.* Quam multis infirmitas corporis mentis præstitit sobrietatem! *In-* Psal. 15, 4.
* Pl. 77, 34.
firmitas enim grauis, sobriam facit animam. Eccli. 31, 2.

Quare morbum nihil aliud esse credas, quam Nazianz.
Epist. 70.
utilem quamdam institutionem: hoc est, ut & corporea omnia, & quidquid fluxū est & caducū asperneris, & totum te celesti parti addicas.

CRUX verò illa, cui lignea scutella & mendici adiungitur crepitaculum, paupertatis insigne est. Quis enim nesciat, hanc quoque virtutis instrumentum, si quis eo rectè norit uti? *diuitiarū acquisitio laboris, possessio* Bernard.
de Conuerf. ad Cleric.
cap. 12.
verò timoris, amissio plena doloris inuenitur: diuitiæ cū amantur, inquinant; cū habentur, onerant; cū minuuntur, cruciant.

Sed quid sibi, aiebat Staurophila, vult fetrum illud quod ab alterâ conspicio parte? Id afflictionem eam, respondebat Christus, designat, quæ ex parentum & consanguineorum contrahitur morte. Sustinenda &

hæc æquo animo ; quia etsi durum amittere charos, tolerabile tamen ; quia sustulit ille, qui dederat, bonus Deus. Et quantis profuit amicis carere, qui dum viuerent, à Deo auocabant ! Hæc audiens Staurophila, oculos in stulti cucullum conuertebat. Sciens autem Christus, quod eum vellet interrogare, Video, inquit, mirari te hoc stultitiæ schema, nec satis assequi quid illud sit. Grauis hæc, filia, CRUX est irrisio, contemptus, ac ludibriorum ; quâ veri patientes non horrent stulti audire propter me : nec quidquam est quod ita hominum mentem perturbet, quàm despectui haberi. Multi sanè cupiunt Deo *seruire, sed cum hominū laude & fauore*, & pleriq; humilitatem amant sine humiliatione, volentes eam *sine honoris mundani exercere iactura, & absque ullius exasperatione conuicti, patientiæ gratiam possidere*.

Sed quid hoc demum, aiebat Staurophila, quod video subsannantes digitos, & exspuentium ora ? Illud nimirum, respondebat Christus, non deesse seruis meis, quorum vitam mundus æstimat insaniam, contumelias, detractiones, probra, mendacia, iudicia temeraria, & alia huiusmodi, quorum vberima vbique seges ; tam derisoribus noxia, quàm verè patientibus vtilissima. *Hos enim eligit Deus, quos despicit mundus ; quia ple-*

Cassian.
Collat. 4.
cap. 12.

Gregor. in
Euang.

rum-

*rumque ipsa despectio hominem reuocat ad se-
ipsum.* Optimè ergo Apostolus meus mo-
nuit, Deo seruiendum per *gloriam, & igno-* 2. Cor. 6, 18.
*bilitatem; per infamiam, & bonam famam; vt
seductores, & veraces.* Fasciculus verò mul-
tarum CRVCIVM simul ligatarum, id deno-
tat, plures subinde afflictiones simul in vnum
incurrere hominem, Deo ad eius salutem
id permittente, atque etiam immittente.

CAPVT IV.

*Quodcumque CRVCIS genus Christum
tulisse.*



TVPEBAT non parum Stau-
rophila, audiens multiplices
CRVCES vni aliquando desti-
nari, &, Mi Domine, aiebat,
vel vnica ex commemoratis
CRVCIBVS satis profectò fuerit ad validum
hominem deiiciendum; ecquis ergo con-
geriem aliquam sustineat? Quid est quod
loqueris? reponebat Christus. numquid
confiderasti seruum meum Iob, quanta susti-
nuerit, & quot in eum simul irruerint CRV-
CES? Armenta enim primò sublata, liberi
deinde ruina domus oppressi, percussus ipse
vlcere pessimo vsque adeò, vt sedens in ster-

quilinio testâ faniem raderet: & ad malorum cumulum, propria etiam marito insultaret vxor. Amici, qui ad consolandum venerant, acerbis disceptationibus malû exasperabant. In his omnibus tamen infractus persistebat

Iob. 2, 10. sancti viri animus, vt diceret: *Si bona suscepimus de manu Dei, mala quare non suscipiamus?*

* Iob. 1, 21. * *Dominus dedit, Dominus abstulit: sicut Domino placuit, ita factum est: sit nomen Domini benedictum.* Magna, inquiebat Staurophila, hæc Iobi patientia; sed quis assimilabitur ei? Quis mihi mentem ita cõfirmabit, vt aduersus omnia aduersa inconcussa permaneat?

Cui Christus: Nulla melior ad patientiam monitio, & munitio, quàm aspicere

Heb. 12, 2. in me *auctorem fidei, & consummatorem IESVM.* Nam & hæc mihi patiendi causa fuit, vt ouibus meis præberem exemplum. Om-

Aug. lib. de Catechiz. rudib. nes enim CRVCES, *omnia terrena mala, quæ sustinenda præcepi, ego, Deus ipse, sustinui, ne in illis pimeretur infelicitas.* Si enim aduer-

tas, ô Staurophila, nullam hîc vidisti CRUCEM, quam ego non priûs tulerim. Itâne verò, aiebat illa, & tu Redemptor mi, omnes has CRVCES? Sic est, aiebat Christus, nec de primâ dubitas: neque enim nescis, quomodo prætorio exiuerim baiulans mihi CRUCEM, & factus fuerim Patri *obediens usque ad mortem, mortem autem CRVCIS.* Hoc

Phil. 2, 8.

om-

omnes viuâ fide credimus, aiebat Staurophila, sed de aliis non ita passim constat.

Proinde aduerte, inquiebat Christus, percurram reliquas, sed breuiter, & quasi in transitu. Defuitne mihi interior CRUX, cum in horto cœpi tædere, pauere, & mortuus esse, & dicerem: *Tristis est anima mea usque ad mortem.* Volui deinde ad consolationem seruorum meorum esse quasi derelictus & despectus à Deo. Ecquid enim animi credis tum mihi fuisse, cum flebili & intermoriturâ voce clamarem: *Deus meus, Deus meus, ut quid dereliquisti me?* Quanto dolore cordis tactus sum intrinsecus propter omnia & singula hominum omnium scelera, iam inde ab ipso mundi exordio perpetrata! hæc enim in me susceperam expianda; pro illis, agnus licet sine maculâ, & qui peccatum non feceram, reum ipse me constitueram, ut pro iis ad iustitiæ rigorem Patri satisfacerem, & quæ non rapui, exoluerem. Cernebam autem perspicuè, & in particulari, quanta in singulis diuinæ bonitati fieret iniuria, quanta contumelia, quantus contemptus. Cernebam quoque quantum malum sit æterna damnatio; quam totum genus Adæ sibi per peccatum accersuerat. Multò enim exactius & clariùs singula considerabam & ponderabam, quàm ullâ posset creatura. Vnde non dubi-

Matth. 26,
38.

Matth. 27.
46.

Leff. de
Perfect. di-
uin. lib. 12.
cap. 17.

1. Reg. 4.
18.

dubitaui quidam *affirmare*, hunc ipsum *dolorem sufficientissimum* fuisse ad *vitam mihi millies eripiendam*; si *vim suam in corpus exere*re fuisset *permis*sus. Si enim Heli captâ Arcâ retrorsum cecidit, & exspirauit; si & nurus eius dolore eiusdem cladis extincta est; quis dubitet, quin idem potuisset dolor, quem pro peccatis vestris assumpseram, cum ille longè fuerit maior, quàm ullus, qui in hominem possit cadere? atque hæc tristitia mihi fuit continua ab ipso initio conceptionis vsque ad finem vitæ.

O lætitia Angelorum! aiebat Staurophila, numquam credidissem, tantum interni te habuisse doloris, nisi me docuisses. Quare concupisco & reliquas tuas cognoscere CRVCES. Iam audiuiisses, aiebat Christus, nisi interrupisses. Pergo igitur de corporis afflictionibus, de quibus fortè non ambigis. An Matth. 26, non vinculis constrictus, huc illuc magno 27. furore per vias raptatus, impulsus & protrusus fui? an non colaphis me ceciderunt, & Pf. 37, 18. palmas in faciem dederunt? Denique *ego in flagella paratus fui*, & acutissimis spinis coronatus, arundine in capite percussus, & pluribus aliis CRVCIBVS inhumaniter exagitatus, & sic *dolor meus in conspectu meo semper*. De morborum CRVCE quid attinet dicere? cum non ignores ab Isaiâ me dici *virum dolo-*

dolorum, & scientem infirmitatem, qui vestros
lāguores verè tulerim. nec defuit mihi acerbā
potio: *recordare enim absynthij mei & fellis*, Thren. 3,
& quomodo *in siti meā potauerunt me aceto.* 19.
Pf. 68, 22.

Paupertatem verò amavi & exquisiui ab
utero matris meæ, *quoniam* propter vos ege- 2. Cor. 8, 9.
nus factus sum, cū essem dives, ut meā ino-
piā vos diuites essetis. Et attende, quæso, pau-
pertatem natiuitatis meæ, quale ego *fabrica-* Cyprian.
tor mundi elegerim hospitium; stabulum pro Sermon. de
domo, præsepium pro lecto; *panniculi pro* Natiuit.
purpurā, pro bysso in ornatu Regio lacinia con-
gerebantur; pedissequas substantia familiaris
non patiebatur, mancipiorum obsequia sumptus
tenuis & inops mensa excluderat. Denique
pauperes elegi discipulos, & tanta mea fuit
paupertas, ut neque cubile, neque domici-
lium quò reciperer, haberem. vnde non im-
meritò dicebam: *Vulpes foveas habent, &* Matth. 8,
volucres celi nidos; Filius autem hominis non 10.
habet ubi caput suum reclinet.

Compassus quoque fui hominum casibus
& necibus: hinc enim super perituram Ieru-
salem lacrymatus sum. Hinc, ut alios conso- Luc. 19, 41.
larer, mortuos excitavi; & cū Lazarus a-
micus defunctus esset, infremui spiritu, tur-
bauī meipsum, & lacrymatus sum, ut dice-
rent Iudæi: *Ecce quomodo amabat eum!* Ioan. 11,

Contumeliis denique & opprobriis satu- 33.

Bernardus
Serm. 20.
in Cant.

Matth. 11,
19.

Luc. 22, 64

Heb. 12, 3.

Luc. 23, 31

ratus fui. *In dictis enim meis sustinui contradictores, in factis observatores, in tormentis illutores, & in morte exprobratores.* An non potator vini, Publicanorū amicus, seductor, dæmonium habens, Samaritanus, blasphemus, & diuinitatis impius vsurpator, contumeliosissimè appellatus fui? Et quasi non sufficerent contumeliæ verborum, etiam factis ignominiosissimis mihi insultarunt, & æternam Dei sapientiam pro stulto & infano habuerunt. Velauerunt faciem meam ludentes, & illudentes mihi, & cū alapis me cæderent, dicebant: *Prophetiza nobis Christe, quis est qui te percussit?* Spreuit me cum exercitu suo Hefodes veste albâ indutum; instar vanissimi regni affectatoris spineo diademate me coronarunt: arundine, velut sceptro, & chlamyde coccineâ, ceu Regio paludamento per ludibrium me ornauerunt. Quæ nunc, ô Staurophila, superest CRVX, quam non expertus fuerim? atque hæc quidem passus sum propter te, vt & tu recogitans eum, *qui talem sustinuit à peccatoribus aduersus semetipsum contradictionem*, non fatigeris animo tuo deficiens, sed aspiciens in faciem Christi tui, eius exemplo commonita dicas: Si sic ille, quid ego? *Si in viridi ligno hæc facta, in me arido, & tantum non flammis deputato, quid fiet?*

C A.

CAPVT V.

*Beatissimæ Virginis exemplo CRUX
ferenda.*

Tuam ipsius animam pertransibit gladius. *Luc. 2, 35.*

Si CRVCIS haud expers sit Virgo criminis expers;

Noxia, quid dubitas subdere colla CRVCI?



ENETRABANT hæc, velut sagittæ acutæ, animum Staurophilæ, vt lacrymæ vbertim defluerent ex oculis; resumpto autem spiritu dixit: Gratias tibi ago, ô sponse sanguinum, quia in vitâ tuâ exhibuisti mihi formam cuiuscumque CRVCIS ferendæ. Et quis mihi det, vt per semitam patientiæ & humilitatis incedens, per Christum ad Christum meum tendam. In quo itinere etsi nec æstus desit laboris, nec nubes tristitiæ, nec procella formidinis, nec insidiæ iniquorum, nec minæ potentium, nec contumeliæ superborum, confido tamen quòd tuo adiutorio hæc omnia percurram; non ignara, non tam optandum declinando ista effugere, quam

Leo Serm.
16. de Passion.
sione.

Tuam ipsius animam pertransibit gladius. *Luc. 2.*



*Si CRVCIS haud expers sit VIRGO criminis expers;
Noxia, quid dubitas subdere colla CRVCI?*

quàm tolerando superare. Atque hoc nunc est desiderium & votum cordis mei.

Benè habet, inquit Christus, quòd grata sis instructori tuo : nam beneficia potiora meretur, qui pro acceptis non fuerit ingratus. Alterum proinde stimulum ad CRVCIS onus suscipiendum adiungam. Sed id priùs velim mihi dicas, quid nuper tibi acciderit, cum nouam coëmeres tunicam? Subridebat hîc Staurophila, & Cur illud, inquit, Domine requiris? aut quid ad rem facit? Nimirum, aiebat Christus, intelliges postea, hoc tuæ seruire eruditioni. Nihil igitur cunctata, Tergiuersabar, inquit, cum mercatore de pretio, quod ille (vt mihi quidem videbatur) enormius efflagitabat, ac multis vltro citroque habitis sermonibus, tandem subijciebat: Ecce vno aut altero abhinc vico mater mea habitat, quæ eundem panum non minoris emit. Adi eam, & audi, num ita se res habeat, & videbis me iniquum non exigere.

Satis hoc, inquit Christus, hinc iam docebo, quàm æquum sit, pro Regno Dei, & salute tuâ CRVCEM ferre. Venale habet Pater meus Regnum cæleste, & aliud non querit pretium quàm te ipsum: tantum scilicet valet, quantum es: te da, & habebis illud. Sed da te CRVCEM baiulantem, da te me se-

Beda Ser-
mone 18.
de Sanctis
ex August.

LUC. 24,
26.

Damasc.
Orat. 2. de
Dormit.
B. Mariæ.

quentem, da te vitam in CRVCE consummantem? Quid turbaris de pretio? nonne & me oportuit pari, & sic intrare in gloriam meam? Iam vide, quælo, an non eodem pretio immaculata Mater mea, quæ nullis terrenis inquinata fuit affectibus, sed caelestibus educata cogitationibus, cùm esset animatum celum, caelestia emerit tabernacula.

Quòd si à CRVCE quispiam immunis ad æternam admitteretur beatitudinem, an nō putas id Genitrici meæ, eidemque sanctissimæ, indulgendum fuisse? sed stat, æternum-
A&T. 14, 21. quæ stabit æterni Patris decretum, *Per multas tribulationes oportet intrare in regnum Dei.*

Volupe tamen erit, aiebat Staurophila, audire has B. Virginis CRVCES & dolores, vt per eius exempla sequar Dominum Redemptorem. Recensebo ergo nonnullos, inquebat Christus, vt puri hominis, & infirmioris quidem sexus formam tibi proponam, ne diuinâ virtute Deum hominem aduersa superasse fortassis obijcias, atque vt hinc erga mœstissimam Matrem meam tibi crescat reuerentia & cultus. Gratius mihi, aiebat Staurophila, nihil posset accidere: iam pridem enim, quidquid ad cultum Virginis-Matris aliquo modo facit, maximo pietatis sensu me affecit.

Age igitur, inquiebat Christus, compingam tibi velut in myrrhæ quodam fasciculo Dolores & CRVCES, quibus discrucciata fuit. Quo enim dolore affectam credis, cum Regina cælorum, & Angelorum Dominæ locus non esset in diuersorio, sed in patulum quoddam stabulum tenera ac prægnans Virgo secedere coacta fuit? Quo sensu recens nati vagitus excepit? quàm intimè compassa est nuditati, frigori, inopiæ, & reliquis, quibus tum affligebar, infantia ærumnis? Et cum prænosceret omnes mihi postea infligendos cruciatus, an non credis, quoties me pannis inuoluit, quoties manus & pedes contrectauit, toties animum nouo dolore absorptum, quodd cogitaret, illas manus, illosque pedes duris aliquando clauis CRVCI affigendos? Quàm dirus doloris gladius penetrauit Virginis animam, cum cruentam Filij sui aspiceret circumcisionem! cum audiret Herodis decretum de occidendis paruulis, illudque deinde immaniter executioni dari! Quàm molestum ei fuit, intempestâ nocte solum vertere, difficillimo itinere in Ægyptum concedere, ibique septem ipsis annis cum barbaris hominibus, qui innumeris probris diuinum Numen laceſſebant, vitam transigere!

Luc. 2. 7.

Ex S. Briggittâ lib. 6.
Reuelat.
cap. 57.

Quid referam luctum, quem habuit, cum

triduo amissus hærebam in templo? Si enim
 Tob. 10, 4. Anna Tobiae mater, eò quòd die statuto mi-
 nimè reuerteretur filius, fleuit irremediabi-
 libus lacrymis; quos non planctus emisit il-
 la, quæ me non filium modò, sed Deum
 suum credidit amissum? Quis mœror occu-
 pavit, cùm consanguineum suum Ioannem
 Luc. 7, 28. Baptistam, quo maior inter natos mulierum
 non surrexit, audiuit in vincula coniectum,
 Matt. 11, 2. & capite multatum? Quàm acerbus ei fuit
 dilectissimi sponsi Ioseph interitus!

Magna profectò, inquiebat Staurophila,
 magna hæc sunt, quæ Virginem-Matrem
 grauissimè affecerint; & vix ipsa credideram
 tot eam CRVCIBVS, ante Domini mei pas-
 sionem, adobrutam. Præludia hæc fuere, in-
 quiebat Christus, & initia dolorum, qui
 deinceps velut agmine facto in eam irrue-
 runt. Neque enim ignara fuit eorum quæ
 mihi passionis tempore acciderunt, quæ & à
 Prophetis legerat prædicta, & magno dolo-
 ris sensu animo eius semper obuersabantur.

Quid illam animi habuisse dixeris, cùm
 nuntium illi adferretur, me, solatium cordis
 sui, captum velut latronem per plateas fre-
 quentissimæ ciuitatis circumduci, raptari,
 trahi, de vno Iudice ad alium indignè able-
 gari! Quam CRVCEM ei intulere alapæ ma-
 xillis meis crudeliter impactæ? flagella, co-
 rona

rona spinea, arundo, & ipsa CRUX, quam fauciis ac cruentis humeris, miserando sanè spectaculo deportabā. Sed præ his omnibus, tū vel maximè doloris gladius animam eius pertransiuit, cū staret iuxta CRUCEM, & ea quæ circa me fiebant, contempleretur.

*Cū me vidit suum natum
Morientem, desolatum,
Emittentem spiritum.*

Non se poterat vltà continere Staurophila, sed in lacrymas effusa, subiunxit;

*O quàm tristis & afflictā
Fuit illa benedictā
Mater Vnigeniti!*

*Quis est homo qui non fletet,
Mātam matrem si videret
In tanto supplicio?*

Pergebat verò Christus: Tunc, ô Staurophila, (iuxta Ieremiam) *angustia & dolores* Ierem. 49,
*tenuerunt eam quasi parturientem: * nam do-* 24.
lores partus, quos effugit parturiens, sustinuit *Damaſc.
ex maternā compāssione viscerum me repartu- de Fid.
riens lacerum. Orthod.
Omitto quòd è CRUCE de- lib. 4. c. 15.
positum gremio exceperit, omnia vulnera explorauerit, & magnā animi mœstitiā vltimæ interfuerit sepulturæ. O Domine, in-
quiebat Staurophila, quis mihi det penitiùs expendere & appendere singulos dolores mœstissimæ Matris tuæ!

4. Efd. 4.5

Pondera mihi, dicebat Christus, si vales, *pondus ignis*. Rimare, si potes, feruentissimum illud amoris incendium, quo cor eius erga me continuè æstuauit, & tum doloris magnitudinem vtrumque cognosces. Agnosce Matrem, agnosce Filium, & hunc vnigenitum, illum *desideratum cunctis gentibus*, * *Speciosum formâ præ filijs hominum*, denique ipsum Deum ac creatorem vniuersorum. Quantam verò ex tanto amoris fomite surrexisse credis flammam? *Tantum enim necesse est urat dolor, quantum hæserit amor.*

Agg. 2.8.

* Pl. 44.3.

August.
lib. 2. r. de
Ciu. Dei
cap. 26.

Bernard. de
Lament.
Virg.

Vnde credo plenè enarrari non posse dolo-rem Virginis: sed hoc dicendum, *tantum fuisse, quantum vniquam dolere potuit de tali filio talis mater.*

Hæc porrò eò adducta sunt, filia, vt clarissimè videas, ne Matrem quidem meâ CRVCIS fuisse exortem: ac proinde nec te nec vllum omnino à CRVCIS consortio excipiendum. Optimè id intelligebat Aposto-

1. Theff. 3,
3.

Saluian.
contra
Gent.

lus, qui dicebat: Nemo in tribulatione moueatur, ipsi enim scimus quòd in hoc positi sumus. An ergo mirum, si CRVCES & calamitates in hoc sæculo perpetuò ferendæ, cùm ad toleranda vniuersa militetis. Et sanè Christianus quodammodò esse desinit, qui, in hoc positus vt perferat, nihil perfert.

CAPVT VI.

Cur CRVCES necessariae.

VCCREVERAT iam aliquò vsq;
 Staurophilæ animus ad CRV-
 CEM suscipiendam, quam vide-
 bat & Christum & Christi ma-
 trem patientissimè tulisse, se ve-
 rò, quiduis demum ageret, nullo modo posse
 effugere: *sed* mirabatur enim, quid causæ
 esset, *quòd à Christianâ vitâ insolubile vin-*
culum esset tribulatio. Et, Ne indignetur, in-
 quiebat, Dominus meus, si pergam propo-
 nere quæ animo occurrunt meo. Quid, pre-
 cor, illud est, quòd electos tuos excruciarì
 velis, & neminem sine CRVCE ad Regnum
 Patris tui admittas?

Chrysost.
 Hom. 66.
 ad Pop.

Respondit Christus: Sufficere deberet, fi-
 lia, quoniam sic placitum est Patri meo, nec
 vllas eius rei exquirere causas, quando opti-
 mè nosti, id æquissimum, quod diuinæ pla-
 citum fuerit voluntati. Non detrectabo ta-
 men nodum hunc, quem proponis, soluere:
 quando & hoc ad imbecillem animum cor-
 roborandum non parum faciat. Huius rei
 gratiâ, subijciebat Staurophila, id vel maxi-
 mè requirebam: neque enim vllum mihi

erat dubium, quin optimis niteretur rationibus, quod ab optimo Deo aut fieret, aut fieri permetteretur.

Greg. l. 23.
Moral.
cap. 15.

Audi igitur, aiebat Christus: *Pio Dei consilio agitur, ut huius peregrinationis tempore electorum vita turbetur. VIA est vita præsens, quâ ad patriam tenditur, & idcirco hîc occulto iudicio frequenti perturbatione homines conteruntur, ne VIAM pro patriâ diligant. Hinc mundi iter asperum, ne dum quisque præsens vite requie quasi amœnitate VIÆ pascitur, magis eum diu pergere, quàm citius peruenire delectet: ne dum oblectatur in VIA, obliuiscatur quod desiderabat in patriâ.*

August. in
Psalm. 43.

Felle proinde miscenda erant omnia, ne mel mundi pro summis deliciis haberetur: *nam si semper Deus in istis prosperitatibus faueret, ut omnia abundarent, nullamq; in tempore isto mortalitatis tribulationem, nullas pressuras angustiasq; pateremini, non diceretis, nisi ista, esse summa bona, quæ præstat Deus seruus suis, & maiora ab illo non desideraretis. Idcirco autem huic vite male-dulci miscet amaritudines tribulationum, ut alia, quæ salubriter dulcis est, requiratur. O infelicitas generis humani! Amarus est mundus, & diligitur: putas si dulcis esset, qualiter amaretur? Turbatur mundus, & amatur mundus; quid si tranquillus esset mundus? * Formoso quomodo hares,*

August.
Serm. III.
de Temp.

*Idem
Serm. 246.
de Temp.

res,

res, qui sic amplecteris fœdum? flores eius quomodo colligeres, qui à spinis non renocas manum?

Profectò, inquiebat Staurophila, non utilis modò, sed etiam necessaria, vt video, CRUX atque tribulatio; alioqui insensati homines relinquerent cælum cæli Domino, terram verò terrigenis, & filiis optarent hominum. Sed vlteriùs, subiiciebat Christus, expendere oportet, *habere bonum Deum bona malaq; distribuenda singulis, & alternatim secundas res, aduersasq; dissipari, easq; ita digerere, vt, utralibet in hac vitâ contigerint, altera in futurâ sint expectanda.* Id scilicet volebat Pater Abraham, cùm Epuloni ita loqueretur: *Fili, recordare quia recepisti bona in vitâ tuâ, & Lazarus similiter mala; nunc autem hic consolatur, tu verò cruciaris.*

Salian. l. 2.
De Timore Dei,
cap. 33.

Luc. 16, 25.

O quàm verè terribilis Deus in consilijs su-
per filios hominum! Quis enim non timeat exemplo diuitis huius, quem delicia vitæ igni tradiderunt. Non enim ob iniustitiam, sed propter mollem & delicatam vitam reprehensus, in flammâ fornacis torrebatur. Prosperitas ergo apud Deum crimini est, supplicioque obnoxia; & CRUCE caruisse, perpetuum meretur cruciatum. An non dixi in Euangelio: *Væ vobis diuitibus, quia habetis consolationem vestram! Væ vobis qui saturati estis, quia esuri-
etis!*

Psal. 65, 5.

Basil. Homil. 1. de Ieiun.

Luc. 6, 24.

rietis ! Væ vobis qui ridetis nunc, quia lugebitis & flebitis !

Stupebat supra modum Staurophila, &, Nisi optimè nobis constaret, aiebat, sapientissimè omnia à diuinâ prouidentiâ ordinari, nescio quâ humana mens hoc Dei iudicium capere posset. Quid ita ? inquiebat Christus, nōne & Ethnici id cognouerunt ?

Salian. vbi
sup.

Quò enim spectant gemina illa Iouis apud Homerum dolia, quorum alterum bonis commodisve huius vitæ refertum sit, damnis & calamitatibus alterum, quæ ille alternatim hominibus dispertiat ? Socrates quoque dicebat, dolorem & voluptatem inter se ita esse composita, vt sese mutuò sequerentur, vt in puteo vrceus inanis & plenus, vita & mors in viuētib; nox & dies in cælo. Dies præcursor est noctis, & nox prænuntia diei. Qui hîc situlam plenam recipit, postea habebit vacuam. Cui in hac vitâ iugiter fulsit dies, in alterâ æterna torquetur nocte. Ita est, mea Staurophila, nemo potest & hîc & illic frui quiete. Et quid tantum miraris Dei dispositionem ? Nōne in omnibus penè rebus humanis vix vlla existit lætitia, quam non tristitia præcesserit ? *Mulier cū parit, tristitiam habet, quia venit hora eius : cū autem pepererit puerum, iam non meminit pressuræ propter gaudium, quia natus est*

Ioan. 16,
21.

est homo in mundo. Amaritudo enim præcuntis doloris, commendat amplius gaudia secutura. Sic pretiosior sanitas est, quæ post languoris recuperatur incommodum. Agricola quoque de ubertate frugum latari non poterit, nisi prius terram multo labore confecerit, & tantò magis prosperitatis spem congerit, quantò se amplius desudasse cognouerit. Hoc nimirum est quod dici solet, Vbi vber ibi tuber; vbi mel ibi fel. &

Hieron.
Tom. 4. in
Epist. ad
Virg in
exil. miss.

Semper odoriferis proxima spina rosis.

Cumulatè, aiebat Staurophila, dubitationi meæ satisfactum. Alias proinde rationes, si quæ sint, libenter excipiam. Pergam igitur, subdebat Christus: *Tentat vos per CRUCES Deus, ut palàm fiat utrùm diligatis eum, an non in toto corde, & in totâ animâ vestrà. In igne enim probatur aurum & argentum, homines verò receptibiles in camino humiliationis. & numquam audisti, vasa figuli probat fornax, & homines iustos tentatio tribulationis.* Bonos in deliciis Deus non habet, expectitur, indurat, sibi illos præparat. *Eos autem, quibus indulgere videtur, quibus parcere, molles venturis malis seruat.* Non legisti de iustis vexatis, quid scriptum? *Quoniam Deus tentauit eos, & inuenit illos dignos se. Tamquam aurum in fornace probauit illos, & quasi holocausti hostiam accepit illos, & in tempore*

Deut. 13, 3

Eccli. 2, 5.

Eccli. 27, 6.

Seneca de
Prouident.

Sap. 1, 5.

erit

*erit respectus illorum. Vexati ergo, afflicti, & cruciati Deo digni sunt. contra, qui non accipit CRVCEM suam, & sequitur me, non est me dignus. Et * verè ille miser est, qui in afflictione constitutus nimium tristatur, & Deo non se dignum præbet.*

Math. 10.
38.

* Nicetas
Choniates.

Tob. 12,
13.

Chrysoft.
Hom. 1. ad
Pop. Antioch.

Verum, inquiebat Staurophila, quid opus probatione, cum Deus vniuscuiusque nouerit virtutem, etiam si nulla ingruat aduersitas? Non ita probat Deus, respondebat Christus, ut noua ei succedat notitia, sed ut aliis notam faciat iustorum tolerantiam, cui ipse materiam suggerit & occasionem. Ita Tobia dictum: *Quia placebas Deo, necesse fuit ut tentatio probaret te, & declararet, non Deo aut Tobia, sed aliis hominibus, quam excelso animo sustineret aduersa. Et nesciunt plerique quâ mente Sancti Deum colant, & non rarò propter præsentis vitæ felicitatem Deo seruire credunt, sed CRUX & tribulatio facile ostendit, quanto Deo adhæreant amore. Ita diabolus ob temporalia bona Deum à S. Iob coli opinatus est. Cum enim videret sanctissimum virum valde copiosum & opulentum, nihilq. haberet quod ei accusationis loco obijceret, ad hanc confugit calumniam: Numquid gratis te colit Iob? Circumuallasti interiora & exteriora eius: propter mercedem ille virtutem sequitur, tantâ fruens opulentiâ.*

Quid

Quid igitur fecit Dominus? volens demonstrare quod Sancti ipsum non colant propter mercedem, omnem substantiam abstulit, & paupertati tradidit, & in grauem morbum incidere permisit. Et quidem omnibus ille diuitijs circumfusus, quis esset, non multis manifestum erat, postquam verò ipsas velut vestimentum exutus, athleta abiecit, & ad pietatis certamina nudus intrauit: sic spoliatus spectatores omnes perculit, ita vt & ipse Angelorum Dominus super animi eius tolerantia vehementer acclamaret, & victori illi applauderet.

Cognosco nunc Domine, aiebat Staurophila, necessaria esse fortium exempla, tum vt eos, prout meriti, veneremur; tum vt ad eorum accendamus imitationem. Subiecit verò Christus: Sed & alteram audi rationem, magna & precipua virtus est patientia; carebit hac iustus, si nihil patiatur aduersi. Est enim patientia, malorum, quæ aut inferuntur, aut accidunt, cum æquanimirate perlatio. * Paternum Deus habet aduersus bonos viros animum, & illos fortius amat, & operibus, doloribus ac damnis exagitat, vt verum colligant robur. Non est arbor solida nec fortis, nisi inquam frequens ventus incurSAT; ipsa enim vexatione constringitur, & radices certius figit. Marcet sine aduersario virtus: tunc apparet

Lactant. de
Iustit. l. 5.
cap. 23.

* Seneca l.
de Prouid.

*paret quanta sit, quantumq; valeat polleatq;
cūm quid possit patientia ostendit.*

Prudent. in
Psychom.

*Nam vidua est virtus, quam non patientia
firmat.*

Fateor, inquiebat Staurophila, paternum
Dei erga nos animum: sed dura est super
nos manus eius. Quis enim vel à vitrico
continuas expectet vexationes, & non leues
calamitates? Matris, video, aiebat Christus,
requiris blanditias, & foueri sinu, contineri
vimbrâ, numquam contristari, numquam la-
borare, numquam affligi desideras. Num-
quam audisti,

Lucan. l. 9.

Gaudet patientia duris?

Apoc. 3, 19.

vel illud Patris misericordiarum, Ego quos
amo, arguo, & castigo? Hanc rationem in ele-

Senecal. de

Proident.

ctis suis Deus sequitur, quam in discipulis
praeceptores, qui plus laboris ab his exigunt, in
quibus certior spes est. Numquid tu inuisos esse
Lacedaemonijs liberos suos credis, quorum ex-
periuntur indolem, publicè verberibus admo-
tis? ipsi illos patres adhortantur, ut ictus fla-
gellorum fortiter perferant, & laceros ac se-
mianimes rogant, perseuerent vulnera praebe-
re vulneribus. Et verò monasteriorum Præfe-
cti, ut nouisse potes, vix admittunt, nisi durè
exercitatos. Narrat Climacus, fuisse mona-
sterij dispensatorem pudicum & modera-
tum, & mitem ut quis alius. In hunc mona-

Climac.
Grad. 4.
ante med.

sterij

sterij Pater inuectus est absque vllâ causâ,
iussitque de Ecclesiâ proijci: intempestiuè
sanè. Climachus cùm eum sciret eius cri-
minis, quod Pater obiecerat, infontem, seor-
sim Patri illi dispensatoris commendabat
innocentiam. Ad quem & ille sapientissimè.
Scio, inquit, Pater; sed sicut crudele est ex
ore famelici *infantis panem rapere*, ita & se-
ipsum & operarium *ledit*, qui animas suscipit
regendas, nisi illi coronas, quantas illum susti-
nere posse nouit, horis singulis providere sata-
gat, siue per contumelias, siue per ignominias,
siue per obiectiones, siue per ludibria. * Quod si
Cænobiarcha ritè, ac ordine facit, quando in-
fontes etiam contumelijs exercet; cur amplis-
simi monasterij Pater, orbis gubernator Deus,
qui Oceano & cælo velut muris clausum con-
tinet monasterium suum; cur hic, inquam, ma-
gnus Pater iniquè faciat, si filios suos fame,
morbis, egestate, iniurijs exercent? Denique,
ne diutius te traham; & ideò CRVCES à
Deo immittuntur vt coronæ & præmia vo-
bis augeantur. Quantum enim tribulatio-
nes intenduntur, tantum & retributiones
ampliantur. Imò & ampliùs. Non enim sunt
condigna passiones huius temporis ad futu-
ram gloriam que reuelabitur in vobis.

*Drexel in
Gymnas.
patient.
part. I. c. 2.

Rom. 8, 18.

Pondus et statera iudicia Dñi sunt. *Prou. 16, 11.*



*CRUX sua quemq, manet, certo quā pondere summus
Arbiter ex magno mittit amore Deus.*

CAPVT VII.

*Cuiusque viribus CRUCEM à Deo
contemperari.*

Pondus & statera iudicia Domini sunt.

Proverb. 16, 11.

CRUX sua quemque manet, certo quam ponde-
re summus

Arbiter ex magno mittit amore Deus.



RGVTARI hîc rursùm occœpit
Staurophila, & Cùm dispar, in-
quiebat, humanarum virium sit
robur, vt quod vni leue, aut non
admodum graue, alteri videat-
tur longè grauissimum, scire velim, quem-
admodum omnes CRUCI baiulandæ apti
esse queant. Multi enim sunt debiles, infir-
mi, & sibi ipsis graues: & quî, quæso, teneræ
virgines, pueri, & puellæ CRUCIS onus ge-
stabunt? Erras Staurophila, inquiebat Chri-
stus, & crasse admodum. Si enim credis
Deum esse sapientissimum, imò ipsam sa-
pientiam, quomodo CRUCEM imponat,
quæ ferentis excedat vires? An non legisti: 1. Corinth.
Fidelis est Deus, qui non patietur vos tentari
*suprà quàm potestis. * Si enim homines suis in-*

10, 13.
Ephraim
Tract de
Patient.

D

mentis

mentis non plus oneris imponant quàm ferre queant, multo minùs plus tentationum aut afflictionum imponet Deus, quàm ferre possint.

Francisc.
Labat. tit.
Tribul.

Nouit nauclerus certo pondere nauem saburrâ onerare, ne æquo leuior, ventorum tempestatibus transuersum eat; & tamen non ita prægrauat, vt demergatur in profundum: non secus Deus CRVCES & tentationes amicis suis immittit, ne leui flatu abripiantur, sed vt prosperè æternæ gloriæ portum attingant.

Fateor Domine, inquebat Staurophila, errorem meum, & insipienter locuta sum. Sed ne graue, quæso, sit, erudire inscitiam meam: *Beatus enim quem tu erudieris Domine.* Cui Christus: *Deus, qui iuxta sapiens est ac iustus, omnia in mensura, & numero, & pondere disposuit.* Nouit ille exactissimè

Pf. 93, 12.

Sap. 11, 21.

Horat. de
Arte Poët.

————— *quid ferre recusent*
Quid valeant humeri, —————

ideoque afflictiones & pœnas æquâ explorat mensurâ; ne CRVX iusto longior aut breuior alicui immittatur. Dinumerat ille quot huic, quot illi, & quâ serie CRVCES assignandæ: appendit præterea, velut in balance, ex vnâ parte cuiusque CRVCIS pondus, & patientis vires ex alterâ; atque ita vtraque attemperat, nihil vt ultra vires immittatur. An

Psal. 79, 6. *non Dauid ait: Cibabis nos pane lacrymarum,*

✠

& potum dabis nobis in lacrymis in mensurâ?

** Dat in mensurâ, non supra mensuram, ne sine moderatione mensuræ, pœna cumulo homines grauarentur, & sustinere non possent.*

** Ambros.
in Ps. 118.
Oñon. 20*

An non Deus olim decreuit, vt *pro mensurâ* peccati, sit *& plagarum modus*? Iam & de nu-

*Deut. 25, 2
Ibid.*

mero quàm sollicitus est, cum vetat quadragenarium excedi? Et quid est quod pauidi

filij hominum reformidetis? nam *& capilli*

Luc. 12, 7.

capitis vestri omnes numerati sunt, & ne vnus quidem de capite vestro peribit, nisi ex præ-

Luc. 12,

scripto Dei. In pondere quoque, spirituum

*18.
Prov. 16, 2.*

ponderator, CRVCES disponit, vt iusti ponderis rependat in cælo coronas. Id enim

*2. Corinth.
4, 17.*

quod in præsentis est momentaneum & leue tribulationis vestræ, supra modum in sublimitate æternum gloriæ pondus operatur in vobis.

Et erit aliquis, qui queri possit, grauius sibi onus imponi, quàm sustinere valeat? Homo id faciat, cui robur ferentis ignotum; aut si notum, crudelis erit, si fecerit. Non cadit hoc in Deum optimum & sapientissimum.

Equidem id credo, Domine, aiebat Staurophila; sed nescio quomodo semper querula caro submurmuret, & grauiora se, quàm reuerà possit, ferre existimet. Sapientia carnis, respondebat Christus, mors est, nec benè de bonitate Dei iudicat. Disce vel ab Agonothetis quid de Deo sentire debeas:

Origen.
de Princip.
lib. 3. c. 2.

nam sicut hi qui agonibus præsumunt, eos qui ad certamen veniunt, non utcumque, neque fortuito inter se sinunt inire certamina, sed diligenti examinatione, prout viderint corpora vel ætates, æquissimâ comparatione iungentes illum cum illo, ut pueros cum pueris, viros cum viris. Ita intelligendum est de Deo, quod homines, qui in hos humana vita descendunt agones, iustissimâ ratione dispenset, secundum rationem vniuscuiusque virtutis, quam ipse solus agnoscit; ut alius quidem pugnet aduersus carnem, tali & tanto tempore, alius verò non tanto: tum ut alius resistat aduersus inimicam potestatem hanc vel illam, alius aduersus duas vel tres simul. Non vno modo vasorum exploratur integritas: solidiora grauiore ictu, fragilia leuiore tanguntur. Artifex vitrum extremo vix digito tangit, argenteum scyphum malleo percutit, campanam verò prægrandi plectro, & quæ libras aliquot appendat, fortissimè pulsat, securus periculi, propter metalli soliditatem. Non secus Pater cælestis pro virium mensurâ CRVCES & tribulationes immittit. Vitreos & fragiles homunciones benignius habet, fortes verò & probatæ virtutis durius tractat. Nihil igitur metuendum, ne grauior alicui imponatur CRVX, cum à paternâ Dei manu omnes æquè descendant.

Domine, inquiebat Staurophila, quotiescumque vel ægrotos viso, vel cum afflictis loquor, antiqua hæc eorum, & quotidiana est querela, manum Dei grauem esse super eos, seque sustinere non posse. Homines, respondere Christus, loquuntur vt homines; sensuum iudicium sequuntur; ad Deum, sine quo permittente aut immittente nulla venit afflictio, oculos non attollunt. Nec cogitant à Patre eam venire, & sapientissimo, & benignissimo, & moderatissimo. An tu existimas hunc Patrem subito furore aut iracundiâ concitum neque videre, neque intelligere, neque attendere quem percutiat? quot, quamque graues, aut diuturnas CRUCES immittat? Non ita agit, in neminem furit, neminem suorum despicit; sed vniuscuiusque virtutem dispicit, cuiusque robur velut ad trutinam examinat & explorat. Vidit ille ab omni æternitate, has illasve corporis ærumnas, afflictiones, dolores, huic & illi profuturas, ideoque prudenter admodum decreuit, vt hoc aut illo anno, mense, die, aduersitas quædam contingeret, quæ animæ salutem promoueret. Noli igitur, filia mea, expauescere, noli durum vocare Patrem, qui per Prophetam suauissimè ita te consolatur: *Noli timere, quia redemi te, & vocavi te nomine tuo; meus es tu. Cum transferis per aquas,*

Isai. 43, 1.

tecum ero, & flumina non operient te. Cùm ambulaueris in igne, non comburêris, & flamma non ardebit in te. Quia ego Dominus Deus tuus sanctus Israël.

CAP V T VIII.

Voluntatem omnino firmam ad CRVCIS baiulationem adferendam: significasse id Christum, cùm dixit:

Si quis vult venire post me.

Matth. 16, 24.



Luc. 9, 13.

INIERAT Christus, cùm Staurophila ex benignitate Domini confidentior facta, nouam mouit quæstionem. Et quid est, inquit, ô Domine, quòd CRVCEM ferendam omnibus proponens, dixisti: *Si quis vult post me venire, abneget semetipsum, & tollat CRVCEM suam.* Cum CRVX adeò necessaria sit, nullâ vt arte, nullâ vt industriâ eam effugere liceat: velint igitur nolint homines, CRVX omnibus perferenda videtur.

Chrysoſt.
de Adorat.
Cruc. &
Hom. 56.
in Matth.

Ita quidem, respondebat Christus, sed nolui ego vllam necessitatem verbis meis adiungere, nec dicere, *Velitis nolitis, hoc vobis per-*
fe-

ferendum est, sed, si quis vult me sequi. Non vim affero, non cogo; sed sui quemque iudicij ac voluntatis Dominum facio, utrum CRUCEM suam mei amore velit ferre, ob eamque causam dico, si cui in animo est me sequi. Nam sicut qui vim facit, plerumque auertit; sic qui liberos audientes constituit, multò magis attrahit. potentior est oratio mitis, quàm violenta. Atque id expendas, Staurophila, me non tam ad CRUCES, afflictiones & onera, nec ad supplicia & pœnas (ut cogere mihi opus sit) quàm ad ineffabilia bona conuocare; quorum ea natura est, ut facile per seipsa vos inuitare possint. Magna enim sunt quæ retribuo, ac talia, ut ultro ac sponte homines ad ea concursuros dubitare non debeam. Non enim si quis aurum atque argentum proponeret, vim inferret; quantò igitur magis in celestibus bonis inferenda non est? Et certè si rerum ipsa natura non persuadet, & nisi sponte curras, nec accipere quidem digna eris.

Idem Homil. 56. in Math.

Nimirum propter hoc ipsum, inquebat Staurophila, arbitrata sum, neminem fore, qui, si rectè expenderet, CRUCIS detrectaret consortium. Qui enim sequitur te, non ambulat in tenebris, sed habebit lumen vite: & quid, quæso, quærunt homines, quod non inueniant in TE. Honores ambiunt & gloriam? Gloria magna est sequi Dominum.

Ioan. 8, 12.

Eccli. 2, 38.

Pl. 15, 11.

Quærunt voluptates? *delectationes in dextera tuâ vsque in finem.*

August.
Serm. 111.
de Temp.

Non omnes, respondebat Christus, capiunt verbum hoc: sunt enim (prô dolor!) sunt multi, quod *pestimum est*, qui *durissimum & amarissimum auaritiæ iugum cum multis laboribus volunt ferre*, & *dulce iugum meum*, & *onus leue dissimulant humeris suis imponere*: malunt cum multis peccatis sub sarcinâ graui succumbere, quàm iugum meum, quod eos potest in calum eleuare, suscipere. Fateor, aiebat Staurophila, ita agunt peccatores: sed tamen pietatis amantes, serui tui, prompto, vt arbitror, animo ad CRVCEM se accingunt.

Thomas
à Kemp.
lib. 2. de
Imitat.
Christi,
cap. 11.

Crede mihi filia, aiebat Christus, habeo ego nunc multos amatores regni caelestis, sed paucos baiulatores meæ CRVCIS. Multos habeo desideratores consolationis; sed paucos tribulationis. Omnes cupiunt mecum gaudere, pauci volunt pro me aliquid sustinere. Multi me sequuntur vsque ad fractionem panis, sed pauci ad bibendum calicem passionis. Multi miracula mea venerantur, pauci ignominiam CRVCIS sequuntur. O quàm pauci, Staurophila, post me ire volunt, cùm tamen ad me peruenire nemo sit qui nolit! Volunt omnes me frui, at non ita & imitari: conregnare cupiunt, sed non compati. Non curant querere, quem ta-

men

Bernard.
Serm. 21.
in Cant.

men desiderant inuenire, cupientes consequi, sed non sequi.

Et vnde, quæso, hoc mi Domine? aiebat Staurophila. Cui ille: Nimirum contingit passim, quod Sapiens ait: *Vult & non vult piger.* Quæris, quid hoc? *Imperare vult piger cum Christo, non subesse pro Christo: præmium amat, non prælium.* coronam desiderat sine certamine, sine sudore gloriam, sine CRUCE, sine tribulatione regnum cælorum.

Vnde autem, aiebat Staurophila, hæc voluntatis, quam experimur, in homine lucta? An fortè vnā habet voluntatem quæ velit, & alteram quæ nolit? Et vnde hoc monstrum? & quare istud partim velle, partim nolle? *Imperat animus vt moueatur manus; & tanta est facilitas, vt vix à seruitio discernatur imperium: & animus, animus est, manus autem corpus est. Imperat animus, vt velit animus, nec alter est, nec facit tamen. Vnde hoc monstrum? & quare istud? imperat, inquam, vt velit; qui non imperaret nisi vellet; & non fit quod imperat.* Non monstrum est hoc, ô Staurophila, respondebat Christus, *sed aegritudo animi; quia non totus assurgit, veritate subleuatus, consuetudine prægri- uatus. & ideo non ex toto vult, nec ex toto imperat.* Nam in tantum imperat, in quantum vult: & in tantum non fit quod imperat,

Prou. 13, 4.
Hieron. in
cap. 13.
Prouerb.

August.
l. 8. Con-
fess. c. 9.

Ibid. con-
sequ.

in quantum non vult. Sunt ergo velut due voluntates, quia vna earum tota non est; & hoc adest alteri, quod deest alteri. Ita quando-
Ibid. c. 10. *que cum aternitas delectat superius, & temporalis boni voluptas retentat inferius, eadem anima est, quæ non totâ voluntate illud aut hoc vult; & ideò discerpitur graui molestiâ, dum illud veritate proponit, hoc familiaritate non deponit. Sed & ipsa, Domine, aiebat Staurophila, hoc nonnumquam experior, quòd dum vel maximè & feriò aliquod volo bonum, nescio quàm leuiter vel omit- tam, vel in aliud differam tempus: adeò vt bono proposito perquam rarò effectus respondeat. Hæc, aiebat Christus, imbecillitas humanæ mentis, quæ omni vertumno mutabilior est. Hæc inconstantia voluntatis in bono, quòd vtcumque concupiscit, nec tamen generosè prosequitur. Simulachrum id dixerim potius, quàm veram voluntatem; tantum enim abest efficaciter vt velit, quòd velle in speciem se fingit, vt potius nolle dicenda sit. Vidistin' aliquando Herculem in ostijs depictum, clauâ instructum, quam in obuium quemque vtraque manu validissimè vibrare videtur, neminem tamen percutit, neminem vel leuiter tangit, etiamsi milies id velle videatur? Huic tepidi homines prorsus simillimi, semper voliturienses, verè*
num-

numquam volentes. *In imagine pertransit* Psal. 38, 7.
homo. Proficisci velle videtur, non profici-
 scitur: molitur ambulare, non plus ambulat
 quàm homo pictus. Hoc igitur primùm
 discite, Staurophila, in VIA CRVCIS primam
 curam hanc esse, vt magno animo, vt effica-
 ci voluntate velis venire post me. *Nam non* August.
solum ire, verùm etiam peruenire ad me, nihil l. 8. Con-
est aliud quàm velle ire; sed velle fortiter & fess. cap. 8.
integrè, non semisauiciam hac atque hac ver-
sare & iactare voluntatem, hac parte assurgen-
tem, cum aliâ parte cadente luctantem. Lau-
 dati sunt Israëlità, qui in totâ voluntate qua-
 sierunt Deum, & ided eum inuenerunt, qui-
 bus & Dominus præstitit requiem per cir-
 cuitum: hos sequere, hos imitare.

Mox Staurophila, *Concupiuit*, inquiebat, Ps. 118, 20.
anima mea desiderare viam iustificationum
 tuarum, REGIAM VIAM CRVCIS, viam salu-
 tis; sed quis dabit mihi vt velim validiùs, &
 vt quod volo, valeam? *Sine me*, aiebat Chri- Ioan. 15, 5.
 stus, *nihil potes facere*, & nequaquam per-
 uenies ad me, nisi gradiendo post me: & ne
 hoc quidem, nisi adiuta à me. Quid igitur
 opus, nisi vt traharis post me, & dicas, *Trahe* Cant. 1, 3.
me post te, in odorem unguentorum tuorum
curremus. Ita, quaeso, aiebat Staurophila, mi-
 hi contingat Domine; & qui dixisti, *Ego* Ioan. 12,
cùm exaltatus fuero à terrâ, omnia traham ad 2.

me-

Bernard.
Serm. 21.
in Cant.

meipsum ; me quoque trahe, trahe, inquam, me post te, vt conuersationis tuæ valeam vestigia sequi, vt possim emulari virtutem, normam tenere vitæ, & morum apprehendere disciplinam. Da mihi semper tuis inharere vestigijs, ac sequi te quocumque ieris : quoniam VIÆ tuæ, VIÆ pulchræ, & omnes semitæ tuæ pacificæ. Trahe quodammodo inuitam, vt facias voluntariam. Trahe torpentem, vt redas currentem. Trahe me, inquam, & curremus post te : non ego sola, sed & sorores adolescentulæ mecum : dabo enim operam vt & illas adducam, & vnâ mecum suauē CRVCIS subeant iugum.

Eia, inquebat Christus, quantum spei tibi est in sororibus tuis ? an non illæ proteruē resistiterunt tibi ? vt ne quidem ad cultum CRVCI adhibendum te comitari voluerint, hinc enim in auiâ hæc præcipitata es, & tu nunc eas adducas, vt CRVCI huic non vno die, aut altero, sed quotidie baiulandæ humeros supponant ? Staurophila, verbo dicam, non facient. Confidentia tamen mihi multa est, inquebat illa, quòd, auditis omnibus, quæ locutus est Dominus ad cor ancillæ suæ, facile in meam ituræ sint sententiam. I verò, aiebat Christus, periculum fac ; ego autem scio quòd neutiquam consentient ; Noui enim durissimam ceruicem earum :

earum: sed vade, adduc eas, crastinum interea expectabo diem, cum hac hora hic rursus adero, ut in VIA CRVCIS deinceps instruaris. Dicebat hæc Christus, cum subito Staurophila eum disparuisse vidit, & se non longè à suburbano constitutam.



Inimici CRVCIS Christi.

Philip. 3, 18.



Quid fugis hinc? animo placet haud peritura voluptas?
Nulla, vel huc ducet te CRVCIS vna VIA.

CAPVT IX.

Voluptati studentes CRVCEM fugere.

Inimici CRVCIS Christi. *Philipp. 3, 18.*

*Quid fugis hinc? animo placet haud peritura
voluptas?*

Nulla, vel huc ducet te CRVCIS vna VIA.



ISCRVCIABANTVR animo so-
rores, anxiae quidnam Stauro-
philae accidisset, quae integro
die & nocte iam abfuisset.
Vna, aberrasse, & per siluam
vagari suspicabatur: altera, quod sola reli-
cta esset, indignabundam domum repetiisse,
& querelam apud patrem fortè deponere
affirmabat. Hæc dum loquerentur, inopi-
natò ingressa est Staurophila, omnium sanè
admiratione & gaudio: vbi magnâ statim
contentione quæsitum, vbinam hæsisset hac-
tenus, quid actum, quomodo in villam re-
diisset. Illa, honesto nomine moram suam
excusans, & nescio quid prætexens, sorores
in partem seuocat, & prolixo sermone Chri-
sti apparitionem, suauissimum colloquium,
explicatam vitæ æternæ semitam exponit;
quanta denique gaudia, quot voluptates,
quos

quos honores illi consequantur qui VIAM illam sedulò perambulauerint : se proinde venisse, vt sorores tantæ felicitatis haberet focias. Illæ more suo se excusare, promissa illa dicere incerta, visionem, præstigias & illusiones vocare; tandem absolute recusare propositum iter suscipere: contra Staurophila precibus & obsecrationibus id agere, saltem in conspectum speciosissimi Iuuenis, & colloquium venire ne detrectent; habere illum verba vitæ æternæ, penetrantia vsque ad ipsam animam, quam non difficulter possit conuertere, & ex nolente facere volentem. Multis vtrò citroque habitis sermonibus, spondent tandem comitatum, siue vt curiositati indulgerent, siue vt Staurophilæ aliquousque gererent morem. Ad conditum igitur veniunt locum, vbi statim fulgentissimâ facie Christus adfuit, & compendio regni cælestis gaudia exposuit: verum ad ea non nisi per CRVCEM aiebat, patere aditum; proinde hortari se hanc breui tempore susciperent, quæ eis eam allatura esset voluptatem, quam *oculus non vidit, nec auris audiuit, nec in cor hominis ascendit*. Plura in hunc sensum dicebat, cum subito Hilaria: Et hoc scilicet est, quod non vanè suspicabar; nihil scilicet hic nisi terrica & tristitia me audituram: neque ego, bone Iuuenis, tam
 insi-

1. Corinth.
2.9.

insipiens fuerim, vt omnibus huius vitæ voluptatibus me exuam, propter nescio quam alterius & melioris vitæ expectationem, CRVCEM ego amaui numquam, nisi quæ in argenteis vel aureis fulget nummis, aut quæ aureorum aliquot millium quotannis adferat redditus. Tuam verò CRVCEM, longam illam & laboriosam, ego tenella haudquam suscepim.

Et, Nolis tu, filia, inquebat Christus, breui CRVCE redimere æternam? nolis labore non admodum longo regnum obtinere æternum? nolis pro animæ salute exiguum aliquem ferre dolorem? Quàm vulgatum est illud:

Vt corpus redimas, ferrum patiaris & ignes; Ouid. lib. 1.
Arida nec sitiens ora lauabis aquâ: De remed. amor.

Vt valeas animo, quidquam tolerare negabis?

At pretium pars hæc corpore maius habet.

Quidigitur?

Te totam vt salues, sit graue ferre CRVCEM?

Eheu, inquebat Hilaria, *durus est hic sermo, & quis poterit eum ferre?* At durius, inquebat Christus, audire, *Ite maledicti in ignem æternum.* Meliora spero, regerebat Hilaria, neque enim frustra in Deum credo, & Christianis initiata sum sacris. Ioan. 6, 61. Matth. 25, 41.

Nihil proderit, respondebat Christus, *mortua sine operibus fides.* & si Christiana es, Iac. 2, 20.

E

quid

August. in
Psal. 55.

quid Christi CRVCEM refugis? Nullus fer-
uus Christi sine tribulatione. *Si putas te non
habere persecutiones, nondum cœpisti esse Chri-
stiana.* Illa rursus: Dura res est dolor, CRVX,
cruciatus. Imò tu mollis es, regerebat Chri-
stus, quæ nihil ferre consueuisti. Cui illa:
Non ego sola, sed pauci admodum dolo-
rem ferre potuerunt. Et Christus: Esto ex
paucis; *multi enim vocati, pauci verò electi;*
16. & pusillus est grex, cui Pater cælestis regnum
dabit æternum. Repetebat Hilaria consue-
tam cantilenam:

Tibull. l. 3.
Eleg. 2.

*Non ego firma satis: non hac patientia nostro
Ingenio: frangit fortia corda dolor.*

Et quid possum? talem me, Domine, natura
formauit. Naturam, aiebat Christus, infa-
mare noli, illa fortes genuit. Vince natu-
ram, vt violenta cælum rapias. Et cur dicis te
non posse? dic potius, nolle. nam

Ouid. l. 2.
De remed.
amor.

Posse pati facile est, tibi ni patientia desit.

Omnia sanè potes in Deo, qui te confor-
tat. Et quàm multi pueri & puellæ, iuuenes
& virgines, senes cum iunioribus, relictis om-
nibus, CRVCEM acceperunt, & per varias
tribulationes intrauerunt in regnum cælo-
rum? *Tu verò non poteris, quod isti & ista?*
August. l. 8.
Confess.
cap. 11. *An isti & ista in semetipsis possunt, & non in
Domino Deo suo?*

Nescio, inquit Hilaria, quæ illis mens,
quæ

quæ fortitudo animi fuerit: mihi certum est omnibus modis CRUCEM fugere. vix enim vel hunc sermonem sustineo. Quid hoc est, inquit Christus, adeónē tibi exosa salus, vt VIAM eius abijcere statuas? tam horrida tibi CRUX, vt verbum eius te in fugam conijciat? Attende, quæso, quid Apostolus Andreas iam iam crucifigendus fecerit, quid dixerit, & quàm grata ei CRUX fuerit. *Videns enim paratam eminus CRUCEM, nequaquam, (vt exigere videtur mortalis infirmitas) facies eius expalluit, nequaquam sanguis eius gelatus est, non steteret comæ, aut vox faucibus hæsit, non contremuit corpus, nec mens turbata est, non recessit (vt assolet) intellectus: ex abundantia cordis os locutum est, & charitas, quæ feruebat in corde, quasi scintillas quasdam ardentissimas emittebat in voce. O CRUX, inquit, diu desiderata, & iam concupiscenti animo preparata, securus & gaudens venio ad te, ita & tu exultans suscipias me discipulum eius, qui pependit in te, quia amator tuus semper fui, & desideravi amplecti te.* Obsecro te, aiebat Hilaria, homo est qui loquitur hæc, an Angelus, aut noua aliqua creatura? Homo, inquit Christus, planè similis vobis passibilis: nam passibilem eum passio ipsa testatur, quâ appropinquante tam letabundus exultat. Vnde ergo, subdebat Hilaria, in homine noua hæc

Bernard.
Serm. 2. de
S. Andrea.

exultatio, & letitia hætenus inaudita? unde in tantâ fragilitate tanta constantia? unde in homine tam spiritualis mens, tam feruens charitas, animus tam robustus? Non à seipso, dicebat Christus, hæc inerat ei virtus, donum hoc perfectum erat, descendens à Patre lumen, ab eo utique qui facit mirabilia magna solus. Planè spiritus erat, qui adiuuabat infirmitatem eius, per quem diffundebatur in corde ipsius fortis charitas ut mors, imò & fortior morte. Spiritus enim Dei super mel dulcis, ita ut ne ipsa quidem dulcedini eius praualeat queat amarissima licet mortis amaritudo.

Iacob. 1,

17.

Pl. 135, 4.

Rom. 5, 5.

Eccli. 24,

27.

Ego verò, aiebat Hilaria, hoc spiritu destituta, quid mirum si molestam sentiam, & exosam habeam CRUCEM? Totâ sollicitudine, aiebat Christus, quæras hunc spiritum: nam qui querit, inuenit; & necesse prorsus est hoc spiritu ornari. Quicumque enim spiritum Christi non habet, hic non est eius. Non capio ego, subijciebat Hilaria, neque cupio hunc spiritum, qui ad dolores, CRUCES, & angustias quærendas impellit: expectant eum, & expectent quicumque velint; ego sanè lætitiæ nihil, lethi autem in eo inuenio plurimum. Nolo proinde quidquam de eo amplius audire. Dixit hæc, & simul se coniecit in pedes; cùm Christus ad Staurophilam: Ecce hoc est quod prædixeram: noui

noui enim quàm pauci sint qui contendant
 CRUCEM tollere, & intrare per angustam ^{Matth. 7,}
 portam. An non bonus ille adolescens, qui ^{13.}
 bono animo me accedebat, dicens: *Magister* ^{Matth. 19,}
*bone, quid boni faciam vt habeam vitam eter- ^{16.}
nam? cùm audisset, *Si vis perfectus esse, vade,*
vende quæ habes, & da pauperibus, & habebis
thesaurum in calo, & veni sequere me; abijt
tristis? Ita nimirum difficile est, diuites &
 voluptati studentes intrare in regnum cælo-
 rum. Quid ergo? inquiebat Staurophila,
 propter neglectam CRUCEM æternum dam-
 naretur soror, nec spes vlla esset salutis?
 Quid me interrogas? respondebat Christus;
 interroga Apostolum meum quid de illis
 sentiat. an non audiuiisti cum lacrymis di-
 centem: *Multi enim ambulant, quos sæpè di-* ^{Philipp.}
cebam vobis (nunc autem & flens dico) INIMI- ^{3, 18.}
 COS CRVCIS CHRISTI, *quorum finis interi-*
tus: quorum Deus venter est, & gloria in con-
fusione ipsorum, qui terrena sapiunt. Viden'
 verò cur inimici sint CRVCIS? quia nimirum
 voluptati indulgentes, ventrem Deum fa-
 ciunt, terrena sapiunt, neglecto cælo. Quid
 igitur hinc consequens, nisi vt finis eorum sit
 interitus, & perditio æterna? Sic nimirum
 qui creaturam sibi facit Deum, numquam
 fruetur Creatore, & vero Deo.*

Verbum CRVCIS pereuntibus stultitia
est.

1. Corinth. 1, 18.



CRVX humilis sapit haud altum sapientibus; illam
Ast auide, celum cui sapit, ille capit.

CAPVT X.

Honoris cupidos CRUCEM spernere.

Verbum CRVCIS pereuntibus stultitia est. *1. Corinth. I, 18.*

CRUX *humilis sapit haud altum sapientibus, illam*

Ast auide, celum cui sapit, ille capit.



TONITA ad hæc Staurophila, altum ingemiscebat; & ad alteram conuersa sororem, Ne, oro te Honoria, fugitiuâ hanc imiteris, quæ nõ tam se à CRUCE, quàm à IESV, & salute elongauit æternâ.

Age nunc ingenuitatem nobilitatis tuæ cogita, & generosè CRUCEM fuscipe, vt in æterna tabernacula, quò illa ducit, suscipiari.

At illa fastu tumens, Egone verò, inquit, infamem stipitem, seruile supplicium, arbo-rem fatalem, infelix illud lignum, ignobilem trabem, nobilis virgo in humeros sustollam?

Nomen ipsum CRVCIS (ait eloquentiæ parens) *absit non modò à corpore ciuium Romanorum, sed etiam à cogitatione, oculis, auribus. Harum enim omnium rerum non so-*

Cicero pro Rab.

Minutius
Felix in
Apologet.

*lum euentus atque perpeſſio, ſed etiam conditio,
exſpectatio, mentio denique indigna cine Ro-
manorum atque homine libero eſt. Vt quid er-
go CRVCIS lignum velut pretioſum monile
geſtabo, quæ non neſciam, Cæcilium CRV-
cis ligna feralia Octauio obieciſſe?*

Actas An-
drea.

*Quid eſt quod loqueris, ſoror? aiebat
Staurophila, aut quid fruſtrâ Gentilium al-
legas dicta? quaſi verò neſcias, CRVCIS li-
gnum decorem ex membris Domini ſuſcepiffe,
nec infamis ſtipes CRVX, aut fatalis arbor,
ſed inter omnes arbor vna nobilis,*

Venantius
Fortun. in
Hym.

*Arbor decora & fulgida,
Ornata Regis purpurâ,
Electa digno ſtipite
Tam ſancta membra tangere.*

*Quid infauſtam nominas arborem, quæ
vere*

*Beata, cuius brachijs
Pretium pependit ſæculi?*

Seneca
Epiſt. 121.
Liuius l. 4.
Sibylla
apud So-
zomen.
lib. 2. c. 1.
Venant.
Fortun.
in Hym.
1. Corinth.
1, 18.

*Infelix vocas lignum, cum Senecâ & Liuiio,
quod melius cum Sibyllâ diceres,
O lignum felix, in quo Deus ipſe pependit!
& cum Eccleſiâ:*

*Dulce lignum, dulces clauos,
Dulce pondus ſuſtinens.*

*Lignum CRVCIS contumelijs dignum vi-
ſum eſt inimicis, ijs autem qui ſalui ſunt, id
eſt, nobis, verbum CRVCIS Dei virtus eſt.*

Quid

Quid verò nobilitatem iactas? cùm summa ingenuitas ista sit (vt S. Agatha dixit) in quâ seruitus Christi comprobatur. Sancta illa nobilissimis orta natalibus, ab ignobili gaudens trahebatur ad carcerem, & exultans dicebat: *Ancilla Christi sum, ideò me ostendo seruilem habere personam. Multò enim præstantior est Christiana humilitas & seruitus, Regum opibus ac superbiâ.* Et verò tu nunc videris cui seruias, Christo an dæmoni, virtuti an peccato. *Qui enim facit peccatum, seruus est peccati.* Et quis est qui non peccet? *In multis sanè offendimus omnes.* Proinde vel hoc nomine CRUCEM refugere non oporteret. Nam fugitiui olim serui, aut aliàs flagitiosi, si commeritum supplicium illis condonaretur, in signum ignominie CRUCEM vestibis insertam aut depictam deferebant, vnde Cruciferi aut Cruciarij dicebantur. Cur ergo tu, quæ æternam non semel commerita es CRUCEM, non feras temporariam, si illa pro hac tibi condonetur?

Tu quidem Staurophila, inquiebat Honoria, importuna concionatrix es: sed mihi nō persuaseris. Tu, vt lubuerit, & Crucifera, & Cruciaria, & discipula CRUCIS esto; ego hanc infamiam numquam admisero. Dixit hæc, & petulantissimè simul insiliit in subiectam CRUCEM, probris illam & conuitiis

Breuiar.
Rom. in
cius Festo.

Ioan. 8, 34.
Iac. 3, 2.

Ita Daniel
Malonius
in Hist. de
Christi
stigmati-
bus Sindo-
ni impres-
sis c. 4. n. 5.

excipiens, & quod maxime indignum, etiam computans.

Leo Ser. 2.
de Resurr.

Philipp. 2.
5.

Leo Serm.
4. de Pass.

August.
Tract. 117.
in Ioan.

At Christus immemor iniuriæ, memor clementiæ, vtramque sic affatus est: *Si magnæ pietatis sacramentum intelligitis, & quod pro salute humani generis ego unigenitus Dei Filius gessi, aduertitis, hoc, quælo, sentite in vobis, quod & in me Christo Iesu, cuius humilitas nulli aspernanda diuitum, nulli est erubescenda nobilium. Nec enim in tantum prouehi potest qualibet felicitas humana fastigium, ut æstimet sibi pudendum, quod ego manens in formâ Dei Deus, non sum arbitratus indignum.* Et quid gloriaris de nobilitate, cum ego sim Rex Regum, & Dominus dominantium; qui tamen CRUCEM idcirco elegi, ut in eâ tota diabolice dominationis contereretur aduersitas, & de elatione superbiæ victrix humilitas triumpharet. Subieci humeros CRUCI, & coram toto mundo eam baiulaui, ut sequentibus me præberem exemplum. Quid enim? Grande profectò hoc fuit spectaculum! sed si spectet impietas, grande ignominia documentum; si pietas, grande fidei munimentum. Rursum, si spectet impietas, videt Regem pro virgâ regni, lignum sui portare supplicij: si pietas, videt Regem baiulantem lignum ad semetipsum figendum, quod si xurus fuerat in frontibus Regum; in eo spernendus oculis impiorum,

*piorum, in quo erant gloriatura corda sancto-
rum.* Cui ergo deinceps intolerabilis videbitur CRUX, quam Rex gloriæ non duxit sibi ingloriam? an non prorsus intolerabilis impudentiæ est, ut ubi sese exinaniuit maiestas, vermiculus infletur & intumescat?

Audiebant hæc quidem ambæ, dispari tamen euentu: Honoria enim his sermonibus exasperata, cum indignatione recessit; Staurophila verò intimè compuncta, nihil prætexere sciebat præter humanam infirmitatem, & apparens dedecus. Et quis, inquit, est Domine, qui illustri loco natus ludibrio se haberi patiatur? Quid? inquiebat Christus, an non audisti, ut Dauid ob pietatis cultum à Michol irrisus fecerit? & quid dixit ille?

Ludam, inquit, & vilior fiam plusquam factus sum, & ero humilis in oculis meis. Bonus hic, ô filia, ludus, quo Michol irascitur, & Deus delectatur. Bonus ludus, qui hominibus quidem ridiculum, sed Angelis pulcherrimum spectaculum præbet. Bonus, inquam, ludus, quo efficiuntur serui mei opprobrium abundantibus, & despectio superbis. Nam reuera quid aliud secularibus, quam ludere videntur, cum, quod ipsi appetunt in hoc seculo, illi contrà fugiunt; & quod ipsi fugiunt, illi appetunt?

Pulchrum hoc exemplum, inquiebat Staurophila, sed antiquum; & hodie plures inuenias,

2. Reg. 6.
22.
Bernard.
Epist. 87.

uenias, qui Michol ad viuum repræsentent, quàm qui Dauidem. Ita est, aiebat Christus, sed non defuerunt posterioribus etiam sæculis illustres personæ, contemptus sui illustrissima exhibentes testimonia: accipe vnum in Rege mirandum, & imitandum. Cùm in palatio iuxta Ecclesiam B. Petri Angelorum Rex Eduardus aliquando moraretur, superuenit quidam vir, Hibernicus genere, pedis vtriusque priuatus officio. Nerui enim in poplite contracti, ad posteriores corporis partes crura retorserant, tali natibus inhæserant, immerisq̃ue carnibus pedum articuli, à lumbis eius & deorsum corpus omne peruerterant: porrectis ad terram manibus, & scamnis suppositis repebat, & factus sibimetipsi grauis, trahebat se post se. Hic videns Regis cubicularium, ait ad eum: Hugoline, non me respicies, nec misereberis, nec mouebit te mea tanta calamitas? Et ille: Quid me vis facere? Cui pauper, Sexies, inquit, Apostolorum limina repens (vt cernis) visitaui, & sanitatem necdum promerui. Quam tamen mihi Apostolorum Princeps non negauit, sed distulit, socium in hoc miraculo habere volens Eduardum, quem sibi nouit in omnibus esse deuotum. Ab ipso enim Apostolo in mandatis accepi, Regem adire, vt me suo sacro subuectum dorso ad Ec-

13
Ealred. in
Vitâ sancti
Eduardi.

Ecclesiam eius, quæ palatio vicina est, perferat, recepturum, si id fecerit, membrorum integram sanitatem. Hæc ubi nuntiata sunt Regi, gratias agit Deo, & citatus mox æger accessit. Rex verò, ut spiritalis ille *asinus fortis, accubans inter terminos, supposuit humerum suum ad portandum.* Genes. 49. 14. Pendet de humero tanti Principis plenus sordibus pauper, squallidis manibus, brachijsque squamosis Regium illud pectus collumque complectitur. Interea ex assistentibus ridebant nonnulli, alij à paupere Regem delusum iocabantur; alij simplicitatem iusti, fatuitatem iudicabant. Cum itaque Rex paululum processisset, subito nervi extenduntur, rigantur ossa, carnes marcidæ recalescunt, emergunt à carne articuli, pedes à natibus soluuntur. Distendit homo crura, poplite iam flexibili, & sanie cum sanguine profluente, vestis Regia ornatur potius, quam fœdatur. Iam tunc satis esse clamant omnes, sanatum languidum, onus ac fordes ulcerum deponendum. Ille verò memor præcepti quod susceperat, Sirenarum cantus obturatâ aure pertransiit: ingressusque Ecclesiam, ante sanctum altare holocaustum, quod detulerat, Deo ac beato Petro resignat, incolumemque dimisit. Quid tibi videtur, Staurophila, de hoc Rege?

Lau-

Laudo, inquiebat illa, humilitatem & de-
missionis studium, scio tamen quòd sæculi
homines id stultitiam & insaniam reputa-
rent. Cui Christus: Ita esse, & Apostolus

1. Corinth.
1, 18.

vbi supra
v. 26.

1. Corinth.
4, 9.

Ibid. v. 10.

* Ambr. in

Psal. 118.

& Epist. 30

ad Sabin.

Tertul. in
Apolog.
c. 16.

meus indicauit: *Verbum enim CRVCIS per-
euntibus stultitia est. Sed quod stultum est Dei,
sapientius est hominibus; & ideo non multi sa-
pientes secundum carnem, non multi potentes,
non multi nobiles ad prædicandum CRV-
CIS mysterium electi sunt; sed quæ stulta sunt
mundi elegit Deus, ut confundat sapientes; &
ignobilia mundi, & contemptibilia elegit
Deus, ut confundat fortia. Noli igitur, Stau-
rophila, noli ob mundanorum subsannatio-
nes baiulationem detrectare CRVCIS: ma-
xima enim sapientia est, pro Deo stultum
velle reputari, & cum Apostolo dicere: Nos
stulti propter Christum. &: Spectaculum facti
sumus Deo, & Angelis, & hominibus. * Noluit
Moyse Rex esse, cum posset, sed opprobrium
Christi thesauris Aegypti arbitratus est præfe-
rendum: sed fugiendo potentiam, potentior
factus est. Et tu contemne quæ sæculi sunt, &
Dominica passionis opprobrium contende om-
nibus præferre diuitijs. Irrideant nunc viri
illusores Staurophoros meos, quos Gentiles
CRVCIS religiosos appellare soliti sunt: erit
aliquando tempus, cum sapientem hanc ve-
stram laudabunt insipientiam, & serò nimis
dam-*

damnabunt suam. Cùm enim in extremo iudicij die impij videbunt iustorum gloriam, turbabuntur timore horribili, & mirabuntur Sap. 5, 2. in subitatione insperata salutis, dicentes intra se, pœnitentiam agentes, & prae angustia spiritus gementes: Hi sunt, quos habuimus aliquando in derisum, & in similitudinem improperij. Nos insensati vitam illorum aestimabamus insaniam, & finem illorum sine honore; ecce quomodo computati sunt inter filios Dei, & inter sanctos fors illorum est.



Multa flagella peccatorum. *Psal. 31, 10.*



*Spreuerunt minimam, grauiorem adiguntur inique,
Quo magis exhorrent, hoc magis ferre CRVCEM.*

CAPVT XI.

Peccatoribus maiorem à damone imponi
CRUCEM.

Multa flagella peccatorum. *Psal.* 31, 10.

Spreuerunt minimam, grauiorem adiguntur
iniqua,
Quò magis exhorrent, hoc magè ferre CRV-
CEM.



ON poterat Staurophila non meminisse fugæ germanarum suarum, quæ oculis & animo ipsius continuò obuersabatur. quare ita Christum compellat: Vt fileam, Domine, de futurâ vitâ, auer tamen animus scire, num in hac saltem fugitiuæ illæ degent sine CRUCE. Idèd enim se subduxerunt, vt in delictis & honoribus sine cruciatu viuant.

Nequaquam, aiebat Christus, hîc immunes erunt: *nam qui me per CRUCEM sequi recusat, semper illum CRUX ipsa prosequetur.* Et *mortalis nemo est, quem non attingat dolor.* Quemadmodum enim mori omnibus contingit, ita & pati: & sicut mortuus quisque suum habet sepulchrum, sic viuens

F

suam

Pinell. l. 4.
De perfect.
Relig. c. 10.
*Euripid.
apud Ci-
cer. in Tus-
cul. 3.

fuam CRVCEM. Quando moritur, CRVX ante illum portatur: quando oritur, CRVX illi portanda imponitur. *Occupatio enim magna creata est omnibus hominibus, & iugum graue super filios Adam, à die exitus de ventre matris eorum, vsque in diem sepulturae, in matrem omnium. Noli errare, mea Staurophila, multa sunt & planè diuersa CRVCIS causae, & omnino nullus inueniri potest à tristitiâ & mœrore liber: Sicut enim nauigans non potest non cum varijs periculis conflictari; ita qui hanc vitam viuit, non potest non in tribulatione & CRVCE versari. Omnes enim, cuiuscumque sortis sint, varias CRVCIS causas habent, hic quidem ab uxore, hic à filio, alter à seruo, alter ab amico, alter ab inimico, ex vicino quidam, quidam ex fortunarum iacturâ.*

Chrysoft.
Hom. 67.
ad Antioch.

Et quis non causas mille doloris habet?
 Quid. l. 2. *Sed habent sæculi homines, inquit Stau-*
 De remed. *rophila, multas etiam delectationes, & pro-*
 amor. *prias sequuntur voluntates: ideoq; parum ponderant suas tribulationes & CRVCES. Cui*
 Thom. à Kemp. l. 3. *Christus: Esto, ita sit, & habeant quidquid*
 De imit. *voluerint: sed quam diu putas durabit? Ecce*
 Christi cap. 12. *quemadmodum fumus deficient abundantes in*
 Psal. 63, 3. *seculo, & nulla erit recordatio præteritorum*
gaudiorum. Sed & cùm adhuc viuunt, non sine amaritudine, & tædio ac timore in eis quiescunt. Ex eadem namque re, unde sibi dele-
tatio-

etationem concipiunt, inde doloris pœnam frequenter recipiunt. Iuste illis fit: ut, quia inordinate delectationes quarunt & sequuntur, non sine confusione & amaritudine eas expleant. * Iussit enim Deus, & sic est, ut pœna sua sibi sit inordinatus animus. Videre tamen est, aiebat Staurophila, Reges, Imperatores, Principes, & quibus supremum in alios ius, quorum voluntati nullus reluctari audeat, nihil aut admodum parum de CRUCE participant. Respondebat Christus: Nullo modo hi excipiuntur. Neque enim Rex procul à curis & CRUCE vitam agit, sed vitam vivit plenam multis tribulationibus & curis. Neque diadema respicias, sed curarum tempestatem, per quam ipsi corona paritur: neque purpuram intueri, sed animam ipsam purpuram magis nigrescentem. Non ita corona caput circumdat, sicut animam sollicitudo: nec satellitum ceteruam, sed molestiarum multitudinem spectat. Nec enim priuata domus tot curis plena reperiri potest, quot Regiæ sunt CRUCES per singulos dies expectandæ. Ut video, inquiebat Staurophila, & illis CRUCES non desunt, quibus deesse vel maximè putantur. Quid dicam, Staurophila? inquiebat Christus. Militia, & continua tentatio est vita hominis super terram: & tam abundantia quàm inopia solet esse materia peccati, cum vel diues

* August.
l. 1. Confess. c. 12.

Chrysof.
Hom. 66.
ad Pop.
Antioch.

Iob. 7, 1.

Prosper.

August.
1.10. Con-
fess. c. 28.

extollitur ad superbiam, vel pauper profilit ad querelam, & utrimque non leuis exoritur CRVX. Væ prosperitatibus sæculi semel & iterum, à timore aduersitatis, & à corruptione lætitie! Væ aduersitatibus sæculi, semel & iterum, & tertio, à desiderio prosperitatis! Et quia ipsa aduersitas dura est, & naufraga tolerantia, numquid non tentatio est vita humana super terram, sine ullo interstitio.

Sap. 5, 7.

*Matth.
11, 30.

Zachar. 5,

7.

Ierem. 16,

13.

*Hieron.

in cap. 16.

Ierem.

Fateor, Domine, aiebat Staurophila, in hac tentatione frequentes & graues esse lapsus. Sed peccatores hoc non CRUCEM arbitrantur, sed lætam & gratam admodum occupationem. Ita quidem nunc, aiebat Christus, sed aliter in alterâ vitâ iudicabunt. An non hæc impiorum vox: *Lassati sumus in viâ iniquitatis & perditionis, & ambulauimus vias difficiles: VIAM autem Domini ignorauimus?* **Iugum meum suaue est, & onus meum leue, quod qui tollunt, inueniunt requiem animabus suis. Sarcina autem peccatorum est velut talentum plumbi, quod sicut onus graue grauatur super eos. Deinde, seruiunt hi dijs alienis die ac nocte, qui non dant eis requiem. * Quidquid enim peccatur, quidquid malorum operum die ac nocte fit, imperium est demonum, qui numquam dant requiem, sed semper impellunt delictis augere delicta, & cumulum facere peccatorum.* Et vide mihi laborio-

riosam peccatorum defatigationem in fortissimo illo Samfone designatam. Ille enim blanditiis vxoris superatus, rasâ cæsarie traditur Allophylis, excæcatur, mittitur in carcerem, & vertendis molis velut asinus deputatur. Sic patiatur necesse est; quisquis Dalilæ, id est, carni suæ, nimum blandiens, illius se arbitrio committit. Hic enim spirituali robore ab eâ exspoliatur, & hostibus, mundo, carni, & diabolo, futurum mancipium traditur. Quid verò à crudelibus his dominis non patitur? lumine rationis orbat, & instar bestię molam torquere asinariam cogitur. *Considera huiusmodi vitam, & tota tibi species iumentis molentis occurret. Ut illud pannis oculos corporis, sic iste sordibus vitæ suæ, oculos mentis obsitus, per errores suorum sensuum, quasi circa ambages molarum, laboriosâ miser statione versatur. Stat in viâ peccatorum compeditus vinculis cupiditatum suarum, & ipse sibi carcer est, obsessus tenebris erroris sui, & conscientie squalore concretus: in semetipso pistrini ergastulum patitur; saxum cordis sui, pertinaciâ iniquitatis induratum, quasi molam versat; farinam hostibus suis de corruptâ anima sua fruge conficiens. O quantâ hoc pistrinum defatigationis præbet materiâ! quâm meritò per Prophetâ clamat Dominus: Quiescite agere peruersè!*

Iudic. 16, 16.

Paulin.
Epist. 4.
ad Seuer.

Isaia 1, 26.

Et verò quàm difficiles vias ambulant peccatores! *Via enim eorum tenebra & lubricum*, nesciunt vbi corruant. Et considera, quæso, quemadmodum in iis luto fœdentur intemperantes, lapidibus lædantur auari, arduitate lassentur ambitiosi, spinis cruententur iracundi, tenebris occæcentur inuidi, turbâ comprimantur adulatores, inæqualitate & confragositate retardentur acediosi.

Denique contritio & infelicitas in vjs eorum. Video planissimè, subdebat Staurophila, non vnam malos manere CRUCEM: sed tamen videntur quietè admodum & tranquillè vitam ducere, securi prorsus imminentium periculorum. Verè dixisti, respondebat Christus, videri eos tranquillam vitam ducere: videtur enim, non verè est. Torquet enim eos conscientia delictorum, nec vermis ille continuè rodens vllam eis concedit requiem. Magnum, aiebat Staurophila, tormentum inquieta conscientia, animum continuè flagellans & discrucians. Subdebat Christus: Ita est. *Inter omnes enim tribulationes humane anime, nulla maior est tribulatio, quàm conscientia delictorum.* Namque si ibi vulnus non sit, sanusq; sit intus hominis, quod conscientia vocatur, ubicumque alibi passus fuerit tribulationes, illic confugiat, & ibi inueniet Deum. Si autem ibi requies non est,

Psal. 34. 6.
Lorinus in
c. 5. Sap.
vers. 7.

Psal. 13. 3.

August. in
Psal. 45.

est, propter abundantiam iniquitatis, quoniam
 & ibi Deus non est; quid facturus est homo?
 quò confugiet, cum cœperit pati tribulationes?
 Fugiet ab agro ad civitatem, à publico ad do-
 mum, à domo in cubiculum: & sequetur tribu-
 latio. A cubiculo iam quò fugiat non habet,
 nisi interiùs ad cubile suum. Porro si ibi tumult-
 us est, si fumus iniquitatis, si flamma sceleris;
 non illuc potest confugere: pellitur enim inde;
 & cum inde pellitur, à seipso pellitur. Et ecce
 hostem suum inuenit quò confugerat, seipsum
 quò fugiturus est? Quocumque fugerit, se ta-
 lem trahit post se: & quocumque talem traxe-
 rit se, cruciat se. Et quis animorum hæc tor-
 menta æquo sustineat animo, quæ æterno-
 rum sunt veluti præambula? Nam ut Cru-
 ciarij, Romano ritu CRUCEM suam ferebant,
 ipsi ab eâ mox ferendi; sic impijs omnibus, con-
 scientiæ hanc CRUCEM Deus imposuit, in quâ
 pœnas luant, priusquam luant. I nunc, Stauro-
 phila, & felices puta, quibus opes, potentia,
 voluptates circumfusæ: verè enim non sunt,
 quamdiu carnifex ille animus quotidie eos
 minutis ictibus cruciat & pungit, ac lento il-
 lo passu ducit ad mortem æternam.

Lips. l. 2. de
 Constant.
 cap. 14.

CAPVT XII.

*Voluptuarijs, auaris, ambitiosis, & Aulicis
suas non deesse CRVCES.*



ISERA hæc CRVX peccatorum, inquiebat Staurophila; misere mei, misericors Domine, ne incidam in illam. Non peccatoribus dumtaxat, aiebat Christus, sed omnibus omnino suæ sunt CRVCES, *laborumq; exors nullus est, nec erit.* * *Inest enim singulis vitæ conditionibus, quod inexpertus ignoret, & expertus exhorreat.* Vis audire testem certissimum? Salomon Rex omnia huius vitæ commoda, delicias & voluptates expertus, hoc de illis tandem affirmavit: *Vidi cuncta quæ sunt sub sole, & ecce vniuersa vñitas, & afflictio spiritus.* In omnibus enim quædam insunt, quæ affligant & excrucient.

Satis id quidem paradoxum hominibus videbitur, aiebat Staurophila, & ne dissimulem, ægrè ipsa id assequor. quare pergat, quæso, Dominus meus ancillæ suæ hanc veritatem exponere. Animaduerte igitur, respondens Christus: *Omne quod est in mundo, concupiscentia carnis est, & concupiscentia*

Pindar.
Hym. 4.
* Boët. l. 2.
de Consol.
prosâ 4.

Eccle. 1,
14.

1 Ioan. 2,
16.

oculorum, & superbia vitæ. Aut enim carnales delicias, aut diuitias, aut honores, mundani quærunt. Et quidem voluptates plus fellis quàm mellis habent: vt non malè è sæculi sapientibus quidam dixerit: *Nullam capitaliorem pestem, quàm corporis voluptatem hominibus à naturâ datam, eamq̃, quò maior est, omne animi lumen extinguere.* Vt quid igitur, interrogabat Staurophila, voluptates nuncupantur, si nihil volupe, amaritudinis autem habeant plurimum? Cui Christus: Deliciæ sibiipsis contrariæ sunt. vnde nescio quomodo nomen hoc habeant, cùm iniucundæ sint. *Non tam vehementer fluuiatum aquarum cursus ripas corrodere solet, sicut deliciae & luxus omnia valetudinis nostræ firmitata facile subruunt. Si enim medicinalem ingrediaris officinam, omnes ferè morborum causas illic inuenies esse. Vilis enim tenuisq̃ mensa, vt loquuntur Medicorum pueri, sanitatis mater est: saturitas verò agritudinis mater est, morbosq̃, parit ipsorum quoque Medicorum artem transgredientes: pedum enim dolores, & capitis grauedines & vertigines, & manuum cruciatus, & tremores, & remissiones, & alia his multò plura, ex saturitate nasci solent. Si verò vis animi morbos inde nascentes videre, auaritiæ, mollitiæ, melancholiæ, ignauiæ, omnes ignorantia hinc habent principium:*

Archita
Tarent.

Chrysost.
Hom. 54.
& 55 ad
Antioch.

nihilo namque fiunt asinis meliores animi, talium mensarum delicias sectantes. Prætereo lubens blandam ruinam melioris ætatis, luxuriam dico, obscænum ludibrium reddens ministris suis, nec corporibus parcens, nec animis. Et notum satis est, eum qui fornicatur in corpus suum peccare. Deliciæ mihi, inquebat Staurophila, deliciarum CRVCES & tormenta intelligere; quas vel ideò deinceps minuis, uti spero, affectabo. Prudenter, reponebat Christus, feceris. Quid enim solidi in iis inuenias? nam *turbidæ hæ voluptates, cum appetuntur, plenæ anxietatis; cum expletæ sunt, pænitiæ sunt refertæ: & intolerabiles dolores; quasi quemdam fructum nequitie, fruentium solent referre corporibus. Nimirum*

Cyprian.
de Bono
pudicit.

1. Corinth.
6, 15.

Boët. lib. 3.
de Conso-
lat. prof. 7.

Boët. lib. 3.
Metro 7.

*Habet omnis hoc voluptas,
Stimulis agit fruentes,
Apiumq; par volantum,
Vbi grata mella fudit,
Fugit, & nimis tenaci
Ferit icta corda morsu.*

Atque hi quidem sunt cruciatus martyrum carnis & huius sæculi.

Exspecto, inquebat Staurophila, an diuitijs tanta quoque insit carnificina & CRVX. Quid verò dubitas? aiebat Christus, quas vel ideò *spinas* appellauī, quia ut illæ dum infi-

Math. 13,
22.

infiguntur, hærent, dolorem creant; sic di-
uitiæ magno labore acquiruntur, maiore timore
conseruantur, maximo dolore amittuntur.

Ludolph.
de Vir.
Christi
part. 1. c. 64.

Hinc miserum auari martyrium, cuius ani-
mam mordaces hæc curæ continuò absumunt.

Basil. Ho-
mil. in ali-
quot Scri-
ptur. loc.

Canis latrat, auarus putat furem esse. Mus
fortè perstrepat, & auari cor salit, quemlibet
vel puerum suspectum habet. Filios iam gran-
des, ut insidiatores aspicit, quòd eorum iam æ-
tas successionem expetere videatur. Et atten-
tius, quæso, vide, amatores auri quanta patian-
tur. Hiernalibus asperitatibus se nauigando
committunt: sic feruet auaritia, ut nulla for-
midet frigora: iactantur ventis, suspendun-
tur & deprimuntur fluctibus; ineffabilibus pe-
riculis vsque ad mortem agitantur. Dicant &
ipsi auro: Propter te mortificamur tota die.
Imò ne nocte quidem requiescunt; somnum
enim expellunt de lucro sollicitudines, ut
verè etiam possint dicere, *Quis nos separabit
à cupiditate auri? tribulatio? an angustia? an
persecutio?* Magnam habet, aiebat Stauro-
phila, cum vero martyrio auari hic crucia-
tus similitudinem: sed in eo maximè distat,
quòd sine merito sit, quin & magno (ut equi-
dem suspicor) animarum dispendio. Non
hæc suspicio est, aiebat Christus, sed ipsa ve-
ritas. Nam qui volunt diuites fieri, incidunt
in tentationem, & in laqueum diaboli: & faci-
lius

August.
Serm. 100.
de Diuers.
cap. 6.

Pf. 43, 12.
August.
Serm. 50.
de Sanctis.

1. Tim. 6, 9.
Luc. 18,
25.

Blesen.
Epist. 91.

Luc. 6, 24.

lius est camelum transire per foramen acus, quàm diuitem intrare in regnum calorum. Et vide, quæso, ut auari CRVX, infernalis miserix quamdam præferat imaginem, nec enim deest illi vnda Tantalii, Tityi iecur, rota Ixionis, urna Belidum, saxum Sisiphi, dum inter diuitias esurit, dum sollicitudinibus anxietur, dum cupiditate torquetur, dum ad illicita rapitur, dum in saccum pertusum congregat, dum congregando diuitias, labore continuo & superuacuo se affligit. Non immerito, inquit Staurophila, in Euangelio horridum illud va intentatum est diuitibus, si talis eorum tam in hoc quàm futuro sæculo conditio.

Tertull.
lib. extrem.
de Pœnit.

Subtexam nunc, aiebat Christus, animalia illa gloriæ & honorum mancipia, quibus sua quoque non deest CRVX & tortura. Per quot enim ærumnas, honores petuntur? namque illos qui ambitu abeunt capeffendi magistratus, neque pudet neque piget incommodis animæ & corporis; nec incommodis tantum, verum & contumelijs omnibus eniti in causâ votorum suorum. Quas non ignobilitates vestium affectant? quæ non atria nocturnis & crudis salutationibus occupant? ad omnem occursum maioris cuiusque persona decrescetes, nullis conuiujs celebres, nullis comestationibus congreges, sed exules à libertatis & lati-

letitiæ felicitate, idq; totum propter unius anni volaticum gaudium. Eheu ! quantis laboribus & doloribus honores & dignitates petuntur ! Ambitiosus ut dominetur alijs, prius seruit ; curuatur obsequio, ut honore donetur.

Ambros.
lib. 4. in
Luc. c. 4.

Confragosa in fastigium dignitatis via est.

Ambitio ipsi naturæ vim parat. Quid Cn. Pompeium in Africam, quid in Septemtrionem ? quid Mithridatem & in Armeniam, & omnes Asiæ angulos traxit ? infinita scilicet cupido crescendi, cum sibi uni parum magnus videretur.

Seneca
Epist. 94.

Quid C. Cæsarem in sua fata pariter ac publica immisit ? Gloria & ambitio, & nullus supra ceteros eminendi modus. Iam verò si cui honor desideratus negetur, quantum is se torquet & cruciat ! Sedebat Mardocheus ante fores palatii, sed quia non asurgebat Amano, indignatus is est valdè, ut diceret, se, cum plurima haberet, nihil habere se putare, quamdiu videret Mardocheum sedentem ante fores regias. Et res hæc, quæ levis videri poterat, animum eius adeò pupugit, ut iusserit excelsam parari CRUCEM, in quam Mardocheus tolleretur. Sed ut ad curiam & palatium hîc nos sermo duxit ? Ingrediamur sanè, erunt & hîc quas consideres CRUCES.

Esther 5, 9.

Aulicos vulgus suspicit, ignorans quantis pateant periculis. Mare qui intrat, & nauigat,

Lips. Cent.
4. miscel.
Epist. 33.

*polyb.
lib. 5.

Sidon. l. 1.
Epist. 7.

Blesens.
Carm. de
Luctu
carn. &
spirit.

Idem Epi-
stolâ 14.

gat, fluctus expectat; qui aulam, motus. * Re-
uerâ enim hi similes sunt abaculorum calculis.
Isti enim secundum computantis arbitrium,
modo erei sunt, modo aurei: & aulici ad nu-
tum Regis nunc beati, nunc miseri. Quàm
multi post crepantes adulationum bullas,
opprobrium hominum facti, interdum vs-
que ad inimicorum dolorem deuenusti, & à
rebus humanis, veluti vomitu fortuna nau-
seantis exspati sunt. Intellego iam, aiebat
Staurophila, quàm benè is dixerit, qui dixit:

Desere palatia, nam curia
Curis, imò CRVCIBVS, & mortibus,
Semper est obnoxia.

Non aliter est, aiebat Christus: pro vanissi-
mâ enim vanitate militant curiales, in labore,
& erumnâ, in vigilijs multis, in periculis
magnis: periculis maris, periculis fluminum,
periculis pontium, periculis montium, pericu-
lis in falsis fratribus: in mortibus frequenter,
in confractione & lassitudine corporis, atque in
alijs vitæ discriminibus, in quibus gloriam
martyrij mererentur, si hac pro meo nomine
sustinerent. Nunc autem sunt martyres sæcu-
li, mundi professores, discipuli curiæ, milites
Herluini. Per multas siquidem tribulationes
promerentur infernum. Vide nunc, an à
CRVCIBVS liberi sint aulici: & discite, longè
plura

plura pro mundo tolerare sæculi martyres,
quàm multi pro Deo & æternâ salute. Sub-
ijciebat Staurophila: Cum Senecâ ergo iu-
re dixerim:

Stet, quicumque volet, potens

Aula culmine lubrico:

Me dulcis saturet quies.

Seneca in
Thyeste.

CAPVT XIII.

Coniugatorum CRVCES.



ONDVM omnes sæcularium
CRVCES, aiebat Christus, ex-
plicauimus: superest enim ma-
trimonij status, in quem, velut
densissimo imbre, mœrores,
anxietates, angores & CRVCES depluunt:
raturum enim fixumque manet, quod Aposto-
lus dixit: *Si acceperis uxorem, non peccasti*,
tribulationem tamen carnis habebunt huius-
modi. Quid hoc est, Domine, inquiebat
Staurophila? Ego, rerum ignara, putabam nu-
ptias saltem carnis habere letitiam. Si autem
nubentibus etiam in carne tribulatio est, in quâ
solâ videbantur habere delicias, quid ergo erit
reliquum, propter quod nubant, cum & in spi-
ritu, & in animâ, & in ipsâ carne tribulatio
sit? Ita est, respõdebat Christus, & quæ opti-
ma

1. Corinth.
7, 28.

Hieron.
lib. contra
Iouinian.

ma in matrimonio iudicantur, ea ipsa multo sunt felle respersa.

In bonis huius status numerant insolubilitatem, vt quod *Deus coniunxit, homo non separet*, sed compedes & vincula hoc modo quoque bona censeantur: vinculum enim & ligatura est coniugium. vnde Paulus: *Mulier alligata est legi, quanto tempore vir eius vivit. Et de viro: Alligatus es uxori? noli querere solutionem. Quemadmodum enim serui fugitivi singuli separatim vincti à suis dominis, rursusq; tenui quadam catenâ inter se constricti vniuersi, vt compedibus catenæ utrimque affixis, alius alium sequi cogatur, liberam non habet abeundi facultatem; sic coniugum animæ, cum propriam sui curam sustinent: tum alterâ etiam premuntur necessitate à communibus coniugij vinculis impositâ, quæ eos grauius urget omnibus vinculis: & hoc ipso ab utroque libertatem aufert, quod alteri ne semel quidem principatum defert, sed utrique distribuit. Quanta verò hæc seruitus? Seruo enim, si quando paratâ pecuniâ pretium, quo emptus est, persolvere potuerit, plerumque libertas conceditur; at vir, quamuis omnium difficillimam nactus sit uxorem, seruitutem tamen perferre necesse habet: quippe qui nullam potest inire viam, quâ solutus eiusmodi dominatu liberetur. Eadem vxoris conditio, quæ*

Matth. 19,
6.

1. Corinth.
7, 39.

Chrysost.
lib. de Vir-
ginit.

Ibidem
Chrysost.

quæ Dominum sibi cum dote cõmens virum, ancilla pro liberâ efficitur, breuissimæq; voluntatis gratiâ, naturali libertate se priuans, ianuam sibi ineffabiliû dolorum, perpetuûq; mœroris, per huiusmodi connubium aperit.

Basil. de
Verâ vir-
ginit.

Sed enim, inquiebat Staurophila, vt vincula hæc communia sunt, ita mutuò sese coniuges iuuant, onusq; in duos diuisum fertur leuius. Imò verò, inquiebat Christus, aggrauant inuicem iugum: nam quæ bonum blandumq; nacta est virum, perpetuo, ne moriatur, metu viduitatis, incommoda cruciatuq; iam sustinet: duram quamdam & immitem curam, & præsentem illo, & absente, propter insperatos casus, animo indefinenter excipiens. Sin verò contra duro & immiti fuerit coniuncta, tota quidem vita illi cruciatus est. Et cum pudicitia ratione neutrum queat eligere, id est, nec viri mortem, propter viduitatis angustias; nec vitam, ob molestiam incommodumq; conuietum; ancipiti atque inenitabili malo acerriusq; doloribus semper atteritur. Benignior, inquiebat Staurophila, virorum apparet fors, qui tantis non subiacent periculis. Haud multò melior, respondebat Christus, eorum status; quia vniuersæ familiæ curandæ in se onus recipiunt. Si mihi, inquit quidam, tale corpus alterum, quale meum est, accederet, tantum negotiorum mihi exhibens pro sanitate

Basil. loc.
cit.

Antiphon
apud Sto-
bæum
Serm. 68.

& victu in dies colligendo, & pro gloriâ ac temperantiâ, celebrisq; fama, ac benè audiendi gratiâ, non possem vivere. Quid igitur fieret, si alterum quoque tale corpus similiter mihi procurandum esset? Itaque constat, quod vxor, etsi viro charissîma fuerit, non minus tamèn ei facessat negotij circa amores aut dolores, quàm ipsemet sibi. Iam verò si muliebre attendas ingenium, quod plerumque morosum est, & rara omnino auis, quæ huiusmodi non sit, iuge hinc & ad totam vitam protensum videre erit tormentum. Melius est habitare in terrâ desertâ, quàm cum muliere rixosâ & iracundâ. Tecta perstillantia in die frigoris & litigiosa mulier comparantur: qui retinet eam, quasi qui ventum teneat, & oleum dextera suâ vocet. Non est caput nequius super caput colubri; non est ira super iram mulieris. Commorari leoni & draconi placebit, quàm habitare cum muliere nequam. Et hæc non de adulterâ & meretrice, sed de legitimâ dicuntur vxore. Cum huiusmodi igitur vitam omnem diu noctuque exigere, an non est in perpetuis spinis ac sentibus volutari? quibus tamen adedò arctè sis implicitus, vt excutere has ærumnas solâ morte possis.

At non omnes, inquiebat Staurophila, in malam incidunt vxorem: sunt enim & mites, & benignæ, & taciturnæ. Si sint, respondebat

PROV. 21,
19.

PROV. 27,
15.

Eccli. 25,
22.

Id ostendit
Hieron.
lib. 1. in
Iouinian.

debat Christus, sunt admodum raræ. Salomoni, qui mulierum greges habuit, hoc crede. *Inueni*, ait, *amariorem morte mulierem.* Eccle. 7, *Virum de mille vnum reperi, mulierem ex omnibus non inueni.* quasi diceret, Vix inueni vnum virum bonum & rectum, mulierem autem ne vnam quidem. At solatium aliquod, aiebat Staurophila, habent in proli-
bus, in quibus alteros velut se contemplan-
tur, quos & tenerrimè diligunt, & magnâ voluptate, vt passim cernimus, educant. Imò ad malorum cumulum, aiebat Christus, ac-
cedunt liberi : quot enim pignora, tot CRV-
CES.

Partu edita est quæpiam femina: quòd natus non sit masculus, tetricum maritus vultum gerit. Adiectus est masculus? partu editus est fœtus, qui formosus non est. Eleganti est formâ uterque? tamquam de pulchris acerbior cura incescit. Depulsi sunt à lacte? rursus anxietas educationis succedit. Cùm sani fuerint, metus ne egrotent. Cùm egrotauerint, formido ne moriantur. Cùm mortui fuerint, metus ne deinceps prole carens, contemnatur. Cùm mortui non fuerint, de viuentibus grauior sollicitudo incumbit, vnde liberis ad institutionem sumptus suppeditabuntur; vnde coniugalis fœderis apparatus; vnde vestimentorum decor, vnde famulorum unicuique distributio; quanquam ex bonis maiori attribuet? quo

Chrysoft.
Orat. de
S. Theclâ.

pactō minoris inuidiam mitigabit? Ecquid iam tibi videtur?

Gregor.
Nyssen.
lib. de Vir-
ginit. c. 3.

Mirum profectō, aiebat Staurophila, & inde lacrymarum segetem meti parentibus, vnde baculum senectutis & mœroris expectabant leuamen. Ita est, reponebat Christus, *dolorem enim liberi nati aequè important, ac non nati: & rursus tam viui, quàm mortui. Hic enim liberorum multitudine gaudet, cùm non satis habeat vnde alat. Ille verò herede caret facultatum suarum, in quibus maxime elaborauit. & quidem bona fortuna, alterius calamitatem efficit, cùm sibi uterque euenire velit, quo alterum cruciari videt. At huic mortuus est suauissimus puer, illi verò in vitâ est filius perditus: uterque sanè commiseratione dignus: vnus quidem filij mortem, alter verò vitam luget.* * Et an non mater per vnamquamque nascentem prolem animo scinditur, & presentibus tristibus nascituræ cura semper adyicitur? Inde vbi iam filios edidit, aut ad bonam illi frugem euaserunt; & maiores ex illorum absentia dolores ingiter tolerat, quàm parturiens tulerat; aut malos euasisse considerat, & maius ex eâ procreatione liberorum, quàm si permansisset sterilis, opprobrium sustinet. Sæpe antequam predicta experiatur incommoda, vna & sponsa & vidua efficitur; ac sine liberis in viduitatem delapsa, nec vxor iam,

* Basil de
Verâ vir-
ginit.

iam, nec virgo, nec mater est. Sic profectò omnibus, quæ putantur lata coniugij, semel amissis, breuissimo voluptatis sensu irrecuperabilem virginitatis perdidit florem; coniugijq; tantum solummodò experta est, quantum illi satis esset ad agnoscenda viduitatis incommoda. Quod si relicta vidua pupillos enutriat filios, eius quem ex viri morte perceperat mæroris, iuge monumentum cernit, & semper in lacrymis, semper in gemitu, semper in sollicitudine educandorum degens, nullum præterito malo solatium inuenit. Præterea & propinquis, & famulis, & filiorum curatoribus, ipsiq; postremò etiam filijs, ubi virilitatis annos attigerint, cunctisq; omnino se vexare volentibus ad prædam miserabiliter exposita, doloris luctusq; tragædiam, vitam suam omnium ingeret oculis. Transeo breuitatis causâ illidem aliorum malorum, quæ in hunc statum, velut agmine facto, quotidie incurrunt.

Domine, aiebat Staurophila, si sic viuatur, & in talibus vita spiritus eorum qui matrimonio iuncti sunt, profectò non expedit nubere: nam

Isa. 38, 16.

Matth. 19, 10.

Quid est duorum vita longa coniugum
Præter iugum?

Cui Christus: Non omnes capiunt verbum istud, sed quibus datum est. Beati autem qui seipfos castrauerunt propter regnum celorum.

Ibid. xx.

Nec immeritò CRVCE onustus filiabus Ie-
 Luc. 23, 29 rusalem dixi: *Venient dies, in quibus dicent:*
Beata steriles, & ventres qui non genuerunt,
& vbera quæ non lactauerunt. Vere, respon-
 dit Staurophila, terque quaterque beata &
 Sap. 3, 13. *felix est sterilis, & incoinquinata, quæ nesciuit*
thorum in delicto, habebit fructum in respec-
tionem animarum sanctarum.



CAPVT XIV.

Abnegatio sui, optima ad CRVCEM ferendam præparatio.

Abneget semetipsum, & tollat CRVCEM suam. *Luc. 9, 23.*

*Ingenium geniumq; tuum, te denique totam,
Baiula ritè CRVCIS si lubet esse, nega.*



ATIS iam superq;, aiebat Christus, sæcularium CRVCES expendimus: & ipsa utcumque vides, sorores tuas non tam fugisse quàm commutasse CRVCEM, leuem illam & breuem, in grauiissimam prorsus & maximè diuturnam; pro quâ, tantum abest vt meritum sperent, quin etiam poenam incurrant. Iis proinde relictis, reliquum est vt ad CRVCIS susceptionem magis instruaris. Nil gratius, aiebat Staurophila, mihi accidere posset: etsi enim animata utcumque sim, nescio tamen quis horror etiamnum peruadat animum, quem confirmandum & ipsa satis video.

Nec ego, ô filia, aiebat Christus, sine aliquo præambulo in viam CRVCIS te intro-

Abneget semetipsū, et tollat CRUCEM suam. *Luc 9.*



Ingenium geniumque tuum, te denique totam,
Baniula ritè CRVCIS, si lubet esse, nega.

duxi. Annon dixi: *Si quis vult post me venire*, ABNEGET SEMETIPSV M, ET TOLLAT CRVCEM SVAM? *Et sermo quidem vnum quid significare videtur, tria verò continet, abnegationem tui ipsius, & vt CRVCEM accipias, & tertio vt me sequaris.* Prima igitur conditio necessaria est sui ipsius abnegatio, sine quâ nemo CRVCEM tollet; aut si tulerit, non feret constanter. Et quidem volentibus me sequi, omnia relinquenda denuntiaui, dicens: *Qui non renuntiat omnibus quæ possidet, non potest meus esse discipulus.* Sed in omnibus istis ne ipsum hominem (attende quæso) excepi, volens eundem esse relinquentem, & relictum. Quod vt expressius insinuarem, dixi, VT ABNEGET SEMETIPSV M. *Et fortasse laboriosum non sit homini, relinquere sua, sed valdè laboriosum est relinquere semetipsum. Minus quippe est abnegare quod habet, valdè multum autem, abnegare quod est.*

Luc. 9, 23.

Chrysof.

Hom. 56.

in Matth.

Luc. 14, 33.

Gregor.

Hom. 32.

in Euang.

Sed quomodo, aiebat Stauirophila, intelligendum, ABNEGET SEMETIPSV M SIBI, cum se ipsum homo sibi negare non possit, ed quod conscientia eius non recipiat, vt se aut non esse putet, aut alterum possit estimare quam fuerit? Puto hoc esse negare se, verbi gratiâ, si cui dicatur, Tu es Lucius? & cum ipse sit, non se esse respondeat. Hoc apud alterum si forte

Sixt. Papa

l. de Cast.

tom. 5.

Biblioth.

Pat.

valebit, non tamen apud semetipsum. Quomodo ergo sentiendum est, ABNEGET SEMET-IPSVM SIBI? aut quomodo semetipsum aliquis relinquet? quò ibit extra se? vel quis est, qui aliquò vadit, & se deserat?

Gregor.
Hom. 3. 2.
in Euang.

Adhuc modicum, respondebat Christus, in te lumen est, filia; audi & intelliges. Aliud sunt homines per peccatum lapsi, aliud per naturam conditi, aliud quod fecerunt, aliud quod facti sunt. Relinquant semetipsos, quales peccando se fecerunt, & manent ipsimet quales per gratiam facti sunt. Ecce etenim qui superbus fuit, si conuersus humilis factus est, semetipsum reliquit. Si luxuriosus quisque ad continentiam vitam mutauit, abnegauit utique quod fuit; si auarus quisque ambire iam desiit, & largiri didicit propria, qui priùs alienarapiebat, proculdubio semetipsum reliquit. Ipse quidem est per naturam, sed non est ipse per

Prou. 12. 7. malitiam. Hinc enim scriptum est: Verte impios, & non erunt. Conuersi namque impij non erunt: non quia non erunt omnino in essentiâ, sed quia non erunt in impietatis culpâ. Abnegare ergo se, est vitare quod per vetustatem fuit, & ad hoc niti, quò per nouitatem vocatur. Est, inquam, expoliare se veterem hominem cum actibus suis, & induere nouum.

Coloss. 3. 9
Paradoxum hoc, aiebat Staurophila, difficulter, vt video, intelligitur; & pauci fortasse

tasse illius sensum assequuntur. Exemplis, aiebat Christus, res erit clarior. *Quemdam adolescentem, fabulae ferunt, propter amores meretricis peregrè profectum, & abolito amore regressum postea veteri occurrisset dilectae: quae ubi non interpellata mirata, putauit non recognitam, rursusq; occurrens dixit: Ego sum. Respondit ille: Sed ego non sum. Et expende quomodo se Paulus abnegauerit, qui dicebat: *Vino autem, iam non ego. Extinctus quippe fuerat ille seuius persecutor, & viuere caeperat pius praedicator. Si enim ipse esset, pius profecto non esset. Sed qui se viuere denegat, dicat, unde est, quòd sancta verba per doctrinam veritatis clamat? Protinus enim subdit, Viuit verò in me Christus. ac si aperte dicat: Ego quidem à meipso extinctus sum, quia carnaliter non viuo; sed tamen essentialiter mortuus non sum, quia in Christo spiritualiter viuo. Abnegauerat se etiam frater ille in eremo habitans, ad quem cum carnalis frater auxilij petendi gratiâ aduentasset, respondit ut adiret alterum fratrem eorum, cum ille utique obijisset. Cumq; admiratus qui venerat responderet, Quia ille obijt. Eremita se quoque similiter obijisse respondit. mortuus enim erat mundo & consanguineis, viuebat autem Deo. Et hoc scilicet est quod Apostolus meus omnes hortatur. Christus, inquit, pro omnibus mortuus* 2. Cor. 5.*

est,

Ambros.
lib. 2. de
Pœnit. c. 10

Gregor.
Hom. 32.
in Euang.
Gal. 2, 20.

Bernard.
Serm. 2. in
Dom. 1.
post Oâ.
Epiph.

Gregor.
Hom. 32.
in Euang.

est, ut qui viuunt, iam non sibi viuant, sed ei, qui pro ipsis mortuus est. Oportet enim vnumquemque mori sibi, ut viuat Deo. Quia nisi quis à semetipso deficiat, ad eum qui super ipsum est non appropinquat; nec valet apprehendere quod ultra ipsum est, si nescierit mactare quod est. Sic olerum plantæ transponuntur ut proficiant, atque, ut ita dixerim, eradicantur ut crescant. Sic rerum semina in terræ admixtione deficiunt, ut in reparatione sui generis vberius assurgant. Vnde enim videntur perdidisse quod erant, inde accipiunt hoc apparere quod non erant.

Chrylost.
Hom. 56.
in Matth.

Vtiliter, aiebat Staurophila, ignoravi, quod tam luculenter mihi expositum, nunc velut manu palpo. Sed & planius, aiebat Christus, pleniusque hanc ABNEGATIONEM SVI exponam, quando & libenter differentem auscultas, & doctrina hæc prorsus sit necessaria. Si intelligis quid sit alium abnegare, tunc rectè percipies, quid sit abnegare teipsum. Qui alium iam abnegauit, fratrem puta, aut seruū, aut quemuis alium, si cadi eum virgis videat, si arceri vinculis, aut quidquid aliud mali pati, non occurrit, non auxiliatur, non flectitur, nec prorsus ullo modo mouetur, cen is qui penitus ab illo alienatus est. Sic igitur nullo te pato corpori parcere volo: ut neque si caditur, neque si pellitur, neque si vritur, nec si quid aliud

aliud huiusmodi patitur, ei parcas, sed quasi extraneus quis, aut hostis hæc patiatur, sic afficiaris.

Papæ ! inquebat Staurophila, quid hoc est? Insensibilem prorsus ac mortuum esse oporteat, qui huiusmodi sit. *Ego homo cum* Terent.
sim, humani nihil à me alienum puto : nec video ut in meipsam adeò possim esse crudelis, quæ alienis malis magno sensu compatior. Non ego, aiebat Christus, Stoicam insensibilitatem aut crudelitatem suadeo, sed humanos truncari volo affectus, abnegari carnalia desideria, non tribui nimium carni & sanguini. Crimini siquidem apud me obnoxius est parentum amor, si Dei sit contrarius. Qui enim amat patrem aut matrem plus Matth. i.e.,
quàm me, non est me dignus. imò & ipsam 37.
 animam seu vitam odisse oportet propter me. Dilexit Petrus animam suam plus quàm me, cum eam periculo timeret exponere, & ideò ter me negavit. Si amasset me, proculdubio abnegasset se. Et, an non ego vnigenitus Virginis Matris meæ abnegavi meipsum, cum, quasi ad eam minimè pertinerem, ei dixi: *Quid mihi & tibi est mulier?* nec Ioan. 2, 4.
 confundere volebam teneram eius verecundiam, sed instruere vos, carnalium curam parentum, & consanguineorum necessitudines, impedire non debere exercitium spirituale.

rituale. Vnde cū mihi aliquando dicere-
 tur: *Ecce mater tua, & fratres tui foris stant*
quærentes te; respondi: Quæ est mater mea?
& qui sunt fratres mei? non iniuriose mater-
na refutans obsequium pietatis, nec fratres
contemnens; sed paternis mysterijs amplius,
quàm maternis deberi monstrans affectibus, &
opus spirituale carnis præferens cognationi.

Matth. 12,
48.
Beda c. 17.
in cap. 3.
Marci.

Gaudeo planè, aiebat Staurophila, quòd
 huius abnegationis te, Domine, non tantum
 præceptorem habeam, sed & exemplum.
 Erit sanè mihi hoc nomine & leuior, & gra-
 tior. Numquid non Abraham, subiiciebat
 Christus, abnegauit semetipsum, cū pa-
 trem se oblitus, filium vnigenitum, & tenerè
 dilectum immolare voluit? An non laudati
 Deut. 33,9 *Leuitæ, qui dixerunt, patri suo, & matri sue,*
Nescio vos; & fratribus suis, Ignoro vos, &
 Exod. 32,
28. *nescierunt filios suos?* Cū nimirum zelo
 inflammati ob adoratum vitulum, nullo per-
 sonarum respectu consanguineos quosque
 trucidarunt? *Licet igitur sparso crine, & scis-*
sis vestibus, vbera quibus te nutrierat, mater
ostendat, licet in limine pater iaceat, per cal-
catum perge patrem, siccis oculis ad vexillum
CRVCIS meæ euola, solum pietatis genus est, in
hac re esse crudelem. Si propria hinc attrahat
 caro, illinc blandiatur sensualitas, istinc
 mundus & noti inuitent sodales, liberè re-
 sponde,

Hieron.
Epist. 1. ad
Heliod.

sponde, Nescio vos. Et si qua alia tibi ex parte exterioris hominis cogitatio venerit, respondeas & dicas, Nescio te. Quam diu mea fui, suggestionibus tuis etiam libens acquievi: nunc me Christus sanguinis sui pretio comparauit; mea non sum, nec meam iam possum facere, sed eius ad quem pertineo, voluntatem.

Sixt. Papa
lib. de Castitat.

Ita me facturam, aiebat Staurophila, tuâ gratiâ, confido. Sed satisne iam instructa videor ad CRUCEM baiulandam? Satis, inquit, bat Christus, si his probè noueris uti, & ad particularia descendens ea in opus conferas. Et quo pacto, rogabat illa, hoc faciam? Cui Christus: Homo, uti nosti, duabus constat, ijsque diuersissimis partibus, corpore scilicet & animâ. Vtrisque autem sua debetur Abnegatio, quam nisi adhibueris, CRUX tibi prorsus erit intolerabilis. Primò autem necesse est, longiùs abigas vicinam illam tuam Dominam, dico Sensualitatem, mulierem per omnia mundanam, leuem & carnalem: quæ te quoque ad carnis illecebras & sæculi vanitates allicere studet. Hæc sensuum blandimenta, quibus homo vel maximè inescatur, continuè offert; nam vel risu lepida, vel gustu sapida, vel odoratu fragrantia, vel tactu mollia, aut auditu ingerit iucunda, atque hisce lenociniis quemque ad se pertrahere nititur. Quæ nisi statim refutaueris, exerciti

rasti à CRVCIS semitâ ; in viam peccatorum
 redisti. Seductrix illa (vt solita) ostendet tibi
 adolescentularum mundi huius delicias &
 honores, quibus, secundùm desideria sua,
 perfruuntur. Nisi autem auerteris oculos tuos
 ne videant vanitatem, citò abiecta CRVCE
 incipies vagari post greges sodalium tuarum.
 Suggestet deinde scandalum CRVCIS, & fi-
 liarum Babylonis subsannationes : tu verò
 obtura aures tuas ad voces Sirenarum, atque
 esto *sicut homo non audiens, & non habens in*
ore suo redargutionem. Amaram & insipi-
 dam CRUCEM, tactuque insuauem expro-
 brabit : tu autem, ô filia, propter verba la-
 biorum meorum perge custodire vias duras :
 respue oblectamenta sensus, & amplectere
 asperitatem CRVCIS. *Vani enim sunt sensus*
hominum, in quibus non subest scientia Dei.
 Monitis his, aiebat Staurophila, cautior ero,
 vt subdolam hanc mulierem, quæ honesta
 mihi quidem videbatur, omnibus modis vi-
 tem. Bonum id, aiebat Christus, sed non fa-
 tis ; restat enim, vt interiorem quoque hominẽ
 mortifices. In eo autem abneganda memo-
 ria, intellectus & voluntas. Memoria instar
 pugillarum, inaniũ, superfluarũ & indecen-
 tium rerum similitudines retinet coacerua-
 tas : hæ autem intellectum ad sui considera-
 tionem, voluntatem sollicitant ad amorem.

Pro-

Protere igitur tabellas has, quæ sæcularis felicitatis spectacula repræsentant. Si enim recordata fueris mundanæ prosperitatis, non diu in CRVCIS perseverabis VIA. Lumen quoque interiorum oculorum, intellectum dico, & vagæ imaginationis perspicilia, in obsequium sanctæ CRVCIS calca, neu tuo vti velis iudicio, aut *sapientiâ carnis*, quæ *inimica* Rom. 8, 7. *est Deo*, & in multos te inducet errores. Calida imaginatio longè maiorem & grauiorem repræsentabit CRVCEM, quàm feuerà fit, itaque semper querula, semper eris impatiens. Intellectus suggeret, non impositam, sed aliam quamuis meliùs tibi conuenire CRVCEM. Tu verò vtrumque abnegans, *omne quod tibi applicitum fuerit, accipe: & in dolore sustine, & in humilitate tuâ patientiam habe.* Denique *& à voluntate tuâ auertere.* Eccli. 2, 4. Eccli. 18, 30. Ipsa enim desideriis suis, amore, dolore, gaudio, irâ, variè abducta, iugum CRVCIS tentat excutere. Abnega ergo, ad exemplum meum, voluntatem tuam, vt in omnibus id tibi sit in ore, id in corde: *Non mea, sed tua* Luc. 22, 42. *Domine voluntas fiat. Hæc sedulò meditare,* 1. Timoth. 4, 15. *& in his esto.*

CAPVT XV.

Baiulandi CRVCEM Christus se formam exhibuit.



VDITIS hifce, abitur parabat
Staurophila, atque Gratias, in-
quit, ago tibi Domine I E S V,
quia docuifti ancillam tuam
VIAM falutis: tempus nunc eft,
vt reuertar ad patrem, quò iam præcefferint
sorores, & vereor, querimonias depofuerint
non leues: &, fi parentem noui, ægrè tulerit
moram hanc meam; & quòd germanas co-
mitata non fuerim. Id verò, fi acciderit, aie-
bat Chriftus, habebis profectò vnde VIAM
CRVCIS aufpiceris: & parum, mihi crede,
idonea CRVCIS gerula eris, fi paterna non
feras verba. Interim vade in pace, & fi VIAM
CRVCIS non tam difcere quàm perambula-
re defideras, fac paucos intra dies hîc denuò
te fiftas, vt CRVCEM tollas, & me fequaris.

Dabo, inquiebat illa, operam: fed vnum
hoc doceri velim, quid interea temporis mi-
hi faciendùm, quibùsve exercitiis animus ad
CRVCEM præparandus. Respondit Chri-
ftus: Cum portam ciuitatis ingreffa fueris,
occurreret tibi monafterium Cruciferorum,

accede illuc, & euocato Priore, pete meditationes, quas sibi præparauit, & legendis ac ruminandis his tempus impendes. Fecit illa, vt iussa erat, & impetratis piis commentationibus, læta domum reuerfa est, quotidie se non indiligenter his scriptis occupans.

Sensim tamen subrepsit ei torpor quidam, & negligentia. Hinc ex aridâ dumtaxat consuetudine, & perfunctoriè commentabatur, iamque in dies minùs erga CRUCEM afficiebatur. Assiduitas enim eadem cogitandi non nihil fastidij excitarat. Vltimis proinde diebus ex toto intermittebat has exercitationes, & quæ hætenus à Christo audierat, è memoriâ excidere non prorsus inuita patiebatur.

PP Eremitarum Canaldulensium



ARGVMENTVM

LIBRI SECVNDI.

- H** *Vc vitæ cupidus beatioris,
Qui dulcissima te vocantis vsque
Pronâ suscipis aure verba Christi,
Iamque te CRVCIS exhibere sanctæ
Gnaum discipulumque baiulumque
Gestis, huc agedum paratus adsis :*
- CAP. I.** *Moras abiice, moxque te Vocanti
Festino pede promptus obsecunda.*
- II.** *CRVCEM quam dederit Redemptor, illam
Latus excipe, ceu monile gratum :
Nefas eligere hanc foret, vel illam :*
- III.** *Nefas & per humum velut profana
Stipitem trahere arboris. Proinde
Obuijs manibusque, brachijsque,
Et collo ac humeris amoris, illud
Lubens nobile baiulato pignus.
Nec quidquam remorentur improborum
Te ludibria, scommatumve plaustra.
Pro Christo decus est tulisse probum.*

Si forsan populus frequentiori
 Famâ te rehat, audiasque passim
 Sanctus & pius : hem caue barathrum ;
 Hic anguis latet : has velut venenum
 Voces neglige (si sapis) dolosas :
 Et constantior usque & usque perge,
 Per vestigia trita perge Christi,
 Quem ceu prototypon sequare ad vaguem.
 Nec CRVCIS grauiusve longiusve,
 Impostum tenero querare pondus :
 Singulis tolerare quod diebus,
 Nullo ponere quod decet dierum.
 Rursum sed moneo (puta necesse)
 Caue respicias inanioris
 Fumum gloriolæ, leuesque plausus.
 Quò spectes sed enim docebo paucis :
 Prima intentio noxias piare,
 Et vitare focos docet perennes ;
 Spectat altera gloriam perennem :
 Vni tertia se probare Christo,
 Dilecto studet vnicè placere.
 Sed CRVX dum cruciatque deprimitque,
 Queris, quid facias. Precare : fiet
 Verorum seges ampla gaudiorum ;

xv. & xvi. *Pro quâ mille uoles referre grates;*

xvii. *Et summam tibi gloriam putabis*

Quæ summæ tibi gloriæ sit auctrix.

Nec CRVCIS satis est tulisse pondus,

Ferentem nisi CRVX ferat vicissim.

xviii. *Hinc carnem crucifigier rebellem*

xix. *Et mundum decet, & decet teipsum*

xx. *Annecti in CRVCE, Christianæ, Christo,*

Mortem quod tribuat suauiore,

Vitam quod faciat beatior.



REGIÆ VIAE CRVCIS LIBER SECVNDVS.

*De optimâ CRVCEM ferendi
methodo.*

CAPVT PRIMVM.

CRVX absque dilatione statim tollenda.



CONDICTVM aduenerat tem-
pus, quo Staurophila amabile
CRVCIS onus, & iter erat sus-
ceptura salutare. Verùm, quæ
humanæ mentis instabilitas,
non parum reformidabat & illius pondus, &
huius spatia longiora; vt pænè iam fidem
fallere, & expectantem in Sacello IESVM
non reuisere decerneret. Sic nimirum quod
volunt homines, non diu volunt; & quæ ca-
lidè primùm concipiunt vota, vix languidè
tandem, ac ne vix quidem exsequuntur. *Spi-* Matth. 26,
ritus scilicet promptus est, caro autem infirma: 41.

quantumque ille salutaria concupiscit, tantum hæc refugit. Nobile hoc in genere exemplum dedit Apostolorum princeps, qui in abundantia cordis sui liberaliter admouebat: *Tecum paratus sum & in carcerem, & in mortem ire. Et si omnes scandalizati fuerint, sed non ego.* At idem ille post non multas horas, ad vnius ancillulæ vocem cæpit iurare, quia non nouisset hominem.

Luc. 22, 33.

Marc. 14,

29.

Matth. 26,

74.

Talis & nostra fere Staurophila: dum suauissimè cum IESV conferret, cum verba vitæ æternæ audiret, anhelabat & suspirabat ad CRVCEM; nihilque illi dulcius videbatur, quàm passionibus Christi per patientiam communicare. Vt verò Cosmopolitanis iterum mixta filiabus, dulce venenum, & infanias hausit falsas, lentè omnino, & somnolentè de VIA CRVCIS cogitabat, & tantum non pœnitebat promissi. Vrgebatur interim huius religione, nec quietem à conscientia carnificinâ sperabat, nisi ex præscripto se fisteret. Ibat ergo lugens & tristis, siue quòd amatas defereret adolescentulas, siue quòd arctam nimium horreret semitam. In ipso tamen itinere altum ingemiscens, Domino subinde se commendabat: nec deerant interlucentes quidam diuini fauoris radij, animam eius cælesti luce per interualla collustrantes.

Ventum tandem ad locum, & vix dum oculis huc illuc circumspexerat, cùm ecce præsens adest, cum quo pridem instituerat colloquium, Christus Dominus: qui nouum exorsus sermonem, Eia, inquit, Staurophila, quàm factum benè, quòd ciues Babylonis deserueris! quòd promissis steteris, & abruptis blandis illis retinaculis, ad vexillũ CRVCIS intrepida euolaris! Noui laqueos & pedicas gressibus tuis tensas: sed vt euaderes, gratia mea fecit. Nunc ecce tempus faciendi, tempus acceptabile, occasio salutis. Nunc, inquam, tempus ferendi CRUCEM, & sequendi me. Quisquis enim in regno cælorum voluerit *Agnum sequi quocumque ierit*, Apoc. 14, 4. is nunc sublata CRUCE venire debet post me, & præeuntis sequi vestigia.

Non multùm hæc mouebant Staurophilam; quæ timore adeò consternata erat, vt ad solam CRVCIS mentionem panè trepidaret. Quare vt in bello, qui se viribus inferiores agnoscunt, ad inducias confugere solent; non secus illa, cùm declinare CRUCEM omnino non posset, dilationem petijt. Et hoc saltem, inquebat, te Domine rogo, liceat mihi aliquanto adhuc tempore mundo & ætate frui, nec tam citò moestissimum hoc iter auspicari. Adolescentula sum ego, viribus tenera, animo imbecillis: cum annis

crescet robur, ac tum maturè satis CRVCIS iugum excipiam. Equidem non detrecto illud, sed liceat, quæso, pace tuâ, aliquantum differre.

Iraſcenti ſimilis Chriſtus, Quid hoc demum, inquiebat, Staurophila? miror quod tam citò reliqueris VIAM bonam, VIAM ſalutis, quam oſtendi tibi. *O inſenſata filia, quis te fascinavit non obedire verbo veritatis, quod audiſti ex ore meo? Cur coruinam vſurpas vocem, & periculosa procraftinatione opus ſalutis in poſterum reiſcis? An non* *Eccli. 5, 8.* *dicit Scriptura, Ne tardes conuerti ad Dominum, & ne differas de die in diem; ſubitò enim veniet ira illius? Aequumne tibi videtur, vt mundo atatis florem, Deo ſenectutem; mundo voluptates, Deo corpus effatum reſerues? Quid poteſt habere laudis, ſi corpus voluptatibus, & iam ſenectutis gelu frigidum ad ſera deuotionis officia, depoſito iam ſegnior vigore, conuertas? Non eſt corona, niſi, vbi fuerit difficilioris lucta certaminis, ad quam rari contingere poſſunt, nec omnes qui ingreſſi fuerint ſtadium, peruenire. Et an non pudet te primitias vitæ tibi reſeruare, & id ſolum tempus bonæ menti (ac tollendæ CRVCI) deſtinare, quod in nullam rem conferri poſſit? Quàm ſerum eſt, tunc viuere incipere, cùm deſinendum eſt!*

Parce

Nazianz.
Orat. in
S. Baptiſm.
Ambroſ. in
Pſal. 118.
Oſton. 19.

Senecal. de
Breuitate
vitæ.

Parce Domine, aiebat Staurophila, & ignore deprecationi meæ: neque enim in extremam senectam CRVCIS iter differre, mens erat, sed in aliquot tantum annos. At enim, respondebat Christus, quis eos tibi promisit?

An non breues dies hominis sunt? Nescit reuerà, *nescit homo finem suum, sed sicut pisces* Iob. 14, 5.

capiuntur hamo, & sicut aues laqueo comprehenduntur, sic capiuntur homines in tempore Eccli 9, 12.

malo, cum eis ex templo superuenerit. Si sciret quisque quo tempore de præsentis sæculo si-

bi esset exeundum, aliud quidem voluptatibus, atque aliud tempus CRVCI ac pœnitentiæ aptare potuisset: sed qui crucigero cælum, pœnitenti veniam sponndit, is negli-

genti ac tergiuersanti crastinum non promittit. *Incertum est, quo te loco mors expectet,*

itaque tu illam omni loco expecta. Seneca
Epist. 26.

Verum, replicabat Staurophila, adolescentior, ut dicebam, etiamnum sum; ætatem magis vegetam expectari tantum velim. Ad

hæc Christus: Omnis Deo matura est ætas,

magis autem prima, & primæ proxima. *Bo-* Thren. 3,

num est viro cum portauerit iugum ab adole- 27.

scientiâ suâ Non solum enim tollere iugum Do- Ambros. in

mini, sed in iuuentute oportet tollere. Si enim Psal. 118.

serò tollas, incipies pœnitentiam superiorum Serm. 2.

magis habere, quam tenere gratiam. An non Gen. 48,

præstat dicere, Deus qui pascis me à iuuentute 15.

meâ,

Pfal. 24, 7.

meâ, quàm recordatione lapsuum dicere, Delicta iuuentutis meâ, & ignorantias meas nemineris? hoc debilitatis est remedium, illud robur salutis. Ei autem qui post decurse iuuentutis annos ingum tulerit, non est statim perfectum bonum. Stimulant enim eum peccata sua, exagitat conscientiam consuetudo peccandi, & usus erroris instabilem facit. Luctandum est diu huiusmodi, ut abolere faciat inueterata atque diuturna. Plus enim in his talibus valet deterius inolitum, quàm melius insolitum.

August. l. 8.

Conf. c. 11.

Sed quid est quòd ætatem incufas, fororibus tuis prouectior, & plenis iam nubilis annis? Adolescentulam tamen te dicis. Esto fanè: atq; vtinam vna tu esses ex illarum grege, de quibus scriptum: *Adolescentula dilexerunt te Deus! vtinam non verbo tantum, sed opere & veritate diligeres me! non ita CRVCIS consortium refugeres. Et quod amantis potissimum votum? nōne amato, quā licet, assimilari? Ego autem pauper fui, & in laboribus à iuuentute meâ.* Et quid aliud deceat te, quàm æmulari formam illam, quam assumpsisti propter te? Quot pueri & puellæ, quot iuuenes & virgines rigidissimū viuendi genus, & CRVCES & corporis afflictationes ab ipsâ pænè infantia sponte sunt amplexi? Quot martyrio coronati, qui præiudi-

Cant. I, 2.

Pfal. 87, 16.

iudicium vehebant ætatis? & tu non poteris quod isti & istæ?

Erubescere ad hæc Staurophila, & accendebatur nonnihil imitandi desiderio. Atque vtinam Domine, aiebat, gratia tua me quoque præueniat & sequatur, vt digna efficiar societate iuuenularum tympanistiarum, quæ *carnem suam crucifigentes cum vitijs & concupiscentijs, mortificauerunt membra sua, quæ sunt super terram!* Bonum hoc votum, aiebat Christus, sed opere ipso opus est, non nudis verbis. Sed vt hanc voluntatem confirmem, scito longè tibi fore vtilius, in hac ætate CRUCEM suscipere, quàm in secururam & incertam differre. Nil fertur facilius, quàm quod à teneris vnguiculis ferre didiceris: difficile autem est (vt dici solet) senem canem assuescere loris, & inueteratum dierum docere pœnitentiam.

Cælesti id visione aliquando declaratum, quam ad tuam qualemcumque consolationem subtexere non grauabor. Ferunt enim *Religiosum quemdam vitâ sanctum apparuisse de nocte Fratri sociog. suo, magno splendore collucentem. Cumq. eum ex cellâ eduxisset, ostendisse magnum numerum hominum candidâ veste, mirabilig. luce micantium, qui pulcherrimas CRUCES humeris deferebant: erat autem omnium ITER in calum. Postea modico*

Gal. 5, 24.

Colos. 3, 5.

Hieron.

Platus l. 3.

de Bono

status Re-

lig. c. 33.

inter-

intervallo, alius sequebatur ordo, isq; multo pulchrior, multoq; lucidior, quorum unusquisque ornatissimam CRVCEM, non iam humeris, sed manibus gestaret. Deinde tertius ordo, omnium longe splendidissimus, & speciosissimus, quorum item CRVCES formâ & pulchritudine reliquorum CRVCES superabant, neque eas ipsi portabant, sed suus, qui singulos preibat, Angelus, ut ij alacres & ludibundi sequerentur. Quod spectaculum cum ille miraretur, exposuit socius, primos illos esse, qui prouectâ iam ætate Religiosæ vitæ CRVCEM amplexi fuissent, secundos, qui in virili, postremos autem, quos aded expeditos hilaresq; vidisset, eos esse, qui in adolescentiâ se CRVCI subdidissent. Ecquid nunc animi tibi est, Staurophila? Iam, inquebat illa, volupe fuerit in postremis istis non esse postremam, & reijcio prorsus, quas antea requirebam, moras, procrastinationem omnem detestor. Nunc, Domine, nunc, te auspice, incipiam, hac mutatio dextera Excelsi.

Pl. 76, 11.



CAPVT II.

Sua cuique ferenda CRVX, nulla eligenda.

Tollat CRVCEM suam. *Matth. 16, 24.*

*Non tua, sponte tuâ, CRVX est, quam deligis,
ast hæc,
Dius ab æterno quam tibi struxit amor.*



NIMATAM hoc pacto Stauro-
philam Christus in eum edu-
xit locum, vbi plures variæque
CRVCEs per terram sparsæ ia-
cebant. Illa verò iam accincta,
& generosior videri gestiens, exiguam quam-
dam è pluribus præripere festinabat. Lepidè
igitur, & quasi re benè gestâ ita cantillabat.
*Magna ferant, magnum quibus est in corpore
robur,*

*Parua erit hæc humeris CRVX satis apta
meis.*

Cùm Christus: Quid hoc, ô Staurophila? in
ipso rursus offendis limine. Num tam citò
exciderunt, quæ pridem audisti? Quomo-
do? reponebat illa. An non, Domine, hoc
CRVCEM tollere? Est, inquiebat Christus,
sed non vt docui. Neque enim vtcumque
dixi TOLLAT CRVCEM; sed notanter addidi

SVAM.

Tollat CRUCEM suam.

Matth. 16, 24.



Non tua, sponte tuâ, CRUX es, quam deligis; ast hec,
Dñs ab eterno quam tibi struxit amor.

SVAM. Et quæ, inquiebat illa, mea CRVX? nonne hæc, quam è multis selegi? Nequaquam, aiebat Christus, non enim conceditur hic vt pro voto quisque eligat, sed CRVCEM expectare oportet de manu Dei. Erraui, vt video, inquiebat Staurophila; nam ita mecum ratiocinabar: Ex malis eligendum minus, adeoque, si ferenda omnino CRVX, exiguum sufficere. Non leuis, inquiebat Christus, hic error; CRVCEM siquidem in malis numerare, malum est. Hæc enim carnalium & mundanorum hæresis quædam est, qui corporis sensibus, cuiusque rei bonitatem metiuntur. Verùm ratione & fide te niti volo; quis si adhibueris, CRVCEs malas non affirmabis. Remoue enim opinionum istud velum, & oculos ad afflictionum ortum refer, ac finem. Videbis sanè illum, à bono; cap. 6. hunc, in bonum. *Origo certè CRVCIS, & cuiusvis afflictionis, à Deo: id est, non ab ipso summo bono solum, sed bonorum omnium auctore, capite, fonte. A quo non magis est vt malum aliquod emanet, quàm vt malus sit ipse. Benefica tantùm & salutaris illa vis: quæ ledere æquè spernit, ac ladi: & cui vna summaq; potentia est, prodesse.*

Fine quoque, vt dixi, CRVX bona; quia ad bonum directæ semper, & salutem: imò rectæ & certæ ad hanc viam. Quæ

igitur malum sit, à quo summum hominis bonum?

Sed age, fidei lucernam hîc accendamus, ut omnis dispellatur caligo. Credisne, Staurophila, me verum Dei Filium, verè & realiter in augustissimo Eucharistiæ Sacramento contineri? Scio equidem quòd credas: sed dic mihi modò, cur id adeò firmiter teneas. Respondit illa: Quia tu, ô æterna Veritas, id nobis revelasti, & sacratissimo tuo

Matth. 26, ore dixisti: *Hoc est Corpus meum*. Cur ergo, 26. inquiebat Christus, afflictiones & CRVCES non sentias bonas, cùm idem ipse dixerim:

Matth. 5, 3 *Beati pauperes spiritu: Beati qui lugent: Beati qui persecutionem patiuntur propter iustitiam?*

Tacebat ad hæc Staurophila, siue quòd consentiret, siue quòd nihil occurreret quod posset opponere. Cùm rursus Christus: Viden' quid iam hinc consequatur? Quid? inquiebat illa. Nimirum, si bonæ CRVCES, dicebat Christus, non aspernandas illas, sed magis optandas: & ex bonis non eligendum minimum, sed maximum. Video quidem, referebat Staurophila, id sequi, sed quis est, qui id possit? Ut faceres, inquiebat Christus, præiui exemplo. *Nasciturus enim cùm essem eiusdem cuius nunc sapientia & potestatis, utpote Dei virtus, & Dei Sapientia, essetq;*

Bernard.
Serm. 3. de
Natiuit.

in meo arbitrio quodcumque vellem eligere tempus, elegi quod molestius est, præsertim paruulo, & pauperis matris filio. Meus erat orbis terra, & plenitudo eius, & tamen elegi stabulum: calum mihi sedes erat, & terra scabellum pedum meorum, & pro regali throno, elegi præsepis angustias. Iam verò quid de me prædictum? nõne quòd scirem reprobare malum, & eligere bonum? Malum ergo voluptas corporis, bonum verò afflictio est. Siquidem & hanc elegi, & illam puer sapiens, Verbum infans reprobauit.

Pl. 49, 10.

Ila. 66, 1.

Iai. 7, 15.

Optimum, respõdebat Staurophila, exemplum: sed quotusquisque est, Domine, qui per hanc viam te sequatur? Ecquis erit qui contemptis huius vitæ commodis, aduersa præ illis eligat? Nescis, respondebat Christus, quot habuerim habeamq; veros Crucis amatores. Non incidit tibi quid de sancto Francisco litteris proditum sit? *Laborabat hic infirmitatibus multimodis tam graui- ter, vt vix in eo membrum aliquod remaneret absque ingenti passionis dolore: ad hoc tandem per varias & diurnas, agritudines deductus est, vt consumptis iam carnibus quasi sola cutis ossibus hereret. Cumq; duris corporis angeretur doloribus, illas suas angustias, non pænarum censebat nomine, sed sororum. Cum autem grauius solito dolorum vrgeretur acu-*

Bonauent.
in Vitâ
c. 14.

leis, quidam Frater simplex dixit ad eum: Frater, ora Dominum, ut mitius tecum agat: matrem enim suam plus debito super te gravare videtur. Quo audito, vir sanctus cum ciulatu exclamans; ait: Nisi noscerem in te simplicem puritatem, tuum ex nunc abhorrerem consortium, qui ausus fueris circa me diuina iudicia reprehensibilia iudicare. Et licet totus esset attritus grauis prolixitate languoris, proyiciens se in terram, ossa debilia duro casu collidebat, & deosculans humum, Gratias, inquit, tibi ago Domine Deus, de omnibus his doloribus meis; teq; mi Domine rogo, ut centuplum, si tibi placuerit, addas: quia hoc erit mihi acceptissimum, ut affligens me dolore, non parcas, cum tue sanctæ voluntatis adimpletio, sit mihi consolatio superplena.

Iob. 6, 10.

Acta canonizat.

Quid verò de generoso hoc animo censes, Staurophila? Num ille minimâ contentus CRUCE? Nec solus in hac mente fuit: fuit & cognominis illi Xauerus; qui in abundantia diuinarum consolationum exclamare solebat: *Satis est Domine, satis est.* In CRUCIBVS, laboribus & persecutionibus dicebat: *Amplius Domine, amplius. Non me libera hac CRUCE, nisi grauiorem immittas.*

Sed ne quidquam desit, proponam tibi sexûs tui exemplum prorsus memorabile. Sponsa mea Catharina Senensis adeò afflictionibus

etionibus delectabatur, nihil ut in hac vitâ tantum ei solatij adferret, quantum CRVCES; sine quibus, ut ipsa aiebat, vita hæc ei fuisset molestissima: propter eas autem perlibenter tulisset beatitudinis dilationem, non ignorans, illam afflictionibus non parum augeri. Appetita autem graui calumniâ, cum eam multis lacrymis ad me referret, apparui ei, habens in dexterâ coronam auream miri decoris, in sinistra spineam, dixiq; ei, ut eligeret, utram mallet. At illa, Ego, inquit, Domine, cupio in hac vitâ tuæ passioni semper conformari, & pænas amplecti pro refrigerio: simulq; è sinistra spineam coronam feruenter arripiens, illam vi multâ impressit capiti, illud undique spinis compungens.

Quid iam tibi videtur? num omnes CRUCEM abhorrent? num minimam requirunt? aut si possent, ut tui similes, nullam? Verùm hi omnes perfecti & sancti fuerunt, inquiebat Staurophila, ego autem peccatrix sum, & admodum tenera. Sed enim, regerebat Christus, quid obest quò minus & perfecta & sancta fias? nec aliis caro ænea fuit, sed erant homines passibiles, similes tibi. Verùm non id modò ago, ut ad tam excelsa te virgeam; tantum ne ipsa tuo arbitratu CRUCEM tibi deligas, dicens cum imperfectis: Hoc & istud facilè admisero, sed quæ mihi modò

Thom. à
Kemp. l. 3.
cap. 19.

imponitur CRVX nimis ea grauis est, quàm
vt ferre queam. *Non est*, crede mihi; *verus*
paciens, qui pati non vult, nisi quantum sibi
visum fuerit, & à quo sibi placuerit. Verus pa-
tiens indifferenter ab omni creaturâ, quantum-
cumque, & quotiescumque ei aliquid aduersi
acciderit, totum hoc de manu Dei gratanter ac-
cipit, & ingens lucrum reputat. Si teipsam, vt
edocta es, abnegasti, si intellectum & volun-
tatem ex integro mihi resignasti, quid est
quòd nunc, velut oblita priorum, iterum illa
in consilium adhibeas? An non ego, æterna
Sapientia, ita ordino vniuersa, vt quidquid
acciderit, id tibi certè bonum atque vtile sit?
Domine, aiebat Staurophila, nimis insipien-
ter egi, propriâ innitens sapientiâ: & fateor,
ex prudentiâ carnis processit hæc electio,
quæ fortè periculo non vacat. Ita est, inquie-
bat Christus, *Ve enim portantibus CRUCEM*
non SVAM, sed alienam! v. e. citharædis citha-
rizantibus, non vt illi de Apocalypsi, in citharis
SVIS, sed in alienis. Aliena enim censeri de-
bet CRVX, quam propriâ quis elegerit spon-
re; propria autem, quæ à Patre meo vnicui-
que destinata & imposita fuerit, cuiuscum-
que tandem ad hoc manibus vtatur. *Cùm*
virgo Gertrudis commiseratione mota, oraret
pro quadam personâ, quam audierat impatien-
ter conquerentem, quòd Deus ei grauamina
im-

Bernard. in
Apolog. ad
Guiliel.
Abbat.
Apoc. 14, 2.

Blos. in
Monil.
cap. 10.

immitteret saluti suæ minùs convenientia ; respondit ei Dominus : Dices illi pro quâ oras, vt quia sine aliquâ saltem tribulatione vel molestiâ regnum caeleste obtineri non potest, eligat atque indicet quænam grauamina sibi utilia esse putat : & cum hæc ipsi euenerint, seruet patientiam. In quibus verbis Gertrudis intellexit, periculosissimum genus impatientiæ esse, quando homo peruersè ac superbe eligere vult quæ ferat, dicens saluti suæ minùs congruere, scq; non posse sustinere ea grauamina, quæ sibi à Deo immittuntur. En quantum in electione CRVCIS periculum : tu verò iam admonita, illud serio vitabis.



Exeamus ad eum extra castra, improperium eius portantes. *Hebr. 13, 13.*



*Hanc CRVCIS ipse viam, populo plaudente, præiit,
Et pudor est Domini ponere subire pedes.*

CAPVT III.

*Non trahenda, sed ferenda CRVX; sper-
nenda quoque, quæ ob illam ingeruntur
opprobria.*

Excamus ad eum extra castra, impro-
perium eius portantes. *Heb. 13, 13.*

*Hanc CRVCIS ipse viam, populo plaudente,
præiui,
Et pudor est Domini ponè subire pedes?*



IS auditis animaduvertebat
Staurophila, vix posse se desti-
natæ CRVCIS iugum detrecta-
re. Proinde veluti conuicta, ac-
cinxit se ad tollendam quam
Christus monstraerat CRVCEM. Sed vt re-
stitat semper refuga tristium natura, callidè
meditabatur tam parum oneri se submitte-
re, quàm posset. Quid igitur fecit? iniecto
funè non tam tollere, quàm per terram tra-
here post se CRVCEM cœpit. Et quia vide-
bat fore vt aliorum oculis notaretur, & sub-
inde etiam sannis exciperetur, faciem velo
cooperuit; erubescens nimirum oppro-
brium CRVCIS. Videbat hæc Christus, &

primùm quidem dissimulare visus, mox eam ita redarguere occœpit.

Et quid hoc, Staurophila? Anne sic CRVCEM te ferre arbitraris, quã velut rem ignominiosissimam, ne contactu quidem dignaris? Recordare, obsecro, quòd non dixerim, *Qui vult post me venire*, trahat vel ducat,

^a Matth. 16, 24. ^b *tollat*, ^b *bainlet*, & ^c *accipiat* CRUCEM *suam, & sequatur me*. Quã loquendi formã quid aliud innuere volui, nisi CRUCEM, ubi-
^b Luc. 14, cumque illa inuenta fuerit, vt pretiosum pi-
^c Matth. 10, 38. gnus, è terrã subleuandam, & in humeros accipiendam? non secus ac matres charissimas proles magno gaudio brachiis impositas gerunt.

Non facilè inueniebat Staurophila quid ad hæc responderet, sed tepidã tantùm ac trepidã voce aiebat, se nimio horrore ad CRVCIS onus expauisse, & solo aspectu adeò territam, vt subleuare nõ auderet. Cui Christus: Immodica hæc formido non è CRVCIS mole, sed Cruciferæ prouenit opinione. Non enim malum est, malum pati; at nescire malum pati, hoc demum malum est. *Quantò melius ad patiendum te disponis, tantò sapientiùs agis, & amplius promereris*. Sed quis hoc poterit? inquebat Staurophila. Nemo non, inquebat Christus, qui non in se, sed in Deo confidit. Fateor equidem *non est*

A Kemp.
lib. 3 de
Imit. Christi,
cap. 19.

est secundum hominem CRUCEM portare, Idem l. 2. cap. 12.
 CRUCEM amare, corpus castigare; honores fugere, seipsum despicere, & despici optare, & nihil prosperitatis in hoc mundo desiderare. Si ad teipsam respicis, nihil huiusmodi ex te poteris; sed si in Domino confidis, dabitur tibi fortitudo de celo.

Sperare quidem hoc possum, inquebat Staurophila, cum magna sit misereris Dei benignitas; sed abstrahit me, ut verum fatear, tam arduæ CRUCIS horror. Cui Christus: Virgam olim Moyses in colubrum versa Exod. 4, 3. usque adeo exhorruit, ut plane fugeret. Verum cum iussu Dei manum extenderet, apprehenderetque caudam eius, versa est in virgam, quam solito tulit more; eaque populum è miserrimâ seruitute per mare rubrum traduxit. CRUX & tribulatio virga est, quam si in terram proicias, nihil aliud quàm colubrum existimabis, à quo morsum mortemque reformidans, fugam capeffes. At si è terrâ sustuleris, manuque veritatis per caudam apprehenderis (optatissimum scilicet tribulationum respiciens finem) iam CRUCEM virgam Moysis facile experiere, quæ à peccati seruitute in cælestem te ducat Ierusalem. Respice ergo cælum, quod CRUX ducit, respice æternam beatitudinem CRUCI repromissam. Qui fluij vada pertranseunt, oculos

2. Corinth.
4, 18.

oculos ad cælum, vel litus attollere monentur, ne aquarum fluxu turbati corruant. Tribulationum pelagus transmittere omnes oportet, ne autem mirabiles elationes maris cerebrum nimium obturbent, sursum ferenda corda, cælum intuendum, non *contemplanda quæ videntur; sed quæ non videntur: quæ videntur enim temporalia sunt, quæ non videntur, æterna.*

Et quid est, quæso, quòd digito vix vno CRVCEM trahas? Si vnum tantum alterumve hominis membrum æternâ afficiendum esset beatitudine, sufficeret fortè vnâ manu aut digito CRVCEM tulisse: sed cum totum hominem saluum fecerim, totum perenni gloriâ, in quâ *cor & caro exultabunt in Deum vivum*, remunerare statuerim, quidni totus CRVCE affligatur, totus CRVCE oneretur? Neque verò nescis, Staurophila, me totum id quod pro hominibus assumpsi, totum hominibus redimendis impendisse. Vt quid igitur patiar tam parcè mihi serui, quasi satis foret, qualitercumque CRVCEM post se trahere? Aliter sanè amor & labor meus videtur compensandus. Strictum hîc tenebat Staurophila silentium, nec hiscere contra audebat.

Christus verò alium non leuem castigans errorem, ita rursus inquit: Cur, quæso, adduxisti

xisti velum super faciem tuam? an Crucigera-
 ram videri ignominiosum ducis? Ita sanè,
 inquiebat Staurophila, *operuit confusio fa-* Psal. 68, 8.
ciem meam, ecce enim facta sum opprobrium Psal. 78, 4.
vicinis nostris, *subsannatio & illusio his qui*
in circuitu nostro sunt. Nec est vt multis ex-
 ponam: etenim *tu scis improprium meum, &* Psal. 68, 20.
confusionem meam, & reuerentiam meam. Cui
 Christus: Eia, inquit, ad me oculos conuer-
 te. Nonne ego, gloriâ & honore coronatus,
proposito mihi gaudio sustinui CRUCEM, con- Hebr. 12, 2.
fusione contemptâ? An non propter te susti-
 nuî opprobrium? propter te quoque factus
sum vermis & non homo, opprobrium homi- Psal. 21, 7.
num, & abiectio plebis? Certè cùm educerent
 me extra portas ciuitatis sanctæ baiulantem
 mihi CRUCEM, *omnes videntes me, derise-* Psal. 21, 8.
*runt me, * subsannauerunt me subsannatione,* * Psal. 34, 16.
frenduerunt super me dentibus suis. Et tu
 nunc modicam infamiam CRVCIS reformi-
 das, quasi vile & infame foret participium
 CRVCIS meæ: cùm veri mei discipuli hoc
 ipsum sibi duxerint gloriosum. Quare non
 dubitauit Apostolus Paulus ita exhortari:
Exeamus ergo ad eum extra castra, improp- Hebr. 13,
rium eius portantes. 13.

Respondit verò Staurophila: Ferrem equi-
 dem non illibenter, mi Domine, tecum &
 pro te CRUCES & ignominias, vt multi Mar-
 tyres

tyres fecerunt, sed illud pessimè me habet,
quòd velut publica peccatrix censear, quasi
delictis meis CRVCEM hanc commerita fue-
rim. Proinde etiam atque etiam rogo te,
Psal. 42, 1. *Indica me Deus, & discerne causam meam de*
Psal. 118, *gente non sanctâ, nec tradas me calumnianti-*
121. *bus me.*

Cui Christus: Quid tum? Nónne & ego,
Rom. 8, 3. qui peccatum non feci, veni in similitudi-
Marc. 15, *nem carnis peccati? nónne cum iniquis reputa-*
28. *tus sum? An non cum duobus latronibus*
Luc. 23, 32 *eductus, medius inter eos crucifixus sum?*
Isai. 53, 6. Nónne in me Pater posuit iniquitates omnium
vestrum, & existimatus sum tamquam percussus à Deo? Et tu nunc, quasi iustitiam feceris, exhorrescis inter peccatores numerari.
Ierem. 3, 1. An ignoras quod fornicata sis cum amatoribus multis? quòd tregeris iugum, & abieris
Iob 15, 16. vaga in viam cordis tui, ita vt velut aquam biberes iniquitatem? Et nunc velut innocens conquereris te nonnihil ludibrio haberi, cum iam pridem edocta fueris me sequi per gloriam & ignobilitatem, per infamiam & bonam famam. Si me attendis, videbis sanè quòd
2. Corinth. 6, 8. *ubi humilitas, ibi maiestas; ubi infirmitas, ibi potestas; ubi mors, ibi vita. Si ergo vis ad illam venire, noli ista contemnere, noli erubescere; idè enim in fronte, tamquam in sede pudoris, signum CRVCIS accepisti.*

August.
Serm. 20.
de Verb.
Apost.

Non

Non sat animi habebat Staurophila, vt his rationibus acquiesceret. Proinde, fateor, in-
 quiebat, quòd coram te, Domine, multis pec-
 catis obnoxia sim, non tamen iis quæ publi-
 cè oculos hominum offendant, quæque ipsi
 me designasse clamant. Quid tu semper, aie-
 bat Christus, hominum attendis dictèriis?
Gloria nostra hæc est, inquit Paulus, testi-
monium conscientie nostræ. Benè ergo sibi con-
sciis, falsis non debet moueri, nec æstimare plus
ponderis in alieno esse conuitio, quàm in suo te-
stimonio. Ad hæc Staurophila: Vt cumque
 non reprehendat me cor meum, nec grauio-
 ris mihi conscia sim sceleris, durum tamen
 censeo inter flagitiosos publicè censerì.

Eamdem, aiebat Christus, reiteras cantile-
 nam: & durum id esse non nego, sed tamen
 tolerabile. Neque similitudo CRVCIS, quâ
 tam boni quàm mali discruciantur, merito-
 rum probat æqualitatem. *Quicumque enim*
boni maliq; pariter afflictì sunt, non idè ipsi
distincti non sunt; quia distinctum non est
quod utrique patiuntur. Nam sicut sub vno
 igne aurum rutilat, palea fumat; & sub ea-
 dem tribulâ stipule comminuuntur, & fru-
 menta purgantur, nec idè cum oleo amurca
 confunditur, quia eodem praeli pondere expri-
 mitur; ita vna eademq; vis irruens bonos
 probat, purificat, eliquat; malos damnat, va-
 stat,

2. Corinth.

1, 12.

Ambros.

de Offic.

August. l. 1.

de Ciuit.

Dei cap. 8.

stat, exterminat. Vnde in eadem afflictione mali Deum detestantur, boni autem precantur & laudant. Nam pari modo exagitatum & putorem suum exhalat canum, & suauiter fragrat vnguentum.

Nescio quid dicam, aiebat Staurophila, & CRVCEM ferre, & passim ab omnibus subfannari, duplex malum. Imò vnicum, aiebat Christus: hæc enim altera CRVCIS pars est, sub eâ, & cum eâ contumeliam pati.

2. Timoth. 3, 12. Omnes enim qui piè viuere volunt, persecutionem patientur. Et commune est in hoc sæculo, vt ambulans recto itinere, & timens Deum, despi-ciatur ab eo qui infami graditur viâ. Sed relinque mundo iudicia sua, & vanas opinaciones, tu me sequere. * Si de mundo esses, mundus quod suum est diligeret; nunc autem odite mundus, quia elegi te de mundo, vt sequeris me, & CRVCEM tuam baiulares: sed & hoc scito, quia me priorem odio habuit, subfannauit, & irrisit. Propterea enim Iudæi, deditâ operâ, istâ morte CRVCIS interimere me voluerunt, vt probrosum quoque efficerent; vt, etsi nemo propterea à me abstineret quòd occisus essem; abstineret tamen vel idèò, quòd hoc mortis genere occisus essem. Sed hoc ipsum diligentes me magis allicit, quòd propter ipsos plenam dedecore mortem elegerim. Atque hæc ipsorum est in ignominiiis

Chrysof.
Homil. 7.
in Epist. ad
Philip.

miniis consolatio, quòd mihi efficiantur
quàm simillimi.

Magna hæc, aiebat Staurophila, perfectio
est; nec omnibus, vti credo, communis: ego
verò infirma sum, nec tam alta præsumere
ausim. Ita est, inquiebat Christus, perfectio-
rum hoc studium est, sed ad illud omnes
omnino hortatus sum: *Estote perfecti, sicut* Math. 5,
48.
& Pater vester celestis perfectus est. Et qui-

dam in patientiæ gymnasio non mediocri-
ter eruditus, ita scripsit: *Is qui ad placidissi-* Climach.
Grad. 4.
am animi quietem atque ad Deum currit, die

omni, quo maledicta non sustinet, ingens de-
trimentum se sustinuisse arbitratur. Sicut enim

arbores, quæ a ventis agitantur, altioribus
semper radicibus nituntur: ita & qui in obe-

dientiâ degunt, validas atque inconcussas ani-
mas possident. Quàm vellem, aiebat Stauro-

phila, & ego tantum in VIA CRVCIS profe-

cisse, tantumque animi robur obtinuisse!
Confide filia, inquiebat Christus, primum

bonæ mentis signum est, virtutem concupi-

scere; crescente deinde desiderio, facile cre-

scet & studium. Si ergo vltcrius optas in-

strui, audi eundem pietatis Magistrum:
Initium, inquit, beatæ tolerantia est, in amari-

tudine & dolore animæ ignominias suscipere:
Medium verò, eas tolerare sine mærore: Finis
autem & consummatio, illas laudem existima-

*Ibid. pau-
cis inter-
iectis.

re. * Vidi ego tres vnâ Monachos iniurijs af-
fectos, ex quibus vnus mordebatur quidem in-
iurijs atque perturbabatur, sed tamen in silen-
tio premebat iracundiam: alius verò gau-
debat quidem ex luctu suo, sed eius qui se male-
dictis infectatus fuerat peccato angebatur: ter-
tius verò proximi tantum damna secum vol-
uens, vim ardentium lacrymarum profunde-
bat. Eratq; suauē spectaculum, timoris, & mer-
cedis, & charitatis operarios afficere.

PP Eremitarum Camaldulensium



CAPVT IV.

*Ostentatio in CRVCIS baiulatione
vitanda.*

Attendite ne iusticiam vestram facia-
tis coram hominibus, vt videamini
ab eis. *Matth. 6, 1.*

*Non quid agas, sed quò spectes, Deus undique
spectat,
Ferre tuam, vanum, vt sancta ferare, CRV-
CEM.*



ON illibenti animo hæc exci-
piebat Staurophila, iamq; me-
ditabatur in opus conferre;
cùm illud, quod vulgò dici
solet,

*Dum vitant stulti vitia, in contraria cur- Horat.
runt,*

ei euenit planissimè. Intellexerat non tra-
hendam retrò CRUCEM, vt ignobile onus,
non formidandam CRVCIS ignominiam,
quæ gloriæ esset seminarium, proinde aliud
nihil quàm gloriam & honorem aucupaba-
tur. CRUCEM siquidem transuersim ante se
ferens, omnium se oculis visendam expone-

Attendite ne iustitiam uestram faciatis corā
hominibus, ut uideamini ab eis. *Math. 6, 1.*



*Non quid agas, sed quò spectes, Deus undiq̃ spectat:
Ferre tuam, vanum, vt sancta ferare, CRUCEM.*

bat; hoc nomine magnam se rata, quòd iam CRVCIS Christi esset gerula. Ita infelix, quæ ostentui haberi metuebat, in probrosam incidit ostentationem.

Animaduertens id Christus, noui erroris eam commonefecit. Et quid hoc, inquit, filia? præcedens vitium æquali vel maiore vis corrigere? CRVCEM te tollere, non te extollere oportet. Et vide, quàm parum succedat hæc talis baiulatio: vbique enim impingis, atque ipsa CRVX tibi impedimento est, ne angustam regni cælestis ingrediare portam. Non legisti quâ ratione id S. Arsenio olim fuerit ostensum? Sedebat hic aliquando in cellâ suâ, & venit vox dicens ei: Veni ostendam tibi opera hominum. Et surgens exijt, & ecce vidit templum, & duos viros sedentes in equis, & portantes lignum transuersum, vnum contra vnum: volebant autem per ianuam intrare in templum, & non poterant, propter lignum illud quod in transuerso portabant: & non inclinantes se vnus post alium, vt fieret lignum illud directum, remanserunt foris extra ianuam templi. Et cum interrogasset quid hoc esset, ille respondit ei: Hi sunt, qui portant velut cum superbia iugum iustitiæ, & humiliati non sunt vt corrigant se, & ambulent humiliter in VIA CHRISTI; propter quod & remanent foris à regno Dei. Viden' vt hîc

Pelag. in
Vit. Pat.
lib 5 li.
bell. 18.
num. 2.

tua depingatur insipientia, & quanto te discrimini exponas? CRUCEM ferre, & hoc ipsum ad gloriam referre, vanum est, nullamque meretur mercedem.

Respondit Staurophila: Quòd hoc pacto, Domine, me geram, id eâ gratiâ feci, vt vel maximè declinarem errores illos, de quibus proximè monueras. Neque tantum mali in eo credebam, quòd aliquantam gloriam admitterem: occurrebat enim illud quod legeram,

Ouid. 5.

Trist. Eleg. & :

15.

—— *Non paruas animo dat gloria vires:*

—— *Immensum gloria calcar habet.*

Hoc igitur stimulo me ad duram alioqui CRUCEM excitabam, nec inconueniens arbitrabar hoc qualicumque fomento difficultates, quæ ei insunt plurimæ, nonnihil solari. Si gloria delectat, inquebat Christus, æternam eamque solidam specta, temporalem hanc & inanem procul abijce. *Ne ven-*

S. Nilus

Orat. 7.

*das, quæso, labores tuos humanis laudibus, nec
futili famâ proijcias futuram gloriam. Laus
(enim humana in pulvere domicilium habet, &
(gloria eius extinguitur super terram; vera au-
tem & solida virtutis gloria manet in sempi-
ternum. Quàm peruersum est diligere glo-
riam hominum magis, quàm gloriam Dei!
Extremæ est, Staurophila, dementia, in re-
bus*

bus spiritualibus non nisi inanem spectare gloriam: hoc enim est & labore se affligere, & mercedem prodigere. *Seruus ad Domini oculos respicit, ad herum mercenarius, & ad præceptorem discipulus: tu contra omnino, remunerantem Deum Dominumq; relinquens, ad conseruos respicis, etsi benè noueris Deum rectè factorum tuorum in futurum quoque recordaturum, hominem verò tantum ad præsens, & quidem utcumque. Et cum habeas theatrum in celo constitutum, spectatores tamen in terrâ tibi deligis & colligis. Athleta quidem ubi certat, ibi & probari cupit: tu cum in superioribus certes, in inferioribus coronari quæris. Numquam sanè credidissem, inquebat Staurophila, tantum mali esse, gloriolam aliquam venari ex re non malâ. Parum mihi, inquebat Christus, versata videris in scholâ pietatis: an nō audiuisti quàm seriò monuerim: *Attendite ne iustitiâ vestram faciatis coram hominibus, ut videamini ab eis: alioquin mercedem non habebitis apud Patrem vestrum, qui in calis est?* Nōne hoc nomine hypocritas damnaui, quòd eleëmofynam facientes, tubâ canerent ante se, & quòd in Synagogis & angulis platearum stantes orarent, ut honorificentur ab hominibus? hæc enim pietatis opera volui fieri in abscondito, ut Pater cælestis, qui videt in abscondito, reddat mercedē.*

Chrysoft.

Hom. 17.

in Epist. ad

Rom.

Matth. 6, 1.

Ibid. 2.

Hæc quidem, inquiebat Staurophila, etsi non rarò audierim, memoriæ tamen non occurrebant, neque attentius illa hætenus expendi. Et hoc scilicet est, inquiebat Christus, quòd viuus sermo meus & efficax tam paruū in vobis fructum faciat. Sed vt porò pergā, non malè quidam feruorū meorum dixit: *Mater gehenna, est inanis gloria.* Nec est, vt multis hoc probetur, nam & Regius Vates olim cecinit: *Deus dissipauit ossa eorum qui hominibus placeant: confusi sunt, quoniam Deus spreuit eos.* *Va semel, & v.e iterū portantibus CRUCEM meam, & non sequentibus me! quia nimirum, cuius passionibus participant, humilitatem sectari negligūt. Duplici quippe contritione conterentur, qui huiusmodi sunt, cū & hīc pro temporali gloriā se affligant, & in futuro pro internā superbiā ad æterna supplicia pertrahentur.

Sed, obsecro mi Domine, aiebat Staurophila, doce ancillam tuam, vt pestem hanc fugere queat. Cui Christus: *Lucerna corporis tui, est oculus tuus. Si oculus tuus fuerit simplex, totum corpus tuum lucidum erit. Oculi mentis, intentio est cordis, hæc si fuerit recta, totum actionum tuarum corpus rectum, pulchrum ac lucidum erit: sin distorta, nequam erunt quæcumque ex eā processerint.* Non tantū si bonum est quod facis, sed præcipue

Chrysost.
Hom. 17.
in Epist. ad
Rom.
Psal. 52, 6.
*Bernar. in
Apolog. ad
Guilielm.
Abbat.

Luc. 11, 34.

August. in
Psal. 118.
Conc. 11.
in medio,

puè si bonum est propter quod facis, cogitandum. Auerti poscebat Psalmista oculos suos ne viderent vanitatem, id est, ne hanc attenderent, & propter hanc fieret, cum bonum aliquid fieret. Deus enim non valdè attendit August. 1a
quid homo faciat, sed quid, cum facit, aspiciat. Psalm. 31.

Quare quod Apostolus meus monuit: Siue 1. Corinth.
manducatis, siue bibitis, siue aliud quid faci- 10. 31.

tis, omnia in gloriam Dei facite. Idipsum in hâc VIA CRVCIS tibi quàm maximè inculcatum velim, vt scilicet intentio tua sit recta, & ad Deum directâ. De animalibus illis Ezechieli olim ostensis, scribitur: Facies eo- rum & penna eorum extentæ erant desuper.

Ezech. 1.
Gregor. 1. 1.
in Ezech.
Homil. 4a

Quid autem per faciem, nisi intentio; quid per pennas, nisi contemplationis volatus designatur? Omne proinde bonum quod agitur per intentionem, semper ad caelestia eleuetur.

* Quelibet enim actio, quamvis bona videatur, tamen quasi mortua iudicatur, si non per intentionem bonam animetur. * Nihil igitur proposito vanitatis, & inanis gloria capeſſenda gratiâ facias, quæ autem bono initio cæperis, obseruatione simili custodire nitaris.

* Richard.
de S. Viſt.
de Stat. int.
hom. c. 7.
* Cassian.
l. 1. 1. Instit.
cap. 18.

Sed quomodo captandæ humanæ laudis, aiebat Staurophila, vitium declinabo? Si tibi certò persuaseris, respondebat Christus, ubique Deum adesse. Siquidem nemo est, qui cum in oculis Domini sit, cum illius dedecore conseruo

Basil. in
Reg. Bre-
uio. qu. 34.

Chrysoſt.
Hom. 5.
in Genef.

fuo malit gratioſus eſſe, quàm Domino. Nō vides in equorum ludis, quomodo hi qui equos agitāt, non aduertunt plauſū populi aſidentis, nec voluptatē ex eo plauſu capiunt; ſed in vnū Regem in medio ſedentem oculos intendunt, ac ad nutū illius attendentes, totam multitudinē deſpiciūt. Hos & tu imiteris, nō magni faciendo hominum famam, ſed ſententiam iudicis inſti exſpectando, atque ad nutum eius omnia dirigendo.

Breuiar
Roman.
14. Sept.

Quid verò vlteriùs faciendum? percontabatur Staurophila. Hoc, inquiebat Chriſtus, vt humili ac ſubmiſſo animo, atque ab omni inſolentiā remoto, CRVCEM feras. *Heraclius Imperator auro & gemmis ornatus, ſolēni celebritate ſuis humeris CRVCEM referre volens in eum montem, quò ego eam olim tuleram, inſiſtere coactus eſt in portā. Quò enim magis progredi conabatur, eò magis retineri videbatur. Quā re cū & ipſe Heraclius & reliqui omnes obſtupeſcerent, Zacharias Ieroſolymorum Antiſtes, Vide, inquit, Imperator, ne iſto triumphali ornatu, in CRUCE ferendā parum Ieſu Chriſti paupertatē & humilitatē imitere. Tunc Heraclius, abiectō ampliſſimo veſtitu, detractiſq; calceis, ac plebeio amictu indutus, reliquum viæ facile confecit, & in eodem Caluariæ loco ſtatuit. Hoc pacto CRUCEM ferri deſidero, vt geſtu ſcilicet humili incedas, & quantū fieri poteſt, hominum oculos cautē declines.*

CA.

CAPVT V.

*Non præcedendum, sed Christum cum
CRVCE sequendum.*

Qui festinus est pedibus, offendit.

Prouerb. 19, 2.

*Quæ præit, errat ouis: propriam lubet ordine
recto*

Si portare CRUCEM, ponè sequare Ducem.



T qui à rectâ viâ semel deui-
uerit, in alia semper incidit di-
uerticula: ita qui superficiete-
nus Deum tantum quærit, se-
misfauciâ voluntate, volens no-
lentique rectam numquam tenebit semitam,
ex vno in alium labetur errorem. Experta id
fuit Staurophila, quæ dum docetur vnum
cauere vitium, in alterum incidit. Tot enim
iam monitis instructa, meditabatur generosè
CRVCIS iter onusque suscipere, nec vllis ce-
dere difficultatibus. Feruidè igitur CRV-
CEM in humeros conijciens, non expectato
Domini responso, præcurrere satagebat: ni-
hil interim hîc sibi simplex columba metue-
bat, cum & proprio niteretur iudicio, & sine
duce tam arduum iniret iter.

At

Qui festinus est pedibus, offendit. *Prou. 19. 2.*



*Que preit, errat ouis: propriam lubet ordine recto
Si portare CRUCEM, ponè sequare Ducem.*

At
Erras
pecc
rum
rursu
exor
ista
ras e
post
tur n
post
quar
inter
uisti
N
nos
respe
plicit
plac
Et n
land
stad
comp
ter n
iam
ta n
eo,
non
non

At Christus ponè eā retinens, reuocansque; Erras, inquit, ô Staurophila, & temerario peccas feruore: oblita siquidem videris earum quas antea tradidi instructionum, ita vt rursus indigeas edoceri quæ sint elementa exordij sermonum Dei. Cui illa: Quænam ista sunt Domine? Respōdit Christus: Ignoras etiam? an non principiò dixi, *Si quis vult* Luc. 9, 23. *post me venire, tollat CRUCEM suam, & sequatur me?* idemtidem inculcans, vt & venires post me, & baiulans CRUCEM sequereris me, quasi satis non foret, semel id monuisse; tu interim ne semel quidem id animo reuoluisti.

Necdum Staurophila errorem suum agnoscebat, sed volens iustificare semetipsam, respondebat: Domine, semper audiui duplicuisse tibi tepidos & dissolutos, contrà placuisse *spiritu feruentes, Domino seruientes.* Rom. 12, 11. Et memini Apostolum tuum non ad ambulandum, sed percurrendum Christianæ vitæ stadium exhortari. Sic, inquit, *currite, vt comprehendatis.* Quid igitur pecco, si gnauiter me ad cursum accingam, & currere etiam incipiam? Et nōne sic breue, quod vitæ meæ restat tempus, feruore compenso? In eo, inquiebat Christus, delictum est, quòd non venias post me, quòd ME (vt iam dixi) non sequaris, quòd ducem non habeas, nec

Ambr. su-
per Ps. 118.
Serm. 5.

magistro vtaris. *Miles qui ingreditur iter, viandi ordinem non ipse disponit sibi, nec pro suo arbitrio viam carpit, ne discedat à signis: sed itinerarium ab Imperatore accipit, & custodit illud; præscripto incedit ordine, cum armis suis ambulat, rectaq; viâ conficit iter; meritoq; non deficit qui Imperatorem sequitur suum. Hanc legem viarum esse præscriptam me docente & ducente, Sanctis commeantibus, recognoscas velim.* An tu mysterio vacare censes, quòd Cyrenæus ille Simon CRVCEM tulerit meam, non ante, sed POST ME? Quid enim hoc insinuabat, nisi quòd *bonus ordo spiritualis profectus* hoc exigebat, *vt prius CRVCIS meæ trophæum ipse erigerem, deinde Martyribus, alijsque traderem erigendum.*

* Chrysol. Serm. 54. *Præcurrens Zacchæus ascendit arborem sycomorum, priusquam ego CRVCIS arborem conscendissem, sed quid ei dictum fuit? Festinans descende. Si sapias, descende ante Dominum de Adamiticâ arbore, vt post CRVCEM Dominicæ passionis ascendas.* Ita in arcano sermone sequi eum, non præcedere docui.

Luc. 23.

Ambros.
lib. 10. in
Luc. c. 23.

Basil. in
c. 1. Isai.

Quid verò mali, aiebat Staurophila, si quis præcedat? nam si bonum CRVCEM ferre; quid adeò ductore & Doctore opus? Nimirum, inquiebat Christus, vt bonum fiat bene. *Intolerabilis est superbix argumentum, existimare se nullius egere consilio; sed sibi uni*
atten-

attentum esse, quasi solus possit decernere quæ optima sunt. * Ridiculum planè est, ut vilium ac mechanicarum artium magistros nanciscaris, huc atque illuc oberrare; diuinam tamen Staurosophiam tamquam vile aliquid ac despicandum tibi ipsi reservare. Quare id maxime rogo ne ipsa te doceas, & absque Doctore ingrediaris viam, quam numquam ingressa es: statimq; in alteram partem declinandum sit, & errori pateas; plusq; aut minus ambules, quam necesse est: ne aut currens lassaris, aut moram faciens obdormias.

Numquam arbitrata fueram, aiebat Staurophila, magnum eos subire periculum, qui in spiritu vehementi studerent procedere, atque etiam præcedere; nec vnumquam mihi tantopere proprium iudicium suspectum fuit. Id verò, aiebat Christus, imperitiæ tuæ facile condonauero. Quàm malum autem sit, suo, etiam in re piâ, niti iudicio, & me, vel qui vice meâ fungitur, velle præcedere, satis Apostolorum Principi declaratum fuit. Præcedere quodam loco Petrus volebar, audiens enim de CRUCE & passione me loquentem, ait: Absit à te Domine, non erit tibi hoc. Sed quid responsi tulit? vade post me satana, scandalum mihi es, quia non sapis ea quæ Dei sunt. Quid est hoc? Ille qui antea audierat, Beatus es Simon Bar-Iona, quia non tibi reuelauit caro

* Ifido. Pefusiot. l. i. Epist. 260.

Hieron. Epist. 4. ad Rust.

Math. 16, 23.

August. in Psalm. 69.

*& sanguis, sed Pater meus qui in calis est: modo repente audit: Redi post me satanas. Quid est, Redi post me? Sequere me. Præcedere me vis? consilium mihi dare vis? Melius est ut consilium meum sequaris: hoc est, redi retrò, redi post me. * Sic antecedentem compescebam & satanam appellabam, quia volebat ducere Ducem, docere Magistrum, iubere Domino. Crede mihi, Staurophila, qui se sibi magistrum constituit, stulto se discipulum subdit. Vnde lepido apophthegmate prisca monachorum Antistites dicebant: Si videris inuenem voluntate suâ ascendentem in calum, tene pedem eius, & projice eum in terram, quia non expedit ei. Viden' ut noceat præpropæ festinatio?*

Hui! exclamabat Staurophila, quid tantum mali est, voluntate propriâ in calû conscendere? Illud scilicet, respondebat Christus, quòd voluntas propria sit pes superbia, quo nemo totus calum introiuit. Iterum dico, * qui priuatum sequitur geniû, & absque cognitione ac directione Euangelicâ graditur, impingit in multa. Plerique siquidem, non modicos labores, & exercitationes decurrerunt, afflictiones & arumnas multas, tamquam Dei nomine pertulerunt: priuata tamen dispositio & indiscretio, item arbitrari se non egere auxilio proximi, ipsorum tam graues labores, fatigationes,

* Idem in
Psal. 55.

Bernard.
Epist. 87.

Ephræm
tom. 2. Pa-
ræti, 55

Gerfon
tom. 3.
tract. de
Relig. per-
fect. con-
fid. 12.
* Marc.
Eremit. in
Præcept.
salutar.

tiones, & vexationes infructuosas effecerunt. Tu igitur hoc barathrum fuge, &, si sapias, me sequere. Moysen imitare, qui monitus vt ascenderet de loco in quo erat ad Terram promissionis, confidenter Domino dicebat: *Si non tu ipse pracedas, ne educas nos de loco isto. In quo enim scire poterimus, ego & populus tuus, inuenisse nos gratiam in conspectu tuo, nisi ambulaueris nobiscum.* Sic & tu filia, time vel vnum figere pedem, nisi innixa super dilectum tuum, & sequens vestigia eius. Si currere iuuat, non improbo quidem, noli tamen præcurrere. *Exultauit ego vt gigas ad currendam viam, si me volueris consequi, oportet sequi: non in virtute propria, sed me trahente, & gratiâ meâ adiuuante.* Hoc Sulamitidis votum fuit, quæ non præire, sed trahi optabat, vt curreret post me in odorem vnguentorum meorum. Exod. 33, 15. Psal. 18, 6. Cant. 1, 3.



Gloria magna est, sequi Dominum. *Eccli. 23, 38.*



*Lux ego sum mundi, mea post vestigia curre:
Qui sequitur me, non ambulat in tenebris.*

CAPVT VI.

Exemplo Christi CRVX ritè ferenda.

Gloria magna est, sequi Dominum.

Eccli. 23, 38.

Lux ego sum mundi, mea post vestigia curre :

Qui sequitur me, non ambulat in tenebris. Ioan. 8, 12.



ANDEM aliquando tot conui-
cta rationibus, tot incitata ex-
hortationibus Staurophila ma-
nus dedit, & CRVCEM ritè ge-
stare occœpit, alacri animo

Christo dicens: *Præcedat Dominus meus an-* Gen. 33,
cillam suam, & ego sequar paulatim vestigia 14.

eius. Factum benè, inquebat Christus, &
nunc sapis, ô filia. Ego namque descendi de Thomas
celo pro tuâ salute: suscepi tuas misérias, non à Kemp.
necessitate, sed charitate trahente: vt patien- lib. 3. de
tiam disceres, & temporales misérias non in- Imit. Chri-
dignanter ferres. Tum Staurophila: Domi- sti cap. 1 8.
ne, quia tu patiens fuisti in vitâ tuâ, in hoc
maximè implendo præceptum Patris tui, di-
gnum est vt & ego misella peccatrix secun-
dum voluntatem tuam patienter sustineam: &
donec ipse volueris, onus corruptibilis vitæ &
CRVCIS huius pro salute meâ portem. Nam et si

onerosa sentitur præsens CRVX, facta est tamen iam per gratiam tuam valde meritoria, atque exemplo tuo tolerabilior & charior. O quantas tibi gratias teneor referre, quòd VIAM rectam & bonam dignatus es mihi & cunctis fidelibus ad æternum regnum tuum ostendere! nam vita tua, VIA nostra: & per sanctam patientiam ambulamus ad te, qui es corona nostra. Nisi tu nos præcessisses & docuisses, quis sequi curaret? Heu, quanti longè retroq; manerent, nisi tua præclara exempla inspicerent!

Ita est, inquiebat Christus, idèd enim exemplum dedi vobis, vt quemadmodum ego feci, ita & vos faciatis. Nauigantibus ad fidus aliquod dirigendus est cursus. Pictores, vt imaginem exprimant, prototypon intuentur: vis ritè ferre CRVCEM, quem, nisi me baiulantem mihi CRVCEM, proponere pòtes? huc spectauit Apostolus meus, cùm diceret: *Per patientiam curramus ad propositum nobis certamen, aspicientes in auctorem fidei & consummatorem IESVM.*

O Domine, inquiebat Staurophila, hoc cùm perpendo, vnà cum dilecta Sulamitide dicere lubet: *Fasciculus myrrhæ dilectus meus mihi inter vbera mea commorabitur. Vtrumq; enim mihi es, Domine IESV, & speculum patiendi, & meritum: vtrumque fortiter prouocat, & vehementer accendit. Propterea semper*

Ioan. 13,
15.

Hebr. 12, 1.

Cant. 1, 12

Laurent.
Iust. in
Ligno vitæ
de P. tient.
cap. 5.

per habeo te, Domine, non retrò in humeris, sed antè, præ oculis: ne portans te, ô dilecte mi, fasciculum myrrhæ, & non odorans, onus premat, & odor non erigat. Videns enim tuas angustias, Domine, meas leuius portabo.

Eia sic age, inquiebat Christus, *Gloria enim magna est sequi Dominum, longitudo enim di-* Eccli. 23,
38.
rum assumetur ab eo. Nam quod pro magno inter septem Sapientum dicta celebratur, *SEQVERE DEVM*; hoc verè perficiunt serui mei, qui per *REGIAM VIAM CRVCIS* me sequuntur. Hi profectò non meritum tantum, sed magnam etiam apud Deum assequuntur dignitatem. Exhilarata his verbis Staurophila, In quo, obsecro, aiebat, hæc dignitas sita? In eo, respòdebat Christus, quod digni Deo efficiantur. An non legisti, quid de iustis Scriptura dicat: *Visi sunt oculis insipientium mori, & æstimata est afflictio exitus illorum, coram hominibus tormenta passi sunt?* Sap. 3, 2.
sed quid coram Deo? *Deus, inquit, tentauit eos, & inuenit illos DIGNOS SE.* Quàm felix *CRUX!* quàm beata afflictio, quæ dignum facit Deo! *Is solum miser est, qui in afflictione constitutus nimium tristatur, & Deo non se dignum præbet.* Nicetas
Choniatus.
Ideoque clarissimè edixi, *Qui* Matth. 10,
38.
non accipit CRUCEM suam, & sequitur me, non est me dignus.

Admirans verò Staurophila, exclamabat:

Eccle. 2.
12.

Quid est homo, ut sequi possit Regem factorem suum? Mihi sanè adhærere IESV meo bonũ est, illum sequi opto, illi vniri concupisco.

Leo Ser. 2.
de Resur-
rect.

*Nam si mundana sapientia ita in suis gloria-
tur erroribus, ut quem sibi quisque ducem ele-
gerit, eius opiniones & mores, atq; omnia insti-
tuta sectetur: quæ mihi erit communio nominis
tui Christe, nisi ut tibi inseparabiliter vniar,*

Ioan. 14, 6.

*qui es, ut ipse insinuasti, VIA, & veritas, &
vita? VIA videlicet conuersationis sancta, ve-
ritas doctrina, & vita beatitudinis sempiterna.*

Leo Serm.
13 de Pas-
sione.

*Rectè tu illud quidem, subiiciebat Chri-
stus; ego enim sum VIA, & per me venit
ad me. Per Christum enim ad Christum ten-
dit, qui per semitam patientiæ & humilitatis
incedit. In quo planè itinere nec æstus deest
laboris, nec nubes tristitiæ, nec procella formi-
dinis: ibi sunt insidiæ iniquorum, persecutio-
nes infidelium, minæ potentium, contumeliæ
superborũ; quæ ego Dominus & Rex gloria ideò
omnia percurri, ut inter præsentis vitæ pericu-
la, non tam optandum esset hominibus declinan-
do ista effugere, quàm tolerando superare.*

*Lætata sum in his quæ dicta sunt mihi, in-
quiebat Staurophila, & miror sanè, inueniri
quàm plurimos, qui te recusent sequi. Magis
etiam miraberis, aiebat Christus, si attendas
quid damni patiatur qui noluerint sequi. Ego
enim caput sum hominũ, illi autè mea mem-
bra.*

bra, *Recusat porro esse in corpore, qui odium mundi, CRUCEM & tribulationes non vult sustinere cum capite: nec meretur congaudere in patriâ, qui recusat condolare in VIA.*

August.
Serm. 47.
de Sanctis.

Quidni, inquit Staurophila, caput suum membra sequantur, si bona suscepimus ab hoc capite, mala autem quare non sustineamus? Non est magnum si compatitur membrum capiti, cum quo est glorificandum. Felix omnino membrum, quod huic adhaeserit per omnia capiti, & sequetur illud quocumque ierit! Causa patiendi capiti fuit, ut corpori præberet exemplum; tu enim, Domine, voluntate passus es, nos necessitate: tu miseratione, nos conditione. Tua proinde voluntaria passio, nostra est necessaria consolatio, ut quando talia forte perpetimur, intueamur caput nostrum, ut eius exemplo commoniti, dicamus: Si sit ille, quid nos? Si, inquam, tu, qui peccatum non fecisti, nec est inuentus dolus in ore tuo, tot ludibria, tot alapas, tot flagella, tot spinarû aculeos perpeffus es; si faucijs cruentatisq; humeris CRUCEM baiulasti, quid nos? Utinâ Domine totus mihi figaris in corde, qui totus pro me fixus es in CRUCE! Utinam non recedat ab oculis meis imago Domini mei CRUCEM baiulantis, ut alacriter quoq; meâ discam baiulare! Deuotus enim miles non sensit sua, cum benigni Ducis intuetur vulnera.

Bernard.
Serm. 1. in
cap. Ieiun.

August. in
Pl. 34.

1. Pet. 2.
22.

August. lib.
de Sanctâ
virgin.

Linus 1. 2.
decad. 1.

Id quod in presenti est momentaneum et
leue tribulationis nostræ, æternum gloriæ
pondus operatur in nobis. 2 Cor. 4, 17.



Quid CRVCIS abscindis pondus tolerabile? CRVX est
Quæ grauis, illa breuis; quæ diuturna, leuis.

CAPVT VII.

*Depulsio querelæ de nimia CRVCIS longi-
tudine, aut pondere.*

Id quod in præsentī est momentaneum
& leue tribulationis nostræ, æter-
num gloriæ pondus operatur in no-
bis. 2. Corinth. 4. 16.

Quid CRVCIS abscindis pondus tolerabile?

CRVX est

Quæ gravis, illa brevis; quæ diuturna, levis.



VI ex animo se Christi dedica-
uerunt seruitio, primū qui-
dem suauibus quibusdam so-
latiis solent deliniri; nam in-
star paruulorum, quibus lacte
opus sit, à benignissimo Patre habentur. At
vbi in virtute nonnihil adoleuerint, grauior-
ibus subinde exercentur tentationibus. Ho-
stis enim noster quantò magis nos sibi rebellare
conspicit, tantò ampliùs expugnare contendit.
Eos enim pulsare negligit, quos quieto iure pos-
sidere se sentit. Quin & ipse Deus nonnum-
quam se subducit, vt athletas suos experia-

Greg. l. 24.
Moral. c. 7

tur : atque hinc est quoddam desolationis tempore, non rarò illa displiceant, quæ durante consolatione vel maximè placebant. Vicissitudinem hanc expertus est Regius Vates; Psa. 29, 7. qui de prosperitatis statu ita canit: *Ego autem dixi in abundantia mea: Non movebor in aeternum.* Sed quid in aduersitate? *Auertisti*, inquit, *faciem tuam à me, & factus sum conturbatus.*

Eandem quoque alternationem in Staurophilâ deinceps considerabimus. Vidimus eam iugo Domini collum submittentem, vidimus CRVCEM alacriter gestantem, & lætitiâ propemodum gestientem : nunc exortâ tempestate querulam, gementem, & tantum non sub onere fatiscientem intuebimur. Hilariter CRVCEM exceperat, sed quò diutiùs eam ferebat, eò magis premebatur : & modò æquo longiorem, modò nimis querebatur grauem. Ad callida proinde conuertitur consilia, & abesse Christum rata, inferiorem CRVCIS partem ferrâ, nescio vnde acceptâ, abscindere cœpit.

Huic verò dum esset intenta operi, superueniens Christus, eam redarguit. Quid est, inquiens, quod video? Et hæc CRVCIS contumelia est, illi vel modicum velle demere. Hoccine desideratum priùs & suaue iugum

iugum meum ferre? Cui Staurophila: Bona verba, quæso Domine. CRVX hæc longior apparet, quàm vt eam ferre valeam, ideoque nonnihil amputandam putavi. Recte, inquiebat Christus, dixisti, apparet; non enim reuera est, sed oculis malè affectis, aut per opinionum perspicilia delusis ita videtur. Brevis CRVX & levis dolor Seneca
Epist. 78.
est, si nihil illi opinio adiecerit. Contra, si exhortari te cæperis, ac dicere, Nihil est, aut certè exiguum est, duremus, iam desinet: leuem illam dum putas, facies. Ad opinionem homines dolent: tam miser est quisque, quàm credit.

At ego, aiebat Staurophila, dolorem grauem sentio. Cui Christus: *Quidni sentias, Seneca. ibid. si muliebriter tuleris? * Non sentire CRUCEM, de Seneca non est hominis; non ferre, non est viri* de Con-
sol. ad Pol. c. 36.
aut viraginis fortis, quæ pro regno Dei fortia agere & pati Christianum putat.

Demiror ego, replicabat illa, CRUCEM posse dici nec longam nec grauem, quam talem videmus, palpamus, sentimus. Per eandem lineam, respondebat Christus, ferram reciprocas, vnde & regeo quod antè dixi: *Homines perturbantur non rebus, sed iis quas de rebus habent opinionibus.* Epict. En-
chirid. c. 10
Fit nonnumquam, vt duo quidam simillimâ & eadem panè CRUCE premantur:
alter

alter excitatoris animi, suam putat esse chartaceam; alter abiectioris & tristioris, suam prorsus plumbeam. Hic non res, sed opinio diuersa est. Vis exemplo doceri?

Drexel. ib.
cap. 4. ex
Dionys.
Carth. in
Append. ad
instruct.
Nouit.

Erat Carthusiani Ordinis Nouitius quidam principio alacer, & ad omnia promptus, paulatim autem cepit languescere, & inter onera numerare, quæ initio facillima videbantur. Illud præcipuè religiosum iuuenem vexabat: niger ei cucullus ut tironi ferendus erat. Hunc ille iniquissimis oculis intueri, & trabalem CRUCEM credere, quod aliorum neminem fatigauit. Fuit, ut huic iuueni meridianum somnum conciliaret altissimi silentij quies. Dum dormit, somniat me cum pregrandi CRUCE per cænobiij ambulacrum incedere, & ascensum moliri per scalas, nec tamen progredi posse, ob immodicam CRVCIS molem. Igitur ille ipse tiro, qui hoc somniabat, visus est sibi accurrere, & adinuare velle laborantem. At eum toruè intuens: Et tu, inquiebam, impatientissime, in meâ mihi ferendâ CRUCE sis auxilio? tuam portare nequis, & alios inues? Euigilauit tiro ad has voces, & resipuit, robustiora patientiæ specimina daturus. Quis non dixisset: Cucullus, mi frater, quem horres, ater quidem est, sed leuis est, & ex ritu Ordinis Nouitiis omnibus gestandus? Absit à seruo Christi tale

Tertul. lib.
de Patient.
cap. 8.

*tale inquinamentum, vt patientia maioribus
tentationibus preparata, in friuolis excidat.*

Non poterat his, vtcumque vellet, con-
tradicare Staurophila; sed Assentior tibi,
inquirebat, Domine IESV: *Morosum* est, vt Chrysoft.
Hom. 67.
ad pop.
Antioch.
equidem experior, *genus humanum, sortem*
suam semper accusans, & animum gerens gra-
uatum. Proprium enim vnumquemque plus,
quàm alienum afficit, & se proximos quisq;
superare putat. Sic oculum habens vitiatum,
nullam egritudinem aliam, talem esse censer,
qualem suam: rursus qui stomacho laborat,
hoc omnium esse difficillimum asserit; & quo
quisque tenetur, hoc omnium molestissimum
esse dicit. Idem euenisse mihi non diffiteor,
sed hoc tamen mihi concedas velim, vt
quando de longitudine CRVCIS nihil re-
secare conceditur, liceat saltem dolabrâ
hac nonnihil læuigare. Præterquam enim
quod grauis nimium sit, rudis est & aspera
CRUX, vt artus mihi planè comminuat.

Sic loqueris filia? reponebat Christus:
cessa conqueri, *melius est frangi laboribus* Bernard.
de Inter.
domo
cap. 46.
Idem Epi-
istolâ 73.
& doloribus ad salutem, quàm remanere
incolumem ad damnationem. In quantum
autem grauaris, in tantum lucraris, & in
quantum iuuaris, in tantum tua tibi premia
minuis. Elige ergo, quod eligas, an quod
grauando inuuet, an quod iuuando grauet:
hoc

hoc tibi meritum auget, illud minuit.

Sed enim, inquiebat Staurophila, impar ego sum tanto oneri. Quasi verò, aiebat Christus, æterna Sapientia nesciret, quantum hominum ferrent vires? Repetendumne iterùm quod dictum & doctum iam factis: *Fidelis est Deus, qui non patietur vos tentari supra id quod potestis, sed faciet etiam cum tentatione prouentum, ut possitis sustinere?* Nouit Medicus cur vni plus absynthij aut hellebori misceat, quàm alteri: nempe quia morbus eius sic postulat, aut natura. *Emplastrum mordax vrit te, sed sanat te. Rogas Medicum, ut tollat emplastrum, & non tollit, nisi cum fuerit sanatum quo posuerat. Ego noui quem curo, non mihi det qui ægrotat consilium, potius acquiescat meo, si sanari velit.*

1. Cor. 10.
13.

August. in
Plal. 98.
post med.

Ingemiscens Staurophila, Ah! grauis est, inquiebat, Domine, manus tua super me, & ecce deficio panè sub hac tam longâ, tam graui, tam acerbâ CRVCE. Repugnas, aiebat Christus, spiritui Dei, qui per Apostolum meum ait: *Non desicimus, licet is, qui foris est noster homo corrumpatur. Et, quare obsecro? quia is, qui intus est, renouatur de die diem. Id enim quod in presenti est momentaneum & leue tribulationis nostræ, supra modum in sublimitate æternum gloriæ*
pon-

2. Cor. 4.
16.

pondus operatur in nobis. Perge ergo iam Bernard.
 murmurare, & dicere; longum est, graue Serm. de
 est, non possum tam immania, & tam diuturnus Fallac. hu-
 na portare. Apostolus momentaneum & le- ius vitæ.
 ue perhibet esse quod toleras: & certè necdum
 à Iudeis quinquies quadragenas vnâ minus 2. Corinth.
 accepisti, necdum nocte ac die in profundo 11, 24.
 maris fuisti, necdum plus omnibus laborasti,
 postremò, necdum ad sanguinem restitisti.
 Vide ergo, quòd non sint condigna passionēs
 ad gloriam. Quod tribulationis est, momen-
 taneum est & leue; quod gloriæ, æternum
 est, & pondus etiam supra modum in subli-
 mitate.



Disciplinam Domini, fili mi, ne abijcias, nec
deficias, cum ab eo corripieris. *Prou. 3, 11.*



*Abicit eterne studium, spem, usque salutis,
Que volet impositam deseruisse CRUCEM.*

CAPVT VIII.

*CruX ferenda quotidie, abiicienda
numquam.*

Disciplinam Domini, fili mi, ne abii-
cias, nec deficias cùm ab eo corri-
peris. *Proverb. 3, 11.*

*Abiicit eterne studium, spem insq; salutis,
Que volet impositam deseruisse CRUCEM.*



T vidit Staurophila, non li-
cere de CRVCIS pondere
quidquam imminuere, hume-
ros rursus oneri subiecit, quam-
uis non admodum libenter;
rogabat proinde Dominum: Quàm diu,
quæso, hanc tolerabo CRUCEM, & quan-
tum adhuc absũm à fine. Longa sanè hæc
VIA est, & plurimum adhuc requirit tem-
poris, vt emetiri valeam. Cui Christus: *Cu- Sap. I, 11.*
stodi te à murmuratione, quæ nihil prodest.
O quàm longè adhuc es à vestigiis Marty-
rum, de quibus canit Ecclesia:

Ceduntur gladiis more bidentium:

Non murmur resonat, non querimonia;

M

Breuiar.
Rom. in
Hymn. de
plurib.
Sed Mart.

*Sed corde impanido mens benè conscia
Conseruat patientiam.*

Tu autem quereris & indignaris, nunc ob CRVCIS longitudinem, nunc ob ponderis grauitatem; modò temporis incusas diuturnitatem, & ne illud quidem cogitas quæ, & in quem indignêre. Quæ? Homo, vmbra, puluis. In quem? Horrendum dictu, in Deum, in Patrem, & Patrem infinitè bonum, infinitè sapientem. Si autem CRUX non permissa solùm à Deo, sed immissa: tu, quæ fremis, quæ repugnas, quid aliud quàm sceptrum illi (quod in te est) eripis & arbitrium regnandi? Deus, ô filia, bonitas ipsa est: edocere velis infinitam bonitatem, quo se pacto erga te gerat? Aurificis est scire quàm diu auro sit in igne sudandum, nec aurum priùs ex hoc balneo educitur, quàm satis esse purgatum constet.

Act. 1, 7.

Ita sanè non tuum est nosse tempora vel momenta, quæ Pater posuit in suâ potestate.

August. in
Plal. 36.

A CRUCE liberaberis, cùm visum fuerit illi qui imposuit. Quid quereris de temporis diuturnitate? Infirmitas tua, facit diu videri quod citò est, *quod tibi longum videtur, citò est Deo; subiunge te Deo, & citò tibi erit.*

Vt cumque hæc se habeant, inquebat
Strauophila, attritæ sunt omnino vires meæ,
&

& præ fatigatione vlteriùs pergere nequeo. Nimiùm prolixus hic labor, & qui eum sequitur dolor. Et Christus: Mitte inanes has voces, rectiùs enim diceres, Non volo, quàm, Non valeo hanc CRUCEM ferre: *Omnia enim potes in eo qui te confortat*: Phil. 4, 13. *posses utique, si velles; sufficit enim tibi gratia mea. Nec est durum, nec graue quod ille* 2. Corinth. 12, 9. *imperat qui adiuvat, vt fiat quod imperat.* August. *Proprium est ægri, nihil diu pati, & mutationibus vt remediis vt.* Sermon. 4. de Diuers. Seneca. Age, Staurophila, constanter age, nec assiduitate à suscepto semel CRUCIS iugo deterreare. *Si exiguus, est dolor, feras, levis est patientia; si grauis, tolera, non levis est gloria; si diuturnus, perseuera,* Seneca in Excerpt. *perennis erit retributio: assiduitate ipsâ dolor mitigabitur. Quod quotidie fit, leuius* Chrysost. *fertur, & ipsâ consuetudine in naturâ transit; adeò vt ærumnis ipsis superiores fiant, continuo patiendi exercitio veluti obducto callo obarmati. In mari, qui primùm nauem conscendunt, ob nauigandi insolentiam, perturbantur, tumultuantur, & vertigine corripuntur: at qui multa maria peragrarunt, & multas tempestates, & saxa, & scopulos, & belluarum impetus, & piratarum insidias pertulerunt, & continuas procellas sustinuerunt, fidentiori deinceps animo, quàm, qui ambulant in terrâ, in naui sedent; non in-*

*tus dumtaxat ad carinam, sed etiam in ipsis
 naui lateribus insidentes, & tum in prorâ,
 tum in puppi sine metu stantes: & qui prius
 vel ad ipsius maris aspectum cum tremore
 iacebant, post periculum factum, iam & fu-
 nem trahunt, & vela pandunt, & remos ca-
 pesserunt, & in omnes naui partes facile con-
 cursant. Idem ne dubites, filia, & tibi ac-
 cidet: ferendi difficultatem quotidianus
 emolliet vsus.*

At metuo, aiebat Staurophila, ne hic vsus
 ita me atterat, nihil vt mihi restet virium.
 Etenim quem via hæc habitura sit finem,
 & quando, ne à longè quidem prospicio;
 quare ad illum vsque cum hac CRVCE
 pertingere non valebo. Velis ergo, inque-
 bat Christus, arreptum iter deferere? CRV-
 CEM derelinquere? ne, quæso, id feceris;
 toleratus enim hæcenus labor prorsus fiet
 inanis. Hæc Christianorum vera demum est
 gloria, cum capite suo dicere: *Opus consum-
 mau, quod dedisti mihi, vt faciam.*

Ioan. 19, 30

August.
 Sermon. 7. de
 verb. Apo-
 stoli.

Pergebat verò Staurophila conqueri, &
 Prolixâ nimis, aiebat, patientiâ opus est,
 tot vt hebdomadibus, atque etiam mensi-
 bus & annis in CRVCE persistam. Nulla
 CRVX, respondebat Christus, diuturna
 videbitur, si ei dederis latitudinem, longi-
 tudinem, altitudinem, & profunditatem.

Latitudo

Latitudo charitas est; quæ sola benè operatur, efficitque ne pereat, quidquid boni facis.

Quæ est longitudo? Qui perseverauerit usque in finem, hic saluus erit. Hæc est longitudo Matth. 10, 22.

CRVCIS, ubi totum corpus porrigitur, ubi quodammodo statur, quo stando perseveratur: Si vis habere CRVCIS longitudinem, habeto perseverandi magnanimitatem. Quid est habere altitudinem, nisi cogitare Deum, & gratis amare ipsum Deum adiutorem? Crede mihi Staurophila, cum ego paulò ante mortem grande illud CRVCIS onus ad Caluariae montem deportarem, vehemens desiderium gratissimam Dei Patris exequendi voluntatem adedò in me excreuerat, ut vel ad extremum usque iudicii diem pro salute hominum sic incedere nihil recusassem, si sic fuisset visum Patri, & ad illius cessisset honorem.

Thaul. in
Exercit.
Dom. Pass.

Parum mouebatur his Staurophila, sed laboris pertæsa CRUCEM abiecit, & fugam apparabat. Christus verò eam retentans, aiebat: *Va his qui sustinentiam perdiderunt.* Eccli. 2, 16

Quid est hoc, Staurophila? ut quid studes fugere CRUCEM, quam vltro & magno animo non ita pridem subiuiisti? *In cassum bonum agitur, si ante vitæ terminum deseratur:* Greg. lib. 1. Moral.
quia frustra velociter currit, qui, priusquam ad metas venerit, deficit. Ad quod illa eiulans,

lans, Domine, inquebat, si cognouissem, tanto tempore, & quidem sine vllâ intermissione ferendam CRVCEM, numquam illam suscepissem.

Leo Serm.
19. de Pass.

* Idem
Serm. 9. de
Quadra-
gcl.

Thomas
à Kemp.
lib. 2. de
Imitat.
Christi
cap. 12.

An non disertè præmonui, subdebat Christus, tollat CRVCEM suam QVOTIDIE, & sequatur me: natis enim de Spiritu sancto quantumcumque superest mundani temporis, non sine CRVCIS susceptione ducendum est. Nam * sicut totius corporis est piè vivere, ita totius est temporis CRVCEM ferre, quæ meritò ferri unicuique suadetur, quia propriis modis atque mensuris ab unoquoque toleratur. Sed vide, quæso, quid agas: nam si abiicis vnā CRVCEM, aliam proculdubio inuenies, & forsitan grauiorem. Credis tu euadere, quò nullus mortalium potuit præterire? Quis Sanctorum in mundo sine CRVCE & tribulatione fuit? Nec ego vel vnā horā sine dolore passionis fui, quamdiu vixi. Et quomodo tu aliam viam quæris, quā hanc REGIAM VIAM, quæ est VIA SANCTÆ CRVCIS. CRVX semper parata est, & ubique te expectat. Non potes effugere, quocumque cucurreris: quia quocumque ineris, teipsam tecum portas, & semper teipsam inuenies. Conuerte te suprā, conuerte te infrā: conuerte te extrā, conuerte te intrā, & in his omnibus inuenies CRVCEM: & necesse est te
vbique

vbique tenere patientiam, si perpetuam velis promereri coronam.

Erubescibat ad hæc Staurophila, nec poterat quidquā respondere. IESVS verò misericorditer saviens, coëgit eam abiectam resumere CRUCEM. Et age, inquit, mea Staurophila, CRUCEM hanc rursus tolle, & cœptam perge viam. *Feras, non culpes, quod mutari non potest.* Publ. Mimus.

Illa verò illacrymans, Domine, inquebat, *imperfectū meum viderunt oculi tui*, & quid nunc agam, ignoro. Cui Christus: Priorum oblita *in anteriora te extendens, ad destinatū persequere.* Tene, inquam, *quod habes, ut nemo accipiat coronam tuam.* Pone te *ut fidelis ancilla Christi ad portandam viriliter CRUCEM Domini tui, pro te ex amore Crucifixi.* *Præpara te ad toleranda multa aduersa & varia incommoda in hac miserâ vitâ: quia sic tecum erit, ubicumque fueris.* Ps. 138, 16. Phil. 3, 13. Apoc. 3, 11. Thomas à Kemp. lib. 2. de Imitat. Christi cap. 12.

Sed nescio, inquebat illa, quomodo hoc faciā viribus adeo fracta, vix ut queam subsistere. Cogita, inquebat Christus, *quod sine velis, sine nolis, CRUCEM & calamitatem patieris.* Quod si grātē, maxima lucraberis; si verò agrē & impatienter feras, neque illam ita minorem facies, sed maiorem. Cogitans ergo quod necessitatis est, hoc tuæ voluntatis esse facias. *Præcipuum enim in rebus humanis est,*

Senec. l. 3.
Natur.
quæst. in
exord.

posse lato animo aduersa tolerare: quidquid acciderit sic ferre, quasi tibi volueris accidere. Deuisses enim ferre, si scisses omnia ex decreto Dei fieri; flere, queri, ingemere, desciscere est. Grauet CRVX, longa sit VIA, difficultates occurrant plurimæ, tolerandum est; Deus enim voluit. Ita David: Opprobrium, inquit, insipienti dedisti me. Obmutui, & non aperui os meum. & quare? quoniam tu fecisti. Hæc scilicet sufficiens erat causa, cur non murmureret aut obloqueretur Deo, quoniam ipse fecisset. Hoc idem animo tuo reuolue, Staurophila.

Blef. Epist.
31.

Citatur vt
Orig. Tra-
ctat. 35. in
Matth.

August.
Serm. 2. in
Fest. Omn.
Sanct.

Necessitas sanè hæc, aiebat illa, ingentem tristitiam animo meo obiicit. Cui Christus: Cælum suspice, æterna præmia meditare. *Quod enim impatientia supplicium reputat, humiliter patienti ad solatium cedit. Cum enim patientia fructum consideratius pensat, lenigatur onus, & dulcescit afflictio: dum in ipsorum presurâ grauaminum futuras consolationis primitias iam prægustat. Cyrenæus ille Simon mercede conductus, CRVCEM tulit post me; ita cum CRVCEM naturaliter horreat lasciuiens caro, obijciendum est oculis præmium laboris, vt saltem amore eius CRVCEM amplectatur. Iam verò expende, si quotidie oporteret tormenta perferre, si gehennam ipsam paruo tempore tolerare, vt me videre digna esses venientem in gloria,*

riâ, & Sanctorum meorum numero sociari; nonne dignum erat pati omne quod triste est, ut tanti boni tantæ gloriæ particeps habereris. Tolera igitur quod non vis, ut assequaris quod vis. Esto fidelis usque ad mortem, & dabo tibi coronam vitæ.

Idem in
Psal. 79.
Apoc. 2, 10

Redibat hîc Staurophilæ animi vigor, & resumptis viribus dicebat: *Paratum cor meum* Psal. 107, 1.
Deus, paratum cor meum, propter verba labio-* * Psal. 16, 4
rum tuorum custodire vias duras. Eia Domine Thomas à Kemp.
IESV, sicut dixisti, & promissisti, sic utiq; fiat, & lib. 3. de
mihi promereri contingat. Suscepi, suscepi de Imitat. Christi
manu tuâ CRUCEM, portabo; & portabo eâ usq; cap. 36.
ad mortem, sicut imposuisti mihi. Inceptum est,
retro abire non licet, nec relinquere oportet.
 Ita age, Staurophila, aiebat Christus, persevera mecum in CRUCE, nec antequam, consummatum est, pronuntiaueris, CRUCEM deferas. Si rex Israel est, clamabant Iudæi; si Filius Dei est, descendat nunc de CRUCE, & Matth. 27, 42.
 credimus ei. Mihi autem difficile non erat descendere de patibulo, qui potui resurgere de sepulchro: sed quia patientiam docebam, August. Tract. 37. in Ioan.
 ideò potentiam differebam. Tu quoque, ô filia, exemplo meo patientiam exerce prolixam, qui enim perseverauerit usque in finem, hic Matth. 24, 13.
 saluus erit.

Noli extollere te in faciendo opere tuo. *Ecl. 10.*



*Mobilis oblectant quid te præconia vulgi?
In solum referas teque CRUCEMQ. Deum.*

CAPVT IX.

*In CRUCEM ferente, non ferenda
inanis gloria.*

Noli extollere te in faciendo
opere tuo. *Eccli. 10, 29.*

*Mobilis oblectant quid te preconia vulgi?
In solum referas téque CRUCEMQUE
Deum.*



HRISTI sermonibus animosior reddita, alacriter pergebat Staurophila cœptum CRVCIS iter. At noua mox procella, noua ei oborta tentatio. Cum enim celebriorem quemdam obambulare vicum, in eoq̃ue magna esset populi frequentia; cœpit spectantium vocibus celebrari, quòd piè scilicet & generosè CRUCEM baiularet. Quamuis autem non eo fine (vt pridem) hæc faceret; non poterat tamen non delectari tam speciosâ sui commendatione, & publicâ famâ. Quare idemtidem eam auscultabat, & plurimùm sibiipsi placebat.

Videns

Videns verò id Christus, non cessauit eam monere: Caue, inquiens, Staurophila, caue præcipitium, periculosissima enim ab amore laudis tibi imminet tentatio. Et quid est, quæso, quòd aliorum suffragio tibi places de te, cùm hoc ipso multùm mihi displiceas? *Instat sanè aduersarius veræ beatitudinis, ubique spargens in laqueis, Euge, euge: ut dum auide colligis, incautè capiaris.* Et vide, precor, quid agas: *virtutum enim germina non rarò plantari solent ex inani gloriâ, tamquam ex cloacâ & cæno irrigari, & ex ostentatione circumfodi, atque ex laudibus humanis stercorari, quæ tamen translata postmodum in desertum solum, omnisq; inanis gloria cœnulentâ aquâ vacuum, confestim exsiccata sunt.* Arbor, quòd altiùs ad superiora surrexerit, eò ventorum vim vehementiùs sentit: quòd quis maioribus operibus attollitur, eò ampliori ab ore laudantium flatu fatigatur. Quare valdè perfectorum est, sic ostenso opere Auctoris gloriam quærere, ut de illibatâ laude nesciant priuatâ exultatione gaudere.

Mirari satis nequeo, aiebat Staurophila, quâ rimâ hæc pestis iterùm irrepserit. Ego enim nunc gloriam meam non quero, & ausim cum Prophetâ dicere: *Auertantur statim erubescences, qui dicunt mihi; Euge, euge. Fateor tamen nonnihil delectari me laudibus, & gau-*

August.
lib. 10.
Confess.
cap. 36.

Climach.
Grad. 2.

Greg. lib.
22. Moral.
cap. 5.

Psal. 69, 4.
August.
lib. 10.
Confess.
cap. 37.

gaudium boni mei augere videtur suffragatio
oris alieni; & bona quæ mihi in me placent,
iucundiora mihi sunt, cùm & alteri placent.
Ita quotidiana fornax nostra, est humana lin-
gua. Tu autem nosti de hac re ad te gemitum
cordis mei, & flumina oculorum meorum. Ne-
que enim facile colligo, quàm sim ab istâ peste
mundatior: & multum timeo occulta mea, quæ
norunt oculi tui, mei autem non.

Reliquiæ hæ sunt, inquiebat Christus,
præteriti morbi: quia enim vanam gloriam
avidè sectata es, iam etiam, licet inuita, ea-
dem infestaris. Piâ siquidem conditoris dis-
pensatione agitur, ut de se confidens anima,
dispensatoriâ tentatione pulsetur: quatenus
infirmata, quid sit inueniat, & præsumptionis
proprie fastum deponat. Atque ex hoc capite
nescit laudem, cùm suppetit, fugere; qui ad
hanc didicit, cùm deesset, anhelare. * Sæpe enim
bono operi dum laus humana obuiat, mentem
operantis immutat: quæ, quamuis quæsta non
fuerat, tamen oblata delectat. Cuius delecta-
tione dum mens benè operantis resoluitur, ab
omni intentione intimi vigoris dissipatur.
Tetigisti Domine vlcus meum, & agnosco
iam insidias latentis inimici. Dum enim pu-
râ intentione Deo placere studeo, eidem in-
tentioni furtim se, nescio quomodo, intentio
humane laudis interserit. Quod cùm iam post-
mo-

Greg. 2.
Moral.
cap. 26.

Greg. in
Pastor. par-
te 2. c. 9.
* Idem alib.

Greg. 35.
Moral.
cap. 16.

modum tardeq; discerno, inuenio me aliter agere, quod scio me aliter inchoasse. Sic enim sepe intentionem nostram dum ante Dei oculos rectè incipitur, occultè sibi iam subiuncta, & eam velut in itinere comprehendens intentio humane laudis assequitur: sicut pro necessitate quidem cibus sumitur, sed in ipso esu dum furtim gula subrepat, edendi delectatio permiscetur. Vnde plerumque contingit, ut refectio- nem corporis, quam salutis causâ cœpimus, causâ voluptatis expleamus.

Matth. 6, 3
Ambros. 1.
Offic. c. 30.

Chrysost.
19. in
Matth.

Matth. 5,
16.

Morbum iam ipsa tuum, aiebat Christus, probè nosti, de remedio iam cogitandum. Quis illud melius præscribat, aiebat Staurophila, quàm tu, Domine, verus animarum nostrarum Medicus? Antidotum proinde aduersus hoc malum famulæ tuæ largiri non graueris. Cui Christus: Accipe quod iam olim præscripsi: *Nesciat sinistra tua, quid faciat dextera tua, non de corpore loquens, sed ut etiam vnanimis tuus, frater tuus, quod facis nesciat, ne dum hîc mercedem quæris iactantia, illic remunerationis fructû amittas. Quin- imò si possibile est, te ipsum quoque ignorare quod facis, sit tibi hoc prorsus in studio.*

Sed quid opus, inquiebat Staurophila, bona opera tanto studio celari, cum tuo ore dictum legamus: *Videant opera vestra bona, & glorificent Patrem vestrum qui in celis est?*

Rectè,

Rectè, inquiebat Christus, videri possunt bona opera vt glorificetur Pater cælestis, cui competit omnis honor & gloria : nequaquam verò vt glorificetur cinis & puluis, cui confusio debetur faciei. *Stultitia enim genus est, vt, cum alij debeas vite beneficium, tibi adscribas ornamenta virtutum : cum non sit tuum quod es, quomodo tuum erit quod habes ?*

Valerian.
Episcopus
Hom. II.
circa fin.

Non diffiteor, aiebat Staurophila, hæc ita esse, tua enim, ô Domine, sum ego, & omnia opera nostra operatus es nobis, sine te enim nihil possumus. Nam *sicut palmes non potest ferre fructum à semetipso, nisi manserit in vite, sic nec nos, nisi in te manserimus.* Sed pergat, quæso, Dominus meus inanis gloriæ depingere vanitatem, vt eam magis declinare possim. Ipsum nomen, aiebat Christus, satis se prodit. Cur enim dicitur vana gloria, nisi quia picta & umbratilis est, omnifque substantiæ vacua ? Quis sapiens sceptro aut diademate in chartâ delineato, ceu vero gaudeat ? Quis sepulchrum dealbatum, intus plenum ossibus mortuorum, thesaurum æstimet pretiosum ? *Quasi qui apprehendit umbram, & persequitur ventum, sic & qui attendit ad visa mendacia.* Cuiuscumque coloris sit corpus, umbræ semper atræ sunt & obscuræ ; quantumuis illustria sint opera,

Isaia 26,
12.
Ioan. I 5, 4.

Eccli. 34, 2.

eorundem tamen pedissequa, vana gloria
scilicet, deformis est & inanis. Et vmbra
nunc maiores nunc minores sunt, non pro
corporis quantitate, sed externi luminis ac-
cessu vel recessu: ita qui ex hominum ore
toti pendent, aliquando magni & excellen-
tes, subinde exigui & nullius momenti ha-
bebuntur; prout aliorum tulerint opinio-
nes. Atque ita *stultus sicut luna mutatur.*

Eccli. 27,

12.

Bernard.

Serm. de

Natiuit. S.

Ioan. Bapt.

Quemadmodum enim *splendet sine feruo-
re, & modo plena, modo exigua, modo nulla
videtur: mutuatum siquidem lumen numquam
in eodem statu permanet, sed crescit, deficit,
extenuatur, annihilatur, & penitus non com-
paret: sic qui conscientias suas in alienis la-
bijs posuerunt, modo magni, modo parui sunt,
modo nulli, secundum quod adulantium lin-
guis vel vituperare vel laudare placuerit. Et*

Isaia 3, 12.

quid amplius dicam?

Filia, qui te beatam di-
cunt, ipsi te decipiunt, & viam gressuum tuo-
rum dissipant. * Ut enim pueri ludentes ex feno

* Chrysoft.

Homil. 17.

in Epist. ad

Rom.

coronas imponunt, coronatum autem saepe-
merò eius rei ignarum post tergum irrident:
ita & nunc qui te in faciem pradicant, apud
seipso clanculum subsannant, atque ita quid
aliud fit, quàm quod homines sibi inuicem fæ-
num coronantes imponant? & utinam nil
aliud quàm fænum! Nunc autem multo et-
iam nocumento plena est hec corona. nam
om-

omnia rectè facta perdit. Quasi enim latro-
 culus quidam est, appetitus laudis humane,
 qui recto itinere gradientibus ex latere inun-
 gitur, ut ex occultis, educto gladio, gradien-
 tium vita trucidetur. Cumq; proposita utili-
 tatis intentio ad studia priuata deducitur, hor-
 rendo modo vnum idemq; opus culpa peragit,
 quod virtus inchoauit.

Greg. 1. 9.
 Moral.
 cap. 13.

Agnosco, Domine, inquiebat Stauro-
 phila, agnosco fatis, quantum damni infe-
 rat inanis gloria. Verè enim illa est laborum
 dissipatio, sudorum perditio, thesaurorum
 insidiæ, perfidiæ alumna, superbiæ præcursor,
 in portu naufragium, in arèâ formica. Quæ
 etsi tenuis est, laboribus tamen omnibus &
 fructibus insidiatur. Sed quis poterit effu-
 gere subtilissimum hunc astuti serpentis si-
 bilum, occultissimè sese actionibus nostris,
 & maximè bonis insinuantem? Pratende
 alas tuas, Domine, & fugiam sub eas, glo-
 ria mea tu esto, propter te amer, & verbum
 tuum timeatur in me. Qui laudari vult ab
 hominibus, vituperante te, non defendetur
 ab hominibus iudicante te, nec eripietur dam-
 nante te. Cum autem non peccator laudatur
 in desiderijs animæ suæ, nec qui iniqua ge-
 rit, benedicitur; sed laudatur homo propter
 aliquod bonum quod dedisti ei: at ille plus
 gaudet sibi laudari se, quàm ipsum do-


Climach.
 Grad. 21.

Aug. 1. 10.
 Conf. c. 36.

Psal. 10. 3.

num habere unde laudatur, etiam iste, te
vituperante, laudatur. & melior iam ille
qui laudauit, quàm iste qui laudatus est.
Illi enim placuit in homine donum Dei,
huic amplius placuit donum hominis, quàm
Dei.

IP Eremitarum Camaldulensium



CAPVT XXIIII

Quâ intentione CRVX ferenda, & primò ad satisfaciendum pro peccatis, & vitandas inferni pœnas.

A Domino corripimur, ne cum hoc mundo damnemur. 1. Cor. 11, 32.

CRVX aeterna stygis, brevis est tua Christe, sed illam

Vt fugiam, huic humeros supposuisse inuat.



DOCTA iam erat Staurophila, nec ex inani gloriâ CRUCEM deferre, nec cum illâ: vanitatem enim intendere, omni merito spoliât; subrepentem a latere sponte admittere, etsi boni operis valorem non tollat, minuit tamen, & non modicâ labe inquinat. Bonâ ergo opus esse intentione videns, percunctari cœpit, num ampliùs aliquid spectandum, quàm vt intentio mala non esset, aut ne malum haberet admixtum. Cui Christus ita respondit: Certi sunt in bonâ intentione gradus, atque vt alius alio sublimior, ita & melior: & permagni refert, quò tuos conatus refe-

A Domino corripimur, ut non cum hoc
mundo damnemur.

1. Cor. 11, 32.



CRUX eterna Stygis, brevis est tua CHRISTE; sed illa
Vt fugiam, huic humeros suppositasse iuuat.

ras. Nam & illi qui CRUCEM etiam non malè ferunt, non vnum habent præstitutum scopum, & vide illud iam antè adumbratum. Passionis meæ tempore quatuor eramus Cruciferi; diuersâ tamen intentione impositum illud onus ferentes. Duo enim latrones, qui mecum educebantur, hac causâ eam gestabant, vt digna factis reciperent, & pro delictis suis, iuxta Iudicis sententiam, facerent satis. Simon Cyrenæus coactus, & pretio conductus, baiulabat CRUCEM post me, vt mercedem acciperet. Ego verò in gestandâ CRUCE aliud non spectabam, quàm vt æterno Patri placerem, & eius morem gererem voluntati.

Triplicem ergo hîc vides intentionem. Prima seruorum est, qui formidine pœnæ, ne in æternum scilicet puniantur, CRUCI se submitunt. Altera mercenariorum, qui inclinant se ad ferendam CRUCEM propter retributionem. Tertia est filiorum, qui vt pœnam non timent; ita mercedem non expectant, sed ex puro amore Deo per CRUCEM placere nituntur.

Animaduertis hîc tres gradus, Timorem, Spem, Charitatē quorū distinctionem paucis accipe: *Qui initiatur à timore, CRUCEM* Bernard.
sustinet patienter; qui proficit in spe, portat Serm. i. in
libenter; qui verò consummatur in charitate, Fest. S.
Andræ.

amplectitur iam ardentem. Solus iste est qui dicere potest: Quia amator tuus semper fui, & desideravi amplecti te. Longè est vox ista ab eo, qui sustinet quidem, sed optaret omnino, si posset, non venisse in hanc horam. Is qui timore coercetur patiens est: qui ratione spei ducitur, benivolus est: sed nisi etiam fuerit feruens spiritu, facilè labi potest. Porro quæ per spiritum diffunditur charitas, & patiens & benigna est, & quod est amplius, numquam excidit. Fortis enim est ut mors, non patientia aut spes, sed dilectio. Dicit patientia, Sic oportet fieri, quia timore urgetur. Dicit voluntas bona, Sic expedit, & sic agendum est, quia spei attrahitur ratione. Charitas verò, quia inflammatur à spiritu, Neque sic oportet, dicit, neque sic expedit: sed sic volo, inquit, sic cupio vehementer.

Psal. 110,
10.

Triplicem, aiebat Staurophila, aperiri video VIAM; sed quænam mihi congruentior, prorsus ignoro. Cum Christus: Ordine ut procedas, suadeo exordiri à timore: *Initium enim sapientie timor Domini.* & per hunc paulatim ascenditur ad gradus superiores. Quî porro id faciam? aiebat Staurophila. Principio, respondebat Christus, absque vllâ hæsitazione tibi persuadebis, optimo iure tibi impositam CRUCEM, quam tuis sceleribus non semel sis promerita. Quid enim indignum

dignum fiat illi, quæ toties diuinam læsit
maiestatem? & an non æquissimum, vt

Aequo animo pœnam, qui meruere, ferant? Ouid.

Filij Iacob in magnâ angustîâ coram Iosepho constituti, veritatem hanc serò serioque agnouerunt. *Meritò hæc patimur*, aiebant, *Gen. 42, 21*
quia peccauimus in fratrem nostrum, videntes angustias animæ illius, dum deprecaretur nos, & non audiimus: idcirco venit super nos tribulatio. Hæc vera causa huius afflictionis. Quare in omni CRUCE, in omni tribulatione id tibi sit in ore, magis autem in corde: Meritò hæc patior, quia peccaui; & quod ait Propheta: *Via tuæ & cogitationes tuæ fecerunt hæc tibi.* *Ierem. 4, 18.*

Cui Staurophila: Ita est, Domine, *Iram Domini portabo, quoniam peccavi ei*, & iustè CRUCEM patior, nam digna factis recipio: neque oblita sum quid generosa olim dixerit Iudith: *Non ulciscamur nos pro his quæ patimur, sed reputantes peccatis nostris hæc ipsa supplicia minora esse flagella Domini, quibus quasi serui corripimur, ad emendationem, & non ad perditionem nostram euenisse credamus.* *Iud. 8, 26.* Ideoque immeritò queruntur filij Adam, & ponunt os suum in cælum, Deo adscribentes scæuitiam, dum eorum punit malitiam. Noui ego, Domine,

Quâ falsò accusent Superos, stultiq. querantur Chrysipp.

Mortales ! etenim nostrorum causa malorum

Ipsi nos sumus ; & sua quemque vecordia ledit.

Benè hoc quidem , aiebat Christus , sed præterea & illud latere te nolo , non tantum iniuriam non esse quod homo crucietur , sed maximum etiam indulgentissimi Patris beneficium , *qui corruptelam filiorum non patitur longius procedere , sed plagis & verberibus emendat. Ex quo intelligant Deo se curæ esse , quibus , quoniam peccauerunt , irascatur.*

Lactant.
lib. 5. de
Iustitiâ
cap. 23.

August. in
Psalm. 93.

Ansel. in
1. Corinth.
cap. 11.

Psalm. 72, 5.

Ad tempus enim Deus emendat , ne in æternum damnet. Elige tibi unum ex duobus , temporalem dolorem , aut æternum. Nam illi meritò lugendi sunt , qui cum in vitâ peccent , in hac vitâ non puniuntur. In labore hominum non sunt , aiebat Psalmista , & cum hominibus non flagellabuntur : cum quibus ergo , nisi cum dæmonibus ?

Vt video , aiebat Staurophila , olim cum omnes vitæ nostræ periodos vno aspectu cernemus , fatebimur sanè quod aliquando dixit Themistocles : Perieramus , ô pueri , nisi periissemus ; cruciaremur , nisi CRVCEM tulissemus. Ita est Staurophila , aiebat Christus : sed tu iam monita culpam attende , vt

Laurent.
Iustin. in
Lig. vit. de
Patient. c. 5

leuiter poenam feras. Tunc enim patienter illata flagella tolerantur , cum in secreto mentis
ad

ad mala perpetrata recurritur, quia per hoc quod culpa pondus agnoscitur, afflictionis pœna leuigatur. Interloquebatur hîc Staurophila: Quid verò de ijs censendum, Domine, qui pœnas hîc fugiunt, quantumvis non modicas commiserint culpas, sed pro ijs dicunt se in Purgatorio luituros? Hi sanè (inquiebat Christus) & se decipiunt, & parui se ostendunt iudicij. In hac enim vitâ leuissimis afflictionibus pro grauissimis criminibus potest homo satisfacere, plurimumque mereri. In Purgatorio autem sterilissima est patientia, ubi summis cruciatibus parum satisfacias, & nihil merearis. Afflictio ibi maxima, satisfactio exigua, merita nulla. Hîc verò afflictio modica, satisfactio maxima, merita plurima. Ecquis Mercator eo tempore merces emat cùm viliores sunt, & pretia maiora, & non potius tûc cùm gratis ferè habentur? Sed hæc est stultitia amatorum sui, qui nihil attendunt nisi præsentia, futurorum securi. Verùm cùm pauci admodum sint, qui in peccatum lethale non inciderint; quo, precor, titulo CRUCEM excutient, qui vel unico fuerint contaminati? *Si anima conceperis, Staurophila, quia necesse est prauaricatricem animam tartareis pœnis & gehenna ignibus tradi; nec aliud remedium constitutum esse post Baptismum, quàm Pœnitentiæ solatium:*

Ambros.
ad Virg.
lapsam c. 8

*quantamuis afflictionem, quantumuis laborem
subire eris contenta, dummodo ab aternalibus
pœnis libereris.*

Ergóne Domine, aiebat Staurophila, ad
gehennam me mittis, vt inde discam pa-
tientiam? Omnino, inquebat Christus;

*non enim sinet in gehennam incidere gehennæ
recordatio. Atque vtinam homines descen-
dant in infernum viuentes, ad damnatorum
pœnas considerandas, ne postea descendant
morientes! Si enim cogites horrendos illos
cruciatu, æternumque duraturas flammæ,
teterimum carcerem, sæuiantem rogam,
damnatorum gemitus, lamenta & ululatus,
nihil tibi istorum comparatione graue vide-
bitur. Suspirans Staurophila, exclamabat:
Hic vre, hic seca, hic puni Domine, modò in
æternum parcas. Audire enim videor mise-
ras illas & perpetuò infelices animas idem-
tidem mihi inclamantes:*

Quid, s.
Trist.

*Elige nostrorum minimum minimumq; do-
lorum,*

Isto, quo quereris, grandius illud erit.

CAPVT XI.

Spe mercedis CRVX toleranda.

Proposito sibi gaudio sustinuit

CRVCEM. *Hebr. 12, 2.*

*Aeterna tribuit quæ grata stipendia vita,
Et labor & studium militet omne CRVCI.*



AC consideratione non segniter Staurophila timoris semitam perambulabat, animo valde compuncta, & creberrimè ingemiscens, quòd suis sceleribus gehennæ igni se fecisset obnoxiam. Hoc tamen nomine non parum sibi gratulabatur, quòd mediocri hac CRVCE grauissimos illos cruciatus liceret redimere. Cùm autem Christi iudicio satis in hac palæstrâ desudasset, volens ad altiora eam euehere Christus, Satis, inquit, superque Staurophila hanc triuisti VIAM, mœroris ac formidinis plenam; amœniora restant itinera, non sine voluptate & gaudio decurrenda. Timore relicto deinceps respicies in remunerationem. *Illuminata enim mens delectationibus meritorum, cuncta libenter patitur: nihilq;*

Laurent.
Iustin. Lig.
vit. de Pa-
con-tientiâ c. 6.

Proposito sibi gaudio sustinuit CRVCĒ. Hebr. 12.



*Eternę tribuit quę grata stipendia vitę,
Et labor et studium militet omne CRVCI.*

condignum arbitratur, quod patitur, consideratione donorum. Lata efficitur, & exponit se ad omnia, ut quod intuetur possideat. Nutriunt enim premiorum exempla patientiam: nec quisquam est qui possit ad culmen perfectionis ascendere, quando irremuneratum cernitur, quod conscientia teste laudatur. Proinde ut meos ad tolerandas accenderem passiones, ante ipsorum oculos volui transfigurari, ut ex recordatione gloriae libenter CRUX portaretur. Et sicut in passione dignatus sum ab omnibus intueri; ita & in corporis mei glorificatione & ascensione passus sum ab hominibus palpari, & videri, ut alacres ad patientiam fierent, cum non dubitarent de promissione. Tanto namque letior fit miles in periculo, quanto certiùs intuetur, quid pro mercede promittatur. Omne enim opus leue fieri solet, cum eius premium cogitatur; & spes premij, solatium fit laboris; atque tantum proficit animus in virtute patientiae, quantum certior efficitur de coronâ victoriæ.

Hilarescebat animo hæc audiens Staurophila, & Letata sum, inquebat, in his quæ dicta sunt mihi; fiat mihi secundum verbum tuum. Lætifica animam ancillæ tuæ, & dirige pedes meos in VIAM pacis. Lætare filia, inquebat Christus, & exulta in spe gloriæ Dei: Non enim sunt condigne passiones huius temporis

PL. 121, 1.

Rom. 8,

18.

ad

Tertull.in
lib. ad Mar-
tyres c. 4.

Hieron.
Epist. 2. ad
Nepot.
Chrysost.
Hom. 24.
in Matth.

ad futuram gloriam quæ reuelabitur in vobis. Si tantum pro denario diurno viliq; stipendio laboretur, quantum ab opificibus, agricolis, alijsq; passim fieri tu ipsa cernis, quid non deceat pro præmio vitæ æternæ? Si tanti vitæ, quanti verum margaritum? quis non libentissimè tantum pro vero habeat erogare, quantum alij pro falso? Et crede, Staurophila, minori labore margaritum regni celestis emi potest, quàm à mortalibus plerisque hereditas cæsa expetitur. Si nautis minaces illi pelagi fluctus, si tempestates atque hiemes agricolis, si vulnera, cædesq; militibus, si gravissimi illi ictus plagæq; pugilibus leues videntur atque tolerabiles propter spem temporalium ac pereuntium commodorum; multo magis cum calum proponatur in præmio, & ineffabilia illa bona atque perpetua, nihil ex præsentibus his aduersitatibus sentietur.

Hebr. II,
24.

Dulcis sanè & efficax hic stimulus, aiebat Staurophila, ad CRVCEM alacriter portandam. Hac proinde consideratione, inquebat Christus, Sancti quique ad CRVCEM & tribulationes sese armaverunt. Hac Moyses grandior factus negavit se esse filium filie Pharaonis, magis eligens affligi cum populo Dei, quàm temporalis peccati habere iucunditatem, maiores divitias æstimans thesauro Aegyptiorum, improprium Christi. Cur autem?

tem? nisi quia aspiciebat in remuneratio-
nem. Cur, quæso, S. Stephano lapides torren-
tis adeò dulces fuerunt, *ut eorum ictus veluti* Nyssen. I.
suauem quemdam rorem exciperet? de Beait.
nimirum quia intendens in cælum vidit gloriam Dei;
nam qui futura vite præmia diligenter exco- Isidor.
gitat, præsentis vite mala aquanimiter por-
tat. Quid fecit Hebræos opprobriis & tri- Heb. 10, 33
bulationibus spectaculum factos, rapinam bono-
rum suorum cum gaudio suscipere, nisi quòd
cognoscerent meliorem & manentem se habere
substantiam? Sed & ego, filia, *proposito mihi* Hebr. 12, 2
gaudio sustinui CRUCEM confusione contem-
ptâ. Et quis non contemnat dulcedinem sæculi,
inhians dulcedini vite æternæ? August. in
Psal. 68.

Acuebant hæc desiderium & spem Stau-
rophilæ, iamque magnâ auuiditate ad illa cæ-
lestis patriæ suspirabat tabernacula: &, *Desi-*
dero (inquit) *mi Domine IESV Ierusalem* August.
cælestem. quanto autem impatientius desidero Epist. 32.
ipsam, tanto patientius sustinebo omnia propter ad Paulin.
ipsam. Linteum enim istud amplissimæ re-
munerationis omnem sudorem laboris, om-
nes lacrymas doloris mihi abstergit. O re-
tributio æterna, magnes animæ meæ, quàm
validè trahis me post te! inardescit animus
frui te, *iamq; illic cupit assistere, ubi sperat sine*
sine gaudere.

Euge, euge Staurophila, inquiebat Chri-
stus:

Gregor.
Hom. 37.
in Euang.

Bernard.
Serm. 17.
in Psal.
Qui habit.

stus : *prælibemus primitias gloriæ, gloriemur in spe gloriæ magni Dei : non solum autem, sed (ut dicam expressius) gloriemur in tribulatione, in eâ siquidem spes gloriæ est.* Coniuncta enim sunt CRVX & regnum : nec hoc obtinebit, qui illam non tulerit. Agnouit hoc dilectus discipulus meus, cùm ita scripsit :
Apoc. 1, 9. *Ego Ioannes frater vester, & particeps in tribulatione, & regno & patientiâ in Christo IESV. Quid enim hoc est : nisi quod qui regni consortium desiderat, necessario debeat esse particeps tribulationis & patientiæ, quasi vnum ab altero separari non possit. Et*

Luc. 24, 26 *nonne oportebat me pati, & ita intrare in gloriam meam? Quid iam dicis, ô Staurophila?*
Chrysost. *ad regnum vocata es, & ad regnum filij Dei ;*
Hom. 2. in cap. 1. ad Coloss. *quod si singulis diebus vel in mille mortes insiliendum fuisset, an non omnia ferre oportebat? At qui principatus gratiâ nihil non faceres, cùm verò consors futura sis regni vnigeniti Dei, non obicies te vel mille gladijs? non insilies in ignem? & istud quidem nondum graue quidquam fuerit. Si ergo vis beatam vitam possidere, præsentem vitam contemne. Si vis exaltari in celo, humiliare in mundo. Si vis regnare mecum, porta CRVCEM mecum. Soli enim serui CRVCIS inueniunt VIAM BEATITVDINIS & vere lucis.*

Thom. à
Kemp. 1, 3.
cap. 56.

Subiunxit Staurophila : Amodò dulcis mihi

mihi erit CRVX, suavis labor, grata tribulatio: his enim nummis, exiguis licet, regnum cælorum venale est. *Et quantulum pretium* August. in Psal. 93. *damus? quodammodo vnā siliquā ad accipiendos thesauros sempiternos: siliquā laboris, ad requiem incredibilem.* Sed, ô Deus meus! quando veniet gaudium meum, quod August. in Meditar. cap. 41. *desidero! quando potabis me torrente voluptatis tuæ quam sitio? Sint interim mihi lacrymæ meæ panes die ac nocte, donec dicatur mihi: Ecce Deus tuus. donec audiat anima mea: Ecce sponsus tuus. Pasce interim me singultibus meis, refocilla me doloribus meis. Renuit* August. in Soliloq. cap. 22. Psal. 73, 6. *enim consolari anima mea in hac vitâ, ut digna habeatur, Domine, consolationibus æternis: quia iustum est, ut amittat te, quicumque in aliquo alio magis consolari eligit, quàm in te. Et obsecro te, summa veritas, per te, ut tu solus dulcis appareas animæ meæ, qui es dulcedo inestimabilis, per quam cuncta amara dulcorantur. O quàm magna multitudo dulcedinis tuæ,* Psal. 30, 20 *Domine, quam abscondisti timentibus te! hæc est enim illa beatitudo quam expectamus, pro quâ tibi, Domine, continuè militamus: pro quâ tibi mortificamur totâ die, ut in tuâ vitâ tibi viuamus.*

Dilectus meus mihi, et ego illi. *Cant. 2, 16.*



*Non pœnas fugio, nec pro CRVCE præmia posco;
Sat mihi, dilecto posse placere meo.*

CAPVT XII.

Christi amore CRVX ferenda.

Dilectus meus mihi, & ego illi.

*Cant. 2, 16.**Non pœnas fugio, nec pro CRVCE præmia
posco,**Sat mihi Dilecto posse placere meo.*

BAT hoc modo exultans & gaudens Staurophila, magnaq; animi voluptate semitam spei percurrerebat, nec longè iam aberrat à viâ charitatis; de quâ Christus ita loqui incepit: Excellentiorem etiam VIAM tibi demonstrobo, filia charissima. Timore aut præmio ad CRVCIS amplexum adduci bonum quidem, sed utroque melius amore ferri; hoc siquidem filiorum est, quorum tota voluntas Patri in omnibus placere: priora ista seruorum aut mercenariorum sunt.

Primum igitur hoc mente sedeat, Patrem esse qui CRVCEM imposuit: ambula proinde confidenter, *& certa esto, quod te noluerit pati, non patieris: quod te permiserit pati, flagellum corrigentis est, non pœna damnantis.*

August.
Tract. 7. in
Ioannem.

Hic Staurophila: Labia tua, clementissime Domine, velut lilia distillantia myrrham primam. Patrem enim te mihi deprædicas, sed corripientem, flagellantem & excruciantem, quæ parum amoris, feueritatis autem habent plurimum. Ego verò te credidi Patrem misericordiarum, & Deum totius consolationis, qui consolatur nos in omni tribulatione nostrâ.

Erras verò, & largiter, Staurophila, inquietabat Christus, si consolationem à CRUCE & tribulatione abesse putas: necdum didicisti Rom. 15, 4 *per patientiam & consolationem scripturarum spem habere?* Non legisti quòd Apostolus Hebr. 12, 5. Hebræis scribat: *Obliti estis consolationis quæ vobis tamquam filiis loquitur, dicens: Filii mi, noli negligere disciplinam Domini, neque fatigeris, dum ab eo argueris. Quem enim diligit Dominus, castigat: flagellat autem omnem filium quem recipit. Itane omnem?* aiebat August. in Staurophila: *Omnem omnino,* respondebat Psal. 31. Christus, & nullus exceptus, nullus sine flagello. Vis audire quem omnem? etiam ego unicus Idem in sine peccato, non tamen sine flagello. Quòd si Psal. 88. unicum sine peccato flagellauit, & pro omnibus tradidit eum; quomodo debent flagellari qui fecerunt quare flagellentur? Sit itaque manus paterna super te; & si filia bona es, noli repellere disciplinam Patris tui. Det disciplinam, dum

dum non auferat misericordiam. Cadat contumacem, dum tamen reddat hereditatem. Tu si promissa Patris benè agnouisti, non timeas flagellari, sed exheredari. Peccatrix filia dedignabitur flagellari, cum sine peccato videat unicum flagellatum? Atqui nonne Pater cælestis in monte hoc me elogio decorauit: Hic est Math. 17, Filius meus dilectus, in quo mihi benè complacui? Nota, DILECTVS, Staurophila, & tamen flagellatus, & tamen Crucifixus; vt videas CRUCEM etiam charissimis à Deo destinari. Sed & hinc collige CRVCIS dignitatem. CRUX enim, disciplina, flagellum, tribulatio, veri characteres, & notæ sunt filiorum Dei: vt omnino spurij reputentur, qui CRVCIS sunt expertes. Adi rursus, & audi Paulum. In disciplinâ, inquit, perseuerate. Tamquam Hebr. 12, filiis vobis offert se Deus: quis enim filius, quem non corripit pater? Quod si extra disciplinam estis, cuius participes facti sunt omnes: ergo adulteri, & non filij estis. Filij si peccent, à parentibus virgâ cæduntur, serui domo exturbantur. Flagellum ergo signum filij.

Vtinam, inquebat Staurophila, fruam CRUCE tuâ, vt in numero filiarum tuarum merear computari! vtinam non excludar à tribulatione, ne simul ab hereditate! Sim, quæso, de ijs qui inundationem maris quasi lac sugunt. Inundatio enim maris, abundantia tri-

Deut. 33,
19.

Stephan.
Eduensis
tom. 6 Bi-
blioth. Pat.

*bulationis; quæ tunc sugitur, cum dulcis repu-
tatur. Lac nutrimentum paruulorum, tribula-
tio pabulum fit electorum.*

Sic age Staurophila, inquiebat Christus, & solo deinceps amore CRVCEM feras. *Verus*

August. 13.
Confess.

*enim amor non sentit amaritudinem, sed dul-
cedinem: quia soror amoris dulcedo, sicut soror
odij amaritudo. Qui amat, non laborat: omnis
enim labor amantibus contrarius est. Vnde mi-*

Bernard. de
Præcept. &
dispensat.

*hi seruiens in charitate illâ quæ timorem ex-
pellit, labores non sentit, meritum non intue-
tur, premium non requirit, & tamen plus om-*

Chrysoft.
Hom. de
Patient.

*nibus vrget. Nihil est, nihil, inquam, tam hor-
ridum tamq̃, tremendum, quod hi, qui vel mor-
bo aut pænis discruciantur non superent, si di-
uino sint amore incensi; ita vt neque ignis ne-
que ferrum, neque inopia neque languor ali-
quis, neque mors neque aliud quidpiam huius-
modi graue aut molestum appareat ei, qui hunc
sit erga Deum amorem consecutus. vnde &*

Rom. 8,
35.

*Paulus dicebat: Quis nos separabit à chari-
tate Christi? tribulatio? an angustia? an fa-
mes? an nuditas? an periculum? an persecu-
tio? an gladius? Certus sum enim, quia neque
mors, neque vita, neque Angeli, neque princi-
patus, neque virtutes, neque instantia, neque
futura, neque fortitudo, neque altitudo, neque
profundum, neque creatura alia poterit nos se-
parare à charitate Dei, quæ est in Christo Iesu*

Do-

Domino nostro. Vnde verò, quærebat Staurophila, amoris hunc fomitem accendam? Cui Christus, Ex me discere licet: solus enim amor me de cælis in terram attraxit, amor in præsepio reclinauit, amor ad omnes adëgit labores. Propter nimiam charitatem quã dilexi vos, humiliavi memetipsum factus obediens vsque ad mortem, mortem autem CRVCIS. Poteram sanè vos redimere absque illâ: nolui tamen, vt sic amorem meum patefacerem, & esset copiosa omnino redemptio. Et nunc quid superest, nisi vt amantem, & sic amantem redames?

Id verò, inquebat Staurophila, perquam cupio: sed, quæso, quo pacto id faciam Domine? Suscipe, inquebat Christus, CRVCEM vndecumque, & à quocumque tibi impositam, à iustis siue ab iniustis, siue à bonis siue à nequam, siue ab alienis siue à proximis, suscipe, inquam, hilari animo velut de paternâ Dei manu; nec aliud quidquam cogites, nisi hanc esse Dei voluntatem, vt CRVCEM feras, cui ex amore perlibenter velis respondere. Magnæ, inquebat Staurophila, id fuerit perfectionis, nec adeò facile. Homines enim cùm intueor me affligētes & diuexantes, idq; malâ suâ in me voluntate, vix possum concipere id eos diuino facere instinctu: vel summo isti Numini placere, vt ita me exercent.

Ioan. 18,
11.

Ad me respice, filia, aiebat Christus. Cùm tradendus essem in manus peccatorum, voluit Petrus exempto gladio velut strenuus miles Dominum suum defendere, sed illi dixi: *Mitte gladium tuum in vaginam. Calicem quem dedit mihi Pater, non vis ut bibam illum?* Non attendi ego, amarissimum hunc calicem Iscariotis proditione, Iudæorum accusationibus, insanis populi proclamationibus fuisse permixtum. Non latebat me, quantum absynthij, fellis & aloës, Annas, Caiphas, Pilatus, Herodes, Scribæ & Pharisæi, pessimi pharmacopæi huic pharmaco incoxissent, sed id tantum considerabam, hunc calicem à Patre mihi propinari, quicumque illum tandem, & quibuscumque venenis temperassent. Nec poterat esse ingratum quod à Patre, alienâ licet manu, offerebatur; & ideò alacriter, *sicut mandatum dederat mihi Pater*, sic faciebam. Dulcissimus enim mihi erat *cibus, facere voluntatem Patris mei*. Hoc scilicet filiorum est, Staurophila, non metu pœnæ, non spe mercedis, sed puro amore ideò solùm CRVCEM ferre, ideò calicem potare, quia sic placitum est Patri.

Ioan. 14,
31.

Ioan. 4, 34.

Respondit Staurophila: O Domine, quia tu calicem passionis bibisti, & vsque ad fundum exinanisti, & ego ancilla tua *calicem salutaris accipiam, & nomen Domini innocabo.*

Pl. 115, 4.

Hoc

Hoc deinceps volo, hoc desidero, hoc totis ani-
mi visceribus concupisco, ut in me, & de me, Bonavent.
ac per me, non mea sed tua fiat voluntas. Non Stim. diuin.
cogitem quid amarum, quid dulce, quid onero- amor. p. 3.
sum, vel leue, quid asperum vel suaue, sed cum c. 17.
impetu & desiderio feruenti, & cum anxietate
curem perficere quæ tuæ sunt beneplacita vo-
luntati: hoc solum mihi iucundum, hoc mihi
sit suaue, hoc solum mihi sit leue, hoc delecta-
bile & amabile.

Insiste, inquiebat Christus, hanc semitam,
& percurre diligenter: plurimos enim ad
summam perfectionem perduxit. Quadam Blof. in
enim vitæ sanctissima virgo, cuidam percun- Mon. c. 10.
tanti quomodo ad perfectionem pertigisset,
dixit: Omnem aduersitatem equanimiter de
manu Domini suscepi. Et quisquis me aliquā
iniuriā molestiāve affecit, huic ego speciale be-
neficium rependere curavi, quod minimè fe-
cisssem, nisi ab eo lesa fuisssem. Nulli, nisi Deo,
grauamina mea quæsta sum: unde & euestigio
consolationem ab eo accepi. Alia quædam ad
similem interrogationem, non dissimiliter
respondit: Numquam ita se doloribus & Blof. libid.
pressuris obrutam fuisse, quin maiores pro Dei
amore perferre expeteret: indignam se illis ip-
sis tam præclaris Dei donis iudicans.

Neque sanè in hoc aberrasse eam iudica-
uerim, aiebat Staurophila: Nihil enim Do-

Thomas
à Kemp. de
Imit. Chri-
sti lib. 3.
cap. 22.

mine, amatorem tuum, & cognitorem benefi-
ciorum tuorum ita laetificare debet, sicut vo-
luntas tua in eo, & beneplacitum æterna dis-
positionis tue. Nam voluntas tua, & amor
honoris tui, omnia excedere debet; & plus
eum consolari, magisq; placere, quàm omnia
beneficia data, vel danda.

II Eremitarum Camaldulensium



CAPVT XIII.

*In CRVCE orandum.*Tristatur quis in vobis? oret. *Iacobi 5, 13.**CRVX arcus, neruus fiducia, vota sagittæ,
Penna amor, at Deus est (eiacularè) scopus.*

IDEBATVR iam satis circa intentionis directionem instructa Staurophila. Volens autem totam se Staurosophiæ addicere, Domino dicebat: Aliudne restat, benignissime Iesu, quod mihi in hac VIA discendum? Supersunt, inquiebat Christus, non leuia monita perfectio CRVCIS discipulo seruanda. Atque illud in primis, vt ex CRVCE arcum tibi fabrices, quo iaculis cælum cælique Dominum petas. Quid hoc sibi velit, inquiebat Staurophila, non satis capio, & intricatum mihi apparet ænigma.

Cui Christus: Orare nempe te docet in CRVCE & tribulatione. Quid enim sunt preces contriti & humiliati cordis, nisi sagittæ electæ, ex cordis pharetrâ in cælum vsque emissæ? An non dicit Scriptura: *Oratio humilientis se nubes penetrabit, & donec propinquet non consolabitur, & non discedet, do-* *Eccli. 35, 21.*

nec

Tristatur quis in vobis? oret. Iac. 5, 13.



CRVX arcus, neruus fiducia, vota sagitte,
Penne amor, at Deus est (ciacularè) scopus.

nec aspiciat Altissimus. Hæc iacula sunt quæ feriunt atque adedò vulnerant cor Dei, & ad ipsum molles sibi aditus parant. *Vulnerasti cor meum* (exclamat cælestis Sponsus) *soror mea sponsa, vulnerasti cor meum in vno oculorum tuorum.* Vide autem vt hîc non obscure sagittandi tibi insinuetur methodus. Solent enim sagittarij, vt scopum attingant, oculorum alterum claudere, ne adhibito vtroque, in diuersa oculorum acies rapiatur. Idipsum & tibi in oratione faciendum; claudendus quippe est alter oculus, ne humanarum rerum intuitu mens interpellata, huc illucque diuagetur, atque proposito sibi fine excidat. Alter autem, quo spectantur cælestia, apertendus, quo vno duce & attingitur scopus, & vulneratur Sponsus.

Interpellabat hîc Staurophila, Cur, inquiens, Domine, CRUCEM baiulantem peculiariter iubes orare, cùm ea communis fidelium sit exercitatio? Eriamne nescis, inquebat Christus, orationem maximum esse CRUCIS subleuamen, & opportunum in tribulatione auxilium? An non legisti à Deo hoc ipsum præscriptum? *Inuoca me, ait, in die tribulationis; eruam te & honorificabis me.* Et: *Clamabit ad me, & exaudiam eum, cum ipso sum in tribulatione, eripiam eum, & glorificabo eum.* Vfus est hoc præsidio Regius Vates, cuius

Pf. 119, 1. *caius hæ voces: Ad Dominum cum tribula-*
 Pfal. 76, 3. *rer clamavi. &: In die tribulationis meæ Deum*
exquisui manibus meis. idemque de aliis ait:

Pf. 106, 13. *Clamauerunt ad Dominum cum tribularentur,*
& de necessitatibus eorum liberauit eos. Et fre-
 quentissima sunt in sacrâ Scripturâ exempla
 eorum qui in tribulatione preces fuderunt:
 id enim fecerunt Samson illusus à Philis-
 tæis, Susanna in periculo mortis, tres pueri
 in flammis, Daniel in lacu leonum, Ionas in
 ventre ceti, Petrus in mari, Apostoli in na-
 uicula, Paulus & Silas in carcere. Denique
 & ego non solum in horto, sed & in ipsâ

Hebr. 5, 7. *CRUCE preces supplicationesq; cum clamore*
valido & lacrymis Deo Patri obtuli. Ideoque
 & tu tantam habens impositam nubem tes-
 tium, ad orationis præsidium frequenter re-
 curre. Oratio enim in tribulatione Deum
 placat, & tribulatio ipsâ orationem non pa-
 rum iuuat.

Quàm velim, aiebat Staurophila, paulò
 expressius id intelligere? quomodo enim af-
 flictio orationem adiuuat, cum præ dolore
 aliud vix cogitare sinat? Passim enim con-
 queruntur ægroti & afflicti orandi sibi sub-
 tractam facultatem. Ad hæc sic Christus:
 Quò se quisque magis ad Deum conuertit,
 hoc minus afflictionis meminit, neque enim
 permittit totum animum CRVCI attendere,
 qui

qui Deo, quantum quidem potest, conatur intendere. Iam verò quantum robur tribulatio addit orationi. *Sicut enim sagitta infixa cordi mouet ac impellit, vt remedium quærat; sic tribulatio dolorem adfert cordi, ac vrget, vt in re aliâ solatium requiratur, scilicet in cogitatione boni eterni. Aqua dum per plana & ampla spatia fertur, non in altum consurgit, sed latè sese quaquaueus expandit: cum autem manu artificis eam colligentis & stringentis coacta fuerit in angustum, iam inde sollicitè omni telo velocius se in excelsum iaculatur, petitq; supernam regionem: sic mens humana, dum otiosa & liberior, quàm expediat, degit, diffunditur quidem & latè diffluit; cum autem asseriori rerum euentu, casuq; subito coërcente aduerso sollicitetur, iam agilius se extrudit, & intentas ac dilucidas orationes mittit in excelsum. In die ergo tribulationis tue Deum exquire, non per Deum aliud, sed ex tribulatione Deum: vt ad hoc Deus remoueat tribulationem, vt secura inhereas Deo.*

Idiota de
Verâ per-
nit. §. 14.

Chryso-
Hom. 5. de
Incompre-
henf. Dei
nat. tom. 5.

August. in
Psal. 76.

Vt video, inquebat Staurophila, non auxilium dumtaxat precibus CRUX confert; sed quamdam etiam ad Deum confugiendi imponit necessitatem. Non malè vidisti, aiebat Christus, huic enim fini tribulationes frequentissimè subseruiunt. Audistine ali-

2. Reg. 14.

29.

rit

rit Ioab? Vocauerat eum, submissis seruis secundo: *at ille nolebat venire*. Proinde curauit succendi segetes eius. *Surrexit itaque Ioab & venit ad Absalom. Postquam autem locutus est cum illo*, mediatorem se exhibuit apud Regem, & locutus est pro Absalom. Non secus ego, si quos videro monenti mihi obstrepere, & semel iterumque vocatos non venire, hos immisâ tribulatione venire compello; at vbi venerint, iam mediatorem me pro eis apud Patrem interpono. Tales

Psal. 134. & illi erant de quibus Psalmista: *Multipli-
cata sunt infirmitates eorum, postea accelera-
uerunt*. Et: *Imple facies eorum ignominia, &
querent nomen tuum Domine*. Multi profectò
sunt, qui Dei ne semel quidem recordaren-
tur, nisi CRVX aliqua eos quodammodò
adigeret: vnde misereantis Dei est, quòd eos
affligi patiatur, vt ad ipsum confugiant. *Tale
aliquid faciunt amantiores filiorum parentes,
cùm paruulos suos viderint à se quidem sæpe
discedere, æqueuorum autem lusibus detineri:
precipiunt famulis terribilia multa simulare,
vt exagitati metu paruuli ad maternum sinum
confugere festinent*.

Chrysof.
Hom. 10.
in Matth.

Ex iis quæ audio, inquebat Staurophila, non malè colligere videor, pessimum signum esse, in tribulatione ad Deum non conuer-
ti, sed solito conuersari modo. Quis dubitet?

in-

inquietabat Christus. Ex effectu quem tribulatio in vnoquoque operatur, facîle animæ eius status agnoscitur. *Sicut enim plenum granum, mox vt leuiter percussum fuerit, de paleâ suâ exilit foras; si autem subtile fuerit, tardius egreditur; quòd si vacuum fuerit, numquam egreditur, sed illic conteritur cum paleâ suâ, & ita cum paleis foras iactatur: sic omnes quidem homines in rebus carnalibus delectantur, sicut grana in paleâ. Sed qui fidelis est, & boni cordis habet medullam, mox vt leuiter tribulatus fuerit, negligens quæ sunt carnalia, currit ad Deum. Si autem modicè infidelior fuerit, cum grandi tribulatione vix recedit, & vadit ad Deum. Qui autem infidelis est & vacuus, quantumuis contritus fuerit, sicut granum vacuum de paleâ non egreditur, sic ille de carnalibus rebus & impedimentis mundialibus numquam egreditur, nec transit ad Deum, sed illic in malis constitutus conteritur, vt cum infidelibus, quasi cum paleis foras projiciatur.*

Chrysof.
Hom. 3.
in Matth.
Oper. im-
perf.

Pulcherrima hæc comparatio, aiebat Staurophila. sed oro te, quando oratio Crucigeræ adeò necessaria, quid potissimum mihi precandum censeas? Hoc vel maxintè, aiebat Christus, vt si ipsam CRUCEM depreceris, aut mitigari nonnihil petas, non alio id facias modo, quàm illo, quem in Oliucri

hōito verbo & exemplo docui, vt scilicet
 Matth. 26, 39. *dicas: Pater mi, si possibile est, transeat à me
 calix iste: verumtamen non sicut ego volo, sed
 Psal. 61, 2. sicut tu. Nōne Deo subiecta erit anima mea?
 ab ipso enim salutare meum. Fiat Domine vo-
 luntas tua. &: Sicut fuerit voluntas in celo,
 sic fiat.* Resignato enim, & in vtrumque pa-
 rato oportet esse animo, qui CRVCIS fru-
 ctus vberrimos velit decerpere. Deinde ipsas
 tribulationes ac pœnas tuas omnes, tam par-
 uas quàm magnas, passioni & cruciatibus
 meis coniunctas unitasq; deuotâ mente offer
 Deo in laudem aternam: sic enim erunt inesti-
 mabilis meriti, & summè Deo placebunt.

Blos. in
 Spec. spirit.
 cap. 8.



CAPVT XIV.

Gaudendum in CRUCE.

Communicantes Christi passioni-
bus gaudete. 1. Pet. 4, 13.

*Morbus deliciae, mors lucrum, pœna voluptas,
CRUX mihi quod nullâ me CRUCE cerno
premi.*



XTREMAM credebat Stauro-
phila se audiuisse lectionem,
quare nihil amplius percuncta-
batur, cum Christus ad eam:
Necdum metam attigisti, filia,
nam vt pridem in arcum, ita nunc in citha-
ram aut psalterium CRUCEM transmutare
docebo; vt discas scilicet *psallere nomini Do-* Psal. 91.
mini altissimi in decachordo psalterio, cum can-
tico in citharâ. Et hîc ignorantiam meam
fateri cogor, aiebat Staurophila, neque enim
intelligo quid Dominus meus velit. Audi August. in
proinde, inquebat Christus: *Psallere est cum* Psal. 91.
hilaritate facere: hilarem enim datorem dili- 2. Cor. 9.
git Deus. Eia igitur cantico verborum iunge
citharam operum. Cithara sonat ex inferiori,
psalterium ex superiori parte. *Cum aliquid* August. in
Pate- Psal. 42.

Communicantes CHRISTI passionibus,
gaudete.

1. Pet. 4, 13.



Morbus deliciae, mors lucrum, poena voluptas,
CRVX mihi quod nulla me CRVCE cerno premi.

*pateris tribulationum, tentationum, scan-
 dorum in hac terrâ, quia pateris ex inferiori
 parte, id est ex eo quod mortalis es, ex eo quod
 prima tue causæ quiddam tribulationum de-
 beas, Cithara es; venit enim sonus suavis ex
 inferiore parte, pateris & psallis, vel potius can-
 tas, & citharizas. Quando dicebat Apostolus:
 Gloriamur in tribulationibus, cithara sonabat
 ex inferiore quidem, sed tamen dulciter. Omnis
 enim patientia dulcis est Deo. Si autem in ipsis
 tribulationibus defeceris, citharam fregisti.
 Cum autem æquo animo atque hilariter
 perfers scrupulos, desolationes, obnubila-
 tiones, ut quasi desertam à Deo te putes; &
 gaudes tamen, etiam in hac CRUCE Deum
 laudans & benedicens; psallis Domino in
 psalterio decem chordarum: tangis chordas Augustin.
 in corde tuo, benesonantes in auribus Dei. Cum
 verò cæperis disputare de operibus Dei, Quare
 hoc? quare illud? Et, Non debuit sic facere:
 male fecit hoc. ubi est laus Dei? perdidisti
 Alleluia, rupisti psalterium tuum.*

Dici vix potest, quantum hæc Staurophi-
 lam exhilarabant. Non parum autem sus-
 pensam tenebat, quod diceret Christus in
 CRUCE exultandum & lætandum. Et liceat,
 inquebat, Domine sciscitari, quid CRUCI &
 lætitiæ? quæ conuenientia doloris & gaudij?
 CRUX enim à cruciatu verissimè dicitur:

hanc autē corpus & animā excruciare nemo melius nouit, quā qui tulit. Ego verō totā hac vitā credebam me afflictā, desolatā, mœrore & dolore consumendam: gaudium, lætitiā & pacem in alterā exspectandā; hīc tribulationis, illic consolationis fore tempus. *Omnis enim disciplina, in præsentī quīdem videtur non esse gaudij, sed mœroris.*

Heb. 12,
11.

Plenissimā, inquebat Christus, & superabundantem lætitiæ mensurā omnes Cruciferei percipient in retributione iustorum, quando intrabunt in gaudium Domini sui, vbi *absterget Deus omnem lacrymā ab oculis eorum.* Habet tamen CRVX plurimum gaudij & lætitiæ, si eo baiuletur quo oportet modo. *CRVX enim totius gratulationis spiritalis est substantia.* Et nōne dixi in Euangelio: *Beati eritis cū vos oderint homines, & cū separauerint, & eiecerint nomen vestrum tanquam malum propter Filium hominis,* GAUDETE ET EXVLTE; ecce enim *merces vestra multa est in celis.* Et Apostolus

Apoc. 21, 4

Chrysost.
Hom. 2.
de Cruce
& Latrone.
Luc. 6, 22.

1. Pet. 4, 13

Iac. 1, 2.

meus nōne dixit: *Communicantes Christi passionibus GAUDETE.* Et alter: *Omne gaudium existimate, fratres mei, cū in tentationes varias incideritis.* Neque vas electionis meæ Paulus, quem allegasti, dicit, disciplinam in præsentī non esse gaudij, sed videri non esse gaudij. Reuerā enim causa & procrea-

creatrix est omnis lætitiæ & gaudij, adeoque vitæ æternæ. Sed in ipso castigationis momento videtur esse mœroris, non gaudij: sensus enim doloris ita homines perstringit, vt fructum pacatissimum inde secuturum non cogitent. Hic enim vbi dolor transierit, melius agnoscitur & perſentitur. Et quid dicam? Certa beatitudinis tessera est, posse in perpeſſionibus gaudere, & circumlatrantibus vndique malis, hilarem cælo animum attollere, etsi per genas copiosè fluant lacrymæ.

Seneca lib.
de Prouid.
Dei.

Facile crediderim, aiebat Staurophila, non deesse gaudendi materiam in ipsâ CRUCE, si quis attentius futura reuoluerit præmia, verum vt hoc in ipsis fiat pœnis,

Hoc opus, hic labor est: —

Aeneid. 6.

& paucos equidem esse arbitror, qui in cruciatibus exultauerint. Ego verò, respondebat Christus, minimè paucos tibi producam.

An non Apostoli *ibant gaudentes à conspectu* Act. 5, 41.

concilij, quòd *digni habitii* essent pro nomine

IESV *contumeliam pati*. Quàm hilaris Paulus,

qui dicebat: *Repletus sum consolatione,* 2. Corinth. 7, 4.

superabundo gaudio in omni tribulatione nostrâ! Et: *Si immolor supra sacrificium & ob-* Philip. 2, 17.

sequiñ fidei vestra gaudeo, & congratulor om-

nibus vobis, id ipsum vos gaudete, & cōgratula-

mini mihi. Sancti quoque ludibria & verbe- Rupert. in cap. 14. Apocal.

ra experti, lapidati, secti, tentati, in occisione

gladij mortui, angustiati, afflicti, quid erant nisi citharædi citharizantes in citharis suis, testimonia scilicet diuinæ veritatis personantes?

Quâ lætitiâ gestiebant olim Martyres in medijs tormentis? Marcus & Marcellianus fratres propter Christianam fidem comprehensi, ad stipitem alligati sunt, pedibus clavis confixis. Ad quos cum ita loqueretur Iudex: Respicite miseri, & vos ipsos ab his cruciatibus eripite. Responderunt: Numquam tam iucunde epulati sumus, quàm hæc libenter IESV Christi causâ perferimus, in cuius amore nunc fixi esse cœpimus. Utinam tam diu nos hæc pati sinat, quàm diu hoc corruptibili corpore vestiti erimus! Ita diem noctemq; in tormentis diuinas laudes canentes, denique telis transfixi ad martyrij gloriam peruenierunt. Nec infirmiori sexui similia desunt exempla: Agatha enim lætissimè & glorianter ibat ad carcerem: & quasi ad epulas inuitata, agonem suum Domino commendabat. Agnes quoque tredecennis virguncula nondum idonca pœne, & iam matura victoriæ, magisterium virtutis impleuit, quamuis præiudiciū veheret ætatis. Non enim sic ad thalamum nupta properaret, ut ad supplicij locum, læta successu, gradu festina virgo processit. Quid Thecla? post superatas bestias, ignes, carceres ita dicebat: Etiam si in singulos dies mihi cum igne, belluis,

vin-

Breuiar.
Roman.
18. Iun.

Breuiar.
Roman.
5. Febr.

Ambros.
lib. 1. de
Virginib.

Basil. Seleu-
ciæ Episc.
in Vitâ
S. Theclæ.

*vinculis, carceribus rem esse contingat: adeò mihi etiam omne mortis & discriminis genus pro pietate subeundum, ipsismet paradisi delictis, epulisq; instructissimis potiùs ducitur: tantummodò, Domine, digna, quæ pro te & nomine tuo cruciatus tolerare semper possim, habear. Vidēsne, Staurophila, quantà alacritate, quā animi hilaritate Sancti CRVCES per-
tulerint?*

Video, inquiebat illa, sed quod in ipsis obstupeſco, id, vt liberè dicam, ruborem mihi incutit: illi enim non modò patienter, sed & libenter & ardentè ad tormenta, sicut ad ornamenta properabant. Ego autem pusillanimis multum etiam laboro vt patienter feram: sed adiuua, Domine, infirmitatem meam.

Eia, inquiebat Christus, confide filia, sensim cresces ad robustam & omnibus numeris perfectam patientiam, & quæ nunc pœna-
*rum inanium leuitate deprimeris, remuneranda postmodum pretiosi auri pondera reporta-
bis.* Interim tamen si huc assurgere nequeas; noli murmurare, noli queri, sed constanter sustine, & in dolore tuo patientiam habe.
Petr. Dam.
l. 3. Epist. 6.

Cui Staurophila: Mihi equidem volupe esset nouisse psalterium CRVCIS aptè tangere, vt de chordis cordis mei resonaret dulcis iubilatio, & laus perennis diuinæ maiestati.

Blos. in In-
stit. Spirit.
cap. 8.

stati. Benè habet, inquebat Christus, & facile hanc artem discas, si afflictionem vel dolorem sentiens Deo te humiliter perseveranterq; resignes: huiusmodi enim resignatio est ante Deum velut cithara dulcifona, in cuius chordis Spiritus sanctus suavisimè canens, cælestis Patris aures occulto quodam internoq; modulamine mirificè demulcet. In hac citharâ crassiores fides, id est, exteriores hominis vires (quæ undique dolore occupantur) demissum lugubremq; sonum reddunt: at fides exiliores, nempe, vires interioris hominis (quæ plenâ deuotione in spontaneâ patientiâ, resignatione persistunt) acutum iucundumq; sonum edunt. Natura sensibilis excruciatâ gemit, sed natura superior ac rationalis permanet tranquilla.

Iacob. 5,
13.
Prouerb.
15, 13.

Facile intelligo, inquit Staurophila, à tranquillo animo perfici spiritualem hanc melodiâ: nam & Apostolus monet, vt, qui *aquo animo est, psallat*. Mens verò turbata omnem harmoniam dissoluit. In *mærore* enim *animi deicitur spiritus*. Sed obsecro te, Domine, ediffere mihi vt hanc animi pacem nancisci potero.

Cui Christus: Si diuinæ per omnia responderis voluntati, & aliud non velis, quàm quod vult Deus. Quicumque enim hoc fecerit, tranquillus, felix, & verè beatus erit.

Faciet

Faciet enim quidquid voluerit, cum quidquid euenire ei Deus voluerit, hoc & ipse velit. Nulli, *vt opinor, beatiores sunt, quam qui ex sententiâ suâ atque voto agunt.* Humiles sunt religiosi, hoc volunt, pauperes sunt, pauperie delectantur; sine ambitione sunt, ambitum respuunt: lugent, lugere gestiunt: infirmi sunt, infirmitate latantur. Cum infirmor, inquit Apostolus, tunc potens sum. Itaque quidquid acciderit ijs, quicumque verè religiosi sunt, beati esse dicendi sunt: quia inter quantumlibet aspera, nulli lætiores sunt, quam qui hoc sunt, quod volunt. Suauibus his sermonibus delinita Staurophila, exultauit præ gaudio, & diuino (vt facile erat colligere) agente Spiritu prorupit & ipsa in canticum lætitiæ, ita CRUCEM ex animo salutans, & celebrans.

Saluian. de
Vero iudic.
& prouid.
Dei lib. 1.

2. Cor. 12,
10.

Ode Staurophilæ in CRUCE
exultantis.

CRUX aue summo veneranda cultu,
Regis æterni roseum cubile,
Candidi sacro rubeiq; fulgens
Sanguine Sponsi.

Tu, tribus mundum digitis ferentem
Carnis humanæ spolijs amictum,
Saucijs qui te tulerat lacertis,
Fauista tulisti.

Hæc

*Hæc tui tota est ratio decoris,
Vniuersarum CRVCIVM rigores
Mitigans, lethum facis esse latum, &
Damna fauores.*

*Quis p̃ys ergo grauis esse casus?
Quid vel aduersi pote contigisse,
Queis & æramne, lacryma, labores,
Gaudia præstant?*

*CRVX voluptatis penus æterna,
CRVX bona, ô, quàm te iuuat osculari?
Quàm iugo dulci nihilo repugnans
Subdere collum!*

*Non nisi in solâ CRVCE gloriabor
Magna: nam nullâ CRVCE, CRVX grauari;
CRVX mihi summum decus, & corona,
CRVX mihi vita.*

*Ergo mi salue, bona CRVX, salutis
Tessera æterna: via quæ Sionis,
Mille post casus, gemitu s̃q̃ mille,
Ducis ad arcem.*

*Millies felix, mea sponsa, salue,
Mille diu votis mihi concupita,
Quæ tibi iunctam, peramato Iesu
Iungis amantem.*

*O nimis felix CRVCE cui potiri,
Cui pati gratos licet hîc dolores,
Et suo verum Crucifixo amori
Reddere amorem!*

CAPVT XV.

In CRUCE, & pro ipsâ agenda gratia.

In omnibus gratias agite. 1. Tessal. 5, 18.

Non ea quam tribuis CRUX est, sed pignus
amoris

Cor tibi pro tanto munere reddo lubens.



INIERAT Staurophila, cum
Christus iterum sic inquit: Per
gradus, ô filia, scandendum ad
culmen: didicisti in CRUCE
gaudere, nunc, ut proficias, &
hoc adiungendum, ut gratias Deo non ma-
gis in prosperis agas, quam in aduersis. Non
enim fucate gratias est qui inter medias de-
prehensus calamitates toto pectore gratias agit
Domino. Nam quid magnum facis, si quando
in secundis rebus es, laudes Deum, quando in
diuitijs es, quando nullis vexaris iniurijs? Illud
est magnificum, si subiecta iniurijs & contume-
lijs iudicium Dei laudes. Magnum, inquit
Staurophila, reuera hoc est, non tamen nihil
esse crediderim in prosperis non ingratum
esse. Est, inquit Christus, id certe etiam
aliquid, sed fatendum tamen, minus perfe-
ctum.

S. Antio-
chus Hom.
117.

Ambros.
in Ps. 118.
Octon. 10.

In omnibus gratias agite. 1. Theſ. 5, 18.



Non ea quā tribuīs CRVX eſt, ſed pignus amoris.
Cor tibi pro tanto munere reddo lubens.

Etum. Nam magnitudo gratie mentis in tristibus apparet. Vides, quòd si in prosperitate gratias egeris, sycophanta diabolus factum tuum extenuat, & dicit: Num frustra Iob colit Dominum. Cui nimirum in secundis gratias agebat, sed ubi tot calamitatibus pressum audiuit dixisse, Sit nomen Domini benedictum, Diabolum prostravit, & maiorem plagam intulit, quàm cum possidens miserabatur pauperum. Nam secundis quidem rebus gratias referre Deo, non admodum mirabile: porro cum multus fuerit fluctus, cymbaque circumacta periclitatur; tunc gratias agere magna atque excellens patientie & bonae voluntatis ostensio. Pro beneficijs gratias agere, vel idololatræ ac Gentiles norunt; pro calamitatibus, CRVCIBVS, ac supplicijs, soli Christiani. Summa enim religio est, inter aduersa Deo gratias agere. Et crede, Staurophila, plus valet vnum DEO GRATIAS in aduersis, quàm sex millia in prosperis.

Chrysost.
Serm. de
Iob & Abraham.

Iob. 1, 9.

Chrysost.
Homil. 5.
de Patient.
Iob.

Aquila tom.
2. Epist.
pag. 29.

Vix vnquam mihi persuaferam, aiebat Staurophila, pro miserijs & cruciatibus graties refundendas, cum sensibus aded ista ingrata sint. Multa, inquiebat Christus, sensualitati parum grata, vtilia sunt saluti: quo in genere & hanc gratiarum actionem repone licet, est enim absconditus in eâ thesaurus, quem ignorant filij huius sæculi. Disce hoc

Esther 4.
11.

Ibid. c. 5, 3.

Chrysost.
Hom. 4.
in Epist.
ad Philem.

Stobaeus de
Legibus
Serm. 44.

hoc in mysticâ hac figurâ. Lege olim vetuerat Assuerus, ne *quis non vocatus interius atrium intraret, nisi fortè Rex auream virgam ad eum tetendisset pro signo clementiae, atque ita posset vivere*. Esther verò contra hoc præceptum ingrediens, cum extendisset Rex virgam auream, *osculata est summitatem virgae eius*. Sed velum iam amoueamus, vt clarius videas. Quid, quæso, hoc significare censes, nisi quòd præuicinatores homines atria Domini introire prohibeantur, nisi aureâ virgâ eos Deus tetigerit, eamq; fuerint exosculati? Quemam verò hæc virga? nisi CRVX, aduersitas, tribulatio? Vnde autem aurea? nisi quia meis perpeffionibus inaurata? Cur deosculanda? quia à regali manu, à paterno amore, à benignâ Dei voluntate, vt magnum donum porrigitur. *Pro Deo siquidem pati, munus est maioris admirationis, quàm sit reuerà mortuos suscitare, & signa miranda patrare. Nam illinc quidem debitum contrahis, hinc verò debitorem habes Deum*. Diffuauanda igitur CRVX, & cum gratiarû actione toleranda: signum enim est clementiæ, remissionis peccatorum, & quòd tui Deus meminerit. *Apud Persas Regi gratias agebat, qui, quantumuis innocens, ab eo flagellari iussus fuisset, quòd Rex nimirum illius memor fuisset*. Quid facere par est, cum non à Rege terre-

terreno, sed cælesti, qui Rex Regum, & Dominus est dominantium iuberis flagellari, torqueri, vri, secari? Cur non potius has plagas, quæ cæli pretium sunt, venereris, & supplex pro iis gratias agas? Num legisti quid Regius Vates cecinerit? *Virga tua, inquit, & baculus tuus, ipsa me consolata sunt.* Quasi lulentius diceret: *Disciplina tua tamquam virga ad gregem ouium, & tamquam baculus iam ad grandiores filios, & ab animali vitâ ad spiritalem crescentes, ipsa me non afflixerunt magis, quàm consolata sunt: quia memor es mei.* O quid non misericorditer præstatur hominibus à Deo, à quo etiam tribulatio beneficium est! Nam res prospera donum est consolantis: res autem aduersa, donum est admonentis Dei.

Psal. 22. 4.

August. in
Psal. 22.August.
Epist. 87.

Ad hæc Staurophila: Domine, inuenire est minimè paucos qui *confiteantur tibi* cum benefeceris eis. At quotusquisque est qui

Psal. 48,

19.

CRUCE grauatus, tribulationibus pressus, ex animo gratias agat? *Quis est, inquam, hic? & laudabimus eum: fecit enim mirabilia in vitâ suâ.* An verò ignoras, inquebat Christus, fortissimorum heroum exempla, in Ecclesiâ meâ decantatissima? An non sanctissimus Iob in tot ac tam horrendis calamitatibus illud vsurpauit: *Sicut Domino placuit, ita factum est: sit nomen Domini benedictum.* Lauren-

Eccli. 31. 9.

Iob. 1. 22.

Q

tius

Breuiar.
Rom.
Surius in
Vitâ
14. Maij.

Ibidem
11. Febr.

Baron.
Tom. 2.
an. 261.
num. 30.

Pfal. 33, 2.

Gregor.
Hom. 15.
in Euang.

tius igneo lectulo recumbens, *Affatus*, inquebat, *gratias ago*. Bonifacius Martyr vngulis excarnificatus iubilabat: *Gratias tibi ago Domine Iesu Christe fili Dei*. S. Saturninus durum obiens dolorum agonem, aiebat: *Breniter patior, libenter patior, gratias ago, nec agere sufficio, Christe da sufferentiam, tibi laus, tibi decus*. Quid D. Cyprianus? cùm à Proconsule Galerio interrogatus breuissimè respondisset, recitatâ tandem è tabellâ sententiâ: Thascium Cyprianum gladio animaduerti placet; dixit, *Deo gratias*. Iacobus, qui à supplicio quod tulit, interciscus dictus, membratim mori sustinuit: quoties autem vel articulus digiti, vel iunctura membri præsecabatur, toties ille auditus est dicere, *Deo gratias*. Theodorus æuo Maximiani Cæsaris, laceratis & pertusis iam lateribus vix spirans ampliùs, suum tamen organum animabat, & canebat: *Benedicam Dominum in omni tempore*.

Quid tibi de his videtur Staurophila? Martyrum credo hæc priuilegia, inquebat illa; quos ad fidei confirmationem, & Tyrannorum confusionem Deus peculiariter hac gratiâ exornat. Non Martyres tantùm, respondebat Christus, verùm etiam ægroti in morbis hunc gratitudinis affectum ostenderunt. *Seruulus ille, à primenâ etate vsque*
ad

ad finem vitæ paralyticus, non stare poterat, nec ad sedendum è lecto surgere, non manum ad os ducere, non se in latus aliud declinare. Hic autem studebat in dolore semper gratias agere, hymnis Deo & laudibus diebus ac noctibus vacare, qui & ipse celeste melos in morte suâ meruit audire. Et B. Clara continuis viginti octo annis, morbo intabescens, assidue DEO GRATIAS retulit. Quid nunc censes filia? etiâne nulli tibi videntur, aut pauci qui in ærumnis Deo benedicant & gratias agant?

Fateor, Domine, aiebat illa, incogitantiam meam. Nec ego deinceps hoc sacrificium laudis intermittere decreui, quin potius gratias agam gratiæ largitori, quia me misericorditer flagellavit: quia iram mihi conuerterit in gratiam, infirmari me volens, ne gravius infirmarer, affligens, ut parceret; prosternens ut erigeret: & quis, Domine, nouit potestatem iræ tuæ? plena est enim miserationibus ira tua; & iudicia tuæ animaduersionis quam temporaliter exerces in tuos, certa sunt pietatis iudicia. Iustorum siquidem animæ in manu Dei sunt: Sap. 3, 1. idè inter delicias & dolores iram Domini, & misericordiam sapientes in flagellis agnoscunt. Et exultauerunt filie Iudæ propter iudicia tua Domine. Pl. 47, 12.

Eia! sic loquere, inquiebat Christus, hoc

Chrysoft.
Hom. 8. in
Epist. ad
Coloss.

Christianorum idioma est: *Nihil hac lingua sanctius, quæ in aduersis DEO GRATIAS agit. Certè non inferior est lingua Martyrum, utraq; certè pariter coronatur. Nam & aduersus istam instat licitor Deum per maledicentiam negare cogens, instat diabolus argutis cogitationum quæstionibus lacerans, & animi angustijs obtenebrans. Si ergo dolores pertulerit, & gratias egerit, Martyrum coronam sortitur.*

Augustin in
Psalm. 77.

Quid igitur melius, inquit Staurophila, & animo geramus, & ore promamus, & calamo exprimamus, quàm DEO GRATIAS, hoc nec dici brevius, nec audiri latius, nec intelligi gratius, nec agi fructuosius potest. Nunc proptèdò melius intelligo, quid sibi voluerit Senex quidam in Vitis Patrum, qui infirmanti discipulo suo dixit: Non contristeris, fili, ex infirmitate vel plagâ corporis tui, summa enim religio est, ut in infirmitate quis agat DEO GRATIAS. Si ferrum es, per ignem aruginem amittis: si verò aurum es, per ignem probatus à magnis ad maiora procedis. Ne anxieris ergo frater, si enim Deus te vult in corpore torqueri, tu qui sis qui molestè feras? Sustine ergo, & roga Deum, ut quæ ipse vult, illa concedat.

Vitæ PP.
l. 7. c. 20.
num. 1. Et
Ruff. lib. 3.
in Vit. Pat.
num. 157.

Optimam monitionem, aiebat Christus, hic Senex suo dedit discipulo, cui etiam subscribo; tibi quæ, ô filia, eandem etiam atque etiam commendo. Gratiarum enim actio in

CRUCE bonos à malis discriminat, & qualis vnusquisque sit optimè ostendit. Qui campanas fundunt, mallei ictibus earum dem explorant bonitatem, antequam vel benedicantur, vel in excelsam turrim attollantur: nisi enim bonum ediderint sonum, reprobantur. Itidem Deus facit, non eleuat electos ad cælum, nisi frequentioribus CRUCIBVS & afflictionibus exercitos, vt probeat an firma etiam sit eorum patientia, & quàm gratum edant sonum, qualémve emittant vocem. Pulsauit olim Deus magnam illam campanam Iob Prophetam, & manus Domini tetigit eum. vis nosse quo instrumento? *malleo vniuersa terra*, diabolo inquam. Quis porrò sonus huius campanæ? *Dominus dedit, Dominus abstulit, sit nomen Domini benedictum.* * *Quomodo sonuit? quàm suauem sonum dedit? adhuc tunditur datus in potestatem diaboli, vt & caro eius percuteretur. Percussit eum à capite vsque ad pedes graui vulnere, & putrescens vermibus sedebat in stercore. Audisti quemadmodum tunsus est, audi nunc quomodo sonet. Si bona suscepimus de manu Domini, mala non sustinebimus? ô sonum fortem! ô sonum dulcem! ô quem non dormientem excitet sonus iste!* Benedicenda, sine dubio, est hæc campana, quæ tam benedictum edit sonum. Hoc scilicet indicium viri boni, viri

Coren. in
Clyp. pa-
tient. lib. 1.
cap. 4.

Ierem 50.
32.

* August. in
Psal. 97.

Iob. 2, 19.

Antiochus erga Deum grati. *Contrà cognoscibile quoque
Hom. 117. indicium viri male grati: is enim dum angitur quapiam tribulatione, est querulus, murmure interstrepit, discruciat ob hoc miserè, tuctur causam suam, & excusat innocentiam.*

August. Quid plura? *Sic sunt boni & mali quomodo
Tom. 10. si duo vasa sint plena, & vnum habeat putredinem, & aliud aromata pretiosa, vtraque tamen vno ventilabro ventilata. Illud vas, ubi fuerint aromata, odorem desiderabilem, aliud autem fetorem intolerabilem reddit. Ita simul boni atque mali indiscretè quidem turbati, sed alto Dei iudicio separati. Quoties aliqua tribulatio in mundum venerit, qui boni sunt, velut vasa sancta, gratias agunt Deo, qui eos castigare dignatur: illi verò qui sunt superbi, luxuriosi, cupidi, blasphemant & murmurant contra Deum, dicentes: O Deus! quid tanti mali fecimus, ut talia patiamur?*
Serm. 111.
de Temp.



CAPVT XVI.

*Potiùs in aduersitate quàm prosperitate
referendas gratias : non Deo tantùm,
sed et CRUCEM inferenti.*



EC VT Staurophilæ gratiarum
actionem non parum com-
mendabant, ita dubium vnum
alterumque animo eius sugge-
rebant : quæ instructori suo
proponere cupiens ; Obsecro, Domine, in-
quiebat, id ancillæ tuæ explicare ne graue-
ris : Maior ne gratiarum actio in prosperita-
te, an in aduersitate referenda ? Quid verò
dubitas ? aiebat Christus, Cuinam censes
amplior redhibenda gratia, maiori an mi-
nori beneficio ? Maiori, inquiebat illa. Com-
para igitur, inquiebat Christus, aduersa se-
cundis ; & vtra præponderent diligentius ex-
pende. CRUX à peccato reuocat ; prosperi-
tas ad illa allicit & impellit. *Etenim multo* ^{2. Mach. 6,}
tempore non sinere peccatoribus ex sententiâ ^{13.}
*agere, sed statim ultiones adhibere, magni be-
neficij est indicium.* An non & illud, quod tri-
bulatio ad Deum moneat recurrere, prospe-
ritas eiusdem inducat obliuionem ? Timo-
rem deinde Dei, & compunctionem CRUX

Bernard.
lib. 2. de
Confid.
cap. 12.

excitat: prosperitas animum à sui custodiâ & disciplinâ relaxat. & quando incautus illa non fuit ad disciplinam, quod ignis ad ceram, quod solis radius ad niuem vel glaciem? Sapiens David, sapiens Salomon fuit, sed blandientibus nimis secundis rebus alter ex parte, alter ex toto desipuit. Magnus qui incidens in aduersa, non excidit vel parum à sapientiâ. Nec minor, cui præsens felicitas si arrisit, non irrisit. Tribulatio & CRVX æternæ beatitudinis prognosticon & arrha quædam est, successus temporalium futuræ damnationis non leue indicium. Nam sicut fulgur tonitrua portat, ita prosperitas supplicia sempiterna prænuntiat. * Si cui in terrenarum affluentia rerum felicitas arridere cupita videtur, eo ipso infelicior est, quò vehementius ipsam pro felicitate amplectitur infelicitatem, aut magis immergitur ei, & absorbetur ab eâ. Quid nunc de his duobus affirmas? vtrum maius existimas munus? CRVCE vix malè quis vititur, prosperitate vix quisquam benè.

Profectò, aiebat Staurophila, si æterna meditemur, vt par est, excellentius donum est tribulatio, & ampliori dignum gratitudine. Rectè respondisti, inquebat Christus: nam si Astronomorum omnium prædita esses scientiâ; si tam copiosè & eleganter posses de Deo dicere ac eloqui, quàm cunctæ & Angelorum &

Bernardus
Senenf.
Serm. 23.
in Fer. 5.
post Dom.
2. Quad.
art. 3. c. 3.
* Bernard.
Serm. 111.
in Psalm.
Qui habi-
tat.

Sulso in
Dialogo
ætern. sap.
cap. 13.

& hominum linguæ, si denique sola eâ esset eruditione luculenter instructa, quot simul tota litteratorum atque Doctorum omnium frequentia, non tibi isthæc omnia tantum conferrent ad vitæ pietatem ac sanctitatem, quàm si in quibuscumque afflictionibus tuis Deo te permittere ac resignare possis. Illa namque bonis malisque communia sunt; hoc verò non nisi electorum est. O si quis iusto posset perpendere iudicio tempus & æternitatem! mallet ille profectò vel centum annis in ardenti iacere camino, quàm vel minimâ leuissimæ afflictionis carere mercede in calis æternum percipiendâ. Illud namque finem habet: istud nullo clauditur termino. Et ideò licet centum quis annis Deum supplex adoret, haud tamen dignas ei gratias agere posset pro minimâ tribulatione à Domino immisâ. Et mirandum profectò est, quòd sub pedibus electorum omnes lapides non vertantur in spinas in capita illorum insilientes, adeò ineffabilia bona erunt, quæ breuissimo suo labore consequentur. Quis umquam, inquiebat Staurophila, vel animo concepisset, tantum boni sub CRUCE latitare, tantumque mellis propinandum pro modico fellis?

Sed illud præterea animum nonnihil sollicitat, num satis sit diuinæ bonitati pro immisissis calamitatibus gratias habere, an verò & iis habendæ, quorum improbitate, odio,

Anto. Hemartius in
Spec. perfect. c. 10.

& maleuolentiâ CRVCES in nos deriuantur ?

Matth. 5,
44.

Miror, inquiebat Christus, cur hîc hæreas, si modò Scripturas legeris ; an non disertè in Euangelio prolocutus sum : *Diligite inimicos vestros, benefacite his qui oderunt vos, & orate pro persequentibus & calumniantibus vos?* Si diligendi inimici, consequenter & dilectionis signa exhibenda : *Probatio enim dilectionis, exhibitio est operis.* Benefacere autem, & orare pro persequentibus, non tam gratias agere quàm referre est. Nónne in CRUCE pro ipsis crucifixoribus meis orauit,

Gregor.
Hom. 30.
in Euang.

Luc. 23, 34

dicens : *Pater, dimitte illis, non enim sciunt quid faciunt?* In quo me & protomartyr Stephanus, & Apostolus Iacobus imitati sunt. Quæ autem maior gratiarum actio esse queat, quàm in ipsâ morte orare pro illis qui eam inferunt ?

Excellentissimè, inquiebat Staurophila, hic virtutis gradus ! non solùm non malefacere, non malè velle malefactori, sed etiam ex ipsâ iniuriâ occasionem accipere benefaciendi ! Nescio autem quomodo ad eam vel aspirare tandem potero.

Aliorum saltem, inquiebat Christus, te excitent exempla : neque enim difficile est imitari, quod ab aliis tibi quæ similibus gestum cognoueris. Non meministi quid de Philosophi cuiusdam discipulo celebratum legatur ?

tur? Peccauerat hic, & indulgentiam petebat: sed concedere eam Philosophus noluit, nisi triennio toto esset cum damnatis, qui metalla in flumine deponunt. Deinde voluit, vt aliis tribus annis mercedem daret, qui iniurijs & conuitijs eum afflixissent. Completâ autem hac pœnitentiâ, dixit ei Philosophus: *Veni nunc in ciuitatem Atheniensem, vt illic sapientiam possis discere.* Erat autem ibi quidam Senex sapientiâ studiosus, & sedebat ad portam, omnesq; ingredienti-
 tes experiendi causâ conuitijs affligebat: qui cum idem inueni ingredienti faceret, ille exorto cachinno risit. Cui Senex ait: *Quid est hoc, quod agis? ego te iniurior, & tu rides?* Cui iuuenis ait: *Et non vis vt rideam, cum tribus annis mercedem dederim, vt hoc paterer, quod hodie à te gratis patior?* Tunc Senex dixit ei: *Ingredere ergo ciuitatem, quia dignus es.* Hoc autē solebat Abbas Ioannes referre, & his ipse addebat, dicens: *Hæc est porta Dei, per quam Patres nostri per multas tribulationes & iniurias gaudentes ingressi sunt ciuitatem Dei.* Sed iuuerit & alios huius virtutis cultores oculis obijcere, ne arduitate operis, & raritate sic operantium te forsan excuses. Gloriosus martyr Cyprianus capitis damnatus, spiculatori à Diaconis suis aureos viginti quinque numerari iussit. Alexander

Ruffin. in
 Vit. Pat.
 lib. 3. n. 84.

Baron.
 Tom. 2.
 anno 261.
 num. 30.

Sophron.
in Prat.
spirit. c. 34.

Gregor.
Hom. 35.
in Euang.

Leont. in
Vitâ, apud
Surium
Tom. I.

xander Patriarcha Ierosolymitanus Notarium habuit, qui aurum ei furripuit. Is postea captus fuit: sed pius Patriarcha eum octoginta quinque numismatibus redemit. *Quo reuerso ita piè misericorditerq; usus est, ut quidam ex urbis habitatoribus dixerit aliquando, nihil esse utilius, quàm in Alexandrum peccare.* Stephanus Abbas tantæ erat patientiæ, ut eum sibi amicum crederet, qui sibi molestiæ aliquid irrogasset. Reddebat contumelijs gratias. Si quod in ipsâ suâ inopiâ damnum fuisset illatum, hoc maximum lucrum putabat. Omnes suos aduersarios nihil aliud quàm adiutores æstimabat. Lepidum porrò est quod de Ioanne Eleëmofynario litteris commendatum est. Caupo erat, qui multis iniurijs & contumelijs affecerat iuuenem huic sancto sanguine iunctum. Iuuenis apud Episcopum grauitur conqueritur, Episcopus ut iuuenis animum mitigaret, Itane, inquit, ausus fuit te vel verbo violare? Faciam in eorem, quâ tota Alexandria mirabitur. Moxq; vocato ad se vectigalium magistro, iubet ut nihil amplius vectigalis, aut aliquod aliud Ecclesiæ debitum ab illo caupone exigit, sed ut immunem illum ab omni solutione, quæ quidem ipsi vel Ecclesiæ eius deberetur, relinquat. Hoc videlicet eius factum tota Alexandria mirata est.

Viro-

Virorum hæc sunt, aiebat Staurophila, in paucis fortium : quos & feminas aliquando ex Dei gratiâ æmulatas faciliè crediderim. Nam de beatâ Lydvvinâ Batauâ virgine proditum accepi, eam contumeliis & conuitiis à furenti feminâ proscissam, nullo modo fuisse commotam. Cùm illa deinde & in faciem eius foedissimè exspueret, & clamoribus ac maledictis, tamquam vim passa, concitaret, mitissima virgo in patientiâ suâ animam possidebat. *Maleficio verò beneficio compensare volens, clam ei munusculū transmissit; dicebatq; suis: Illis ego debere me fateor, qui viam mandatorum Dei, quorum plenitudo dilectio est, me currere compellunt.* Theresia quoque, notissimæ sanctitatis virgo, hos ardentius amabat, Deoque precibus commendabat crebrius, quos sibi aduersarios & maximè inimicos cognouerat, quibus etiam non rarò beneficia impendebat: vt Episcopus quidam dicere soleret, non esse præsentius medium ad sanctæ illius heroidis amorem conciliandum, quàm iniuriâ eam vel damno afficere.

Hæc cùm ipsa scias, filia, subijciebat Christus, quid est quòd antea ambigebas? Inde, Domine, aiebat Staurophila, quòd memoriæ non occurrerent, & præceptum de diligendis inimicis in Euangelio traditum, aded

Sur. in Vita
Tom. 2.
cap. 1.

Acta Canonizat.
relat. 2.
art. 6.

eximium semper putauerim, vt paucissimi illud, & vix impleuerint. Est id quidem, aiebat Christus, magnæ perfectionis, quæ ipsa tamen & in veteri lege præscripta. Quid enim est illud? *Si occurreris boni inimici tui, aut asino erranti, reduc ad eum. Si videris asinum odientis te iacere sub onere, non pertransibis, sed subleuabis cum eo.* Quid, quæso, sibi voluit Salomon, cùm diceret: *Si esurierit inimicus tuus, ciba illum: si sitierit, da ei aquam bibere: prunas enim congregabis super caput eius, & Dominus reddet tibi?*

Exod. 23. 4

Prov. 25, 21.

Climacus
Grad. 9.

Mirum, subdebat Staurophila, in illâ lege, quæ nihil ad perfectum adduxit, tantam perfectionem legi & præscribi. Cui Christus: Virtutum celsitudinem haud facile assequitur infirmus animus, & passionum suarum caligine obnubilatus. Tu verò ad summa semper annitere, & ab iniuriarum memoriâ *tum demum perfectè te curatam intellige, non cùm pro eo qui te contristauit oraueris, non cùm illum muneribus affeceris, non cùm ad mensam tuam eum perduxeris: sed cùm, cognitâ illius aliquâ calamitate, siue corporali siue spiritali, quasi ipsa eam perpeffa fueris, ita te angî dolore atque lacrymari perspexeris.*

Hei mihi Domine, inquiebat Staurophila, quàm longè sum ab hac perfectione! Et quando eò perueniam, quò tot Sancti & Sanctæ

Sanctæ suis exemplis viam strauere? Noli desperare, aiebat Christus, *nec tuis te viribus hoc implere posse confidas: sed obtine precibus, vt ipse hoc qui imperat, præstet. Quia petentes libenter exaudit, quando hoc petitur largiri, quod iubet.* Neque verò te deiicere Sanctorum præstantissimæ exempla, aut pusillanimum reddere debent; *illa siquidem in altero è duobus te optimè erudient; aut enim imitationem sanctæ formæ excitabunt: aut ad tuipsum agnitionem, & eius, qua in te est fragilitatis, demonstrationem per beatissimam humilitatem te conuertent.* Crede mihi, filia, magna imperfectio est, suam non ferre imperfectiorem; & impatientiam ostendere, quia minùs sis patiens. Nam & hoc æquo animo tolerandum, donec ad altiora, Spiritu sancto aspirante, promouearis. Interim studium & laborem huc adferre oportet.

Gregor.
Hom. 35.
in Euang.

Climac.
Gradu 26.



Mihi ablit gloriari nisi in CRVCE Dñi
nostri IESV CHRISTI. *Gal. 6, 14.*



Non omis est, sed honos; non dedecus, at decus ingēs;
Tecum vel minimam CHRISTE tulisse CRVCEM.

CAPVT XVII.

Vt in CRUCE gloriandum.

Mihi absit gloriari nisi in CRUCE Domini nostri Iesu Christi. Gal. 4, 14.

Non onus est, sed honos; non dedecus, at decus ingens,

Tecum vel minimam Christe tulisse CRUCEM.



ORONIDEM salutaribus monitis tandem imponere volens Christus, Vnum hoc, inquit, bat, superest Staurophila, firmissimè tibi vt persuadeas, summam dignitatem, summam gloriam, summum honorem in eo situm, vt mecum & pro me baiules tibi CRUCEM. *Quid enim* gloriosius, quàm mihi tanta & tam dura pro vobis passò, vicem reddere? plagas plagis, probra probris, cruorem cruori rependere? An non honor habetur seruo, si ex eodem bibat calice, ex quo Rex & Dominus? Fit hoc, cùm tribulationis calicem, à me prius exhaustum, aliis quoque bibendum trado. Vnde Apostolis illis, confessum ad dexteram

Tertull.
lib. de Resurrect.
carnis.

R

vel

vel sinistram meam ambientibus, dicebam :

Matth. 20.

21.

Thom. à

Villā nouā

Conc. de

S. Iacob.

Philipp. 1.

29.

1. Pet. 4.

13.

Calicem quidem meum bibetis ; insinuans magni amoris , & aeterna hereditatis esse signum , consortes eos hic facere calicis & passionis meae. Intellexerunt optimè hanc dignitatem Petrus & Paulus , quorum hic ait : *Vobis donatum est pro Christo , non solum ut in illum credatis , sed ut etiam pro illo patiamini.* Ille vero : *Communicantes Christi passionibus gaude , ut & in reuelatione gloriae eius gaudeatis exultantes. Si exprobramini in nomine Christi , beati eritis , quoniam quod est honoris , gloriae & virtutis Dei , & qui est eius spiritus super vos requiescit.* Hic nimirum potissimus qui in hac vitā haberi potest honor , & in hoc tibi , Staurophila , gloriandum.

Cui illa : Hoc docuisti me , Domine ; nihil per ostentationem aut vanam gloriam facere , imò adrepentem , & comitis instar se bono operi adiungentem prorsus reijcere ; Quomodo igitur in CRVCE gloriabor ? Cui Dominus : Gloriam quærere , aut aduentitiā delectari , prohibui equidem , quia vtrumque malum : omnem tamen gloriam non exclusi , tantum ut qui gloriatur , in Domino gloriatur.

2. Corinth.

10, 17.

Cornel. in

2. ad Co-

rinth. 10, 17

Quid autem est in Domino gloriari ? respondet Staurophila . Illud nimirum , respondebat Christus , non seipsum commendare , sed

sed à Domino commendationem & appro-
bationem expectare, ita vt illi, cuius patien-
tia donum est, illa ipsa accepta feratur, illi
omnis gloria adscribatur, ad illius laudem
& gloriam omnia dirigantur. *Omnis gloria* Pf. 44, 14.
filie Regis ab intus, non foris est: hoc est, non Bernard.
in flore sæni, aut in ore vulgi, sed in Domino: Sermon. 25.
quod conscientie solus sit arbiter Deus, cui soli in Cant.
placere desiderat, & cui placere, sola vera &
summa gloria est. Talis enim cum Psalte di-
cit: *Non nobis Domine, non nobis, sed nomini* Pf. 113, 16.
tuo da gloriam.

Gloria tibi, Domine, aiebat Staurophila,
quia erudisti famulam tuam, vt hanc non in
se, sed in te & à te peteret. Sed enim, cum
CRUX tua fuerit turpissimæ mortis suppli-
cium, & ignominie signum, scire aueo, an &
Dominus meus in CRUCE baiulandâ potue-
rit gloriari. Cui Christus: Ego, filia, glo-
riam meam non quæsiui, nec hominibus
placere desideravi: gloriam verò, quæ à so-
lo Deo est, semper quæsiui. CRUCEM tamen,
ne nescias, velut imperij mei insigne prætu-
li, vt Propheta prædixerat: *Cuius principa-* Isa. 9, 6.
tus super humerum eius. Principatus enim Theophyl.
meus erat CRUX, propter quam me Deus ex- in cap. 23.
altauit. Et sicut in signum dignitatis, alij bal- Luc.
theum, alij mitram portant, sic & ego CRV-
CEM. Et sanè si inquiras, inuenies non aliter

*me in vobis regnare, nisi per asperitates & CRVCEM, quo fit ut delictiosi inimici sint CRVCIS. An putas vacare mysterio, quodd sup-
pliciij mei fuerim gestator? Non vacat:*

Leo Ser. 8.
de Pass.
Doin.

*factum enim id ut lignum CRVCIS in sce-
ptrum mihi conuerterem potestatis, & pulchrâ
specie triumphi mei portarem trophæum, &
inuidæ patientie humeris, lignum salutis ad-
orandum regnis omnibus inferrem, tamquam
& tunc ipsâ operis imagine omnes imitatores
meos confirmarem, & dicerem: Qui non acci-
pit CRVCEM suam, & sequitur me, non est me
dignus. Quid ni ergo grata ignominia CRV-
CIS ei, qui Crucifixo ingratus non est? Nihil
gloriosius quàm Christi portare opprobrium.
vnde vox illa prorsus exultationis & salutis:
Gal. 4, 14. Mihi absit gloriari, nisi in CRVCE Domini
mei Iesu Christi.*

Matth. 20,
38.

Bernard.
Serm. 25.
in Cant.

*Verè, inquiebat Staurophila, gloriosum
omnino CRVCEM portare, nam qui Regi-
bus inferuiunt, quàm accepti illis sint, ex fa-
uoribus & muneribus, ex diuitiis & stemma-
tibus ab iis acceptis facillè apparet. Tui verò,
Domine, quàm grati tibi sint ministri, ex im-
positis manifestatur CRVCIBVS. Sic enim
nobilitatus Tobias, ab Angelo audiuit: Quia
Tob. 12, 13. acceptus eras Deo, necesse fuit ut tentatio pro-
baret te.*

Tob. 12, 13.

*Vtinam ita saperent, inquiebat Christus,
&*

& intelligerent omnes filij hominum ! qui dignitates & honores magnâ ambitione quærunt, qui diligunt vanitates & infanias falsas. Verè enim ferre CRUCEM propter me illustrius est quàm sine Apostolum, sine Doctorem, sine Euangelistam esse. Magna dignitas hæc, & regno quouis ac consulatu maior. Qui diligit & ardet Deum, eligit potius vincula & CRUCEM ferre propter ipsum, quàm calos inhabitare: non ita caput splendidum reddit imposita corona margaritis conspicua, ut catena ferrea & CRUX qua propter Deum fertur. Potius mihi habetur malè affici pro Deo, quàm honorari à Deo.

Chrysost.
Hom. 8.
in Epist.
ad Ephes.

Non omnes, inquiebat Staurophila, capiunt verbum hoc, sed quibus datum est à Patre. Paradoxam enim hanc Staurosophiam, non caro & sanguis, sed Pater cælestis reuelauit. Ita est, respondebat Christus, abscondita sunt hæc à sapientibus & prudentibus, & reuelata paruulis. Nouerat hæc Paulus, paruus in oculis suis, magnus in oculis Dei, qui ait: *Libenter gloriabor in infirmitatibus meis, ut inhabitet in me virtus Christi. Propter quod placeo mihi in infirmitatibus meis, in contumelijs, in necessitatibus, in persecutionibus, in angustijs pro Christo: dum enim infirmor, tunc potens sum.* Seipsum autè & aliis componens, dicebat: *Ministri Christi sunt? plus*

Matth. 19.
11.

2. Corinth.
12, 9. 10.

Ibid. c. 11,
23. 24. 25. ego. Hanc autem gloriam quibus sibi arro-
get titulis, quæso, animaduerte. *In laboribus plurimis, in carceribus abundantius, in plagis supra modum, in mortibus frequenter. A Iudeis quinquies quadragenas unâ minus accepi. Ter virgis cæsus sum, semel lapidatus sum, ter naufragium feci, nocte & die in profundo maris fui.* Ecce hæc illa sunt, in quibus vas illud electionis gloriatur.

Quoties vel audio vel lego hæc, toties, in-
quiebat Staurophila, prorsus in stuporem ab-
eo: quis enim non miretur Apostolici pecto-
ris inuictam patientiam, & robur illud animi
quouis adamante fortius? Hominem mor-
talem, Apostolatus sui insignia & velut gen-
tilitia arma recensere, morbos, pericula, æ-
rumnas, famem, sitim, frigus, nuditatem, quæ
apud homines prorsus despicabilia! Quis sa-
piens, & intelliget hæc? Respondebat Chri-
stus: Non id adeò abstrusum, & mundo in-
cognitum! nōne & Gentiles dixerunt:
Seneca l.
de Prouid.
cap. 5. Agere & pati fortia, Romanum est? *Ignis
aurum probat, miseria viros fortes. Numquam
virtutis molle documentum est. Militares viri
gloriantur vulneribus, quia calamitas virtu-
tis occasio est: Dux lectissimos mittit, qui no-
cturnis hostes aggrediantur insidijs: Præcepto-
res plus laboris ab his exigunt, in quibus cer-
tior spes est.* CRVX igitur lectissimos & glo-
rio-

riosissimos Dei ostendit milites, & quis non
 in Domino gloriatur, se hoc numero cen-
 ri? Fuit in hoc censu S. Secunda, *in cuius con-*
specu cum Iudex sororem Ruffinam acerrime
virgis iussisset cadi, ita Iudicem interpellauit:
Quid est, quod sororem meam honore, me affi-
cis ignominiâ? Iube ambas simul cadi, quæ si-
mul Christum confitemur.

Breniar.
 Roman.
 10. Iulij.

Si gloriari oportet, inquiebat Staurophila,
 aut aliquando expediat, vera hæc demum
 gloria, ad Dei gloriam pati, & aliam nullam,
 nisi in Domino quærere. Quis mihi det si-
 milem fieri in gloriâ Sanctorum, & non glo-
 riari, nisi in CRUCE Domini mei Iesu Chri-
 sti? Tu, ô Domine, gloria mea, tu exultatio
 cordis mei, in te gloriabor, & exultabo totâ
 die: pro me autem nihil, nisi in infirmitati-
 bus meis. Quærant Iudæi, quærant mun-
 dani gloriam quæ ab inuicem est: ego hanc
 requiram, quæ à solo Deo est. O veritas mea,
 misericordia mea, gloria mea, Deus meus,
 & omnia, tibi soli laus, honor & gloria, tibi
 soli benedictio, claritas, sapientia, & gratia-
 rum actio in sæcula sæculorum, Amen.

Ioan. 5, 44.

Qui sunt CHRISTI, carnem suam CRVCIFIXE-
RVNT cum vitijs et concupiscentijs. Gal. 5. 24.



CHRISTE Deus, CRVCIFIGE meam, CRVCIFIGE
rebellem

Hanc carnem, in vitium ne malefana ruat.

CAPVT XVIII.

*Via CRVCIS finis, carnis CRVCI-
FIXIO.*

Qui sunt Christi, carnem suam CRV-
CIFIXERVNT cum vitiis & concu-
piscenciis. *Gal. 5, 24.*

*Christe Deus, crucifige meam, crucifige re-
bellem*

Hanc carnem, in vitium ne male sana ruat.



is dictis sermonem iterque se
absoluisse credebat Staurophi-
la: verum occurrens Christus,
Quod felix faustumque, in-
quit, via quidem confecta hac-
tenus, nisi quod altera supersit cura, priore
non paulò difficilior. Quanam hæc? aiebat
illa, an non vniuersam iam absolui Stauro-
pædiam? an non cursum consummaui?
Consummasti, aiebat Christus, vtrumque
cursum, metam tamen non prorsus attigisti.
Quid igitur reliquum? subiiciebat Stauro-
phila. Hoc, respondebat Christus, vt CRVCI,
quam mecum hætenus tulisti, deinceps et-
iam affigaris. Meæ etenim finis Stauropho-
riæ

riae hic fuit, vt baiulatæ tandem affigerer
 CRVCI. *Quidquid enim gestum est in CRVCI*
 August. Enchirid. *meâ, ita gestum est, vt his rebus non mystice*
 cap. 53. *tantum dictis, sed etiam gestis configuraretur*
 Leo Serm. *vita Christiana, quæ hîc geritur. Ibi ergo se*
 19. de Pass. *constituat Christianus, quò ego Christus eum*
mecum sustuli; & ad id dirigat omnem viam
 Bernard. *suam, ubi scit humanam saluatam esse natu-*
 Epist. 245. *ram. Ibi, ô Staurophila, fige tui cursus profe-*
 ad Guarin. *ctusq; metam, ubi ego posui meam. Factus*
 Abbat. *enim sum Patri obediens vsque ad mortem,*
mortem autem CRVCIS. Quantumlibet er-
go cucurreris, si vsque ad mortem non perue-
neris, brauium non apprehendis. Hoc igitur
feriò etiam agendum, siquidem mea esse ve-
lis. Egône Domine, aiebat Staurophila, tua
esse nolim, cui me totam iam pridem con-
secraui? Tua non sim, bone IESV? Auertat
hoc Deus!

Alterius non sit qui tuus esse potest.

Et esse mihi potiùs non libeat, quàm sine
 te esse. Quid enim ego sine te, nisi palmes
 extra vitem, arbor sine radice, corpus sine
 animâ? Tua sum, Domine, tibi adhærere,
 bonum mihi & desiderabile.

Generosè, inquiebat Christus, loqueris,
 sed si verè, quod dicis, desideras, id facere
 necesse est quod meam te verè faciat. Quid
 illud, Domine? aiebat Staurophila. *Parata*

sum,

sum, & non sum turbata, ut custodiam mandata tua. Cui Christus: Meus est, filia, qui suus non est. Et Staurophila: Tuus est, Domine, qui suus non est? quid hoc est, quæso, ænigmatis? An non audisti, respondebat Christus, Apostolum dicentem: *Qui Christi sunt*, Gal. 5, 24. *carnem suam crucifixerunt cum vitijs & concupiscentijs?* Quid enim hoc? nisi quòd meus non sit, nec spiritum meum habeat, cuius non fuerit crucifixa caro. Et an hunc suum dixeris, qui pro animi sui motu membra sua quoquam mouendi vel conuertendi non habet potestatem? Suus ergo non est, qui crucifixus est: qui verò crucifixus est, ille verè meus est.

Cassian.

lib. 4. c. 35.

Congruit siquidem deuotioni fidelium, ut qui crucifixi passionem celebrant, reprimendarum carnalium voluptatum CRUCEM sibi ipsi faciant. In hac autem CRUCE per totam istam vitam, quæ in medijs tentationibus ducitur, perpetuò debet pendere Christianus. Hæc enim est, ô Staurophila, hominis vita tranquilla, cum omnes motus eius veritati consentiunt, & vocantur gaudia, & amores sancti, & casti & boni. Si autem consentiunt, nihilominus dum negligenter reguntur, conscindunt & dissipant animum, & faciunt vitam miserrimam, & vocantur perturbationes, & libidines, & concupiscentiæ malæ. De quibus vobis iam præcipitur,

Beda in
cap. 5. ad
Galat.August. l. 1.
contra
Manich.

capitur, ut eas cum quanto potestis labore crucifigatis in vobis, donec absorbeatur mors in victoriâ.

Meritò, inquit Staurophila, CRVCI ad-iudicatur

Nazianz.
Carm. 18.
aduersus
Carnem.

Exitiosa caro, mundi labentis amica;

Celesti ac vite praelia dura mouens.

Hostis amica caro, blandissima pugna, bonumq;

Infidum, vetitos semper edensq; cibos.

Cænum, massa grauis plumbi, limosa catena:

Bellua pugnaci prodita materiâ.

Tecum enim sentio, mi Domine, crucifigatur caro, quæ concupiscit aduersus spiritum.

Tolle, tolle, crucifige eam, quæ quotidiana

Rom. 7,
21.

mihi exhibet prælium. *Condelector*

enim & ego legi Dei secundum interiorem ho-

minem: video autem aliam legem in membris

meis, repugnantem legi mentis meæ, & capti-

uantem me in lege peccati, quæ est in membris

meis. Igitur ego ipsâ mente seruo legi Dei;

carne autem legi peccati. Infelix ego homo,

quis me liberabit de corpore mortis huius?

Respondebat Christus: Libertatem hanc

carnis adferet crucifixio, si nimirum mortifi-

care didiceris membra tua quæ sunt super

terram; in his enim vitia & concupiscentiæ

resident. Cum adedò necessaria, aiebat Stau-

rophila, hæc crucifixio, ne molestum, quæso,

fit, paulò clariùs eam ancillæ tuæ exponere.

Audi

Audi igitur, aiebat Christus, *Duo sunt CRVCIS genera, vnum corporale, aliud spirituale.* August.
Serm. 20.
de Sanctis.
Vnum à potu atque epulis temperare, appetitum gula à delectationibus coërcere, ab his, quæ per tactum & gustum, visumq; decipiunt, sensum viriliter reuocare, ac violenter abstrahere. Alterum CRVCIS genus est pretiosius ac sublimius, motus animi regere, & perturbationes illius modestiæ tranquillitate placare, iræ ac superbiæ impetus quasi feram bestiam refranare, litigare quotidie contra vitia sua, increpare se quadam censurâ austeritatis, & rixam quodammodo cum homine interiore conferere. Pretiosa enim in conspectu Domini, & gloriosa CRVX, cogitationes malas in potestatem redigere, voluntates proprias abnegare, easq; regentis imperio subiungere.

Aliquantò iam meliùs capio, aiebat Staurophila, spirituales hanc carnis crucifixionem: verum, vt equidem arbitror, non fit illa sine clavis, quare de illis quoque non nihil instrui velim. Rectè mones, aiebat Christus, sunt enim clauis spirituales, quibus patibulo CRVCIS affigatur caro. An non Regius Vates dixit: *Confige clauis à timore tuo carnes meas, à iudicijs enim tuis timui? Configat carnes timor Domini, & iudiciorum eius, & seruituti redigat. Quod si carnes istæ reijciunt clauos diuini timoris, haud dubiè dicitur:* Psal. 118.
sic legit
Ambros.
August.
& alij.
Ambr. in
illud locum.

Non

- Gen. 6, 3. *Non permanebit spiritus meus in his hominibus, quoniam carnes sunt. Nisi igitur affigantur CRVCI hæ carnes, & configantur clavis à timore Domini, non permanebit in his spiritus Dei. Qui autem configitur, mortificatur ut peccato deficiat, Deo vivat. Habet & clauum suum charitas, felix qui eo mernerit*
- Cant. 8, 6. *transfigi. Valida est ut mors charitas, durus sicut inferi, zelus. Non te ergo offendat duritia clauorum, quia est duritia charitatis: nec validus clauorum rigor, quia valida est etiam charitas, sicut mors. Charitas sicut mortis ictus interimit. His clavis charitatis configatur anima, configatur & caro, ut & ipsa dicat, quia vulnerata charitate ego sum. Optimi, aiebat Staurophila, hi clavi, quibus ad optatam peruenitur libertatem: dulces clavi, qui carnem cruciant, animam lætificant: suaves clavi, qui carnem mortificant, spiritum viuificant! Verum quis malleus eos mihi infiget? Cui Christus: Numquid non verba mea quasi malleus contereus petram? Verbum Domini clauos timoris & amoris facile tibi infiget, ut ad illicita deinceps non mouearis. Viuus est enim sermo Dei & efficax, & penetrabilior omni gladio ancipiti, pertingens usque ad diuisionem animæ ac spiritus, compagum quoque ac medullarum. Utinam Domine, inquiebat Staurophila,*
- Ierem. 23, 29.
- Heb. 4, 12.

rophila, hoc malleo transfigas clavis tuis car-
nem meam ! vtinam timoris clauo pedes,
amoris clauo manus ita CRVCI affigas, vt
imaginem mortis tuæ in carne meâ expri-
mens, membra mea non ampliùs fiant ar- Rom. 6, 13
ma iniquitatis peccato !



Mihi mundus CRVCIFIXVS est, et ego
mundo. Gal. 6, 14.



CRVX mihi mundus, ego CRVX illi: mortua viuo
Illi, quæ pro me mortua vita fuit.

CAPVT XIX.

Vt mundus crucifigendus.

Mihi mundus CRVCIFIXVS est, &
ego mundo. *Gal. 6, 14.*

CRVX mihi mundus, ego CRVX illi: mortua
vino

Illi, quæ pro me mortua vita fuit.



ONVM, aiebat Christus, hoc
tuum, ô Staurophila, votum,
sed præter carnem & aliud et-
iamnum restat crucifigendū.

Dic, obsecro Domine, aiebat
Staurophila, quidnam illud? Mundus, in-
quiebat Christus, & quidquid ad illum per-
tinet. Sicut enim *me exaltato in CRUCE do-*
lores obtinuerunt habitatores Philisthym, &
tunc conturbati sunt principes Edom, sic non
aliter timebunt te demones, nec aliter tremor
tuus veniet super eos, nisi videant in te CRV-
CEM meam, nisi & tu potueris dicere, Mihi
mundus crucifixus est, & ego mundo. Talem
enim oportet esse Christianum, & hanc vocem
semper habere in ore. Nihil hac mortificatione
felicius. Hoc est beata vite fundamentum. Si

Origenes
Homil. 6,
in Exod.

Chrysoft.
in cap. 6.
Epist. ad
Galat.

ita Domine, inquiebat Staurophila, oportet fieri, iam duo erunt in CRVCE vnâ, & non ego tantum, sed & mundus mecum CRVCI affigendus. Non tibi mirum hoc videatur, aiebat Christus, nam dum ego *visibiliter in carne CRVCIFIXVS sum, inuisibiliter quoque in eadem CRVCE diabolus cum principatibus suis & potestatibus affixus est CRVCI*, tunc quod erat contrarium vobis (vt Paulus ait) tuli de medio affigens CRVCI meæ, exuens principatus, & potestates traduxi, libere triumphans eas in ligno CRVCIS. Duplex ergo ratio CRVCIS; vna illa quâ ego crucifixus vobis reliqui exemplum; & hac secunda, quâ CRVX illa trophæum diaboli fuit, in quo & crucifixus est, & triumphatus. Ad eandem formam duo contraria tibi sunt crucifigenda, tu ipsa nempe mundo, & mundus tibi.

Intricatius hoc mihi videtur, inquiebat Staurophila, quàm vt capere queam. Elucidabo igitur, aiebat Christus: *Mundo crucifigeris tunc, cum veniens princeps huius mundi in te non inuenit quidquam: & tibi mundus crucifigitur, cum peccati concupiscentias non recipis. Amor CRVCIS meæ vitam, mundi verò amor parit mortem: inuicem ergo sibi moriantur, & mundus tibi, & tu mundo. Mundum autem intellige, non celum neque terram, sed res temporarias, laudem ex hominibus,*

Origenes
Hom. 8. in
Iosue.

Coloff. 2.
14.

Origenes
loc. citat.

Ambr. in
cap. 6. ad
Galat.

Chrysost.
in cap. 6.
ad Galat.

*bus, famulitium, gloriam, opes; hæc & omnia
 quæ vulgo videntur esse magnifica, tibi sint
 mortua, & tu vicissim illis. Nec illa te ca-
 piant, aut manibus iniectis captiuum ducant,
 neque illorum cupidine tenearis. Vtinam, o
 Saluator mundi, aiebat Staurophila, mundus
 cum flore suo & sæcularibus desideriis in
 corde meo ita exarescat, vt penitus mihi mo-
 riat, & crucifigatur; nihil vt illius concu-
 piscam, nihil illius me delectet, nihil illius in
 me viuat! Respondit Christus: Et quando
 tibi crucifigeretur mundus, nisi pro te crucifi-
 geretur, per quem factus est mundus? Sine
 me, filia, nihil potes, in me autem potes om-
 nia. Certissimum autem hoc adiutorium
 quod tibi in me, & per me est, satis insinua-
 uit Apostolus, dicens: *Mihi autem absit glo-*
riari nisi in CRUCE Domini nostri Iesu Chri-
sti, per quem mihi mundus CRUCIFIXVS est,
& ego mundo. Obserua Staurophila, & ex-
 pende illud, per quem mihi mundus crucifi-
 xus, hoc enim non poterat Paulus ex se, sed
 tantummodò per me. Subiiciebat rursus
 Staurophila: Et ego Domine de abundan-
 tiâ gratiæ tuæ iam dicere mihi posse videor:
Mihi mundus crucifixus est. Omnia enim quæ
mundus amat, delectatio carnis, honores, diui-
tiæ, vana hominum laudes, CRUX mihi sunt.
*Si autem mihi mundus crucifixus est, scio quia**

August. de
 Verb. Apo-
 stoli.

Gal. 6, 14.

Bernard.
 Serm. 7. de
 Quadrag.
 Anselm. in
 cap. 6. ad
 Galat.

mortuus est. Non diligo eum, scio quia præterit. Non concupisco eum, scio quia corruptela consumetur. Eum proinde quasi fœtidum vito, quasi lutum caneo, quasi nociturum relinquo. Benè id quidem, aiebat Christus, & non ad insipientiam tibi: sed bonum quoque ad vltiora te extendere, vt non tantum mundus tibi sit crucifixus, sed & tu mundo. Quid autem hoc? nisi vt talem te exhibere studeas, vt à mundo quasi mortua concupisci nō possis: & sicuti mundi gloriam non quæris, ita nec mundi gloria te quærat, sed velut fœtens ab eo contemnaris? Plerumque autem contingit, vt iam homo mundum mente non teneat, sed tamen mundus eum occupationibus astringat. Et ipse quidem mundo iam mortuus est, sed ipsi mundus adhuc mortuus non est. Quasi enim viuus adhuc mundus eum conspicit, dum alijs intentum, suis actibus aliò rapere contendit. Inuehitur in similes Apostolus, cum ait: Si mortui estis cum Christo ab elementis huius mundi, quid adhuc tamquam viuentes in mundo decernitis? Qui mundo mortuus est, quid adhuc negotiis mundi se implicat? Cum non modò mortuum in corde suo mundum mortuis relinquare debeat secularibus, sed talis insuper esse, vt etiam iis que mundus reputat CRUCEM, illis affixus sit, illis adhæreat, illa toto amplectatur affectu.

Anselm. ci.
tato loco.

Coloss. 2.
20.

Bernard.
loc. cit.

Sub-

Sublimis, inquiebat Staurophila, & Apostolicæ prorsus eminentiæ hic gradus est, quem Paulum designasse putauerim, cùm dixit: *Tamquam purgamenta huius mundi facti sumus, omnium peripsema usque adhuc.* 1. Corintha. 4. 13. Anselm. in illum loc. Tales scilicet mundanorum reputatione erant, ut totus mundus, illis sublati, omnimodâ sordè videretur purgatus, adèò dènique superflui & immundi, atque hominum vsui inutiles, velut peripsema, siue purgamentum ferri, vel corium pomi, quod undique aufertur, ut ipsum pomum dulcius comedatur. Ita est, mea Staurophila, subijciebat Christus, non Apostoli dumtaxat, sed & vniuersi qui mihi seruire voluerint, mundo sunt despicabiles, quorum hæc iam olim ad Deum lamentatio: *Miserere nostri Domine, miserere nostri, quia multum repleti sumus despectione. Quia multum repleta est anima nostra, opprobrium abundantibus, & despectio superbis.* Verùm, quod omnes seruos meos consolari debet, exiturus de hoc mundo ad Patrem præmonui & præmuniui eos, dicens: *Si mundus vos odit, scitote quia me priorem vobis odio habuit. Si de mundo fuissetis, mundus quod suum erat diligeret: quia verò de mundo non estis, sed ego elegi vos de mundo, propterea odit vos mundus.* Ioan. 15. 18.

Quàm bonum, Domine, aiebat Staurophila, & quàm iucundum immundū hunc

mundum, qui tuos odio habet, perfecto odio
odisse! Quàm vtile hunc sibi crucifigere, il-
lique vicissim crucifigi! sed vnum hoc te
obsecro, efficacem vt suggeras rationem,
quâ incitata validius id velim & valeam.

August. 2.
de Trin.

Subiecit mox Christus: *In quantum Dei sa-
pientiam, per quam facta sunt omnia, spirita-
liter intelligis, in tantum carnalibus affectibus
moreris, vt mortuum tibi hunc mundum de-
putans, ipsa huic mundo moriaris, & dicas:
Mibi mundus crucifixus est, & ego mundo.
Nemo enim faciem, id est, manifestationem ip-
sius diuine sapientie potest videre, & viuere.
Ipsa enim est species, quæ rapit omnem ani-
mam rationalem desiderio sui, tantò ardentio-
rem, quantò mundiorum: & tantò mundio-
rem, quantò ad spiritalia resurgentem: tantò
autem ad spiritalia resurgentem, quantò à car-
nalibus morientem. Atque hæc, vt arbitror,
fatis ad confirmandum te, ne conformeris
huic sæculo, aut illius quidquam requiras.
Vtique satis, aiebat Staurophila, nihil enim
iam in mundo mihi placet, non ille me te-
ner, nihil illius teneo. Quidquid ille confer-
re potest, non me delectat adeptum, non
contristat ademptum, vnicum hoc mihi vo-
tum, ô Amor meus! tibi adhærere, tibi
viri.*

CAPVT XX.

Cum Crucifixo simul crucifigi oportet.

Christo confixus sum CRVCI.

Galat. 2, 19.

*En meus est CRVCIFIXVS Amor ! me figite
clauī :*

Et liceat Domino cum moriente mori.



ERGENS porrò Staurophila, & coeptum continuans sermonem, ista subiunxit : Cùm toto corde te desiderem, ô dilecte votorum meorum, & iugiter ad te suspirem. Quid, quæso, est quod te hac tenus, prout volui, inuenire non valui ? *In Cant. 3, 5.* lectulo enim meo per noctes quasiui quem diligit anima mea, quasiui illum, & non inueni. Surrexi, & circuui ciuitatem, per vicos & plateas quasiui quem diligit anima mea, quasiui illum, & non inueni. Quid est hoc Domine ? vsquequò non datur adhærere tibi, tibi coniungi, tibi vniri ?

Inde scilicet, aiebat Christus, quòd cùm quæras, non quæras vbi oportet : tu enim me quæris in lectulo, in præsentis vitæ aliquantulâ requie, at ego non habito *in terrâ sua.* *Iob. 28, 15.*

CHRISTO confixus sum CRVCI. *Gal. 2, 19.*



*En meus est CRVCIFIXVS Amori me figite clauū:
Et liceat Domino cum moriente mori.*

uiter uiuentium. Tu quæris per vicos & plateas ciuitatis, sed ego non in foro, non in publico, non in angulis reperiior ciuitatis. Tu quæris in mundo, sed ego non sum de hoc mundo. Si carnem crucifixisti cum vitiis & concupiscentiis, si mundus tibi iam crucifixus, & tu mundo, & nihil iam aliud quære quàm quod me delectat, ascende ad montem myrrhæ, ad montem Caluariæ, ibi inuenies cubile meum, in quo cubo, in quo requiesco, in meridie charitatis meæ. Ibi inuenies *ferculum Salomonis de lignis Libani*, super omnia enim ligna Cedrorum CRUX mea excelsior. Ibi, veluti *argenteas* inuenies *columnas*, clauos illos, qui ferculo CRVCIS me affixerunt. Ibi inuenies diuinæ naturæ meæ *reclinatorium aureum*, & *ascensum purpureum*. Fuit enim CRVCIS illa

Cant. 3.
Ludouicus
de Ponte
lib. 6. in
Cantic.
exhort. 32.
§. 4.

Arbor decora & fulgida,

Ornata Regis purpurâ.

Venant.
Fortun. in
Hymno.

Ibi inuenies *mediâ charitate constrata propter filias Ierusalem*, medium enim CRVCIS ipse ardentissimâ flagrans charitate occupauit, offerens me in holocaustum diuini amoris igne combustum, vt filias Ierusalem ad me, meumque amorem & imitationem traherem. Eia igitur, dilecta mea, huc ascende, si quidem mihi desideras adunari. *Sequere me exaltatum à terrâ, vt non solum suprate, sed*

Bernard.
Serm. 4. de
Ascensu.

& supra omnem quoque mundum mentis fastigio colloceris, vniuersa quæ in terrâ sunt, deorsum aspiciens, & despiciens, sicut scriptum est: Cernent terram de longè.

Isaïæ 33.

Niceta
Serronius
in Orat. 42
Nazianz.

Hoc, aiebat Staurophila, etiam atque etiam desidero. Sed dic, quæso, ancillæ tuæ, quam ratione non solum corporeo, sed etiam spirituali modo quispiam CRUCEM conscendat? Nimirum, inquit Christus, cum per ærumnas & afflictiones supra res terrenas asurgit, ac tentationes carni dolorem inurentes, velut quosdam clauos lubenter excipit, ut beatæ vitæ dulcedinem afferentes. Clauus enim pedes manusque penetrans, clauis est cælum referans, portasque aperiens æternales. Vtinam Domine, aiebat Staurophila, conclauari & configi tibi possim, ut æternæ salutis suauitate perfruar! Huc CRUX, & clauus te ducent, aiebat Christus. Vide autem an non ipsa crucifixi hoc insinuet figura & situs.

Basil Homil. de Baptism.

Quemadmodum enim qui crucifigitur mortis subiectus condemnationi, ab illis disungitur, cum quibus aliquando vitæ commercium habuit, sublimior iam illis, qui in terrâ adhuc repunt factus: ita & qui mecum crucifigitur, ab omnibus in vniuersum, qui secundum hoc sæculum viuunt, ab alienatus est, & sublatâ iam mente, ad cælestem conuersationem exaltatus, verè & cum fiduciâ dicere poterit, Nostra con-

uer-

uersatio in calis est. Reuera enim qui patibulo CRVCIS affixus est, non iam presentia contemplatur, nec de suis affectionibus cogitat, non pro die crastino sollicitudine curat, distenditur, nullâ possidendi concupiscentiâ permoneatur, nullâ superbiâ, nullâ contentione, nullâ emulatione succenditur, non de presentibus dolet iniurijs, non prateritarum iam recordatur, seq̃, cum adhuc spirat in corpore cunctis elementis credit esse defunctum, illuc premittens sui cordis intuitum, quò se non dubitat illicò transiturum: ita te quoque timore & amore Domini crucifixam, oportet non solum carnalibus vitijs, verùm etiam ipsis elementis mortuam, illuc habere oculos animæ defixos, quò te sperare debes momentis singulis migraturam.

Domine, aiebat Staurophila, quid mihi est in celo, & à te quid volui super terram? Amote Amor meus Crucifixe, amo amorem illum tuum, quo configi clavis voluisti, ut qui cumque amat, frui iam liberè amore possit; illiusq̃ inherere, & castis satiari amplexibus. Eueniat hoc mihi! sed neque satior amplexibus, ita auarus omnis amor est, nisi me totam sensero eisdem amoris clavis Amori meo configam; ut nulla nos vis, tempestas nulla separare possit.

Quàm nunc sapis, charissima! inquiebat Christus, quàm diuina hæc tua vota! non

caro

Cassian.
lib. 4. c. 35.

Ps. 72. 25.

Carolus
Scrib. in
Amor. di-
uin. parte 2.
cap. 8.

caro & sanguis reuelauit tibi, sed spiritus Patris mei, qui in cælis est. Eodem repletus & Gal. 2, 19. Paulus, dicebat: *Christo confixus sum CRVCI: viuo autem iam non ego, uiuit verò in me Christus*. Animaduerte hîc vt *ecstasim faciat diuinus amor*, amatores suo statu dimouet, & sui iuris esse non sinit, sed in ea quæ amant penitus transfert. Ecstaticus hic meus erga vos amor ita me rapuit, meipsum vt pro vobis exinaniuerim, formam serui accipiens, in similitudinem hominum factus, & habitu inuentus vt homo, & tandem etiam pro hominibus crucifixus. Sic & Paulus cùm diuino amore flagraret, excessiue illius virtutis particeps factus: *Viuo, inquit, iam non ego, uiuit verò in me Christus; tamquam verus amator, mentis excessum patiens. Vide autem exactam vitæ rationem, ac beatam illam animam admirare. Quoniam enim seipsum mihi, & CRVCI totum præbuerat, & ad meam voluntatem omnia faciebat, non dixit, Viuo Christo; sed, quod longè maius est, dixit, Viuit verò in me Christus.*

Dionys.
Areopag.
de Diuin.
nom. c. 4.

Dionys.
loc. citat.

Chrysost.
in Epist. 2.
ad Galat.

Admirari satis nequeo, aiebat Staurophila, quo modo dicat Viuo, &, Non ego viuo, sed in me uiuit Christus; quasi enim hæc contraria sunt, Viuo & Non viuo. Non capis hoc? inquiebat Christus: lucem adferat hæc similitudo. Surculus aliquis naturali excisus

excisus arbore, alteriq; insitus, priori illi omnino mortuus, in alterâ illâ, cui insertus est, tantum viuit, & ab illâ succum & vigorem omnem trahit: non secus qui mihi & arbori CRVCIS inseritur, priori, quâ mundo viuebat, vitæ extinctus succum gratiæ & virtutis à me solo fugit, & nouâ vitâ viuit in me. Habebat ita Paulus vitam, non quidem in se, sed in me. Viuebat, inquam, non tam ipse in se ipso, quàm in me, & ego in illo: Nam *qui mundo mortuus manet in charitate, in Deo manet, & Deus in eo.* Non viuebat in Paulo natura, non concupiscentia, non voluntas propria; sed tantum ego, qui gratiâ meâ quasi animâ & virtutibus, tamquam potentiarum motibus, eum ad omne bonum agebam & impellebam.

Quàm hoc, ô Domine, aiebat Staurophila, gloriosum! Næ ego felix omnino fuerim, si idem gratiæ tuæ munere mihi contingat! Hoc, ô Domine, votorum summa meorum, hoc æstuantis animæ meæ desiderium! Insepe me tibi, ô arbor vitæ, vt moriar mihi, & viuam in te. Transfige me clauis tuis, & tibi, CRVCIQUE tuæ strictissimo annecte vinculo, numquâ dissoluendo. Etenim in CRUCE

Dulce mihi tecum viuere, dulce mori.

O liceat tantum, Amor meus crucifixe! Da hoc amanti, qui vocare dignatus es fugientem,

tem, inuitare repugnantem, allicere nolentem. Nunc, ô Sponsæ sanguinum, quod antè tantopere reformidabam, *mibi* pati cibis, crucifigi voluptas, *uiuere Christus est, & mori lucrum*. Nam *etiam moriendo non moriar, è quòd Te Vitam habeo in meipso*. Suspendium hoc elegit anima mea, non quo moriar, sed viuam. Nam quì moriar vitæ meæ pro me crucifixæ coniuncta? Quid in me, quæso, mors iuris haberet, quæ

Breniar.
Rom. Festo Exalt.
Crucis.

1. Corinth.
15, 55.

— — — *mortua tunc est,*
In ligno quando mortua vita fuit?

Vbi est ergo nunc mors victoria tua? vbi est mors stimulus tuus? Non timeo illum, si tu mortua. Sed ô vita animæ meæ! ô anima vitæ meæ! si tu moreris, libenter etiam tecum moriar. Quomodo enim viuam sine vitâ, sine animâ? Age igitur

Scriban.
Amor. diuin. part. 2.
cap. 9.

Si iam fortè mori tibi stat sententia, Christe,
CRUX ferat vna duos, mors ferat vna duos.

Imò non iam duos, sed vnum ex duobus coadunatum. *Qui adheret Deo*, inquit Apostolus, *vnus cum eo spiritus efficitur*. Quid ergo qui tibi, ô dilecte, clauis connectitur? O vnicum bonum meum! æterna veritas, IESU mi! vni me tibi in veritate, nec diuellar à te in æternum. O! liceat in hoc amoris lecto cum dilecto viuere, cum Amore meo mori, cum

cum rediuiuâ vitâ meâ reuirescere, & reuiuiscere in nouitate vitæ gloriosæ.

Dicebat hæc CRVCI affixa, dilecto suo innixa & innexa Staurophila, iamque Amori suo immoriens, vltimum panē exhalabat spiritum.

Delectatus autem languentis Sponsæ suæ amore Christus, ita sermonem conclusit: Eia columba mea, iam totius Stauropædiæ culmen tenes, metam nunc attigisti, brauium accipies. Mihi hæcenus compatiens, mecum iam conglorificaberis; mecum mortua, mecum viuificaberis; heres Dei, & coheres mihi futura regni cælestis. *Nam ut me, qui me humiliavi factus obediens vsque ad mortem, mortem autem CRVCIS, Deus exaltauit, & donauit nomen quod est super omne nomen, ita & omnes eos qui mihi compatiuntur, & passionis meæ imitantur exemplum, Deus mecum exaltat in gloriâ.* Hæc namque VIA est, quam coheredibus meis, vt exaltentur, aperui. Hæc VIA quæ ducit ad vitam, & regnum æternum.

Origenes
lib. 7. in
Epist. ad
Rom.



ARGVMENTVM

LIBRI TERTII.

- V**itam quæ faciat beatiorem,
Christo Iudice, Christiane, CRVX est
Arbor nobilis & decora valdè,
Nulli germine, fronde, flore nulli,
Nulli multiplici secunda fructu :
- CAP. I.
 & II. *Nam CRVX crimina tollit expiatque,*
CRVX discrimina criminumque tollit,
- III. *Clausula limina cordium recludit.*
Et quisquam potes hanc vocare duram?
Mœstam, difficilem, dolore plenam?
Non est, credito, Christiane, non est ;
Credatur licet. Vtilis, iucunda,
Honestæ, & tolerabilis volenti est.
- IV. *Hæc est quæ dubijs spei tenacem*
Anchoram tribuit natanti in undis.
Hæc sed, heu ! premit, inquis, exprimitque
Sudoris mihi defluentis imbres,
Largos purpurei cruoris imbres.
- V. *Ohe ! nil metuas, suavis vna*
Hic sanguis Domino merum propinat,
- Et

Et merum Domini tibi propinat.

CRVX quid non facit? illa cordis ædem

VI.

Deo construit & sacrat supremo.

Quid? quòd CRVX quoque fabricet co-

VII. &

ronam,

Pulchram, perpetuam, bonam coronam.

VIII.

Ecquid ampliùs hisce iam requiras?

Deo iungere tene concupiscis?

IX.

Aude: te satis efficace vinclo

Numini bona CRVX, tibi que Numen

Adstringet socium. O beate! quidnam

Jam tuis poterit deesse votis?

Seu iuuet celeri celoce cælum

X.

Seu curru petere: vna CRVX vtrumque,

XI.

Et nauem tibi præstat, atque currum.

Quin scalas tibi malleumque præstat,

XII. &

Illis ut superæ Sionis arcem

XIII.

Scandas, impete fortiore ut isto

Occlusi quatiens fores Olympi

Portas ingrediare sempiternas.

Felix o CRVCIBVS referta vita

Vitam quæ tribuit beatiorẽ!

REGIÆ VIAE CRVCIS LIBER TERTIVS.

De bairlatæ CRVCIS fructibus.

PRÆLOQVIVM.

Matth. 7,
14.



RCTA est VIA quæ ducit ad vitam. Non vnus in CRVCIS semitâ occurrit cruciatus; pluribus illa anfractibus, laboribus ac periculis obsepta est, vt mirum minimè sit, si pauci eam ad finem vsque perambulent. Fatendum interim, tot vitæ spiritualis præsidia, tot pietatis adminicula, tot prærogatiuas atque emolumenta in eadem inueniri, vt qui accuratè illa voluerit expendere, faciliè omnem, quæ deterrere aliàs poterat, superaturus sit difficultatem. Fructuum nempe spes amplissima laboris mitigat minuitque magnitudinem; quantumque hic reuocat, tantum illa ad CRVCIS am-

amplexum, & suscepti itineris continuatio-
nem prouocat.

Intellexit hoc dilecta Deo anima, quæ di-
cebat: *Ascendam in palmam, & apprehen-* Cant. 7, 8.
dam fructus eius. Quid enim hoc? nisi, vt-
cumque asper & scabrosus sit palmæ cau-
dex, quia tamen fructum habet dulcissi-
mum, intrepida ascendam, vincamque quid-
quid durum, vt optatis tandem fruar fructi-
bus. Minuitur enim *ascendentis labor, dum* Hugo de
fructus in arbore sentitur odor; difficultatemq; S. Victore
ascensus aufert dulcedo gustus. Palma est Chri- l. i. Instit.
stus, fructus eius salus; spes salutis in ligno Monast.
CRVCIS. Et verò ipse Christus *formam ser-* de bestiis
ui accipiens, acerbissimam CRVCIS mortem c. 23.
subire non dubitauit, eiusq; Phil. Car-
altitudines dolo- path. in
rum omnium & cruciatuum, ignominie atque c. 7. Cant.
dedecoris, non modò vicit, verùm etiam ama-
biles reddidit, & gloriosas planeq; celestes &
salutares. Hinc Paulus egregius ille predicator
& doctor in CRVCIS ignominia & passione
gloriatur, cum dicit: *Mihi absit gloriari nisi* Gal. 6, 14.
in CRUCE Domini nostri Iesu Christi. Hinc
reliqui Apostoli, & ceteri fideles omnes, labo-
rum premia consecuti sunt, & consequuntur.
In hac vnâ tentamenta omnia & arumnarum
tormina sedantur atque vincuntur: per hanc
animi perturbationes & vulnera, vel lethalia,
felicissimè curantur.

Sed quodd absconditi vulgo sint hi fructus, hinc scilicet est quodd tardè adeò ad CRVCIS iter accingamur. Optima enim quæque natura celat, nec eorum pretium primâ fronte apparet. Aurum, argentum, rariora marmora terræ visceribus altè abstrusa iacent, vt nec eruta quidem aliam quàm vilis glebæ referant speciem. Vniones, gemmæ, lapides pretiosi partim in conchylibus & limacibus, partim in bufonibus, & id genus inamœnis reperiuntur bestiolis; primoquæ aspectu despicabilia apparent. Pleraque aromata rudibus integuntur corticibus; at verò quàm intus hæc pulchra, pretiosa, & efficacia! Talis quoque CRVX, afflictio, & tribulatio; aspera prorsus & horrida est, absque eo quod intrinsecus latet: id verò nisi periti rerum æstimatores aperiant, quid mirum si magno eam studio passim & fugiant & auersentur ignari? Qui autem absconditum in eâ agnoscunt thesaurũ, nã illi vel maximè amant & amplectuntur. E cælo accersamus testimonium: Magnum illud Baticæ decus Teresia, à morte cuidam gloriosa apparens, affirmavit, se nullam ob rem luculentiorẽ in cælo recepisse mercedem, quàm ob labores, CRVCES, & dolores hîc exantlatos, seque, si vllâ ex causâ in terram optaret redire, non aliâ, mortalem hanc vitam cælestibus præ-

po-

Ribera l. 5.
Vit. S. Tere-
ref. c. 4.

posituram gaudiis, quàm vt ampliùs pateatur. Maximi proinde momenti ad CRVCIS iter ritè emetiendum fuerit, hæc aliaque attentius considerare & expendere.

Non defuit hac in parte Staurophilæ nostræ suauissimus ductor, doctorque CRVCIS Christus. Oblatis enim toto itinere variis occasionibus, modò hunc modò illum CRVCIS explicabat fructum, vt ita & alacrius viam capefferet, &, quod ex fatigatione suboriri solet, tædium animosiùs superaret. *Sunt enim qui in studijs spiritualibus fatigati: & versi in teporem, atque in defectu quodam spiritus positi, ambulant tristes VIAS DOMINI, corde arente & tædente, accedunt ad iniunctum CRVCIS onus, frequenter murmurant, longos dies, longas conqueruntur & noctes, loquentes cum S. Iob: Si dormiero, di-* Bernard.
Serm. 32.
in Cant.

cam, Quando consurgam? & rursus expectabo vesperam. Ergo vbi contingit tale aliquid pati, si misertus Dominus appropiet nobis in VIA quâ ambulamus, & incipiat loqui de cælo qui de cælo est; nec non fauorabile quidpiam cantare nobis de canticis Sion, narrare etiam de ciuitate Dei, de pace ciuitatis, de eternitate pacis, de statu eternitatis, erit pro vehiculo animæ dormitanti & pigritanti leta narratio, ita vt pellat omne fastidium ab animo audientis, & à corpore fatigationem. *An tibi*

Iob. 7. 4.

Pfal. 118,
28.

*aliud vel pati vel petere ille videtur, qui ait :
Dormitauit anima mea præ tadio, confirma me
in verbis tuis ?*

Chrysoft.
Hom. 4.
ad Pop.
Antioch.

Verba autem vitæ æternæ, & mellitissimas
consolationes Staurophilæ in viâ suggestas
tertio hoc Libro seorsim describemus: vt ita
de CRVCE, velut ligno vitæ, fructus spiritua-
les, & iustitiæ manipulos colligere discamus.
Sic enim agricola letatur & gaudet tempesta-
tem videns. Non enim præsentia respicit, sed
futura; non respicit fulmina, sed manipulos
computat; non marcescentia semina, sed ver-
nantes spicas; non grauem imbrem, sed iucun-
disimam arcæ ventilationem: sic & nos non
præsentem spectemus afflictionem, sed orien-
tem ex ipsâ utilitatem, exq; ipsâ nascentem
fructum. Expectemus arcam & manipulos, &
non modo nihil graue ex præsentī CRVCE pa-
tiemur, sed & innumera bona capiemus.



CAPVT PRIMVM.

CRVX *seruat à lapsu, vincit tentationes.*

Verbum CRVCIS ijs qui salui fiunt,
Dei Virtus est. *I. Corinth. 1, 18.*

*Ne labar, CRVCIS hic fragiles labor atterit
artus,
Nam CRVCE malo premi, crimine quàm
perimi.*



IXDV M Staurophila animo res-
soluerat se abnegare, CRVCEM
tollere, Christum sequi; cùm
simul tres validissimi atque va-
ferrimi hostes, Mundus, Caro,
Dæmon, in eius perniciem coniurarunt. Vni-
cum his erat studium, à stadio CRVCIS Stau-
rophilam reuocare, sæculo reddere, & per
spatiosam viam in æternâ præcipitare dam-
nationem. Et nunc quidem aperto Marte,
nunc ex insidiis aggredi decernunt. Occur-
rebat in viâ collis quidam prominentibus
faxis hinc inde præruptus, non modicam
ascendenti præbens difficultatem: iuxta
hunc in dumeto quodam subdoli se abdide-
rant inimici. Qui vbi grauius ingemiscentem

Verbum CRVCIS. ijs qui salui fiunt,
Dei virtus est. 1. ad Cor. 1, 18.



Ne labar, CRVCIS hic fragiles labor atterit artus,
Nam CRVCE malo premi, crimine quā perimi.

audierunt Staurophilâ, opportunè prodeunt, & variis technis ad se pertrahere conantur. Hinc illecebras suas explicabat mundus, & quidquid oculis gratum, dignitates, honores, titulos, & magna ostentabat nomina: inde suauè blandiens caro, voluptates, delicias, & quidquid sensibus amœnum proponebat, vt tantò grauior appareret CRVX, quantò hæc talia crederentur dulciora. Istihinc diabolus occultis & fraudulentis suggestionibus animum incitabat, atque hæc irritamenta malorum, quâ poterat, ita depingebat, vt multò etiam appetibiliora viderentur. Hærebat inter hæc etiamnum tyro in scholâ CRVCIS Staurophila, & quid ageret, quid statueret, vix ipsa nouerat. Nam cùm tentatoribus his plusculum attenderet, neque ab eorum lenocinio generosè se expediret, prona iam ibat in præcipitium; & ruisset planissimè, ni benignissimus IESVS pone eam, ipso, quod gestabat, CRVCIS ligno retinuisset, & veluti fræno quodam reuocasset in viam. Post modicum porrò interuallum, quod ei ad se colligendum indulserat, ita eam affari cœpit:

Agnoscisne, Staurophila, virtutem CRVCIS? ecquid iam tibi videtur? Absque CRUCE fuisset, perieras funditus, hostium tuorum ludibrium & præda effecta. Quid enim

in præcepſ ruentem ſuſtinuit, quid reuoca-
 uit, niſi ſola CRVX? Cui Staurophila: *Mi-
 ſericordias Domini in æternum cantabo. Mi-
 ſericordiæ enim tuæ deputo, bone Ieſu,
 quòd mala non perpetrarim, quòd in viâ
 peccatorum non ſteterim. Niſi quia Dominus
 adiunxit me, paulò minùs in inferno habitaret
 anima mea. Quare conſitebor tibi Domine
 Deus meus in toto corde meo, & glorificabo no-
 men tuum in æternum. Quia miſericordia tua
 magna eſt ſuper me, & eruiſti animam meam
 ex inferno inferiori.*

Hem! iſtud ſapere eſt, inquebat Chriſtus:
 & hoc intelligere te volebam; CRVCES, quas
 immitto, aut flagelli loco eſſe cùm peccas,
 aut fræni ne pecces. Paterna manus eſt, quæ
 lapſabundos crebrò verberat vt reuocet;
 carnificis, quæ tardè, ſed ſemel punit. *Vt me-
 dici ſanguinem interdum prouidè dimittunt,
 non quia æger ſis, ſed ne agrades: ſic Deus
 per CRVCES quadam adimit, materiem aliàs
 & fomitem futura vitiorum. * Quosdam enim
 præſciens multa peccare poſſe, flagellat eos in-
 firmitate corporis ne peccent; vt eis utiliùs
 ſit frangi languoribus ad ſalutem, quàm rema-
 nere incolumès ad damnationem. * Multi ſi-
 quidem acceptâ ſanitate laſciunt. Qui agro-
 ti caſti erant, ſanati adulteri fiunt: qui dum
 egrotarent, neminem ladebant, receptis viribus
 inua-*

Lipſ. lib. 1.
 de Conf.
 cap. 9.

* Iſidor
 Hiſp.
 lib. 3. de
 Summo
 bonoc. 3.

* Auguſt.
 in Pſal. 97.

inuadunt & opprimunt innocentes. O quàm multi sceleratè sani sunt, qui innocenter agrotarent! Vitia reciduntur aegritudine. Nimirum siluescit vitis, & in labruscas degenerat, nisi putetur: exorbitat homo, nisi flagelletur. Exclamabat hîc Staurophila: O Domine, refugium factus es nobis, non recedimus à te, bonas. Blandiris, ne fatigemur in viâ: castigas, ne aberremus à viâ. Quid ergo non misericorditer præstatur hominibus à te, Domine, à quo etiam tribulatio, beneficium est? nam res prospera donum est consolantis, res aduersa donum admonentis. Et nuper me cuiusdam amici languor admonuit, optimos esse homines dum infirmi sunt. Quem enim infirmum aut auaritia aut libido sollicitat? non amoribus seruit, non appetit honores, opes negligit. Denique, vt quidam ait:

Luxuriat rarò discruciata caro.

Contrà verò,

Luxuriant animi rebus plerumque secundis:

Nec facile est aquâ commoda mente pati.

Quàm verè hæc, aiebat Christus, à te commemorata, tam velim eorum frequentius meminisse, & cum opus est, in opus conferre. Quò enim instrumentum, si eo non vtaris? quid iuuerit medicina, si eam non sumas? quid proderit culter, si ad scindendum non adhibeatur? *Vtile quiddam est* CRVX

August.
Tract. 7. in
Ioan.

Clem. Ale.
xand. lib. 1.
Pædag.
c. 8.

Aug. Serm.
de Verb.
Dom.

August.
Epist. 37.

Plinius l. 7.
Epist. ad
Maxim.

Quid. l. 1.
de Arte
amandi.

August. in
Psalm. 50.

&

& tribulatio, vtile Medici ferramentum, contra diaboli tentamentum. sed nisi vtaris, ipsum tibi reddis inutile. Aduersa corporis, remedia sunt animæ. Ægritudo carnem vulnerat, mentem curat: languor vires libidinis frangit. Quid ni igitur vt talia suscipias & amplectaris? Incensâ domo gaudet possessor, si restinguendo igni aqua adteratur: cum peccati flamma in corde exardescere cœperit, misericorditer Deus tecum agit, si tribulationis aquam largiter super infundat. Væ autem his, qui in tribulatione positi, negligunt vitam emendare, & tam salutari remedio vti ad salutem. Vnde & Scriptura velut mirum quiddam enarrat, quòd agrotauerit Afa dolore pedum vehementissimo & nec in infirmitate suâ quæsierit Dominum.

2. Paralip.
16, 12.

August. in
Psalm. 93. Agnosco, inquiebat Staurophila, agnosco, Domine, diuitias misericordiæ tuæ. *Voluisti enim filios tuos erudire, & exercere laboribus, vt non essent sine timore, ne amarent aliquid aliud, & obliuiscerentur te verum bonum suum. Bonus es Deus. Si cessares, & non mires amaritudines felicitatibus sæculi, obliuiscerentur tui. Sed vbi angores molestiarum faciunt fructus animæ, fides quæ dormiebat, excitatur: & conuertuntur ad te, auersi à cupiditatibus suis prauis.*

Sed & alium, aiebat Christus, elicere fructum

Etum è CRVCE licet; nimirum eam non fræ-
ni tantum loco cohibere à malo, sed ipsos
etiam malorum incentores, diabolum ten-
tatem, mundum allicientem, carnem blan-
dientem profligare ac prosternere. CRVX

Martial.

Episc.

Epist. 1.

cap. 8.

enim armatura inuicta est contra satanam,
galea custodiens caput, lorica protegens pectus,
clypeus tela maligni repellens, gladius diaboli-
cas insidias appropinquare nullo modo sinens.
In solâ CRVCE celestis victoria datur. Et ve-

rò hac etiam gratiâ ego CRVCEM humeris
meis tuli, tamquam strenuus Dux lanceam,
quâ deiecturus eram aduersarium, * vt qui in
ligno vincebat, in ligno quoque vinceretur.

Euthym.

in cap. 19.

Ioannis.

* Eccles. in

Præfat. de

Cruce.

* Chrysost.

Serm. 1. de

Ieiunio.

Matth. 16,

24.

* Vt igitur Dux sumptis armis quibus facile se
tueri possit, ea dat etiam militibus suis, sic &
ego feci, omnibus dicens: Qui vult venire post
me, abneget semetipsum, & tollat CRVCEM
suam, & sequatur me.

Benedictus es Domine Deus meus, inquebat Ps. 143. 1.

Staurophila, qui doces manus meas ad præ-
lium, & digitos meos ad bellum. Sed obsecro
te, num hæc armatura Christiani militis à
signo CRVCIS, an à CRVCE viuâ, quæ ipsum
reuerà discruciet, sumenda? Cur non ab
vtroque, aiebat Christus; signum enim
CRVCIS contra omnium dæmonum ma-
chinamenta validissimum est præsidium.

Cyprian. in

Serm. de

Pass. Dom.

Huius signi tanta est auctoritas & potestas, vt

non

non solum Israelitica limina munit, sed etiam ab his, qui Israeliticè non viuunt, solum Sacramenti signum repellat demonia. Nec minus virium habet tribulatio. Vt enim sal carnes à putredine & vermibus præseruat, non secus CRUX & afflictio mentem aduersus spirituales insidias præmunit. Sapientis animus tolerantia rerum humanarum, contemp-tione fortune, virtutibus omnibus vt mæ-nibus sepius, vinci aut expugnari non potest. Nam animus contra calamitates fortis & con-tumax; luxuriæ non aduersus tantum, sed & infestus est. Et vide, quælo, num huc vltro etiam Sancti mei confugerint, cum blandientis Dominæ persentirent illecebras? An non Paulus castigabat corpus suum, & in seruitutem redigebat, ne reprobis effice-retur? An non Benedictus, cum ei versurus dæmon speciem feminæ, quam aliquando viderat, obiecisset, tantoque libidinis igne animum eius accendisset, vt panè de dese-rendâ eremo deliberaret, abiectis ilicò vesti-bus nudum se in vrticas & vepres abiect, & tamdiu in illis se volutauit, donec per cutis vulnera eduxisset vulnus mentis? & vide quo fructu, ex eo tempore, sicut post ipse discipulis perhibebat, ita in eo est tentatio voluptatis edomita, vt tale aliquid deinceps minimè in se senserit. En quid agat tribulatio sponte as-

Cicero in
Paradoxis.

Senec.
l. 3. Natur.
quæst.
exord.

1. Cor. 9,
27.

Greg. l. 2.
Dialog.
cap. 2.

assumpta. Eodem spiritu Bernardus in lacum
 frigidâ tempestate, Franciscus in niues desi-
 liit. Quorsum verò hæc? nisi quod externa
 CRUX interiores tentationes vi suâ velut ex-
 cutiat. Nisi igitur apprehenderis baculum
 CRVCIS, improbi canes latrare ac laceffere
 non cessabunt. *Si non vteris undique scuto* Thomas
patientie, non eris diu sine vulnere. Bene est, à Kemp.
 inquit Staurophila, abundè est, *Pone me* lib. 3. de
 iam, *Domine, iuxta te, & cuiusvis manus pu-* Imitat.
gnet contra me. Quoniam firmamentum meum Christi
& refugium meum es tu: tu es patientia mea cap. 35.
Domine, spes mea à iuuentute meâ. Iob. 17, 3.
 In CRUCE Psal. 70, 3.
 triumphabo de hostibus meis, & non con-
 uertar donec deficient. O saluberrima
 CRUX quàm utilis nobis es! ô quàm pauci
 agnoscunt potentiam virtutis tuæ!



Pius et misericors est Deus, et remittet in
die tribulationis peccata. *Ecdi 2, 13.*



*Culpa animę vestem maculauit, lauit IESVS
Sanguine, CRVX reliquum pulueris excutiet.*

CAPVT II.

CRVX emendat, & emundat à peccatis.

Pius & misericors est Deus, & remittet in die tribulationis peccata.

Eccli. 2, 13.

Culpa animæ vestem maculanit, lauit Iesus sanguine, CRVX reliquum pulueris excutiet.



MENTALEM orationem summo manè Staurophila de more instituebat, atque hoc viatico quotidie munita in viam se dabat. Fuit cū pro argumento expenderet, quanta animarum dignitas, quanta gratiæ pulchritudo, quæ eas velut byssino candenti & splendido decentissimè conuestiret. Deinde considerabat, quanta peccati deformitas, quæ totā animæ vestem fœtidissimo luto & stercore commacularet. Hæc dum in itinere, vt edocta erat, secū subinde ruminaret, alto suspirio ita ingemiscbat: Eheu! quis *emundabit conscientiam* meā Heb. 9, 14. *ab operibus mortuis?* quis abluet à malitiâ cor meum? Utinam deleantur iniquitates meæ, & expurgentur omnia delicta mea!

V

Cū

Cùm Christus ad interiores has voces respondens, Et hæc, inquit, Staurophila, virtus CRVCIS est, vt peccata deleat, conscientiam emundet, stolam animæ abluat, & super niuem etiam dealbet. Agnoscebat hoc prudens illa Sara, quæ Domino dicebat: *In tempore tribulationis peccata dimittis his, qui innuocant te.* An non Ecclesiasticus ait: *Pius & misericors est Deus, & remittet in die tribulationis peccata?* Et: *In die tribulationis commemorabitur tui, & sicut in sereno glacies, soluentur peccata tua.* Atque hinc est quòd opera illa, quibus peccata expiantur, & pro iisdem satisfit, pœnalia dicantur, & verè etiam sint; vt sicut culpæ delectatio æternum Numen offendit, ita voluntaria castigatio aut pœna patienter tolerata, Deum quoque placet ac mitiget.

Memini, inquebat Staurophila, hanc doctrinam me aliàs quoque audiuisse: & magnâ sanè animi voluptate legi ab vniuersali Synodo definitum, *temporalibus flagellis à Deo inflictis, & à nobis patienter toleratis, apud Deum Patrem per Iesum Christum satisfieri posse.* O quantum hoc beneficium! quanta afflictorum consolatio! Hoc siquidem pacto qui ritè cum CRVCIBVS & tribulationibus suis negotiari nossent, non modicum reportaret lucrum. *Et si enim acerba & gra-*

Concil.
Trident.
sess. 14. c. 9.
& can. 13.

uis est Dei ira; tamen cū medendi vim habeat, eos, qui ipsam experiuntur, ad bonum provehit. Ita est, inquiebat Christus, sed rari admodum sunt qui considerent quanti sit muneris molestia corporalis, quæ & admissa peccata diluit, & ea, quæ admitti poterant, compescit. Nam linor vulneris, ut ait Sapiens, absterget mala: flagellorum dolor vel cogitatas, vel perpetratas nequitias diluit. Hinc viri sancti, quia corruptionis suæ vulnus non sine putredine esse considerant, libenter se sub manum Medici ad sectiones parant, ut aperto vulnere virus peccati exeat, quod sanā cute intus occidebat. Peccatum enim sanies est; pœna, ferum medicinale. Sicut igitur saniem habens, si non secatur, est in maioribus malis: ita peccans, si non puniatur, omnium miserrimus est. Hoc igitur erat, aiebat Staurophila, quod sibi volebat Ioannes Abbas, qui rogatus ut tertianā laborantem curaret, respondit ei: *Rem tibi necessariam cupis abijcere. Ut enim corpora nitro, vel alijs huiusmodi lenimentis abluuntur à sordibus, ita animæ languoribus, alijsq; huiusmodi castigationibus purificantur.*

Sed, obsecro Domine, quid illud est, quod animæ quædam etiam purgatissimæ vitæ gravius plerumque discrucientur, cū nefas videatur, ut illis noceat aduersitas, quibus nulla dominatur iniquitas? Respondebat

Didym.
apud Damasc. l. 3.
Parallel.
c. 49.
Gregor.
Part. 3. Pastor. Admon. 13.
Prou. 20.
30.

Gregor.
l. 7. Moral. cap. 7.

Chrysost.
Hom. 6. ad Pop. Ant.

Ruffinus in
Vit. Pat.
lib. 2. c. 1.

Christus: Non legisti quid de Patre meo,
 Ioan. 15, 2 cælesti agricolâ, iam olim dixerim? *Omni-
 palmitem, qui fert fructum, purgabit eum, ut
 fructum plus asserat.* Quid autem hæc pur-
 gatio, nisi tribulatio & CRVX? *Quod enim
 Laurent. flagellum grano, quod lima ferro, quod fornax
 Iust. Lign. vit. de Pa- auro, hoc tribulatio homini iusto.* Purgatur
 tient. c. 3. hac, non destruitur: splendeat licet, & velut
 aurum rutillet, in fornace tamen tribulatio-
 nis scoria eius excoquenda est. Nam & qui
 hominibus videntur perfecti, coram Deo
 suas etiam imperfectiones habent, à quibus
 eos, misericorditer sæuiens pius Pater, emun-
 dat, vindicans scilicet *in omnes adinventiones
 Psal. 98, 8. eorum.* Considera mihi hîc artifices: illi
 Angust. in enim pleraque faciunt & ostendunt imperitis:
 Psalm. 98. & cum iam indicauerint imperiti esse perfecta,
 expoliunt illa artifices, qui nouerunt adhuc
 quid illis desit, ut mirentur homines tantam
 expolitionem rebus accessisse, quas iam perfe-
 ctas pronuntiauerant. Fit hoc & in edificijs, &
 in picturis, & in vestibus, & propè in omni ge-
 nere artium. Primò indicant illud iam quasi
 perfectum esse, ut oculi eorum amplius nihil
 desiderent. Sed aliud indicat oculus imperitus,
 aliud indicat artificis regula. Sic & viri sancti
 versantur ante oculos Dei, tamquam sine cul-
 pâ, tamquam perfecti, tamquam Angeli: no-
 uit autem quid illis desit, qui vindicat in om-
 nes

nes affectiones eorum. Vindicat autem non irascens, sed propitius: & ad hoc vindicat vt perficiat cœptum, non vt damnet eiectum. O quàm vtiliter, inquiebat Staurophila, hæsitavi, quando tam luculenter ignorantia mea instruitur! Verè enim nemo mundus à sordibus. Dum enim per varias actiones vitæ huius sollicitudo distenditur, necesse est de mundano puluere etiam religiosa corda sordescere. Et quis est, Domine, qui non aliquid inquinamenti hîc aut ibi contrahat? Septies cadit iustus. & vix etiam laudabili vitæ hominû, si absq; misericordiâ Redemptoris iudicetur!

Leo Ser. 4.
de Quadr.

Prou. 24,
16.

Benè igitur, aiebat Christus, flagello CRVCIS pulvis excutitur, quem ad deformationem animæ iniquitas assiduata congeßit, vt exteriori vulnere sanetur plaga interior. Purgari ille non vult, qui Dei flagella non admittit. Tribulationis virga omnem terrenæ conuersationis puluerem excutit, vt animæ vestis purior nitidiorque euadat.

Blesens.
Epist. 31.

Mens etenim certa, & puri sibi conscia cordis, Hoc plus splendescit, quò magis atteritur.

Prosper.
Epigr. 52.

O quàm præstans, aiebat Staurophila, hoc beneficium! Ecquis non ambiat feruentissimis votis, vt CRUCE aliquâ affligatur, vt ita animæ vestis expurgetur? Memini enim eiectum in tenebras exteriores, qui nuptiali carebat veste; & in cælestem illam Ierusalem,

Matth. 12,
11.

Apoc. 21,
27.

Hieron.
Epist. 33.
ad Castrut.

Ezech. 16,
42.

Petr. Dam.
libr 8.
Epist. 6.

non intraturum aliquid coinquinatum. Ut non minimum, inquebat Christus, hoc beneficium; ita magna ira est, quando peccantibus non irascitur Deus. unde & in Ezechiele ad Ierusalem, Iam, inquit, non irascar tibi, zelus meus recessit à te. Medicus si cessauerit curare, desperat. Laudanda proinde diuina dispensatio, quæ ad hoc suos temporaliter verberat, ut perpetuis eos flagellis abscondat: ad hoc premit, ut eleuet; ad hoc secat, ut sanet; ad hoc deijcit, ut exaltet. Qui enim bona agit, & mala suscipit, quidquid ei iusta retributionis in terrâ subtrahitur, hoc illi in calo multiplicius cumulatur. Porrò autem Medici corporum, quos desperant, ad percipienda passim quæ petierint alimenta relaxant: at quos erigendos esse coniungunt, cuncta eis noxiæ delectationis edulia minaciter interdunt: antidota insuper & amara propinant, ut per amaritudinis haustum, ad incolumitatis dulcedinem conualescant. Quid ergo mirum, si Medicus animarum, omnipotens Deus, & quos perpetuæ morti cernit obnoxios, vinere delectabiliter sinat; & quos ad vitam eligit, sub strictâ seneritatis suæ lege constringat? Nam & animalia, quæ in proximo mactanda disponimus, indulgentius victitare permittimus, & largiora illis alimenta præbimus: eorum verò penuriam & maciem paruipendimus, quæ ad usum seminis, & ad propa-

*propagandam sobolem referuamus. Vites quoque
& secunda arbores putationibus subiacent, steriles autem, & quæ ignibus sunt tradendæ, ramis euagantibus, quò liberius eò diffusius patent. De tuis igitur pressuris atque molestiis gaude, & totis in Domino visceribus gratulare. Quia quò magis affligeris, tantò magis animæ vestis expurgatur & expolitur.*

Attollebat hic vocem Staurophila: *O altitudo diuitiarum sapientiæ & scientiæ Dei! quàm incomprehensibilia sunt iudicia eius, & inuestigabiles viæ eius! Quis enim non putaret misericorditer agi cum peccatoribus, cum eis parcitur, cum nullâ poenâ affliguntur? At verò magnæ misericordiæ iam est, nequitia impunitatem non relinquere, ne cogatur Deus in extremo gehennâ damnare. O quanta pœna, nulla pœna! Hoc nimirum est, inquit, Christus, quod in Psalmis legisti: Non audiuit populus meus vocem meam, Israël non intendit mihi. Sed quid inde secutum? dimisi eos secundum desideria cordis eorum, ibunt in adinventionibus suis. Hoc & illud, quod per alium Prophetam dictum est: Misereamur impio, & non discet iustitiam. Quid enim est hoc, nisi, Si impiis miserearis & parcas, manebunt in suâ impietate, nec conuertentur ad iustitiam. Subiecit rursus Staurophila: Misericordiam hanc ego nolo, Domine, super omnem*

Rom. 11.

33.

August.

Serm. 37.

de Verbis

Domini.

Psalm. 80,

12.

Isai. 26, 10.

Bernard.

Serm. 42.

in Cant.

- nem iram miseratio ista, sepiens mihi vias iustitiae. Satiùs profectò mihi iuxta Prophetæ
 P^{sal.} 2, 12. consilium apprehendere disciplinam, ne quando irascatur Dominus, & peream de viâ iustâ. Volo irascaris mihi Pater misericordiarum, sed illâ irâ, quâ corrigis denium, non quâ extrudis de viâ: illud mihi tua benigna animaduersio parit, hoc formidolosa nutrit dissimulatio.
- Hab. 3, 2. Cum enim sentio te iratum, tunc maximè confido propitium: etenim cùm iratus fueris, misericordiæ recordaberis. Dicam igitur cum
 Iob. 6, 10. S. Iob, Hec mihi sit consolatio, vt affligens me dolore non parcas. Domine hîc vre, hîc seca, vt in æternum parcas.
- August.



CAPVT III.

CRVX oculos mentemque aperit.

Sola vexatio intellectum dabit auditui.

Isa. 28, 19.

Bos ego, corpus ager, CRVX stiuā, colonus
IESVS.

Prò quantos fructus, si bona terra, feret!



SOLITVM CRVCIS iter cum Christo suo Staurophila carpebat: accidit autem vt campum quemdam, in quo agricolæ terram aratro subigebant, transirent. Hic oculorum curiositati nonnihil indulgens Staurophila, boues arantes, colonos stiuam tenentes defixius considerabat. Christus ab hoc spectaculo ad interiora eam suauiter reuocans, Vt, inquit, placet tibi hæc aratio, quam non indiligenter videris attendere? Sensit illa, emissit oculos in se notari: pudore proinde suffusa, hircere non audebat. At benignissimus IESVS modicam hanc noxam dissimulandam potius quam perstringendam ratus, Præbet, inquit, & hoc rusticanum opus, quod te in VIA CRVCIS erudiat; nec frustra illud occurrisse arbitre-

ris.

Solâ vexatio intellectum dabit
auditui. *Isaie 28, 19.*



Bos ego, corpus ager, CRVX stiua, colonus IESVS
Prô! quantos fructus, si bona terra, feret.

ris. Quid enim similius CRVCI quàm aratrum? nam bonus agricola cùm parat terra so-
 lum vertere, non nisi per signum CRVCIS id
 facere conatur. Dum enim aratro dentale sub-
 ycit, affigit aures, stiuam inserit, figuram CRV-
 CIS imitatur. Atque hinc non difficulter eli-
 cies quid in arcano sensu sit aratrum ducere;
 id enim aliud non est, quàm quasi quodam
 compunctionis instrumento, ligno, & ferro
 Dominicæ Passionis, duritiem sui cordis attere-
 re, atque ad proferendos bonorum operum fru-
 ctus aperire. Est, inquam, vomere CRVCIS
 terram subiecti exterioris edomare. Nam
 quemadmodum terra opus habet ut aretur &
 proscindatur, ita anima fidelis, pro ligone in-
 diget tentationibus & afflictionibus, ne produ-
 cat malas herbas, ut eius emolliatur durities,
 ne nimium efferatur & exiliat. CRVX igitur
 aratrum est, ager ipse homo, agricola Pater
 cælestis.

Vixdum capio, inquiebat Staurophila,
 quid ex aratri huius ductu sperandum com-
 modi. Quamquam enim CRVCES & affli-
 ctiones vomeris instar hominem totum con-
 scindant, quorsum id tamen fiat, aut quo
 fructu, non vsquequaque intelligo. Scio au-
 tem, quòd qui arat, in spe fructus percipiendi
 debeat arare. Dicam apertiùs, inquiebat
 Christus. Ut aratrum terram aperit, & susci-
 piendo

Maxim.
Taurin. de
Cruce Do-
mini Ho-
mil. 2.

Beda c. 41.
in Luc.

Faustus
Rhegiens.
Epist. 2.
Tom. 3.
Biblioth.
PP.
Chrysost.
Tom. 1. in
Psal. 125.

1. Corinth.
9. 10.

piendo semini præparat; non secus CRVX
& tribulatio cor referat, ad semen diuini
verbi excipiendum, & ad eius veritatem ag-
noscendam aptum reddit. Quod enim in
prosperitate homines ignorant, id in aduer-
sitate vel serò tandem cognoscunt. An non
Isaia 28, legisti, *Vexatio intellectum dabit auditui?* Vel-
licat enim surdascentem aurem CRVX, vt
19. velit nolit attendere cogatur. Prosperitas ve-
rò stultorum aggrauat & obturat aures, vt
audire nequeant. Appositè igitur de Deo
Iob 36, 15. scriptum: *Eripiet de angustia suâ pauperem,
& reuelabit in tribulatione aurem eius.* Quid
Gregor. autem est *aurem in tribulatione reuelare*, nisi
1. 26. Mo- *auditum cordis verberum plagis aperire?* Cùm
ral. cap. 23. *enim præcepta despiciamus, piâ districtione no-
biscum agitur, vt flagella timeamus. Aurem
itaque cordis tribulatio aperit, quam sæpè hu-
ius mundi prosperitas claudit.*

Tandem, inquiebat Staurophila, capere
videor, quod antea ignorabam; nempe hoc
est quod vulgò dici solet, Παθήματα, μαθή-
ματα. Nocumenta, documenta. Vnde Cræsus
Cyro dicebat: *Et si molestiam mihi calamita-
tes meæ attulerint, eadem tamen mihi doctri-
næ loco fuerunt.*

Felices porrò illi, subijciebat Christus, qui
hanc è CRVCE Philosophiam hauriunt! &
ad paternas Dei castigationes oculos ape-
rientes,

rientes, vitam emendant. Raphaëlis moni-
 tione edoctus Tobias imposito felle, patris
 fui oculos serenauit: & in Euangelio legis,
 luto cæcum à natiuitate fuisse illuminatum. Tob. 11,
13. Ioan. 9, 6.
& seq.
 Quid hoc aliud innuit, quàm aduersitatibus
 & rebus naturâ contrariis mentis lumen re-
 stitui? Hoc est ergo CRUCEM illuminare, ve-
 xationem dare intellectum auditui. Fatetur
 de se id Regius Vates. *Conuersus*, ait, *sum in* Psal. 31, 4.
arumnâ meâ, dum configitur spina. Benè et- Bernard.
 enim *confixus est, qui conuersus exinde est; be-* Serm. 48.
in Cant.
nè pungitur, quisquis compungitur. Multi cùm
sentiunt spinam, corrigunt culpam. Vis aliud
 exemplum? Magnus ille Babylonis Rex
 Nabuchodonosor Deum non cognoscebat
 cùm diceret: *Nōne hæc est Babylon magna,* Dan. 4, 27
quam ego ædificaui in domum regni, in robore
fortitudinis meæ, & in gloriâ decoris mei? At
 postquam ab hominibus eiectus, cum bestiis
 & feris habitauit, fœnum vt bos comedit,
 & rore cæli corpus eius infectum est; tunc
 tandem oculos ad cælum leuauit, tunc sen-
 sus illi redditus, tunc benedixit Altissimo, &
 agnouit quia non est qui resistat manui eius.
 Impius Manasses & idololatra *sectabatur au-* 2. Paralip.
c. 33, vsque
ad v. 12.
guria, obseruabat somnia, maleficis artibus in-
seruiebat; multaq; mala operatus fuerat coram
Domino, vt irritaret eum: postquam verò
 captus & *vinctus catenis atque compedibus*
 du-

ductus est in Babylonem, tunc orauit Dominum Deum suum, & egit pœnitentiam valde Deo patrū suorum. Tunc cognouit quod Dominus ipse esset Deus. Prodigus ille adolescens in se reuersus non est, nisi postquam cœpit egere, filiquas cum porcis vorare, & tantum non fame perire; ita multi bene facere nesciunt, nisi malè illis fiat: malè agunt, nisi malè cum eis agatur.

Næ ille felix dicendus, aiebat Staurophila, cui percutiendo aperiuntur oculi, si antea non videbat. Beatus ille, qui aduersitate illud cognoscit, sine cuius notitia cœlo exularet. Aperuit ita oculos, aiebat Christus, Mauritius Imperator, qui immemor Dei vixit, cum millia aliquot innocentium Christianorum à barbaro immaniſſimè cedi passus est, quos minimo pretio redimere licuisset. At cum ex variis prædictionibus & visionibus manum Domini ad vlciſcendum agnouit, specimen edidit probatissimi Christiani, conficiens sibi è calice iræ Dei poculum medicina, quod sibi prodesſet ad peccatorum purgationem, & perfectam salutem. Ante oculos enim eius, iussu Phocæ Imperatoris, necati sunt quinque eius filij. Tum ille compunctus, altâ philosophiâ dixisse fertur: Iustus es Domine, & rectum iudicium tuum. Tandem & ipse Mauritius ultimo loco occisus est, cum se casu superiore in omni-

Baron.
an. Christi
692.

Cedren. in
Annalib.

Pfal. 118,
137.

omnibus demonstrasset. Vtinam, inquit Staurophila, ita scirent homines, ac intelligerent, idè mala aut permitti aut immitti à Deo, vt mali esse desinant! sed *obscuratum est insipiens cor eorum*; non norunt hæc bona ex iis, quæ mala ipsi vocant aut putant, elicere. Tua autem Domine prouidentia etiam hæc talia ad eorum salutem ordinat.

Rom. 1, 21

Hoc est, aiebat Christus, *diligentibus Deum omnia cooperantur in bonum.* Idè siquidem permittuntur etiam bonis accidere mala, ne summum bonum malè deserant, sed ad illud in malis potiùs recurrant. *Matrum plurimæ cum nihil obsecrando proficere se viderint, laruas quasdam, horrorisq; figmenta parant, atque ita pueros ad reditum impellunt; persuadentq; ad se iterùm recurrere.* Idem & hominibus contingit: quando enim malignus ille dæmon eos perterret, quando ingruit aliqua CRUX vel afflictio, tunc frangi efficiuntur, tunc seipso agnoscunt, tunc ad Deum omni studio recurrunt.

Chrysost.
l. 1. de Prouidentia Dei.

II Eremitarum Camaldulensium.



Auxilium de tribulatione. Psal. 107, 13.



Tuta salutifere miseram CRVCIS anchora firmet,
Tota vel equoreis naufraga mergor aquis.

CAPVT IV.

CRUX anchora spei, tessera salutis.

Auxilium de tribulatione. *Psalm.* 107, 13.

Tuta salutifera miseram CRVCIS anchora
firmet,

Tota vel aquareis naufraga mergor aquis.



MBVLANTEM aliquando ad
littus IESVM, ponè cum CRV-
CE sequebatur Staurophila.
Ecce autem sæuior quædam
exorta procella incautam in
mare deiecit. Cumque fluctuum volumini-
bus paulò iam abriperetur longiùs, illacry-
mans exclamabat: *Saluam me fac Deus, quo-* *Psalm.* 68, r.
niam intraverunt aque vsque ad animam meâ.
Veni in altitudinem maris, & tempestas de- *vers.* 15.
mersit me. Eripe me, Domine, de luto, vt non *vers.* 6.
infigar, neque absorbeat me profundum. Cùm
hæc & his similia altâ lugubrique voce que-
reretur, Christus ad eam, Quid est, inquit,
quòd ipsa tibi, quâ licet, non succurras? AN-
nescis CRVCEM, quam geris, anchoræ tibi lo-
co esse, quâ in mediis etiam fluctibus fir-
mam te reddas ac tutam? Dicebat hæc

X

Chri-

Christus, & simul apprehensâ eius CRUCE, ad terram benè madentem, & tantum non exanimem reduxit.

Post modicum temporis vt ad se rediit, ita eam allocutus est: Animaduertisne, Staurophila, hos aliosque, qui tibi in hoc itinere accidere casus, totidem documenta esse, quæ aut VIAM CRVCIS cautè perambulare, aut virtutem eius multò maximam te edoceant? Ecce enim, quid aliud est præfens sæculum, quàm mare magnum & spatiosum, plenum procellosis voraginibus? Pelagus hoc longè lateque protensum, diuersis peccatis, & variis tentationibus, velut quibusdam fluctibus æstuat. *Mens quippe humana, quot tentationes patitur, tot flatibus mouetur. Hanc enim plerumque ira perturbat. cùm recedit ira, succedit inepta letitia. luxurie stimulis vrgetur: æstu auaritie longè lateq; ad ambienda, quæ terrena sunt, tenditur. Aliquando hanc superbia elenat, aliquando verò inordinatus timor in infimis deponit. Et quàm magnam faciunt tempestatem multitudines cupiditatum, quæ velut in quodam freto corporis nauigantem hinc atque inde perturbant, vt gubernator sui esse animus non possit.*

Gregor.
l. 11. Moral. c. 24. in
c. 13. Tob.

Ambros.
Apol. pro
ster. pro
Dauid, c. 3.

Horresco, inquebat Staurophila, auribus oculisque hauriens discrimina & fluctus, cum quibus mihi quotidie luctandum. *Quod enim*

enim mare abruptius quàm sæculum? tam infidum, tam mobile, tam profundum, tam immundorum spirituum flatibus procellosum.

Ambros.
Præf. in
4. lib. super
Luc.

Quis autem euadere pericula hæc poterit? quis emergere de profundis aquarum, de lacu miseriæ, & de luto fæcis? Neque ego, aiebat Christus, fidere huic pelago te velim.

Noli credere, noli esse secura. Licet in modum stagni fusum æquor arrideat, licet vix summa iacentis elementi spiritu terga crissentur, magnos hic carpius montes habet. Intus inclusum est periculum, intus est hostis. In illo æstu, charybdæ luxuriæ salutem rotat. Ibi ore virgineo, ad perpetranda naufragia, scylla seu renidens libido blanditur. Hic barbarum littus, hic diabolus pirata, cum socijs portat vincula capiendis.

Hieron.
Epist. I. ad
Heliod.

Sed enim, aiebat Staurophila, doce, quæso, benignissime IESV, ut me in hisce fluctibus dirigam. Docuit te, inquiebat Christus, Apostolus meus Paulus, cum diceret: *Fortissimum solatium habemus, qui confugimus ad tenendam propositam spem: quam sicut anchoram habemus animæ tutam ac firmam. Quemadmodum enim de naui quæ in anchoris est, recte dicimus quòd iam in terrâ sit, adhuc tamen fluctuat, sed in terrâ quodammodò educta est contra ventos, & contra tempestates; sic contra tentationes huius peregrinationis nostræ*

Hebr. 6,
18.

August. in
Psalm. 64.

Anton.
Balingh. in
Soopa-
diâ, tit. Ad-
uerfitas.

Pf. 71, 28.

Philipp. 1.
19.

*spes nostra fundata, facit nos non abripi in saxa. Nec melior anchora salutari CRUCE, quæ ipsam suâ figurâ manifestè repræsentat. Echinus Marinus, quem fluctus vehementiores ad terram deuoluere, violenterque allidere solent, periculi metuens, vt vitæ suæ prouideat, spinis, quibus totus inuolutus est, minutiozem aliquem calculum colligit, vt eo se quodammodò libret stabiliatque contra procellas, ne earum vi in ficcum propellatur. Idem & te facere oportet. Sæuiant venti, exurgant procellæ, non tibi, sed Deo adiutori tuo innitere. Me veram petram & lapidem angularem tolle, illique firmâ spe inhæreas, & nulla te desiciet tempestas. Dic cum Prophetâ: *Mihi autem adharere Deo bonum est, ponere in Domino Deo spem meam.* Inhærebat huic anchoræ tribulationibus vndique cinctus S. Paulus, Scio, inquit, quia hoc mihi proueniet ad salutem, per vestram orationem, & subministrationem Spiritus Iesu Christi, secundum expectationem & spem meam, quia in nullo confundar: sed in omni fiducia, sicut semper, & nunc magnificabitur Christus in corpore meo, siue per vitam, siue per mortem.*

Sed & hoc euidentius intelligere velim, aiebat Staurophila, quæ CRUX mihi futura anchora spei, aut quomodo in tantâ salutis

in-

incertitudine tribulatio labantem animum
 ita fulciat, vt certam beatitudinis concipiat
 fiduciam. Num ignoras, aiebat Christus, tri-
 bulationem prædestinationis esse symbolū?
 CRUCEM, arrham salutis, & æternæ beatitu-
 dinis tesseram? *Quem enim Deus diligit, per* Lipſias
aqua, per iniqua, per fluxus & refluxus perdu- Centur.
cit ad portum. Et quemcumque potioribus do- miſcel.
 nis exornare ſublimiterq; transformare decre- Bloſ. Inſtit.
 uerit, eum non blandè & molliter lauare, ſed ſpirit. c. 8.
 totum in mare amaritudinis immergere con-
 ſuevit. Quo autem fructu? niſi illo, de quo
 Sàra dicebat: Hoc pro certo habet, omnis qui Tob. 3, 21.
 te colit (ô Deus!) quod vita eius, ſi in probatio-
 ne fuerit, coronabitur: quia poſt tempeſtatem,
 tranquillum facis; & poſt lacrymationem &
 fletum, exultationem infundis. Apertiùs dixit
 Apoſtolus: Si quid patimini propter iuſtitiam, 1. Petr. 3,
 beati. Hæc eſt enim gratia, ſi propter Dei con- 14.
 ſcientiam ſuſtinet quis triſtitias, patiens iniu- 1. Petr. 2,
 ſte. Et quid clariùs, quàm quod ipſe in Euan- 19.
 gelio dicebam: Beati qui perſecutionem pa- Matth. 5,
 tiuntur propter iuſtitiam, quoniam ipſorum 10.
 eſt regnum calorū. Certa itaque atque ſecu- Leo Ser. 9.
 ra eſt exſpectatio promiſſæ beatitudinis, ubi de Quadr.
 eſt participatio Dominicæ CRUCIS. Qui enim
 compatitur, & conglorificabitur. O ampli-
 ſimum, aiebat Staurophila, ſpei fulcrum! ô
 quantum auxilium in tribulatione! Non

adèd CRVX affligere deinceps poterit, quàm expectatio æternæ salutis consolari. Tu autem Domine, qui *dominaris potestati maris, & motum fluctuum eius mitigas*, gubernam in hoc æquore, ne peream in fluctibus. *Vnco* August. in Soliloq. CRVCIS *retrahere me ab hoc pelago ad te solum unicum, quem à longè (quasi stellam matutinam & Solem iustitiæ) vix lacrymantibus oculis in littore cælestis patriæ me expectantem video. Exaudi Deus salutaris noster, spes omnium finium terræ, & in mari longè. In mari turbulento versor; tu in littore stans, aspicias pericula nostra: saluam me fac propter nomen tuum. Da, Domine, inter scyllam & charybdim ita tendere, & tenere medium, ut utroque periculo euitato, secunda perueniam ad portum.* Psal. 61, 6.



CAPVT V.

Ex CRUCE vinum spirituale.

In mundo pressuram habebitis.

*Ioan. 10, 33.**Si graue formides CRVCIS hoc torcular acerba,
Eia age, dulce bibas, quod fluit inde, merum.*

VTVMNVS erat, & vis colligendis aut vino torculari exprimendo passim exercebantur agricola. Non poterat id non frequenter in oculos mentemque Staurophila incurrere: nam quaquaue-
 sus pergeret, vindemiam cernere erat. Com-
 moda hæc Christo visa occasio, vt more suo
 fructum aliquem CRVCIS discipula aperiret.
 Ita proinde infit: Non est, mihi crede
 Staurophila, quod tribulationis emolumenta
 luculentius repræsentet, quam hæc botro-
 rum, quam cernis, in torculari expressio,
 idque velim non indiligenter abs te consi-
 derari, ne sub pressurâ CRVCIS animo defi-
 cias.

Volupe mihi erit, aiebat illa, audire hoc
 mysterium, neque iniucundum fore sermo-
 nem suspicor de vino, *quod latificat Deum* Iudic. 9, 13.

In mundo pressuram habebitis. *Ioan. 16, 33.*



*Si graue formides CRVCIS hoc torcular acerbæ,
Eia agè, dulce bibas quod fluit inde merum.*

5. 33. & homines. Mixta erit, inquit Christus, oratio, siue, vt ita dicam, suauis-amara; dulcedinem enim propinabit vinum, at pressuram & afflictionem exprimet torcular. Qualis qualis fuerit, aiebat Staurophila, grata erit; quia à sacro tuo ore, & de re saluberrimâ; quare tota iam audire gestio.

Principio, aiebat Christus, illud aduerte- August. in
Psalm. 83.
re te velim, quid agatur in visibilibus torcularibus, & hoc ipsum spiritualiter agi in hominibus videbis. *Vna certè pendet in vitibus, & oliua in arboribus, pro his enim fructibus solent torcularia preparari. Et quamdiu pendet in frutetis suis, tamquam libero aëre perfruuntur: & nec oliua oleum est, nec vna vinum ante pressuram. Sic sunt & homines, quos* Rom. 8, 29
prædestinavit Deus conformes fieri imaginis Filij sui, qui præcipuè in passione magnus botrus expressus est. Huiusmodi ergo homines, antequam accedant ad seruitutem Dei, fruuntur in hoc seculo, tamquam deliciosâ libertate, velut vnae, aut oliuae pendentes. Sed quoniam dictum est: Fili, accedens ad seruitutem Eccli. 2, 1.
Dei, sta in timore, & prepara animam tuam ad tentationem; accedens quisque ad seruitutem Dei, ad torcularia venisse se cognoscat, conturbabitur, conteretur, comprimetur, non vt in hoc seculo pereat, sed vt in apothecas Dei defluat. Exuitur carnalium desideriorum in-

tegumentis, quasi vinacijs. Vnde Paulus ait :
 Coloss. 3. 29 *Exuite vos veterem hominem cum actibus suis, & induite nouum. Hoc totum non fit nisi de pressurâ, proptereâ torcularia nominantur. In pressuris constituti ad hoc conteruntur, vt amorem, quo ferebantur in ista mundana, secularia, fluxa, peritura exuentes, passi in eis in hac vitâ tormenta, & tribulationes pressurarum, & abundantiam tentationum, incipiant*
 Psal. 9. 10. *querere illam quietem, quæ non est de hac vitâ, & sit Dominus refugium pauperi: & in hac pressurâ defluit vinum, defluit oleum, quæ sunt bona desideria.*

August. in
 Psalm. 55.

Desidero, aiebat Staurophila, ô desiderium & satiëtas cordis mei, prælo CRVCIS quanta quanta sum comprimi, vt bona desideria de bono corde exprimantur. Scio enim quia in torculari fructuosa pressura est. vna in vite pressuram non sentit, integra videtur, sed nihil inde manat: mittitur in torcular, calcatur, premitur, iniuria videtur fieri vne, sed ista iniuria sterilis non est, imò si nulla iniuria accederet, sterilis remaneret. Rectè dixisti, aiebat Christus: botrus enim quamdiu in vite pendet, nec in vini saporem liquatur, cui utilis est? putrescet sensim, aut à volucribus cæli comedetur. Si verò in torculari prematur, vinum defluit, & in cellarijs reconditur. CRVCIS pondere hic premi, tribula-

tio-

tionibus oportet fatigari, vt anima tamquam vinum in æterna tabernacula mereatur recondi. Erras profectò, Staurophila, erras, si cogites te integram & non probè contusam, peruenturam ad cælum. *Miserere mei Domine*, clamabat Dauid, *quoniam conculcavit me homo*. Dic & tu idem cum illo: sed *noli timere, quia conculcavit te homo, vinum habeto; vna facta es, vt calceris.* * *Vt enim botri vineæ calcati ac pressi latissimum liquorem vini suo agricolæ atque vinitori effundunt: sic viri Dei iusti ac sancti diris cruciatibus atque pressuris hominum, botrorum instar, afflicti ac torti, per victoriam salutarem cultori Deo, mihiq̃ue cælestem letitiam de se pariunt ac promunt.*

Psal. 55. 1.

August. in
Psal. 55.* Philo.
Carpath.
in cap. 7.
Cant.

Non reformido calcari, reponebat Staurophila, modò cælestibus recipiar vasis. O quàm gloriosum erit premi! quàm dulce cruciari! modò efficiar vinum suauissimum, *dignum Dilecto meo ad potandum, labijsq̃, & dentibus illius ad ruminandum.* Sitit enim anima mea refocillare sitim æstuantissimæ animæ tuæ, Domine IESV, nostri amore languide. Meritò tu quidem id feceris, inquit bat Christus, debitum enim id meo in te amor. Et ingrata prorsus fueris, amantisq̃ue nomine parum digna, si gratiam referre negligas. Quanti enim mihi stetit, vt sponsæ
meæ

Cant. 7. 9.

Isai. 63, 3. *meæ vinum optimum propinarem? Torcular enim calcani solus, & aspersus est sanguis super vestimenta mea, & omnia indumenta mea inquinavi.* Ego botrus Cypri, in vineis Engaddi, botrus Terræ promissionis è CRVCIS vecte suspensus, qui spiritalis vindemiæ, passionis scilicet meæ tempore, torculari CRVCIS expressus, vinum lætitiæ fidelibus propinaui. Hoc vinum germinans virgines, * magnificentiâ regiâ dignum, * vinum verè cor hominis latificans, vt qui illud biberit, non immeritò exclamet: *Calix tuus inebrians quàm præclarus est!* Magnum proinde non erit, si vt vicem mihi reddas, & ipsa velut vua matura in torculari conculceris, vt de fluente vino potes dilectum animæ tuæ. *Præpara igitur te ad pressuras, sed noli esse arida, ne de pressurâ nihil exeat.*

Zach. 9, 17
* Esther 1,
7.
* Psal. 103,
15.
Psal. 22, 5.
August. in
Psal. 55.



CAPVT VI.

CRUCE homo fit templum Dei.

Nescitis quia templum Dei estis, &
Spiritus Dei habitat in vobis?

I. Corinth. 3, 16.

Inspice, & ædifica mihi tale in pectore tem-
plum,
Quale tibi in molli CRUX mea signat humo.



Ad pulcherrimi cuiusdam tem-
pli occursum nonnihil subfi-
stens Staurophila, ædificij ma-
gnitudinem, structuræ sym-
metriam, aliaque similia ac-
curatius contemplabatur. Et paulò confidē-
tior effecta, Christo dicebat: *Magister, qualis* Marc. 13, 1
structura! & quales lapides! Cui Christus,
Opportunè, inquit, me ducis ad sacram
hanc ædem, quæ interioris templi in ani-
mâ Deo exstruendi typum suggerit. Nam &
hoc CRUCIS baiulatione perficitur, vt ani-
ma velut sanctissimum quoddam taberna-
culum diuinæ Maiestati consecratur. Stu-
pens ad hæc Staurophila, Egone, inquebat,
Deo templum ex me & in me construam?
Quid hoc quæso mysterij? Respondebat
Chri-

Nescitis quia templum Dei estis, et
Spiritus Dei habitat in vobis. 1 Cor. 3, 16.



Inspice, et ædifica mihi tale in pectore templum,
Quale tibi in molli CRVX mea signat humo.

Christus: Tu quidē, ô Staurophila, *sublimi in domo habitas, quæ à Deo tibi fabricata est: corpus hoc dico, quod sic cōpegit, quod sic aptavit, quod sic ornauit & ordinauit, ut gloriose in eo & delectabiliter habitares. Sed & ipsi corpori domum fecit excelsam, aptissimam & decoram, dico autem sensibilem dico & inhabitabilem mundum. Nonne ergo indignum reputas, ut tibi ipse fecerit domum, tu verò ei templum edificare dissimules? Propterea iam ne dederis, ô filia, somnum oculis tuis, & palpebris tuis dormitationem, donec inuenias locum Domino, tabernaculum Deo Iacob.*

Bernard.
Serm. 2. de
Dedicat.
Eccles.

Psal. 131, 4

Sed, inquiebat Staurophila, *vbi inuenitur huius edificij locus, aut quis poterit esse architectus? neque enim Altissimus in manufactis habitat. Quod ergo edificabo templum ei, qui dicit, & verè dicit: Cælum & terram ego impleo? Quid? respondebat Christus. An non legisti, Ego & Pater veniemus, & mansionem faciemus. Iam ergo vbi præparanda sit domus Dei facilè colligis: quoniam non capit eum, nisi imago sua. Anima capax illius est, quæ nimis mirum ad eius imaginem est creata. Propter quod iam festina, adorna thalamum tuum, quoniam complacuit Domino in te, & terra tua inhabitabitur. Exulta satis filia Sion, habitabit in te Deus tuus. Illa admirans, ait: Et unde hoc mihi, ut veniat Maiestas Domini mei*

Bern. ibid.

Ierem. 23,
24.

Ioan. 14,
23.

Isaïæ 62, 4.

Zach. 9, 9.

Lucæ 1.

ad

1. Cor. 3,
16. 18.

Ezech. 43,
10.

Lactant. de
Iust. lib. 5.
cap. 8.

ad me? quanta enim Dei benignitas? quanta dignatio? quanta gloria animarum, quod Dominus vniuersorum, & qui nullam habet indigentiam, templum sibi fieri iubeat in illis. Cui Christus: Credine, Staurophila, Scripturis? scio autem quod credas. quid igitur illud est? Templum Dei sanctum est, quod estis vos? Et: Nescitis quia templum Dei estis, & Spiritus Dei habitat in vobis? Eia igitur, ædificemus, spirituale hoc téplum. Nec est quod de formâ anxie quæras: nam Prophetæ olim dixit Deus: *Ostende domui Israël templum, & metiantur fabricam eius.* Audiui illud iam pridem, aiebat Staurophila, sed sensum eius affecuta non sum, nec modò quid sibi velit prorsus capio. Ipse Deus apud Prophetam, aiebat Christus, satis explicat quorsum velit figuram domus & fabricæ, & omnem descriptionem eius filiis Israël ostendi, nimirum *ut custodiant, inquit, omnes descriptiones eius, & praecepta illius, & faciant ea.* Voluit itaque instaurari templum iuxta ideam & dimensiones quas accuratissime Ezechieli delineauerat. Templum autem Dei, quod quisque moliri debet, *non lapides aut lutum est, sed homo ipse qui figuram Dei gestat. Quod templum non auro & gemmarum donis corruptibilibus, sed æternis virtutum muneribus ornatur.* Nec mysterio vacat, quod

quoddam idea templi CRVX sit. Cruciformes enim sunt pænè omnes, quæ Deo exstruuntur Basilicæ. Quin & in templo illo antiquo facile videre est, totam illius formam ita fuisse dispositam, vt CRVCIFIXI viuum quamdam referret imaginem. Nam si in ipso vestibulo corpus extensum, vt meum in CRUCE positum fuit, imageris, dexteram manum ad portam Meridianam, sinistram ad Aquilonarem, pedem vtrumque ad Orientalem spectare portam aspicias. Caput autem verget ad Sanctum sanctorum, vbi sedes erat Dei. *Caput enim Christi, Deus.* Altare verò holocaustorum in medio pectoris mei situm erat, in quo oblatum est illud sacrificium laudis, quod vno sacrificiorum omnium longè maximo omnia antiquæ legis sunt sacrificia consummata. A latere altaris dextro mare æneum collocatum, sanguinem & aquam à latere meo manantem referebat. Quid autem totum hoc denotat, nisi eum quem diuina Maiestas velut templum inhabitare decreuerit, vitam debere agere crucifixam, CRVCISQUE mortificationem iugiter in suo corpore portare?

Iam video, inquiebat Staurophila, quod templi illa tendebat exstructio, quam mihi non vno nomine tam seriò commendabas: hoc enim inde conficitur, vt qui CRUCEM

Y

tulerint

Hæc ex
Villalpan.
tom. 2. l. 4.
& lib. 5. va-
riis locis.

tulerint quotidie, magnâ Dei dignatione templum fiant diuinæ Maiestatis. Id scilicet volui, inquebat Christus. Excruciati enim afflicti, infirmi, domus sunt & habitaculum Dei. Gloriatur enim Deus se cum his velut domesticis habitare. *Hæc dicit excelsus & sublimis, habitans æternitatem, & sanctum nomen eius in excelsis, & in sancto habitans, & cum contrito & humili spiritu.* Habitat ergo cum contritis, contusis, ærumnosis & afflictis. Et alibi, auersatus manufacta templa, disertè ait, se pauperculos & calamitosos potius inhabitare. *Calum, inquit, sedes mea, terra autem scabellum pedum meorum! Quæ est ista domus, quàm edificabitis mihi? & quis est iste locus quietis meæ? Omnia hæc manus mea fecit, & facta sunt vniuersa ista, dicit Dominus. Ad quem autem respiciam, nisi ad pauperculum, & contritum spiritu, & tremementem sermones meos? Viden' cum quibus, & in quibus Deus habitet? Et an non Paulus idipsum testatur, dicens: Libenter gloriabor in infirmitatibus meis? quare autem? ut inhabitet in me virtus Christi. Quasi dicat: Libenter in morbis, doloribus & afflictionibus gloriabor, quia per ea, quasi in domo propriâ & tabernaculo suo inhabitat in me virtus & fortitudo Christi. Nam vbi deest humanum auxilium, ibi maximè adest diui-*

Isa. 57, 15.

Isaia 66, 1.

2. Cor. 12, 9.

diuinum. Vnde optimè Propheta : *Tibi de-* Psal. 10, 14
relictus est pauper, orphano tu eris adiutor.

Hoc si verum, aiebat Staurophila, immò
quia verum est (nefas enim de eo vel leui-
ter addubitare) non verebor & ego cum va-
se illo electionis dicere : *Placeo mihi in infir-* 2. Cor. 12,
mitatibus meis, in contumelijs, in necessitati- 10.
bis, in persecutionibus, in angustijs pro Chri-
sto. Sed obsecro te, ô sapientissime archite-
cte, doce vltèriùs, quo pacto templi fabrica
debeat construi. Faciam id, sed breuiter, aie-
bat Christus, tu accuratiùs singula nota. *Pri-* Ex S. Do-
mum iacienda sunt fundamenta, quæ fides est, roth. Doct.
sine quâ impossibile est placere Deo. Constitue 14.
deinde supra fundamentum ædificium ex- Hebr. 11, 6
cellentissimum. Adijce lapidem obedientiæ:
apponat & virtus alterum patientiæ lapidè:
singulæ deinde adiectæ virtutes, singuli lapi-
des erunt. Charitas annectet parietè parietì.
Bitumen humilitas est, quæ ceteras virtutes,
vt tales sint, efficit. Tectū timor Dei. Corona
quæ supra tectum præcipitur in lege adhibe-
ri, ne paruuli cadant, prudentia est. In hoc
ædificio extruendo tua desudet industria, vt
habere inhabitantē spiritum sanctum possis.

Breui hoc compendio, aiebat Staurophi-
la, multiplices virtutes commendari cerno,
quarum singulæ plurimas habeant difficul-
tates: & quí ego paupercula omnes has com-

parem? Quid vis? aiebat Christus. ex vno lapide non fit domus: plures, immò omnes virtutes ad spiritualem fabricam concurrunt; sed eas expetere & expectare oportet à Domino virtutum, *qui dat omnibus affluenter, & non improperat.*

Sed redeamus ad schema CRVCIS, quod potissimum imitandum proposui. Scias autem, nisi errare velis, tibi seruandas omnes CRVCIS dimensiones, & in hoc exactissime iuxta Apostoli mei instructionem incumbendum, *vt possis comprehendere cum omnibus Sanctis, quæ sit latitudo, & longitudo, & sublimitas, & profundum.* Iuxta hanc formâ tota spiritualis machina dirigenda est. Latitudo CRVCIS est transuersum illud lignum, in quo porrectæ sunt manus; longitudo, ipsum CRVCIS hastile; altitudo accedit, si CRVX erigatur, est enim altitudo summitas CRVCIS erectæ; profundum, est infimum CRVCIS terræ infixum. Hæc iam mystico animæ templo applicemus. *Latitudo* sit charitas ad omnes, etiam inimicos, ita vt ex amore Dei homo nullam omnino refugiat CRVCEM, à quocumque demum illa, & quomodocumque proueniat. *Longitudo*, perseverandi longanimitas, vt CRVCEM ferentes quotidie, in eâ perseverent vsque in finem. *Altitudo* sit spes cælestium præmiorum: &

Ex August.
Serm. 3. de
Annuntiât.
Domini, in
Psal. 103.
Hom. 3. ex
Quinqua.

cor sursum, siue directa in Deum intentio. *Profundum* quod in terrâ figitur & occulta-
tur, inscrutabilia significat iudicia Dei; vnde
timor, humilitas, & soliditas omnium virtu-
tum. O quàm pulchræ dimensiones hæ
templum non manufactum absoluunt!

Sed quis mihi det, inquebat Staurophi-
la, nulla vt earum fabricæ meæ defit? Tu Do-
mine, qui eas docere non es dedignatus, pro
bonâ voluntate tuâ ancillæ tuæ tribues. *Tu* Psal. 90, 9.
es enim *spes mea* & refugium meum. Verùm,
estne aliquid aliud in hac templi substru-
ctione considerandum? Est, inquebat Chri-
stus: lapides enim singuli ad CRVCIS regu-
lam, & CRVCIS malleo debent conquadra-
ri. Num te latet decantatum illud:

*Scalpri salubris ictibus,
Et tunfione plurimâ,
Fabri polita malleo
Hanc saxa molem construunt,
Aptisq; iuncta nexibus
Locantur in fastigio.*

Breuiar.
Rom. in
Hym. De-
dic. Eccle.

Vis autem scire quid sit quadrari? *Attende* August. in
similitudinem quadrati lapidis, similem enim Psal. 86.
te esse conuenit: in omni tentatione, in omni
tribulatione stare oportet, non cadere. Si im-
pellaris, si quâ vertaris, noli cadere; nam qua-
dratum lapidem quacumque verteris, stat. Sed
nec dolere fas fuerit, etsi instar lapidis dolari

contingat. Tanti enim est effici domum Dei,
 vt quiduis pro eo meritò tolerandum sit.
 Neque ego, aiebat Staurophila, iam refugio
 tribulationem, nec CRVCEM respuo, quæ
 Psal. 64, 5. me aptum faciat Dei habitaculum. *Tem-*
plum enim Domini sanctum est, mirabile in
aquitate: & quid volo, nisi vt sanctificetur
 Dominus in me, vt ab eo in habitante & ego
 quoque sancta efficiar corpore & spiritu? Id
 vtique, aiebat Christus, beneficio CRVCIS
 optimè assequeris: nam qui hîc seipso præ-
 buerint templum Dei viui, efficiuntur & ipsi
 Psal. 121, 3. lapides viui, reponendi in cælesti illâ *Ierusa-*
lem, quæ edificatur vt ciuitas, ad quâ de pere-
 grinatione hac suspirant desideria electorum.
 Quinimò non lapidem tantum cælestis illius
 ciuitatis eum faciam, qui CRVCEM tulerit
 vsque in finē, sed maximis etiam honoribus
 Apoc. 3, 12. augebo. Nam qui vicerit, faciam illum colum-
 nam in templo Dei mei, & foras non egredietur
 amplius: & scribam super eum nomē Dei mei, &
 nomen ciuitatis Dei mei nouæ Ierusalem, quæ
 descendit de calo à Deo meo, & nomē meum no-
 num. O dulcissime Magister, inquebat Stau-
 Luc. 1, 38. rophila, fiat mihi secundum verbum tuum! Eia
 veniat aliquando tēpus illud, quò secundum
 misericordiam tuam magnam promissiones
 tuæ, quæ omne desiderium superant, in me
 compleantur! Votorū hæc summa meorum.

CAPVT VII.

CRVCI decreta corona.

Esto fidelis vsque ad mortem, & dabo tibi coronam vitæ. *Apocal. 2, 10.*

Aeternam doctâ CRVX fabricat arte coronam:

O quantum est, Christi pro CRVCE ferre CRVCEM!



IA CRVCIS faxis aspera, ve pri-
bus horrida, longitudine tæ-
diofa, tota denique angusta &
permolesta, in maximas sæpè
angustias Staurophilam conij-
ciebat. Fuit, cùm pusillanimitate spiritus
oppressa, feriò meditaretur viam deserere,
CRVCEM abijcere, & tot exantlatos labores
vnico momento reddere irritos. Sed *fidelis* *1. Cor. 10,*
est Deus, qui non patitur suos tentari supra id *13.*
quod possunt, sed facit etiâ cum tentatione pro-
uentum, vt possint sustinere. Nam affulsit illi-
cò afflictæ illi miserantis Christi benignitas,
qui blandè eam consolans, *Esto, inquit, fide-* *Apoc. 2, 10*
lis vsque ad mortem, & dabo tibi coronam
vite. Aspera est hæc via, nec inficior, & scio
quanta sustineas; at noli deficere, hisce dolo-

Esto fidelis vsque ad mortem, et dabo
tibi coronam vitæ. *Apocal. 2, 10.*



*Æternam doctâ CRVX fabricat arte coronam:
O quantum est CHRISTI pro CRVCE ferre
CRVCEM!*

ribus æterna responderet corona. *Beatus siqui-* Iac. 1. 12.
dem qui suffert tentationem; quoniam cum
probatuſ fuerit, accipiet coronam vitæ, quam
repromiſit Deus diligentibus ſe. Ad hæc
Staurophila: Delectat quidem mentem im-
marceſcibilis illa gloriæ corona; ſed heu!
nimiũ frangor & pænè fatiſco. Cui Chri-
ſtus: Mitte querelas. Niſi tentatio, nec corona; Chryſoſt.
niſi certamina, nec præmia; niſi ſtudia, nec ho- Hom. 4. ad
noreſ; niſi tribulatio, nec remiſſio; niſi hiemſ, Pop.
nec æſtas. Ergo quando tentariſ, cognoſce quia
paratur corona. Nõne tentatio Ioſeph virtu- Ambroſ.
tiſ eſt celebratio? nõne iniuria carceriſ, corona lib. 4. c. 4.
*eſt caſtitatiſ? * Vt gubernatoreſ nauis tempe-* in Lucam.
ſtaſ, Athletam ſtadium, militem acieſ, magna- * Baſil.
nimum calamitaſ, ſic Chriſtianum hominem Orat. 11.
tentatio probat. de Patient.

Ego verò, inquiebat Staurophila, imbel-
 lis miles, vires mihi deefſe ſentio, nec athle-
 ticè valeo depugnare, multò minùſ vincere.
 Non pugnare te, Staurophila, ſed tolerare
 doceo. Non inferre, ſed perferre mala, coro-
 nam meretur. *Ladendo vincere, ſatanicarum* S. Iſidor.
legum eſt; ac proinde in Olympicis illiſ certa- Peluſ. 1. 2.
minibuſ, quæ in ipſiſ honorem celebrantur, ſic Epift. 169.
coronam conſequuntur qui decertant. At in
ſpiritali palæſtrâ, contraria coronarum lex eſt.
Hic enim lege ſancitum eſt, ut qui percutitur,
non qui percutit, coronâ donetur. Hoc demum

caleſte ſtadium, hoc Angelorum theatrum merito eſſe creditur.

At durum eſt, inquiebat Staurophila, per faxa, per ſentes & ſpinas graue hoc pondus CRVCIS circumferre. Quid times ſpinas? reſpondebat Chriſtus. an non de illis creſcunt roſæ, quibus coroneris in cælis? Ne vrearis igitur, mea Staurophila, ad imitationem capitis tui, pro te ſpinis coronati, ſentes & vepres pro diademate & ſerto decòris tibi imponere, & ego dabo tibi coronam de lapide pretioſo. Elige, cum electâ meâ Catharinâ Senenſi, hîc ſpineam, vt poſteâ recipias coronam auream.

Domine, vt video, inquiebat Staurophila, aurea hæc corona magni conſtat, & incudem & malleum pati oportet vt fabricetur.

Quid ni ita fiat? aiebat Chriſtus, *afflictiones corone horum ſunt, qui in eis certamen ſuſtinent. Nónne & ſuper dorſum meum fabricauerunt peccatores, prolongauerunt iniquitatem ſuam? Si iam & iuſti inter malleum & incudem ponantur, ipſâ impiòrum malleatione Deus eis coronam gloriæ componit. Habeto igitur & tu mentem fixam & duram ſicut incudem, vt per alternos malleòrum ictus & crepitus percuffa, ludibriis & maledictis irriſionibusq; laceſſita, iniurijs affecta, infracta, & in nullo laſa ſeu diſſoluta perſeuerans, tota lenis*

S. Nilus in
Paræneſi.

Pſal. 128, 3

Bleſenſ.
Epiſt. 1, 34.

Climach.
Grad. 4.

lenis & plana immobilisq; persistas. Malleum autem non pati, mollis est animi. Opportune nonnemi Pythagoras dicebat: *Et si argentum sis, ex te tamen nec obolus probe monetæ fiet, cum tam impatiens existas.* Ita tibi quoque iure dixerim, quamvis argentea, quamvis aurea sis, pluribus precibus Deum fatiges, nullius tamen pretij es, quia malleorum impatiens: & ideo ex te pretiosa non fiet corona. Quibus verò infractus inter aduersa stat animus, nã illi splendidissimas sibi fabricant coronas. Talis S. Secunda Martyr, quæ tyranno aiebat: *Gloria nominis Christiani verberum ictibus augeſcit, & tot conciliat coronas sempiternas, quot temporarijs flagellorum ictibus pulsatur.* Quid verò hinc consequitur, nisi quòd ubi deest CRUX, ubi deest malleus, defuturam quoque coronam? Crede mihi Staurophila, *Si tribulationes Sanctorum crudeli miseratione minuantur, paulatim gemmis corona ipsorum priuantur; quia quânto in hoc seculo magis fuerint afflicti, tantò post resurrectionem maioribus honoribus extollentur.*

Non levis, inquiebat Staurophila, sub CRUCE perseuerandi mihi indicitur necessitas. Nam si absque eâ periculum subeo amittendi æternam gloriæ coronam, quidvis potius tolerauerim, quàm huic nã discrimini

expo-

Drexel.
Gymnaf.
patient.
part. 2. c. 1.
§. 3.

Surius in
Vitâ 10.
Iulij.

Laurent.
Iust. in
Ligno vitæ
de Patient.
cap. 3.

Apoc. 3, 11 exponam. Et Christus: *Tene, filia, quod habes; ut nemo accipiat coronam tuam.* Si CRVX pre-
mat, malleus contundat, tribulatio affligat,
non tristitia hæc nimium confideres, sed oculo-
los conijcias in eam quæ tibi repromittitur
coronam. Hæc dolorem minuet, & leuior
erit omnis CRVX, quam huius condierit
consideratio.

Cyprian. *Ad agonem secularem exercentur homines,*
I. 4. Epist. 6. *& parantur, & magnam gloriam computant*
de Exhort. *honoris sui, si illis, spectante populo, & Impe-*
Martyrij. *ratore presente, contigerit coronari. Ecce*
agon sublimis & magnus, & corona celestis
premio gloriosus, ut spectet suos certantes
Deus, & super eos, quos filios facere dignatus
est, oculos suos pandens, certaminis spectaculo
perfruaturs! Quanta gloriæ dignitas, quanta
felicitas, preside Deo coronari! Verè hoc ma-
gnum, inquebat Staurophila, sed quotus-
quisque horum in ipso certamine recorda-
tur? Non legisti, aiebat Christus, quantus ad
passionē stimulus fuerit Quadraginta Mar-
tyribus, & carceris custodi coronarum, quas
expectabant, intuitus. Cum enim ob fidei
confessionem vinculis constricti hiemis tem-
pore frigidissimo, nudi sub aperto aëre per-
noctare iussi essent, ut frigore congelati neca-
rentur, ita orabant: Quadraginta in stadium
ingressi sumus, quadraginta item, Domine,
coronam

Breuiar.
Roman.
9. Martij.

coronâ donemur, ne una quidem huic numero
desit. Cùm autem ianitor carceris quosdam è
calo descendentes Angelos, tamquam à Rege
missos, qui coronas triginta novem militibus
distribuerent, intueretur, ita secum loqueba-
tur: *Quadráginta hi sunt, quadragesimi coro-
na ubi est? Quæ dum cogitaret, vidit vnum
ex illo numero, cui animus ad frigus feren-
dum defecerat, in proximum tepesactum bal-
neum defiliisse.* Sed ille coronæ incensus
cupiditate, excitatis custodibus, vestes sibi
detrahit, ac Christianum se clarâ voce profes-
sus, Martyribus se adiunxit. Tanti momen-
ti est coronam respicere, coronam medita-
ri! Cogita, quæso, quâ lætitiâ exultabis, quo
gaudio perfundêris, cùm dulcissimâ voce
sponsum animarum aliquando dicentem
audies: *Veni sponsa Christi, accipe coronam,
quam tibi Dominus præparavit in æternum?*

Breuiar.
Rom. Ant.
de Virg.



CAPVT VIII.

*Maiorne CRVCI & passionibus, quàm
actionibus corona respondeat.*



is dictis, ad alia properabat Saluator, nisi Staurophila retinuisset; Superest, ô Domine, inquit, nodus quidam, quem sciendi curiositas, an coronæ cupido nexuerit, haud ipsa scio. Tu, ô æterna sapientia, iudicabis, & si mereatur, etiam dissolues. Propone, inquit Christus, ut audiam. In hoc enim patientiæ studio etiam ad diuerticula quædam deflectere, minimè mihi molestum, dum modò in Viam redeamus. Ab eâ, inquit Staurophila, quæstiuncula mea non abibit: quin potius, uti credo, eam promouebit. Sed quid moras necto? quod me remoratur hoc est: Anne amplior & pretiosior corona reposita sit CRVCEM ferentibus, quàm ijs, qui absque eâ multis bonis incumbunt operibus? Nolo te lateat, Staurophila (inquit Christus) bona agere, & mala pati, Christianum, hoc est, tuum esse; ytrùm autem præstet, maiori-ve dignum præmio, tum dicam, cum ipsa, vnde hoc tibi inciderit, aperueris. Legebam, inquit

inquietabat illa, nuper sanctæ Lydvvinæ virginis Vitam, & in eâ, vt generosissima illa Dei Sponsa vigesimum octauum in suâ infirmitate agens annum, cùm incredibili Martyrij arderet desiderio, in mentis excessu viderit *coronam pretiosissimam, gemmis diuersorum colorum variegatam, necdum tamen in orbem penitus absolutam. Ad se autem vt redyt, cogitabat quenam illa esset corona,* perijtq; à Domino varijs afflictionibus exerceri, vt orbem hunc absolueret. Exaudiuit eam Deus; & ecce quidam milites cubiculum eius ingressi indignis modis corpusculum eius variè afflictum, & hydropisi tumidum, absque vilo pudore contrectant. Addunt turpissima conuitia, vocant bestiam, prostibulum, voracem, & multa alia, nec paucis eius vulnera cumulant vulneribus, ita vt sanguis in paleas vicinosque pannos deflueret. Post illorum discessum, Angelus ad eam venit instar Solis splendidus, aitque: *Salue charissima soror; ecce nunc absoluta est CORONA, quam nuper imperfectam vidisti; ludibria & vulnera corpori tuo imposita fuere gemma, quas in illâ CORONA & adesse vidisti, & deesse.* His lectis, ita mecum ratiocinabar: Quid est quòd illuminatissima hæc virgo, non vnâ CRUCE tot annis excruciatâ, nouas flagitarit tribulationes, vt CORONAM suam

Ioannes
Brugman-
nus in Vita
part. 3. c. 6.
apud Sur.
tom. 2.

fuam exornaret atque perficeret? Cur, quæ-
so, bonis operibus id potius conata non fuit,
nisi quòd tribulationis malleo eam citius
sciret absolui? *Nam quos manet CORONA,*
expectat iniuria. & per dolores quibus hîc af-
ficimur, vel peccata expiamus, vel, si non tot
peccata habemus, splendidiore CORONAS ac-
cipimus. Confirmabat me quoque in hac opi-
nionem & illud quod de sanctâ Gertrude le-
geram, quæ cum noctem duxisset insomnem,
atque inde plurimum debilitata, viribusq; ef-
fusa destituta, obtulit huiusmodi defectum Do-
mino, in laudem aternam, ad salutem om-
nium. Cui dixit Dominus: In infinitum ac-
ceptius mihi est, dum quis in infirmitate suâ
post consumptas per vigiliam vires, defectum
illum virium humiliter sustinendo, mihi of-
fert, quàm dum aliquis corpore sanus, qui bene
vigilare potest, totâ nocte in oratione perui-
gilat. en causas dubitationis nostræ.

Vt video, aiebat Christus, non extra semi-
tam ambulas, neque improbare velim pro-
babilem hanc tuam collectionem. *Etenim*
exigua molestia propter Deum æquanimiter
tolerata, incōparabiliter præstantior est, quàm
sint multa & grandia bonorum operum exer-
citia. Atque homini utilius est, etiam modi-
cum grauamen patienter pro Dei honore vel
amore sustinere, quàm grandia opera patrare.

Et

Ambr. l. 1.

Offic. c. 15

Greg. Nyss.

sen. apud

Damas.

lib. 3. Pa-

rallel. c. 49.

Insinuat.

diuin. pie-

tatis lib. 3.

cap. 70. &

Blos. in

Monili c. 9.

Blos. in In-
stit spiri-
tual. c. 8.Idem in
Speculo
Spirit. c. 8.

Et quid dicam? *Nihil Deo acceptius, nihil tibi salubrius in mundo isto, quàm libenter pati pro Christo tuo, & si quidem aliquid melius & utilius saluti hominum, quàm pati, fuisset, id utriusque verbo & exemplo ostendissem.* Quantum consolationis, inquiebat Staurophila, est in verbis istis! quantum lætitiæ calamitosi & afflictis hæc adferre debent! cum vident, maiorem se fabricare CORONAM, quò plures & grauiores pertulerunt CRVCES. Sed absconditum est hoc verbum à cordibus multorum, & fortè fidem vix inuenit.

Cur autem, inquiebat Christus, non credant? an non Sancti quique in eâ se fuisse mente testati sunt, cum CRVCIBVS & morbis ab aliis functionibus, multisque actionibus bonis præpediti, neutiquam questi sunt, meritorum quæstum hoc pacto sibi immitti? Quid? quòd & in beneficijs CRVCES numerarint, atque hoc nomine vel maxime sibi fuerint gratulati. Magna enim hæc dignitas, & Regno quouis ac Consulatu maior. Neque pro Deo pati cuius passim conceditur, estque id magnarum virtutum, præstantissimarumque actionum, pro Dei gloriâ proximique salute obitarum, merces amplissima. Vnde meritò Philippensibus gratulatur Apostolus, quòd ijs donatum esset non solum

Thomas à Kemp.
lib. 2. de Imitat. Christi,
cap. 12.

Chrysostr.
Hom. 8. in Epist. ad Ephes.

Phil. 1, 29.

ut in Christum crederent, sed etiam ut pro illo paterentur.

Ruff. in
Vitis Pa-
trum lib. 3.
num. 158.

Pelagius
l. 5. in Vitis
Patrum
num. 65.

Subit animum, inquiebat Staurophila, quemdam huius animi fuisse, qui frequenter ægrotaret. *Contigit autem ut vno anno nullam aduersa contingerent:* hic bonus ille cœpit affligi, flere, & grauiter etiam queri, ac dicere: *Reliquisti me, Domine, & noluisti me presenti hoc anno visitare.* Et alius paris patientiæ, in morbo cibum recusabat à Fratre oblatum, dicens optare se in eâ infirmitate ad alios triginta annos à Deo relinqui. Abstinuissent, ni fallor, his votis, si tantumdem bonis exercitijs, quantum malorum perpeffione, sperassent consequi.

Sed reduc me etiam in memoriam, subijciebat Christus, qui mundi Redemptor & Seruator sum. Vide autem cuius operi humani generis redemptio potissimum adscribatur. Erat vnaquæque actionum mearum meriti prorsus infiniti, & tamen mundi salutis passioni, morti, & effuso maximè tribuitur Sanguini. Quàm crebrò cantari audiuisti: *Adoramus te, Christe, & benedicimus tibi, quia per CRUCEM tuam redemisti mundum.* Altius, inquiebat Staurophila, extolli CRUX nō poterat, Domine, quàm ut instrumentum fieret redemptionis nostræ. Nihil ad tribulationes seu mitigandas, siue commendandas

Missale
Roman.

das melius excogitari, quàm quòd per illas
saluus fieret mundus. *Quàm magnificata sunt* Psal. 103;
opera tua, Domine! omnia in sapientia fecisti. 24.

Quis igitur, inquiebat Christus, dubiter,
num plus actionibus an perpeffionibus tri-
buendum? cum his peculiariter reconcilia-
tio humani generis, peccati expiatio, rese-
ratio cæli, diuino decreto fuerit referuata? Et
discite hinc, filij Adæ, populus acquisitionis
meæ, quanta peccati grauitas, quæ tali tam-
que operoso egebat remedio: discite quan-
ti mihi steterit vestra salus, quamque exi-
mius meus erga vos fuerit amor: discite tri-
bulationum & CRVCIVM dignitatem; & vt
mei gratiâ dura quæque toleranda sint, qui
tam atrocia, tamque immania pro vobis,
cùm adhuc inimici essetis, pertulerim.

Vnicum hoc tuum, mi Redemptor, exem-
plum, aiebat Staurophila, assensum non tam
petit, quàm extorquet. Nec video quî relu-
ctari vltrâ quis posset. Quid si & alterum,
aiebat Christus, puri hominis adiecero, con-
fectumne videbitur negotium? Confectum,
aiebat Staurophila. Tum Christus: Specta
mihi igitur *maximum* illum *patientie certato-*
rem, & immobilem petram, Iob, & bonos eius
actus cum passionibus compone, & iudica
unde amplius illuxerit. Quandonam erat Iob
illustrior, quando domum suam omnibus ad-

Chrysof.
Epist. 7. ad
Olympia.
paucis hîc
& ibi præ-
termisiss.

uenientibus aperuit, an cū ea ruente, verba amara non protulit, sed potius Domino benedixit? Cū hoc quidem virtus esset, istud erūna? Quando splendidior erat, dic mi, cū sacrificabat pro filijs suis, & eos ad concordiam congregabat: an cū defossi, & amarissimo genere fuissent mortis extincti, cū magnā Philosophiā pertulit quod euenit? Quando potius ille radiauit, quando de tonsurā ouium suarum calefacti sunt humeri nudorum: an cū audiens ignem descendisse de celo, & exedisse cū Pastoribus greges, non est commotus, neque turbatus, sed amantissime pertulit casum? Quando maior illuxit, cū sanitate corporis ad oppressorum patrocinium utebatur, conterens molas iniquorum, & ex medio dentium rapiens rapinam, miseris portus existens; an cū hoc idem corpus eius, hoc est indigentium scutum, vermibus videbatur absumi, sedens in stercore, & testā illud radens. Impleo, inquit, tabo glebas terræ? Atqui illa quidem omnia præclara facinora erant; ista verò omnia passionēs: sed tamen ista illum clariorem, quā illa fecere. Hæc enim maximè amarissima certaminum portio, & maiorem virtutem requirens, & animam fortiorem, & mentem Philosophiæ appositiorē, quæ maiorem circa Deum habebat charitatem: & præterea, cū illa quidem fierent, etsi impudenter & valde crudeliter, attamen

attamen contradicit diabolus; dicens; Num- Iob 1,9.
 quid gratis colit Iob Deum? hæc verò cum con-
 tigissent, confusus abscessit, terga dans, quòd
 neque vel impudentem contradictionem, um-
 bram saltem habentem aliquam, posset oppo-
 nere. Hæc enim CORONÆ perfectio, hoc vir-
 tutis cacumen, ista fortitudinis aperta proba-
 tio, hoc verissimum Philosophiæ incremen-
 tum. Hæc itaque cogitans, ac retractans quan-
 tum sit lucri, acta cum molestijs ac doloribus
 vita, gaude & delectare quæstuosam, & mille
 plenam CORONIS VIAM CRVCIS per fre-
 quentiſſimas paſſiones deambulans.

Ibid. non-
 null. inter-
 iectis.



Cum ipſo ſum in tribulatione. *Pſal. 90. 15.*



Quàm leue, ſponſa, iugū CRVCIS efficit vna volūtas!
Te mihi CRVX ſociat, me caro ſumpta tibi.

CAPVT IX.

CRUX Christo vnit, & conformat.

Cum ipso sum in tribulatione.

Psalm. 90, 15.

*Quam leue, Sponsa, iugum CRVCIS efficit
vna voluntas!*

Te mihi CRUX sociat, me caro sumpta tibi.



DELINITA optimis Christi sermonibus Staurophila, inhiabat magis ac magis suauissimos CRVCIS fructus ex eius ore capere, & carpere: ad Christum proinde conuersa, Obsecro te, inquit, dilecte mi, Perge & alias CRVCIS prerogatiuas exponere, vt tantò libentius eam feram, quantò cognouero vtiliorem. Vberimus, aiebat Christus, & longè præstantissimus fructus is est, quem Psalmista his verbis indicauit: *Iuxta est Dominus ijs qui tribulati sunt corde.* idemque Deum ita loquentem inducit: *Cum ipso sum in tribulatione, eripiam eum, & glorificabo eum.* Quid autem maius? quid excellentius concipi potest, quàm habere Deum sibi præsentem, & auxiliantem in tribulatione? Quare non im-

Psalm. 33, 19

Psalm. 90, 15

ritò idem sibi gratulabatur, Deo dicens:

Pfal. 22, 4. Si ambulauero in medio umbrae mortis, non timebo mala, quoniam tu mecum es. Quid enim timeat mali, cum quo summum est

Rom. 8, 31. Si Deus pro nobis, aiebat Apostolus, quis contra nos? & quàm confidenter in me-

Iob 17, 3. dijs æruminis aiebat ille, Libera me Domine, & pone me iuxta te, & cuiusuis manus pugnet contra me. An non præsentissimum hoc Dei auxilium expertus est castissimus Io-

Sap. 10, 13. seph, quem æterna Sapientia venditum non dereliquit, sed à peccatoribus liberauit eum, descenditq; cum illo in foueam, & in vinculis non dereliquit eum. Vidēsne iam quid illud

Origen. Tract. 34. in Matth. sit, Cum ipso sum in tribulatione? tantumdem enim valet, ac si dixisset: Contribulor afflicto: sicut enim qui meus est, in tribulatione mecum est; sic & ego in tribulatione cum illo sum.

Interfari volens Staurophila, Licétne, inquit, pace tuâ, Domine, quæ animû meum pulsât, proponere quæstionem? Licet verò, aiebat Christus. Tum illa: Vereor vt parum calamitosus & miseris vera videatur hæc tua doctrina. Plerumque enim se à Deo derelictos, obliuioni traditos, & prorsus conqueruntur desolatos. Et ille ipse Psalmista, qui

Pfal. 33, 19. ait, Deum iuxta esle ijs qui tribulato sunt corde; quoties, quæso, expostulat, & conqueritur

ritur se velut desertum? An non hæc illius voces: *Deus, Deus meus, respice in me, quare me dereliquisti?* Et, *Ne derelinquas me Domine Deus meus, ne discesseris à me? Usquequò Domine obliuisceris me in finem, usquequò auertis faciem tuam à me? Quare faciem tuam auertis, obliuisceris inopia nostra, & tribulationis nostra?* Quis verò credat Deum præsentem illi, qui de absentia eius sic lamentatur?

Respondit Christus: Adest quidem Deus afflictis, in quibus patitur, sed præsentiam suam non semper manifestat. In tribulatione inuocantem exaudit ipse aliquândo in abscondito tempestatis; in quâ veluti tectus latet, & ad iustorum probationem tantisper faciem suam abscondit. *Stat nonnumquam post parietem, respiciens per fenestras, prospiciens per cancellos, obseruans scilicet quem admodum athleta pius, nonnihil sibi relictus, in acie decerter.* Antonius ille, magnus Eremita incola à dæmonibus *flagellatus atque confossus*, mirisque modis exagitatus, absentem Dominum, & sui, dum colluctaretur, oblitum credidit, nam cum *radius ad se tuus influere* cernebat, illicò præsentiam Domini intelligens, & ex intimo pectore trahens longa suspiria, dicebat: *Vbi eras, bone Iesu? Quare non à principio adfuiſti, vt sanares vul-*

Psal. 21, 1.

Psal. 37, 22

Psal. 12, 1.

Psal. 43, 24

Psal. 80, 8.

Cant. 2, 9.

Athanaf. in.

Vita An-

ton. cap. 8.

nera mea? Et vox ad eum facta est, dicens: *Antoni, hic eram; sed expectabam videre certamen tuum.* Ita ergo adest Deus in tribulatione, etiam si absconditus.

Bernard.

Serm. 16.

in Psal.

Qui habit.

Psal. 72, 27

* August.

de Trinit.

August.

Serm. 105.

de Temp.

Bernard.

Serm. 17.

in Psal.

Qui habit.

Psal. 72, 25

Et sane ex ipsa tribulatione, Deum adesse in tribulatione, cognosci potest. *Quis enim sustineret? quis subsisteret? quis persisteret sine eo?* Si mecum Deus, aiebat Staurophila, in tribulatione, quid aliud præter ipsam requiram? *Mihi adherere Deo bonum est, quia omnes qui elongant se ab eo, peribunt.* * *Quanta enim hominum miseria, cum illo non esse, sine quo non possunt esse?* Prorsus ita est, inquit Christus: & vis exemplo hoc discere? *Perdiderat Iob omnia illa quæ dederat Deus; sed habebat ipsum omnia qui dederat, Deum. O virum putrem, & integrum! O sedum, & pulchrum! O vulneratum, & sanum! O in stercore sedentem, & in calo regnantem! Diues abundè fuit, qui omnibus ablatis, Deum retinuit, & in eo omnia.* Bonum proinde & mihi, inquit Staurophila, tribulari, Domine, dummodò ipse sis mecum, quàm regnare sine te, epulari sine te, sine te gloriari. Bonum mihi in tribulatione magis amplecti te, in camino habere te mecum, quàm esse sine te vel in calo. *Quid enim mihi est in calo, & à te quid volui super terram?*

Rectum nunc, aiebat Christus, consecuta

es

esensum, cùm intelligis CRUCES esse glutinum, quo Deus animæ, & anima vicissim Deo conglutinatur. Non meministi quid sancta Gertrudis diuinitus aliquando intellexit? Reuelatum ei fuit, quòd, quemadmodum annulus est signum desponsationis, ita aduersitas, tam corporalis quàm spiritualis, humiliter propter Deum tolerata, sit verissimum signum diuinæ electionis, & quasi desponsatio animæ cum Deo: in tantum ut grauatus quisque confidenter dicere possit: Annulo suo subarrhauit me Dominus meus. Eadem & alias intellexit, quòd quandoque Dominus (cuius delicie sunt esse cum filiis hominum) nihil inueniens in homine propter quod placitâ dignatione ipsum adesse deceat, tribulationes vel molestias tam corporales quàm spirituales immittit, ut inde habeat opportunitatem manendi cum illo, quia Scriptura veritatis dicit; Iuxta est Dominus his qui tribulato sunt corde. Et rursum ipse Dominus: Cum ipso sum in tribulatione.

Blos. Mon.
spirit. c. 10.

Blos. ibid.
Prou. 18,
31.

Psal. 33, 19
Psal. 90, 15

Prò quanta, exclamabat Staurophila, diuinæ miserationis dignatio! quis credat tantâ summâ illâ Maiestate vermem hominem fieri, ut quasi eius amicitiam ambiret, delicias suas fateatur esse cum filiis hominum? O Domine, quid est homo, quia magnificas eum, & quare apponis erga illum cor tuum? Tanti-

Prou. 8, 11.

Iob 7, 17.

ne

ne hominis est familiaritas, vt ei CRVCEM & afflictionem immittas, vt iusto velut titulo ei adesse, ei te queas coniungere? Quàm admirabile myſterium, quòd CRVX, contēpta apud prudentes huius ſæculi, arrha annulusque ſit diuinæ deſponſationis! O CRVX venerabilis, quàm abſcondita eſt dignitas tua à cordibus eorum qui terrena ſapiunt! Dicebat hæc Staurophila, & inardeſcebat animo, iamque vehementer & Chriſtum & CRVCEM propter eum diligebat.

Fouendum hunc igniculū putauit Chriſtus. Eſt, inquiebat, filia, & aliud in CRVCE quod alternum nutrire valeat amorem, nec amanti illud abſcondam. Conciliatrix amoris, amantium eſt ſimilitudo, & morum humorumque certa quædam cōgruentia. Tanto autem erga humanum genus amore in-

Phil. 2, 6. 7. census fui, vt *non rapinam arbitratus eſſe me æqualem Deo, memetiſum exinanierim formam ſerui accipiens, in ſimilitudinem hominum factus, & habitu inuentus vt homo.* Cur autem cenſes id me feciſſe? nimirum vt ita homines ad me amandum allicerem, quibus per omnia aſſimilatus eſſem abſque peccato. Nunc autem, dic mihi, quid arbitraris ab homine viciffim requiri? an non vt & ipſe meam, quā licet, affectet ſimilitudinem, formam æmuletur, imitetur mores, ſequatur

tur vestigia? An non idè cælestis Pater meus
quos præsciuit, hos & prædestinavit conformes Rom. 8, 29
fieri imaginis Filij sui? Quomodo autem, in-
quiebat Staurophila, poterimus fieri confor-
mes imaginis tuæ? Si, respõdebat Christus, ad
exemplar vitæ & passionis meæ viuam mei
imaginem vitæ & moribus exprimaris, & sic-
cut ego propter vos CRUCEM suscepi, & in
eâ mortuus fui, ita & vos per commune con-
sortium CRUCIS, aliquid, quod propter vos
gessi, agatis. Hoc scilicet est quod Apostolo-
rum Princeps monebat communicare Chri-
sti passionibus. Qui autem CRUCEM portat,
passioni Redemptoris sui verè communicat.
Quælibet enim CRUX, quodlibet grauamen
imaginem excellentissimæ passionis meæ re-
fert, & in eo homo promereri potest perfectam
eiusdem passionis participationem. Nemo si-
quidem ita cordialiter sentit passionem Chri-
sti, sicut is cui contigerit similia pati.

Quis loquetur, aiebat Staurophila, potentias Psal. 105, 2
Domini? Quis enarrabit mirabiles adinuen-
tionem amoris tui? Quid enim nobilius mili-
ti, quàm deferre arma Regis? Quid gloriosius
sponsæ, quàm assimilari sponso? Vnde sum-
ma hæc mihi iam dignitas, abnegare meip-
sam, & CRUCEM tollere post te? Vt enim, qui
eiusdem sunt Ordinis, eodem vtuntur & ha-
bitu; & quorum eadem insignia, vnius cen-
sentur

Leo Ser. 9.
de Quad.

1. Pet. 4, 13
Pet. Dam.
Serm. de
Inuent.
S. Crucis.
Blos. in Faz.
Instit. vti-
liss. sub fin.
Thom. à
Kemp. 1. 2.
de Imit.
Christi,
cap. 12.

sentur familiæ & nobilitatis : ita non iniuriâ Cruciferam me, tui Ordinis & de familiâ gloriabor esse IESV Crucifixi.

Gloriatio hæc, inquiebat Christus, non erit inanis: non solum enim patienter CRUCEM ferens mihi conformatur, sed ego, velut ei vnitus, in eodem patior. Ipsum enim me fidelibus meis inclusi, vt quod eorum vni fiat, mihi factum reputem. Vnde Saulo Ecclesiam persequenti dicebam : *Saule, Saule, quid me persequeris?* Et in iudicio immiseri- cordibus dicturum me protestatus sum:

Act. 9, 4.

Matth. 25,
45.

Quamdiu non fecistis vni de minoribus his, nec mihi fecistis. Patior itaque in singulis membris meis, quibus vires & adiutorium suggero, vt tantò leuius sit CRUCEM ferre, quò meliore socio & auxiliatore decorantur.

August. in
Psal. 61.

Iam, intelligo aiebat Staurophila, quid sibi voluerit Augustinus, cum diceret : *Vnus homo cum capite & corpore suo Iesus Christus, Saluator corporis, & membrorum corporis, duo in carne vnâ, & in voce vnâ.* Passiones itaque Christi non in solo Christo, imò passiones Christi, non nisi in Christo. Si enim Christum intelligas caput & corpus, passiones Christi non nisi in Christo. Non minus, aiebat Christus, id intelligebat felicissima illa & verè beata Martyr Felicitas, quæ cum in carcere parturiret, nec eiulatus posset comprimere, vnus

ali-

aliquis licetorum acerbo scommate dixit: Si nec hos quidem dolores, ô femina, ferre queas silentio, illos quomodo feres, cum vrêris, secaberis, laniaberis. Huic Felicitas prudentissimè & prorsus Christianè, iam, inquit, pro me patior, at tunc in me passurus est Christus. Prout dixit, sic contigit. Nam cum feris obijceretur, nullos eiulatus, sed nec ullos gemitus prodebat.

Domine, subijciebat Staurophila, qui ista attentius expenderit, te scilicet afflicto adesse, tibi CRUCE eum desponsari, teipsum in illo pati, huic procul dubio CRUX amara non accidet. Et mirum planè, nitoto eam pectore summisque votis ambiat. Quare minùs nunc stupeo generosum illud sanctissimæ Heroidis Teresiæ votum, quo inexplabili desiderio optabat AVT PATI AVT MORI.

Quàm dulcis quoque erat CRUX Magdalænæ de Pazzi, quæ dicebat, se non desiderare breuem vitam & celerem mortem, quia in cælo nulla esset passio: *Desidero ergo, inquiebat, vivere diu, quia desidero amare Dei diu pati, non tantum martyria, sed & morbos, calumnias, infortunia, & quæuis aduersa.* Amanti igitur dulcis tribulatio, quæ acerba & prorsus intolerabilis non amanti. Nonnumquam enim in tantum confortatur homo ex affectu tribulationis & aduersitatis,

Vincent.
Puccinius
in Vinâ.

Thom. a
Kemp.
de Imit.
Christi l. 2.
cap. 12.

ob

ob amorem conformitatis CRVCIS Christi, ut se sine dolore & tribulatione esse non vellet: quoniam tantò se acceptiorem Deo credit, quantò plura & grauiora pro eo ferre poterit. Neque verò, inquiebat Christus, addubitare ampliùs decet, num ex amore CRVCES immittantur, cùm eas philtera quædam & illecebras amoris ipsa cognoscas. Non enim sic calcem infusa accendit aqua, atque tribulatio in amantium mentibus diuinum amorem. CRVX sanè & afflictio bonum est occultum, quod nemo compensare queat: adeò ut si quis centum annos flexis à me genibus CRVCEM amicabilem precetur, nec sic tamen illam emereri possit. Equidem malim afflictiones creare ex nihilo, quàm amicos meos CRVCIS expertes relinquere.

Susò in
Dial. æter-
na Sap.
cap. 13.



CAPVT X.

*Præsidio CRVCIS mare sæculi
transfretandum.*

Per multas tribulationes oportet nos
intrare in regnum cælorum.

Actor. 14, 21.

*Non timet Aeolios ratis hac fera flamina,
fratres,
CRVX malus, remus, CRVX cui clauus
adeft.*



VM longo satis tempore VIAM
CRVCIS Staurophila perambulasset, iamque salutare illud onus tantum amare, quantum principio horrere didicisset; appropinquabat tandem viæ vitæque terminus: quando Christus sponsam suam recreare volens, naui impositam docere cœpit, vt CRVCIS præsidio per sæculi huius pelagus turbulentissimum, ad cælestis patriæ portum transfretare deberet. Et age, inquit, bat, ô Staurophila, quod reliquum est itineris commodius hac naui mecum conficies, non longè enim es à patriâ, & desiderato toties sine. Sic autem contingit homini

A a

in

Per multas tribulationes oportet nos
intrare in regnum cælorum. Act. 14, 21.



Non timet Æolios ratis hæc, fera flamina, fratres:
CRVX malus, remus, CRVX cui clauus adest.

in hac vitâ, *tamquam si videat quisque de longinquo patriam, & mare interiaceat; videat quò eat, sed non habeat quâ eat. Sic & ad illam stabilitatem quâ est in cælo, volunt homines pervenire, sed interiacet mare huius sæculi quâ eundum. Ut ergo esset & quâ irent, veni ego inde ad quem ire volebant. Et quid fecit? Institui lignum quo mare transeat. Nemo enim potest transire mare huius sæculi, nisi CRUCE portatus. Hanc CRUCEM aliquando complectitur & infirmus oculus, & quia non videt longè quò eat, non ab illâ recedat, & ipsa illum perducet. Mare transeundum est: noli lignum contemnere, quia quâ transeat ad patriam non est, nisi ligno porteris: in mari enim ambulare non potes, sicut ego ambulavi; navi ergo portare. Eripe te, si potes, à submersione: si non vis mergi, tabulam apprehende, ligno portare, CRUX te perducet.*

August.
Tract. 2. in
Ioannem.

August. in
Psal. 1.

Perlibenter, aiebat Staurophila, portari me permifero, quâ CRUCEM hæcenus, & sæpè etiam permolestam portavi. Verùm, quod aliàs considerasse me vix memini, quàm multa hîc cerno CRUCIS mysterium oculis animisq; ingrentia. Quid enim anchora aliud quàm geminata CRUX? Signum quoque CRUCIS naturaliter visitur in ipsâ navi, cum velis tumentibus vehitur, cum expansis palmulis labitur. Mare enim non

Minut.
Felix in
Octavio.
Iustin.
Martyr
Apolog. 2.

scinditur, nisi trophaeum istud, quod malus appellatur, saluum in naui maneat. Iam clauis à CRVCE quantum abludit? & remorum vice CRVCEM fungi posse, quis non videat?

Non malè, inquit Christus, CRVCIS sacramentum in naui considerasti. Nam cum à nautis scinditur mare, prius ab ipsis arbor erigitur, antenna sustollitur, velum distenditur, ut CRVCE Domini aquarum fluentia rumpantur: & hoc Dominico securi signo, portum salutis petunt, periculum mortis euadunt. Figura enim sacramenti quaedam est, velum suspensum in arbore, quasi Christus sit exaltatus in CRVCE, atque ideò confidentià de mysterio veniente homines ventorum procillas negligunt. Sine arbore CRVCIS naus infirma est; statim eam diabolus inquietat: at ubi signum hoc CRVCIS erigitur, statim & diaboli iniquitas repellitur, & ventorum procella sopitur. Vis nunc, ô Staurophila, patientiæ nauigio cæli petere portum? in ipso velo me veluti crucifixum considera, aspiciens in auctorem fidei, & consummatorem IESVM, qui, proposito gaudio, sustinui CRVCEM.

Max. Taurin. Ser. 56. tom. 3. Ambros.

Hebr. 12, 2

Psal. 118, 103.

Quàm dulcia fancibus meis, aiebat Staurophila, eloquia tua Domine, quæ spiritali nauigio sæculi superare fluctus, & ad cælestem docent nauigare Ierusalem! Concupisco

pisco proinde, si ita tuæ visum bonitati, pluribus de his instrui.

Audi ergo, inquiebat Chistus, breuem mysticæ nauis descriptionem. Similis est omnis status Ecclesiæ magnæ nauis, quæ per vndosum pelagus ad magnam potentis regni urbem properare cupit. *Nauis huius Dominus, ipse omnipotens Deus est; gubernator verò ego vnigenitus eius Filius; prosper ventus, Spiritus sanctus. Ipsum mare, hic mundus habeatur; ventorum verò varietates & turbinum, diuersis tentationibus conferantur: persecutiones, tribulationes, & pericula, fluctibus exæquantur. Promontoria & loca confragosa, hi sunt, qui in potestatibus sæculi sunt Iudices, & pericula minantur & mortes. Dithalassa loca, quæ duplicibus vnda fallacis æstibus verberantur, hypocrite sunt, & dolosi: nec desunt piratæ, & Sirenes, aliaque innumera pericula. Iam verò rapidus vortex, & tartarea charybdis, & saxi illisa naufragia, ac morriferæ subuersiones, quid aliud æstimanda sunt, quàm peccata? Viden' vt hîc non modica patiendi sit materia, ampla hîc fluctuum & tribulationum seges: sed nauis quæ longanimitatis & patientiæ asseribus compacta est, quæ bitumine timoris Dei intus ac foris benè oblita, per medias procellas securaperueniet ad portum salutis.*

Clemen.
Roman.
Epist. I. ad
Iac. fratrem
Domini.

Admirabatur Staurophila tam accuratam tamque breuem nauticæ rei descriptionem; & In paucis verbis, inquebat, Domine, quanta mihi consideranda proponuntur! Quot virtutes exercendæ! quot pia obeunda exercitia! *Mirabiles, ô Staurophila,* inquebat Christus, *elationes maris; sed mirabilis in altis Dominus*, huic *indefinenter supplicandum*, benignam largiatur auram, quâ *naugantes discrimina cuncta superent*. Si quâ deinde pusillanimitas spiritus, si animi deiectionio, si tædium aut impatientia aliqua per rimas influxerit, exhaurienda statim erit conscientiæ sentina. Quàm multa, inquebat Staurophila, incommoda secum adfert nauigatio, præsertim diuturnior. Sanè vt lætissimum ad patriam tendere, ita nescio quàm triste in hoc mari magno tot difficultatibus die noctuque nauigare.

August. de
Cant. nouo
c. 2. Tom. 9

Sed inter hæc tristitia, inquebat Christus, *celestis nostrum dulce cantemus*, A L L E L V I A, vt lati ac securi ingrediamur sempiternam ac felicissimam patriam. Non metuat anima mare hoc magnum, cuius fluctus ac turbines sentit inimicas seculi potestates. In Deo sperantes multi iam Sancti hos fluctus spreuerunt, multi calcauerunt, multi per aquas securi ad patriam peruenierunt. Sed, inquebat Staurophila, multi quoque naufragium fecere,

cere, multi submersi sunt in profundum quasi lapis.

Quid tum, inquiebat Christus, absque naui non transitur pelagus; qui decumanos fluctus, qui procellas & tempestates exhorrescit, iisve cedit, mirum non est si naufragium patiatur. Peritus nauta omni vento prosperè nauigat; nouit enim velum ita obliquare, vt contrario etiam vento portum petat. In mari non semper malacia, nec vltimum nauigium à procellâ liberum. *Non enim nihil significat naui illa portans me, & Discipulos meos, quæ contrario vento laborabat in fluctibus. Si in naui pericula sunt, sine naui certus interitus. Opus ergo naui, vt huius mundi submersionibus vindiceris.*

August.
Serm. 22.
de Diuersis
edit. Lo-
uan.

Verùm, ne quid præteream, occultum inimicum, ac valdè fraudulentum, qui nauim validè remorari possit, hîc tibi detegam. Quantâ potes sollicitudine & curâ, ô Staurophila, illud cura,

Ne vitæ ipsa tuæ immittas Echeneidæ car-
nem,

Quæ veluti iniectâ properantem compede
puppim

Detinet, ac tantam cogit subsistere molem.

Voluptas carnis, mundi; prosperitas, CRV-
CES & tribulationes respuunt, nec aduerso
vento nauigare didicerunt. Epulonis naui

Nazian. in
Carm. ad
Virgin.

nullam habebat CRVCEM, prospero utebatur vento, sed hoc vento ad infernum nauigauit. Lazari naui plena erat CRVCIBVS, & aduerso ferebatur vento; sed hic flatus eam in sinum Abrahæ, tamquam in portum tranquillissimū duxit. Et cū fluctus essent tam multi, vicissimque alios super alios Lazarum impeterent, non tamen demersum est nauigium. Diuitis verò nauiserat plena mercium, ac secundo nauigabat vento, verū ad naufragium festinabat, eò quòd onus nolebat circumspectè ponere.

Circumspectiorem me facient, aiebat Staurophila, monitiones tuæ, quæ munitiones quoque aduersus hostium insultus, & varias fluctuationes mihi erunt. Sed scire hoc vnicum tandem velim, an patientiæ hæc nauis optatum etiam subintret portum. Subintrat, inquiebat Christus, & quidem citissimè ac securissimè. Nec est quòd dubites, si me-

Aët. 14, 21. *mineris istius: Per multas tribulationes oportet nos intrare in regnum calorum.* Animaduertis hîc, credo, aquas tribulationum rate CRVCIS secandas, & sic peti portum regni calorum. *Quòd autem CRVX ad patriam post multos errores redire faciat, satis declarani, cū latroni in CRUCE posito dicerem, Hodie mecum eris in paradiso. Qui utique diu oberans ac naufragus aliter ad patriam paradisi,*
de

Ambros.

Serm. 51.

tom. 5.

Luc. 23, 44

de quâ primus homo exierat, redire non poterat, nisi fuisset arbori religatus. Sic CRVCIS rate mundi discrimina illecebrosa licet transire, ita melioris vitæ cursus non incidit in scopulos voluptatis. Acclamabat hîc Staurophila, O quàm benè nauigant, qui in nauibus Christi CRVCEM sicut arborem præferunt, atque inde explorant flabra ventorum, ut corpora sua dirigant ad sancti Spiritus gratiam, in ligno Domini tuti atque securi. Felices prorsus, qui non permittunt naues suas vago fluctu errare per maria, sed ad portum salutis, & ad consummationem gratiæ cursus sui directione contendunt, ut fidâ tandem statione potiantur, ubi naufragium timere non possint.

Ambros. in
Psal. 47.



Quadrigæ tuæ, saluatio. Hab. 3, 4.



Quam tuleram, tulit hæc me CRVX: CRVCI et
 ipsa volucres
 Adde rotas; si vis currere, curras.

CAPVT XI.

*Vehiculō CRVCIS caelestem adiri
Ierusalem.*

Quadrigæ tuæ, saluatio. *Hab. 3, 4.*

*Quam tuleram, tulit hæc me CRVX, CRVCI
& ipsa volucres
Adde rotas, si vis currere, currus erit.*



ROSPERO vento, cum eo cui
obediunt venti & mare, lit-
tus attigit Staurophila, cum-
que è naui exscendisset, ita
eam Christus excepit: Age-
dum, dilecta mea, feliciter emensi sumus
hoc mare, nec longè sumus à regno Dei, tot
votis desiderato. Breue autem quod restat
curriculum, curru potiùs conficiemus; par-
tim, vt varietate hac itineris subleuetur mo-
lestia; partim, vt citiùs eò pertingas, vbite
speras sine fine mansuram. Dici vix potest,
vt hæc Staurophilam delectarint, quæ tacita
secum cogitabat, an, veluti alia emolumen-
ta CRVCIS hætenus exposita ex CRVCE
ferè conflata fuerant; ita quoque vehicu-
lum quoddam exhiberetur CRVCIS, quo
cale-

cælestem patriam liceret adire. Id verò vt videbat IESVS, statim respondit: Dubitâsne Staurophila, num currum tibi CRVX præstare queat? Et quid obsecro illa mihi aliud fuit, quàm triumphalis currus, quo de mundo, morte & diabolo trophæum erigens,

Luc. 24, 26

cælestem Ierusalem gloriosus intraui. *Oportebat enim pati Christum, & ita intrare in gloriam suam.* An non legisti Prophetam, triumphum

Hab. 3, 4, 5

CRVCIS meæ describentem? *Cornua, ait, in manibus eius.* cornua scilicet CRVCIS, quibus clavis affixus fui, atqui *ibi abscondita erat fortitudo mea.* Pergit verò narrare, vt in triumphum ducti captiui. *Ante faciem, inquit, eius ibit mors. Egredietur diabolus ante pedes eius.* Quæris quando? Tum

Coloss. 2,

15.

Origen.

Hom. 8. in

Iosue.

Hab. 3, 8.

2. Reg. 4,

11.

nimirum, cùm *exspolians Principatus & Potestates, traduxi confidenter, palàm triumphans illos in memetipso.* CRVX enim *trophæum diaboli fuit, in quo & crucifixus est, & triumphatus.* Ne verò currus Prophetam oblitum putes, subiunxit: *Qui ascendes super equos tuos, & QUADRIGÆ tuæ saluatio.* Nam vt Elias, qui typum mei gessit, curru & equis igneis per turbinem in cælum ascendit; ita & ego, post CRVCEM & passionem, propriâ virtute cælos penetraui. Quid verò iam restat, nisi vt qui consors fuerit CRVCIS meæ, eâdem, veluti vehiculo, euehatur

in

in cælum? CRVX siquidem & tribulatio,
habitus victoria, & palmata Christianorum
vestis est, talique curru triumphant. Hoc in
 veritate tibi dico. *Si libenter, o Staurophila,*
CRVCEM portas, portabit te, & ducet te ad
desideratum finem, ubi scilicet finis patiendi
erit.

Tertullian.
 Apolog.
 cap. 50.
 Thom. à
 Kemp. l. 2.
 cap. 12.

Oblectabatur plurimùm hisce sermoni-
 bus Staurophila, & exclamans aiebat: *Quàm* Psal. 72, 1.
bonus Israël Deus, his qui recto sunt corde!
Quàm magna, Domine, misericordia tua
super me! qui CRVCEM mihi cōuertis in cur-
rum, & quod portandum mihi erat onus, eo
ipso me portari & vehi in cælum decreuisti!
Clarissimè videre mihi nunc videor, quo-
modo diligentibus Deum omnia cooperentur Rom. 8, 28
in bonum. Hoc nimirum erat, Staurophila,
 subijciebat Christus, quare *ingum meum sua-* Matth. 11,
ue, & onus dixerim leue. Verè enim leue onus 30.
est, quod portantem non grauat, sed lenat. Bernard.
Quid eo lenius onere, quod non solum non one- Epist. 72.
rat, sed & portat omnem, cui portandum im-
ponitur? Est onus exonerans, sicut pennæ
 auium, quæ ferunt à quibus feruntur. Nam
 esto, appositis pennis onus crescat, tamen sar-
 cina est leuior. Atqui hoc de hac quadrigâ
 meâ intelligas velim. Sic enim oneri grauif-
 simo Legis accedens quadriga Euangelij, &
 auxit perfectionem, & difficultatem minuit.

Et

August. in
Psal. 59.

Et ideo non grauis est *sarcina* CRVCIS. *Portent illam homines, & inuenient quàm sit leuis, quàm suavis, quàm iucunda, quàm rapiens in calum, & à terrâ eripiens.*

Placebat Staurophilæ mirum in modum spiritualis hic currus: proinde de singulis eius partibus benignissimum Magistrum interrogandum duxit, Opto, inquit, mi Domine, particulariùs cognoscere, quænam huius currus rotæ, qui equi, quis auriga. Næ tu, inquit, Christus, semel & simul multa proponis, quæ singillatim differenda. Quatuor spiritualis huius currus rotæ sunt, totidem virtutum gemmæ, quibus trophæum CRVCIS ipsemet exornauit: *Charitas* scilicet, *Obedientia*, *Patientia*, & *virtutum radix Humilitas*. Ego enim CRVCI affixus ad *Iudeorum blasphemias humilis*, ad *vulnera patiens* fui, & *charitatem nemo maiorem habuit*, quàm ego, qui animam meam non pro amicis tantum, sed & pro inimicis posui. *Obedientia* fuit *consummata*, nam *inclinato capite tradidi spiritum, factus obediens usque ad mortem*. Hic ego rotis currum CRVCIS instruxi, ut essem vobis *obedientie forma, incentiuum amoris, patientie speculum, humilitatis exemplum*.

Bernard.
Ser. 1. in die
Paschæ.

Quàm pulchræ, aiebat Staurophila, rotæ currus tui, Domine! ô quàm volubiles! quàm
aptæ

aptæ vt nos ad cælum subleuent ! Sed concupiscit anima mea vlteriùs de ijs audire dulcissimum eloquium tuum. Ausculta igitur, ô filia, aiebat Christus. Primò rotam amoris nuncupauit. *Vt enim corpus pondere, sic animus amore fertur, quocumque fertur.* Non laborat amor: nam quò plus amaueris, hoc leuiorem sarcinam feres: quandoquidem amorem geris, qui ultra calos omnes ad dilectum vsque portat ac euehit. Et enim amans spiritus, quocumque vult peruolat, cunctis illi calis patentibus.* Vide mihi nunc, quàm congruè vehiculum CRVCIS amoris voluatur rotâ. Nam

*Quantacumque CRVX sit mora,
Vix apparet brevis hora,
Nec sentitur præ amore.*

Alterâ rota est vera Obedientia, & conformitas cum voluntate diuinâ. *Nam qui diuinam voluntatem in omnibus sequi conatur, is curru vehitur, cum omnibus CRVCIBVS ipsi alioqui ferendis.* Alij verò, qui hanc itineris agendi rationem & compendium ignorât, ponè sequuntur pedites, & onerosas CRVCES aut morosè trahunt, aut laboriosè ferunt. Itaque expeditus & gaudens homo voluntati Dei conformis, per medias ærumnas ad cælestem patriam securus pergit.

Rota tertia, Patientia est; quæ quantum promoueat ad regnum Dei assequendum,

non

August.
lib. 10. de
Ciuit.
* Rustbroc.
lib. De 7.
amoris
grad. c. 4.

Doroth.
Serm. de
Obed.

Act. 11, 21

non semel iam doctum dictumq; *Per multas enim tribulationes oportet intrare in regnum calorum. Et quod in presenti est momentaneum & leue tribulationis vestræ, supra modum in sublimitate æternæ gloriæ pondus operatur.*

2. Cor. 4, 17.

Denique quarta rota, Humilitas est; sine quâ qui ad cælum ascendere concupiscit, verissimè descendit: qui autem se humiliat, exaltabitur. Hanc rotam ego in meipso ostendi, *quia qui de calis descendit, ipse sum & qui ascendit.* Qui aliter vadit, cadit. Vide ergo *ne ductoris imò seductoris iniqui aut vestigium aut consilium sequaris*, ne de curru forte corruas. Atque hæc de rotis.

Ephes. 4, 10.

Bernard.
Serm. 4. de
Ascens.
Domini.

Subiecit verò Staurophila: Non graue sit Domino meo, si sermonem nonnihil interrupero. Video enim rotas hæc perungēdas. *Neceesse est enim ut unctio spiritalis gratiæ adiuuet infirmitatem nostram, deuotionis adipe liniens CRVCES patientiæ nostræ. Quia nec sine CRVCE sequi te licet, & sine unctiōe, CRVCIS asperitatem ferre quis possit?* Hinc enim est quod multi abominantur & fugiunt aduersa, CRVCEM quidem videntes, sed non etiam unctiōem. Vnde ergo vnguentum huic rei necessarium? Ex me, respondebat Christus, qui à chrismate nomen sumpsi. Vnxit enim me Pater oleo letitiæ praesentibus meis: quod non mihi soli serua-

Bernard.
Serm. 1. in
Dedic.
Eccles.

Psal. 41 9.

ui,

ui, sed & in alios deriuatum est. *Oleum enim* Cant. 1, 2
effusum nomen meum. & de plenitudine eius
 omnes athletæ mei postea peruncti sunt.
 Haud satis assequor, inquiebat Staurophila,
 quid hoc sibi velit. Cui Christus: Sicut ego
 descendens in aquas Iordanis, non illas
 modò, sed omnes omnino sanctificaui, &
 aptas feci ad sanctificationem Baptismi; ita
 quoque postquam exiui è ciuitate baiulans
 mihi CRUCEM, in vnâ illâ omnes aliæ à me
 vncto eodem oleo lætitiæ delibutæ sunt.
 CRUCES enim antea erant admodum in-
 suaues, horridæ, asperæ, & iugum planè
 grauissimum: verùm ego *computrescere feci* Isa. 10, 27.
iugum à facie olei, vt deinceps CRUX esset
 iugum suaue, & onus leue. Quare illi qui
 prius à CRUCE maximè abhorrebant, eam
 postea vehementer etiam desiderarunt. Vnde
 exclamat quæcumque est talis: *Trahe me,* Cant. 1, 3.
post te curremus in odorem vnguentorum tuo-
rum. Quid si ipsam unctionem in se effusam Bernard.
sentiret, cuius ita tenui exhilarata fragrantia Serm. 22.
promouetur vt currat, mirum si non & vola- in Cant.
ret. Suspirans hinc Staurophila, Sicut adipe, Psal. 62, 6.
inquiebat, & pinguedine repleatur anima mea,
& labijs exultationis laudabit os meum.

Sed anhelò, vt de equis quoque benigni-
 tas tua sermonem pertexat. Equi, inquiebat
 Christus, quibus currus euehitur, sunt *desi-*

Bernard. in
Sentent.

derium ex amore celestis patriæ, & affectus videndi Deum, quibus datur fortitudo, & circumdatur hinnitus: calcaria verò, fluxa labilitas presentium, & stabilis eternitas futurorum. Quàm celeriter, Dilecta mea, hi equi, aquilis etiam velociore, eò te perducent, quò totâ auiditate tendis! O bonorum equorum iugum mirabile! quibus fræna pacis, habene sunt charitatis, constricti inter se concordie vinculis, & iugo fidei subiecti! Quàm felix est, Domine, inquiebat Staurophila, qui equis hisce & salutaribus quadrigis tuis vehitur!

Habac. 3, 8

verissimè enim scriptum est: Quadrigæ tuæ saluatio: iis siquidem expeditissimè ad æternam perueniemus salutem. Sed de equorum Rectore, siue Aurigâ vnicum, precor, adijce verbum. Auriga, inquiebat Christus, ipse ego sum, Verbum Patris; qui noui equos gubernare, vt æqualis omnium sit cursus; & segniores flagello iustitiæ excito, vt currant, & à terris ad superiora se subrigant, atque ad cælum eleuent. Hoc flagello fugata sunt illecebræ seculares, exterminatus mundi Princeps, Iustorum cursus impletus est. Quid iam tibi videtur de toto hoc Equitatu. Satis, inquiebat Staurophila, suauiter equitat, quem currus patientiæ portat. Rectissimè enim Quadriga tua ad cælestem dirigit Ierusalem, & veram immortalitatem. Quàm mul-

Ambros.
vbi suprâ.

ti enim sunt qui tribulationibus exercitati

Mortis sacræ compendio

Vitam beatam possident?

Breuiar.
Roman. in
Hym. de
Mart.

Absque CRUCE ad cælum vix peruenissent, aut testudineo incedentes gradu, post diurnos Purgatorij ignes eò serò tandem euolassent. Sed hæc Martyrum, vt credo, prærogatiua est; quorum Currus velocior. Atque vti nam & mihi hæc obtingat felicitas!

Quid ni contingat? aiebat Christus; numquam enim abest Martyrij tempus. *Sine ferro & flammis Martyrem esse licet, si patientiam in animo veraciter conserues.** Multi ducunt martyrium in lecto; prorsus multi: iacet fidelis in lecto, torquetur doloribus, orat, exauditur; imò non exauditur, sed exercetur, & vt recipiatur filius, flagellatur. Non cedit doloribus per impatientiam, nec malis artibus quærit sanitatem, certat tamen viriliter. *Vires non habet, & diabolus vincit: fit martyr in lecto, coronante illo, qui pro illo pependit in ligno.* Viden' vt à curru CRUCIS non excludantur, qui aduersà valetudine discruciantur? Confide ergo & tu filia, & cum gaudio patientiæ curru in cælum vehere, quia

Idiota de
Verâ patient. c. 10.
*August.
Serm. 39.
de Diuers.
cap. 8.

Labor hic parvus est, & brevis vita.

Merces grandis est, quies infinita.

Toties martyr Dei efficeris,

Quoties pro Deo pœnam pateris.

Thom. à
Kemp. in
Cant. de
Patient.

Ascende ad me in montem. *Exod. 24, 12.*



*Scande, tibi faciles CRVX prebet idonea scalas:
En patet ad Superos REGIA (Scande) VIA.*

CAPVT XII.

CRUX *scala, quâ ascenditur in
domum Dei.*

Ascende ad me in montem. *Exod. 24, 12.*

*Scande, tibi faciles CRUX præbet idonea
scalas,*

En patet ad Superos REGIA (scande) VIA.



ALENTIBVS votis & rotis fen-
sim Staurophila supernæ Ieru-
salem appropinquabat, quam
cùm à longè vtrumque aspi-
ceret, ita eam Christus excita-

uit: Leua nunc, amica mea, oculos tuos, &
vide ciuitatem illam supra montem posi-
tam. Hæc est enim *Ierusalem illa, quæ sursum* Gal. 4, 26.
est, quæ edificatur vt ciuitas, cuius participa- Psal. 121, 3.
tio eius in idipsum. Hæc ciuitas Regis magni, Psal. 47, 9.
cuius fundamenta in montibus sanctis. Psal. 86, 1.

Vix se tenebat hæc audiens Staurophila,
& præ lætitiâ exultans, aiebat: *Gloriosa dicta* Psal. 86, 2.
sunt de te ciuitas Dei. Beati omnes, qui dili- Tob. 13, 18
gunt te, & qui gaudent super pace tuâ. Letata
prorsus sum in his quæ dicta sunt mihi, quia Psal. 121, 1
stantes erunt pedes nostri in atrijs tuis Ierusa-
lem. Sed quis iam deducet me in ciuitatem Psal. 59, 10

munitam quis adducet, Domine, in montem
 Psalm. 5, 4. sanctum tuum, & in tabernacula tua? *Quis*
dabit mihi pennas, sicut columba, & volabo,
& requiescam?

Excepit Christus: Non opus est alis, sed
 SCALIS: neque enim volando, sed gradatim
 ascendendo peruenitur in montem Domi-
 ni. Non meministi vt Patriarcham Iacob
 Deus olim solatus sit, ostendens illi SCALAM
 Gen. 28, 12. *stantem super terram, & cacumen illius tan-*
gens cælum: Angelos quoque Dei ascendentes
& descendentes per eam, & Dominum inni-
xum scale? Memini, inquit Staurophila,
 historiæ huius: sed expone, quæso, spirituale
 quod in eo latet mysterium. Et Christus:
 Philo l. de Somnijs. *Miranda sunt hæc prorsus; continent enim*
 Tertull. l. 3. Cont. Marcion. *perillustre laboris & patientiæ exemplum. Sca-*
la enim hæc ostendit arduum iter ad cælum,
quo quidem alij per labores CRVCSQUE
perueniant; unde alij difficultate superati
decidant. Sed vt cumque laborem habeat hic
 ascensus, aiebat Staurophila, illud tamen
 dulcissimè solatur, quòd gradibus his supe-
 ratis, aditus pateat in cælum. Ita est, inquit
 Sap. 10, 10. *bat Christus, & hoc voluit æterna Dei Sa-*
pientia, cum profugum iræ fratris iustum de-
duxit per vias rectas, & ostendit illi regnum
Dei, & dedit illi scientiam Sanctorum: hunc
stauit illum in laboribus, & compleuit labores
illius.

illius. Iam tum sanè id Iacob agnoscebat,
 unde & euigilans, pauensque dicebat: *Quàm* Gen. 28.
terribilis est locus iste! non est hìc aliud nisi
domus Dei, & porta celi. nimirum hæc idè
 illi ostensa, vt nec fratrem, nec ærumnas,
 nec dolores vllos refugeret, quibus ni-
 mirum sciret cælestes adiri mansiones, &
 requiem parari æternam. Quis, inquie-
 bat Staurophila, similes mihi concedat
 scalas, vt ascendam ad montem Domini, Isaia 2. 3.
 & ad domum Dei Iacob? Ecce terra deorsum, August. in
 Psal. 122.
quam calcamus pedibus nostris: ecce iam cælum
sursum, quod videmus oculis nostris; & ascen-
dere gestiens, canto: Ad te leuaui oculos
meos, qui habitas in celis. vbi sunt ergo scalæ?
tanta enim interualla conspicio inter cælum &
terram, tantam separationem & tanta spatia
locorum; & illuc volo ascendere, & scalas non
video. An nescis, respondebat Christus, vt in
 alijs, ita & hìc ipsam tibi præsidio fore CRV-
 CEM? *quàm magna enim & mira ego cælestis*
Architectus de CRVCE meâ feci? Ex ipsâ
enim scalas cæli, per quas hominem lapsûm
ad cælestem patriam leuarè, construxi. O qua-
les scalæ! quarum caput in cælum positum, per
quas ipse & ascendi, & descendi, & propter cõ-
firmationem ipse super eas incumbo! Ascende
secura, si desideras cælum: non te terreat earum
nec angustia, nec longitudo, nec altitudo: nihil

August. de
 Cataclyf.
 tom. 9.

Hieron.
Epist. ad
Iulian.
rom. I.

timeas, non nutant gradus eius, quos ego Architectus sic confirmavi, ut in eius ligno manus meas clavis affigi voluerim. Desuper autem scalæ innitor, ut laſis manum porrigam, ut ascendentes meo ad labores prouocem aspectu.

O Domine, inquebat Staurophila, quanto desiderio desiderat anima mea per SCALAM CRVCIS ascendere in Bethel, in domum Dei nostri! Huc enim me prouocat, huc inuitat facies illa tua decora, in quam desiderant Angeli prospicere. Sed ascendere conanti porrige, quæso, manum, & ostende iam quomodo CRUX & tribulatio SCALA sit cæli.

Habet hoc, respondebat Christus, omnis aduersitas & CRUX, ut quantum hominem in cœrore deprimere videtur, tantum subleuet ad cælum, Deo quæ faciat viciniorem. Ita aquæ diluuij quò magis in cœrescebant, & arcam Noë obruere videbantur, eò magis à terrâ ad sidera eleuabant. Quàm sæpè afflicti, gementes, excruciat experti sunt se ipsâ CRUCE à terrenis ad cælestia sustolli: nec ipsa id nescis, Staurophila. Scio Domine, inquebat illa, sed toram scalæ fabricam si fas sit, nouisse luberet. Cui Christus, Lætera huius Scalæ sunt duo illa verba, *Sustine, & abstine*. Quid verò de gradibus dicam, quos

quos tibi Paulus demonstrat, & ascendentes
 quamplurimos inuitat? *Flecto, inquit, genua mea ad Patrem Domini nostri Iesu Christi, ut det vobis comprehendere cum omnibus Sanctis, quæ sit altitudo & latitudo, longitudo & profundum. Quatuor gradus posuit CRVCIS. Non ergo laboriose sunt hæc scalæ. Quatuor gradus habent, & perducunt ad calum. In altitudine caput positum est crucifixi. Sursum cor habeat Christianus ad Dominum, quod interrogatus quotidie respondet, & ascendit vnum gradum: in latitudine CRVCIS manus affixæ sunt crucifixi. Perseuerent manus Christiani in operibus bonis, & secundum gradum ascendit. In longitudine CRVCIS corpus pendit crucifixi. Castiget quis corpus suum observationibus, ieiunijs illud suspendat, ut seruituti anime subiciat, & tertium gradum ascendit. In profundo CRVCIS occultum est quod non vides, sed inde exurgit hoc totum quod vides. Adsit fides Christiana, quod non potest comprehendere, credat corde, altiora à se non querat, spes eum nutriat, & tunc quartum gradum ascendit. Per hos gradus ascenderunt Sancti omnes, continentes, coniugati fideles, euaserunt ruinas mundi, migrauerunt ad loca tutissima.*

August. de
 Catcly-
 smo.

Felices prorsus, inquebat Staurophila, hi gradus, quibus ad felicitatem conscenditur

Psal. 83.

æternam! Vtinam, Domine, celeri cursu illos superare queam! Cui Christus: *Ascēssiones* has in corde disponere oportet in hac valle lacrymarum, in loco quē tibi Deus posuit. Ille etenim benedictionem dabit, vt eas de virtute in virtutem, donec videas Deum deorum in Sion.

Cant. 3, 10

tas: neque enim ad aureum Salomonis reclinatorium aditus patet, nisi per ascensum purpureum. Nōne vides vt ipsa CRVX, ex quā *scalas* mihi in cælum feci, fuerit ornata

Isaie 63, 2.

Regis purpurā? Non legisti *rubrum* fuisse *indumentum* meum, & *velut calcantium in torculari*? Age igitur, cruenta Sponsi tui lege vestigia, & imitationis feruore eisdem insiste, vt cum eo simul ascendas in montem sanctum, & in tabernacula æterna. Parata sum, subiiciebat Staurophila, & non sum turbata, vt sequar vestigia Dilecti mei, vt *ascendam*

Hab. 3, 16

ad populum accinctum nostrum: nam, vt non semel intellexi, *sancti Martyres ad celestis regia ianuam gradibus pœnarum suarum ascendentes, scalas sibi quodammodo de equuleis, catastis, & CRVCIBVS fecerunt*. Sed obsecro,

Saluian.
lib. 3. de
Gubernat.
Dei.

Domine, trahe me post te, quia retrahit à te corpus hoc aggrauans animam. Dirige quæso gressus meos, ne commoueantur pedes mei: operi manum tuarum, Domine, porrigas dexteram, ne corruam in conspectu ad-

uer-

uerfariorum meorum. Vix hæc elocuta erat,
 cùm Christus extensâ manu apprehendit
 eam, & subleuauit ad se in montem, dicens:
 Optimum, Dilecta mea, factum, quod im-
 ploraris auxilium meum, nec in potentiâ tuâ,
 sed in me solo habueris fiduciam. Nam qui Prouer. 19,
sperat in Domino, subleuabitur: nec vmquam 25.
 de deserto huius mundi ascendere poterit
 anima, *nisi innixa super Dilectum suum*. Cui Cant. 8, 5.
 illa: Docuisti hoc, Domine, ancillam tuam,
 vt speraret in te. Propterea confitebor tibi, &
exultabo in Deo IESV meo. Benedictus Deus Hab. 3, 18.
meus, & exaltetur Deus salutis meæ. Deus, qui Psal. 17, 47
præcinxit me virtute, & posuit immaculatam Ps. 33.
viam meam. Qui perfecit pedes meos tamquam
cervorum, & super excelsa statuit me. Et dedi-
sti mihi protectionem salutis, & dextera tua
suscepit me. Propterea diligam te Domine for- Ps. 1.
*titudo mea, & * benedicam nomini tuo in sacu-* *Psal. 144,
lum, & in seculum seculi. 1.



Pulsanti aperietur. *Luc. 11, 10.*



Hem! CRVCE pulſo fores, Proceres attollite
portas:
Cognitus hic vobis (eia aperite) ſonus.

CAPVT XIII.

CRUX regni calorum pandit portas.

Pulsanti aperietur. *Luc. II, 10.*

*Hem! CRUCE pulso fores, Proceres attollite
portas,*

Cognitus hic vobis (eia aperite) sonus.



VECTA iam erat Staurophila
ad ipsum montis fastigium, in
quo ante ipsam Ierusalem lata
quædam area, non admodum
tamen longa protendebatur.

Hic verò Christus Dilectam suam ita affatus
est: In proximo est, mea Staurophila, ut im-
pleatur desiderium tuum, ecce enim hæc est
ciuitas Regis magni.

Viden' ut luce splendidâ fulgeat, cuius
fundamenta in montibus sanctis, & *lumen* *Psal. 47, 9.*
eius simile lapidi pretioso, tamquam lapidi
iaspidis, sicut crystallum; ecce murum ma- *Apoc. 21,*
gnum, & altum habentem portas duodecim: *II.*
tota structura muri ex lapide iaspide; ipsa ve- *Ibid. v. 18.*
rò ciuitas aurum mundum simile vitro mun- *21.*
do. Singule portæ ex singulis margaritis, &
platea ciuitatis aurum mundum tamquam vi-
trum perlucidum. Quàm grata hæc oculis,
quàm

- quàm iucunda! Nec auribus hîc sua deest
 Tob. 1,3, oblectatio; nam per *vicos eius* perpetuum
 22. & suauissimum *Alleluia* cantabitur. Lætitia
 Psal. 83, 1. gestiens Staurophila exclamabat: *Quàm*
dilecta tabernacula tua, Domine virtutum!
concupiscit, & deficit anima mea in atria
Domini: quia melior est dies vna in atrijs tuis,
 Psal. 125, 8. *super millia. Dilexi enim, Domine, decorem*
domus tue, & locum habitationis gloriae tue.
 Meritò sanè, inquiebat Christus; hîc enim
 Isaia 61, 3. dabitur tibi, omnibusque lugentibus coro-
 na pro cinere, oleum gaudij pro luctu, pal-
 Apoc. 21, 4. lium laudis pro spiritu maroris. Hic abster-
 get Deus omnem lacrymam ab oculis Sancto-
 rum, & mors ultra non erit, neque luctus,
 Isaia 60, 5. neque clamor, neque dolor erit ultra, quia pri-
 ma abierunt. Tunc, ô charissima, videbis,
 & afflues, & mirabitur & dilatabitur cor
 Psal. 35, 9. tuum. Tunc inebriaberis ab vbertate domus
 Dei, & torrente voluptatis potaberis. Tunc
 quoque cum alijs Sanctis gratulabunda di-
 Psal. 47, 9. ces: Sicut audiuimus, sic vidimus in ciuitate
 Domini virtutum, in ciuitate Dei nostri.
- Domine, inquiebat Staurophila, vt hæc
 Psal. 41, 5. recordata sum, effudi in me animam meam,
 quoniam transibo in locum tabernaculi admi-
 rabilis vsque ad domum Dei.

Sed, ô Domine, si inueni gratiam in ocu-
 lis tuis, iam ampliùs noli tardare, sed osten-
 de

de mihi, obsecro, gloriam tuam. Ita suspi-
rans, & velut ceruus desiderans introitum
caelestis Ierusalem, leniter ducente & comi-
tante Christo, deambulabat Staurophila, do-
nec tandem peruentum est ad portam ciui-
tatis; cum Christus ad eam: *Hæc porta Domi-* Psal. 117.,
ni, iusti intrabunt in eam. Iam, ô dilecta, cur- 19.
sum consummasti, fidem seruasti, reliquum
est vt intres in gaudium Domini, receptu-
ra coronam iustitiæ. An non vides vt te
candidatorum Martyrum exercitus exspe-
ctet, vt Virginum turba inuitet, vt omnis
curia caelestis cum gaudio acclamet: *Veni* Breuiar.
sponsa Christi, accipe coronam, quam tibi Rom.
Dominus preparauit in æternum? Eleuans
porrò oculos Staurophila, videre sibi visa
est *turbam magnam stantem ante thronum* Apoc. 7, 13
in conspectu Agni; & omnes (vt appare-
bat) *amicti stolis albis, & palme in manibus*
eorum. Cui Christus: *Hi qui amicti sunt sto-*
lis albis, qui sunt? & vnde venerunt? Ait illa:
Domine mi, tu scis. Et dixit: *Hi sunt qui* Ibid.
venerunt de tribulatione magnâ, & lauerunt
stolas suas, & dealbauerunt eas in Sangu-
ine Agni, idè sunt ante thronum Dei, &
seruiunt ei die ac nocte. Non esurient, neque
sitient amplius, nec cadet super illos Sol, ne-
que ullus æstus: quoniam Agnus, qui in me-
dio throni est, reget illos, & deducet eos ad
vitæ

vita fontes aquarum. O vtinam eorum iungar consortio! aiebat Staurophila; vtinam societate fruar ciuium supernorum, qui me expectant, donec retribuas mihi! Sed quid agimus, Dilecte mi? en fores etiamnum clausæ sunt: quis eas referabit? Clamare vix ausim: atque vt excelsâ voce inclamen, repulsam timeo. Memini enim fatuas illas

Matth. 25, 12. *virgines, quæ dicebant, Domine, Domine, aperi nobis, audiuisse durum illud Nescio vos.*

Quid hæsitās? inquiebat Christus. ipsâ

Luc. 11, 10. *CRVCÊ tuâ, ceu malleo, validissimè port-*
Matth. 11, 12. *tas has pulsa, pulsanti enim aperietur. Nec insolentiam metue, regnum enim celorum*

vim patitur, & violenti rapiunt illud. Non-
Luc. 13, 24. *ne omnes admonens olim dixi: Contendite*

intrare per angustam portam, vt scirent fas esse non tantum pulsare, sed multâ etiam vi & contentione viam sibi in cælum aperire: quia multi quærent intrare, & non poterunt. Id verò aptissimè fecerit CRVX,

quæ paradisum referat, & cælestis regni clauis est. Iubentis vocem secuta Staurophila, semel iterumque, quantâ vi poterat, inuam cæli CRVCÊ pulsabat, dicens: *Attollite portas, principes, vestras, & eleu-*
Psal. 23, 7. *mini porte æternales, & introibo in tabernaculum Dei mei. Nec mora; statim apertum est cælum; & electa illa post tot CRV-*

CES & tribulationes, exultans & lætabunda admissa est in atria Domini. Antequam verò intraret, chartam quamdam in terram dimisit, quam adstantium quidam avidè rapiens, & pià curiositate apèriens, vidit in eà scriptum

TESTAMENTVM STAVROPHILÆ.

✠ In nomine Domini nostri IESV
CHRISTI Crucifixi, Amen.

STaurophila athereos iam iam subitura penates,

Hæc mittit genti verba suprema suæ.

Hactenus, ut licuit, nostros spectastis agones,

Et VIA quo passu sit mihi trita CRVCIS.

Nunc meritum bonitate suâ mihi pandit Olym-
pum,

Qui fuerat nostræ Duxq; Comesq; viæ.

Sed tamen extrema (vel in ipso limine cali)

Signa voluntatis scribere posse dedit:

Iussit & Aligerum, qui me custodit, Achatem,

Hæc TESTAMENTI verba notare mei.

Illa ego tot pridem, magnosq; experta labores

Staurophila, è CRVCIS hæc sat benè no-

ta VIA;

Exiguo vixi calebs, & paupere censu:

Patris opes. CHRISTI nomine, pauper habet.

At mihi ductoris largo de munere IESV

Sunt bona, pauca quidem, sed meliora super.

Horum, mortales, ego vos ex asse relinquo

Heredes, & ius omne resigno meum.

Protulit aeternæ quæ CHRISTVS dogmata
vite,

Quæq; salutifera sunt CRVCIS apta VIÆ;

Hæc ego Testatrix, tribus his signata libellis,

Aeternum vobis nuncupo, lego, dico.

Quæ CRVCIS in stadio vestigia nostra le-
guntur,

Lego eadem, vestro sed relegenda pede.

CRVX superest, nostra CRVX maxima causa
salutis,

Quâ mihi nil toto gratius orbe fuit;

Hanc quoque transscribo; capite, & cito ferite
ferentem

IESV Staurophoris præmia mille CRVCEM.

Illa triumphalis Superum mihi currus ad aulâ:

Si placet hæc vobis meta, tenete V I A M.

Actum in atriis celestis Ierusalem, regnante

à ligno CRVCIS Domino nostro IESV

CHRISTO:

Ego STAVROPHILA ancilla

CHRISTI Testamentum meum

relegi, signavi, subscripsi. ✝

Hæc

Hæc dilapsa cælo continebat scheda. Interim Staurophila intrauit in gaudium Domini sui, in gaudium illud, quod solum est verum & solidum gaudium: *quod non de creaturâ, sed de creatore concipitur; cui comparata omnis aliunde incunditas, mæror est; omnis suauitas, dolor est; omne dulce, amarum; omne decorum, fædum; omne postremo quodcumq; aliud delectare possit, molestum.* Quis verò cogitare sufficiat, quanto deuotionis affectu tota in eius occursum celestium legionum prodierit multitudo? quibus ad thronum gloria canticis sit deducta; quàm placido vultu, quàm serenâ facie, quàm diuinis amplexibus à Sponso suscepta?

Bernard.
Epist. 114.

Bernard.
Serm. 1. de
Assumpt.
B. M. A.
R 1 AE.

Sed frustra omnino sum, si quod in illâ viuentium regione iam videt, audit, gustat, & tranquillissimâ possidet securitate, exponere voluero. Quia *nec oculus vidit, nec auris audiuit, nec in cor hominis ascendit, quæ preparauit Deus iis, qui diligunt illum.* Res ista fide non capitur, spe non attingitur, charitate non apprehenditur; desideria & vota transgreditur. Quid igitur? desperandumne est? minimè: *estimari non potest, ACQVIRI POTEST.* Quo autem pretio? quanto labore digna est requies, quæ non habet FINEM? Si verum vis indicare, æterna requies æterno labore rectè emitur. Verum hoc est; sed noli timere,

1. Cor. 2.9

Augustinus.

August. in
Psalm. 93.

404 REG. VIÆ CRVCIS LIBER TERTIVS.
mere, misericors est Deus. Si enim haberes æ-
ternum laborē, numquam peruenires ad æter-
nam quietem. Ergo ut aliquando peruenias ad
id quod emis, non in æternum laborandū est,
non quia non valet tanti, sed ut possideatur,
quod emitur. Decies centena millia annorum
in labore quid valent? Decies centena millia
annorum habent FINEM; quod tibi dabo, dicit
Dominus, non habebit FINEM. Qualis mise-
ricordia Dei? nec dicit, Decies centena millia
annorum labora; non dicit, Vel mille annos
labora; non dicit, Quingentos annos labora;
sed, Cū vinis labora, in paucis annis. Inde iam
requies erit, & FINEM non habebit.

Augustin.
lib. 22. de
Ciu. Dei
cap. 30.

O requies æterna! ô FINIS sine FINE!
ô gaudium immensum! ô tranquillissima
quies in Deo ipso! qui est desideriorum no-
strorum FINIS, qui sine FINE videbitur,
sine fastidio amabitur, sine fatigatione lauda-
bitur. Ecce quid erit in FINE, sine FINE!
Nam quis alius noster est FINIS, nisi perue-
nire ad Regnum cuius nullus est FINIS?

Huc REGIA CRVCIS ducit VIA;
huc suo, ut vidimus, itinere peruenit Stau-
rophila, hic etiam totius nostræ scriptionis
ad Dei vnus gloriam sit tandem

FINIS.

IN.

INDEX LOCORVM
S. SCRIPTVRÆ
QVÆ
IN HIS LIBRIS
EXPLICANTVR.

GENESIS.



APVT 6. *Vers. 3.* Non permanebit spiritus meus in homine in æternum, quia caro est.

Paginâ 279

28, 12. Vidiſſet in ſomnis ſcalam ſtantem ſuper terram, & cacumen illius tangens cælum.

399

42, 21. Meritò hæc patimur, quia peccauiſtis in fratrem noſtrum.

199

EXODVS.

4, 3. Virga Moyſis verſa eſt in colubrum. 139
23, 4. Si occurreris boui inimici tui, aut aſino erranti, reduc ad eum.

254

23, 15. Si non tu ipſe præcedas, ne educaſ nos de loco iſto.

161

DEUTERONOMIUM.

33, 9. Qui dixit patri ſuo, & matri ſuæ: Neſcio vos.

110

19. Inundationem maris quaſi lac ſugent.

213

Cc 3

IVDL

IN-

INDEX LOCORVM

I V D I C V M.

16, 21. Eruerunt oculos eius, & clausum in carcere molere fecerunt. 85

T O B I A S.

3, 13. In tempore tribulationis peccata dimittis his, qui inuocant te. 306

12, 13. Necessè fuit vt tentatio probaret te. 44

I V D I T H.

8, 26. Reputantes peccatis nostris hæc ipsa supplicia minora esse. 199

E S T H E R.

5, 3. Osculata est summitatem virgæ eius. 240

I O B.

1, 21. Dominus dedit, Dominus abstulit. 245

6, 10. Hæc mihi sit consolatio, vt affligens me dolore non parcat. 312

36, 15. Reuelabit in tribulatione aurem eius. 316

P S A L M I.

2, 12. Ne quando irascatur Dominus, & percutis de viâ iustâ. 312

15, 4. Multiplicatæ sunt infirmitates eorum, postea accelerauerunt. 224

22, 4. Virga tua & baculus tuus ipsa me consolata sunt. 241

29, 7. Ego dixi in abundantia meâ: Non mouebo in æternum. 170

31, 4. Conuersus sum in ærumnâ meâ, dum configitur spina. 317

10. Multa

S. SCRIPTURÆ.

10.	Multa flagella peccatorum.	81
33, 19.	Iuxta est Dominus iis qui tribulato sunt corde.	359
20.	Multæ tribulationes iustorum.	15
34, 6.	Via eorum tenebræ & lubricum.	86
44, 14.	Omnis gloria filia Regis ab intus.	259
49, 15.	Inuoca me in die tribulationis.	221
54, 16.	Descendant in infernum viuentes.	202
55, 1.	Miserere mei Domine, quoniam conculcavit me homo.	331
62, 6.	Sicut adipe & pinguedine repleatur anima mea.	385
72, 5.	In labore hominum non sunt, & cum hominibus non flagellabuntur.	200
76, 3.	In die tribulationis meæ Deum exquisiui manibus meis.	223
79, 6.	Potum dabis nobis in lacrymis in mensurâ.	51
80, 12.	Dimisi eos secundum desideria cordis eorum, ibunt in adinventionibus suis.	311
82, 17.	Imple facies eorum ignominiâ, & quærent nomen tuum Domine.	224
90, 15.	Cum ipso sum in tribulatione.	359. 363
98, 8.	Et vlciscens in omnes adinventiones eorum.	308
106, 13.	Clamauerunt ad Dominum cum tribularentur.	222
115, 4.	Calicem salutaris accipiam, & nomen Domini inuocabo.	216
118, 28.	Dormitauit anima mea præ tædio, confirma me in verbis tuis.	294
37.	Auerte oculos meos, ne videant vanitatem.	153
	Cc 4.	129. Con-

INDEX LOCORVM

129. Confige timore tuo carnes meas. 269
119, 1. Ad Dominum cū tribularetur clamaui. 222

PROVERBIA.

- 3, 11. Disciplinam Domini, fili mi, ne abiicias cū ab eo corripieris. 177
12, 7. Verte impios, & non erunt. 106
13, 4. Vult & non vult piger. 57
16, 11. Pondus & statera iudicia Domini sunt. 49
19, 2. Qui festinus est pedibus, offendit. 155
24, 16. Septies cadit iustus. 309
25, 21. Si esurierit inimicus tuus, ciba illum: si sitierit, da ei aquam bibere: prunas enim congregabis super caput eius, & Dominus reddet tibi. 254
29, 25. Qui sperat in Domino, subleuabitur. 395

ECCLESIASTES.

- 2, 12. Quid est homo, vt sequi possit Regem factorem suum? 166
7, 27. Virum de mille vnum reperi: mulierem ex omnibus non inueni. 99

CANTICA.

- 1, 2. Adolescentula dilexerunt te. 124
Oleum effusum nomen tuum. 385
3. Trahe me post te, in odorem vnguentorum tuorum curremus. 59. 385
12. Fasciculus myrrhæ dilectus meus mihi, inter vbera mea commorabitur. 164
2, 16. Dilectus meus mihi, & ego illi. 211
3, 1. Quæsiui illum, & non inueni. 279
9. Fer-

8. SCRIPTURÆ.

9. Ferculum sibi fecit Rex Salomon delignis Libani, columnas eius fecit argenteas, &c. 281

4, 9. Vulnerasti cor meum in vno oculorum tuorum. 221

7, 8. Ascendam in palmam, & apprehendam fructus eius. 291

8, 5. Innixa super dilectum suum. 395

6. Fortis est vt mors dilectio. 270

S A P I E N T I A.

1, 11. Custodite vos à murmuracione, quæ nihil prodest. 177

3, 2. Deus tentauit eos, & inuenit illos dignos se. 165

10, 10. Iustum deduxit Dominus per vias rectas, & ostendit illi Regnum Dei. 390

ECCLESIASTICVS.

2, 4. Sustine, & in dolore tuo patientiam habere. 233

13. Pius & misericors est Deus, & remittet in die tribulationis peccata. 305

16. Væ his, qui perdiderunt sustinentiam. 181

10, 29. Noli extollere te in faciēdo opere tuo. 187

23, 38. Gloria magna est, sequi Dominum. 165

27, 12. Stultus sicut luna mutatur. 192

34, 2. Quasi qui apprehendit vmbra, & persequitur ventum, sic & qui attendit ad visa mendacia. 191

35, 21. Oratio humiliantis se nubes penetrabit. 219.

INDEX LOCORVM

I S A I A S.

- 3, 12. Qui te beatum dicunt, ipsi te decipiunt. 192
 7, 15. Vt scias reprobare malum, & eligere bonum. 131
 9, 6. Factus est principatus super humerum eius. 259
 10, 27. Putrescet ingum à facie olei. 385
 26, 10. Misereamur impio, & non discet iustitiam. 311
 28, 19. Sola vexatio intellectum dabit auditui. 316
 30, 21. Hæc est via, ambulate in eâ. 7
 66, 2. Ad quem respiciam, nisi ad pauperculum & contritum spiritu. 338

I E R E M I A S.

- 4, 18. Viæ tuæ & cogitationes tuæ fecerunt hæc tibi. 199
 23, 29. Numquid non verba mea quasi malleus conterens petram? 270

E Z E C H I E L.

- 1, 11. Facies eorum & pennæ eorum extentæ desuper. 153
 16, 42. Iam non irascar tibi, zelus meus recessit à te. 310
 43, 10. Ostende domui Israël templum, & metiantur fabricam eius. 336

M I C H A E A S.

- 7, 9. Iram Domini portabo, quoniâ peccaui ei. 199
 HABA-

S. SCRIPTURÆ.

HABACVC.

3, 2. Cum iratus fueris, misericordiæ recordaberis. 312

4. Quadrigæ tuæ saluatio. 380

16. Ut ascendam ad populum accinctum nostrum. 394

II. MACHAB.

6, 13. Multo tempore non sinere peccatoribus ex sententiâ agere, sed statim ultiones adhibere, magni beneficij est indicium. 247

PP Erenianum Camaldulensium
EX NOVO

TESTAMENTO.

MATTHÆVS.

5, 44. Diligite inimicos vestros, benefacite his qui oderunt vos. 250

6, 1. Attendite ne iustitiam vestram faciatis coram hominibus, ut videamini ab eis. 151

6, 3. Nesciat sinistra tua, quid faciat dextra tua. 190

22. Si oculus tuus fuerit simplex, totum corpus tuum lucidum erit. 18

10, 38. Qui non accipit crucem suam, & sequitur me, non est me dignus. 44. 165

11, 30. Iugum meum suauis est, & onus meum leue. 381

12, 48. Quæ est mater mea, & qui sunt fratres mei? 110.

13, 22. Qui

INDEX LOCORVM

- 13, 22. Qui autem seminatus est in spinis, hic
est qui verbum audit, & sollicitudo sæculi istius, &
fallacia diuitiarum suffocat verbum. 90
16, 23. Vade post me satana. 159
20, 23. Calicem quidem meum bibetis. 258

L V C A S.

- 2, 35. Tuam ipsius animam pertransibit gla-
dius. 31
6, 22. Beati eritis cum vos oderint homi-
nes. 230
9, 23. Dicebat autem ad omnes. 10
Si quis vult post me venire. 54
Abneget semetipsum. 105
Tollat Crucem. 138
Crucem suam. 127
Quotidie. 179. 182
Et sequatur me. 157. 163
11, 34. Si oculus tuus fuerit simplex, totum cor-
pus tuum lucidum erit. 152
13, 24. Contendite intrare per angustam por-
tam. 400
19, 5. Zachæe festinans descende. 158
23, 26. Imposuerunt illi Crucem portare post
Iesum. 158
44. Hodie mecum eris in paradiso. 376
24, 26. Oportuit pati Christum, & ita intrare in
gloriam suam. 208

I O A N N E S.

- 2, 4. Quid mihi & tibi est mulier? 109
10, 33. In mundo pressuram habebitis. 327
13, 15. Exemplum dedi vobis, vt quemadmo-
dum ego feci, ita & vos faciatis. 164
14, 6. Ego

S. SCRIPTURÆ.

- 14, 6. Ego sum via, veritas, & vita. 166
 15, 2. Omnem palmitem, qui fert fructum,
 purgabit eum, vt fructum plus adferat. 308
 18. Si mundus vos odit, scitote quia me
 priorem vobis odio habuit. 277
 18, 11. Calicem, quem de dit mihi Pater, non
 vis vt bibam illum? 216

ACTVS APOSTOLORVM.

- 9, 4. Saule, Saule, quid me persequeris? 366
 14, 21. Per multas tribulationes oportet nos in-
 trare in Regnum cælorum. 376.

AD ROMANOS.

- 8, 18. Non sunt condignæ passionis huius tem-
 poris ad futuram gloriam quæ reuelabitur in no-
 bis. 205
 28. Diligentibus Deum omnia cooperantur
 in bonum. 319
 29. Quos præsciuit, hos & prædestinavit
 conformes fieri imaginis Filij sui. 365
 38. Quis nos separabit à charitate CHRIS-
 TI? 214

I. AD CORINTHIOS.

- 1, 18. Verbum Crucis percutitibus stultitia
 est. 78
 Verbum Crucis iis, qui salui sunt, Dei
 virtus est. 295
 3, 16. Nescitis quia templum Dei estis, & spi-
 ritus Dei habitat in vobis. 336
 4, 13. Tamquam purgamenta huius mundi fa-
 cti sumus, omnium perisplema vsque adhuc. 277
 7, 28. Tri-

INDEX LOCORVM

- 7, 28. Tribulationem tamen carnis habebunt
huiusmodi. 95
10, 13. Fidelis est Deus, qui non patietur vos
tentari suprâ quàm potestis. 149-174
31. Omnia in gloriam Dei facite. 153
11, 12. A Domino corripimur, ne cum hoc
mundo damnemur. 199

II. AD CORINTHIOS.

- 4, 16. Id quod in præsenti est momentaneum
& leue tribulationis nostræ, æternum gloriæ pon-
dus operatur in nobis. 174
5, 15. Qui viuunt, iam non sibi viuunt, sed ei,
qui pro ipsis mortuus est. 108
6, 8. Per gloriam, & ignobilitatē; per infamiam,
& bonam famam; vt seductores, & veraces. 25
7, 4. Superabundo gaudio in omni tribula-
tione nostrâ. 231
10, 17. Qui gloriatur, in Domino gloriatur. 258

AD GALATAS.

- 2, 19. CHRISTO confixus sum Cruci. 279
20. Viuo autem, iam non ego: viuunt verò in
CHRISTVS. 107. 284
5, 24. Qui CHRISTI sunt, carnem suam
crucifixerunt cum vitiis & concupiscentiis. 125. 267
6, 14. Mihi absit gloriari, nisi in Cruce Do-
mini nostri IESV CHRISTI. 260. 275. 291
Ibid. Mihi mundus crucifixus est, & ego
mundo. 17. 275

AD EPHESIOS.

- 3, 18. Vt possitis comprehendere cum omni-
bus Sanctis, quæ sit latitudo & longitudo, & subli-
mitas, & profundum, 340-393
A D

AD PHILIPPENSES.

1, 29. Vobis donatum est pro CHRISTO,
non solum ut in illum credatis, sed ut etiam pro
illo patiamini. 258

3, 18. Inimici Crucis CHRISTI. 69

AD COLOSSENSES.

2, 14. Chirographum decreti, quod erat con-
trarium nobis, & ipsum tulit de medio, affigens il-
lud Cruci. 274

15. Exspolians principatus & potestates, tra-
duxit confidenter, palam triumphans illos in se-
metipso. 380

20. Si mortui estis cum CHRISTO ab ele-
mentis huius mundi, quid adhuc tamquam viuen-
tes in mundo decernitis? 276

3, 9. Expoliantes vos veterem hominem cum
actibus suis. 106

AD THESSALONICENSES I.

3, 3. Nemo in tribulatione moueatur, ipsi enim
scimus quod in hoc positi sumus. 38

AD HEBRÆOS.

4, 12. Viuus est enim sermo Dei, & efficax, &
penetrabilior omni gladio ancipiti. 270

6, 18. Confugimus ad tenendam propositam
spem, quam sicut anchoram habemus animæ tu-
tam ac firmam. 323

10, 20. Initiaret viam nouam & viuentem per
velamen. 9

12, 1. Aspicientes in auctorem fidei, & con-
summatores IESVM. 164.

2. Pro-

INDEX LOCORVM S. SCRIPTVRÆ.

2. Proposito sibi gaudio sustinuit Crucē. 207
 5. Flagellat omnem filium quem recipit. 212
 11. Omnis disciplina in præsentī quidem videtur non esse: gaudij, sed mœroris. 230
 13, 13. Exeamus ad eum in castra, improprium ejus portantes. 137

I A C O B V S.

- 1, 2. Omne gaudium existimate, fratres mei, cū in tentationes varias incideritis. 230
 12. Beatus vir qui suffert tentationem, quoniam cū probatus fuerit, accipiet coronam vitæ. 345
 5, 13. Tristatur quis in vobis? oret. 219.

I. P E T R I.

- 4, 13. Communicantes CHRISTI passionibus gaudete. 230. 258. 365

A P O C A L Y P S I S.

- 1, 9. Particeps in tribulatione, & Regno, & patientiā in CHRISTO IESV. 208
 2, 10. Esto fidelis vsque ad mortem, & dabo tibi coronam vitæ. 343
 3, 19. Ego quos amo arguo & castigo. 46.



INDEX RERVM MEMORABILIVM.

A.



- Bnegatio sui. 105
 Corpori & ani-
 ma necessa-
 ria. III
 Eius exemplum in Chri-
 sto. 109
 In Abraham Patriar-
 chā. 110
 In eremitā quodam. 107
 Absalom segetes Ioab combu-
 rens, cuius typus. 224
 Adolescentis ad meliora con-
 uersi prudens respōsum. 107
 Aduersa praestant secundis.
 247
 Vide, Afflictio, CRVX,
 Tribulatio.
 Aegrotare quantum subinde
 bonum. 298
 Aetatem primam Deo conse-
 crandam. 123
 Afflictione modicā redimitur
 aeterna. 65
 Afflictio dignum reddit Deo.
 165
 Afflicti templū Domini. 338
 In iis CHRISTVS spati-
 tur. 366
 Vide, CRVX, Tribulatio.
 Agatha lata in poenis. 232
 Agnes gaudet suppliciis. ibid.
 Alexander Patriarcha redi-
 mit qui aurum ei surripue-
 rat. 252
 Altare holocaustorum pe-
 ctus CHRISTI. 337
 Aman tristis ob negatum
 honorem. 93
 Amanti CRVX in votis. 367
 Amato assimilari, votum a-
 mantium. 124
 Ambitosorum cura & cru-
 ciatus. 93
 Amor non laborat. 214. 383
 Extasim facit. 284
 Amor CRVCIS vitam, a-
 mor mundi parit mortem.
 274
 Anchora spei, CRVX. 321.
 324
 S. Andrea ad CRVCEM an-
 helatio. 67
 Andreana CRVX. 21
 Anima potentia ut abnegan-
 da. 112
 Anima purgata cur plerumq;
 affligantur. 307
 Annulus desponsationis cum
 CHRISTO, CRVX. 363
 Antonio in tentatione demo-
 num Deus adest. 361
 Apophthegma veterum Mo-
 nachorum de voluntate
 propria. 160
 Aratro CRVCIS terra cor-
 dis proscindenda. 315
 D d Arcus

INDEX RERV

Arcus spiritualis, CRVX.

219

Armatura Christiani militis, CRVX. 301

Ars spiritualis sagittadi. 221

Arsenij visio de duobus lignum transuersum portantibus. 149

Asinus molam vertens, figura peccatoris. 85

Auari martyrium. 91

Aulica vita quam misera. 94

Aulici martyres seculi. ibidem.

B.

Baiulationis CRVCIS quis finis. 265

Baiulatores CRVCIS pauci. 56

Beatitudinis aterna prognosticon afflictio. 248

Item gaudere in tribulationibus. 231

S. Benedictus in spineto se volutans, carnis vicit tentationem. 302

Beneficio virgo quadam iniurias compensabat. 217

Beneficium Dei tribulatio. 200. 241. 247

Beneplacitum diuina dispositionis piis latitia causa. 218

Boni maliq. dispari affliguntur euentu. 143

Bonifacius martyr ungulis excarnificatus inuolat. 242

Botri vinea calcati, viri iusti. 331

Botrus Cypri, CHRISTVS crucifixus. 332

C.

Calamitas viru probat. 345

Calix passionis a Dei manu acceptandus. 216

Caro crucifigenda. 265

Quam exitiosa. 268

Catharina Senensis afflictionibus delectabatur. 133

Spineam elegit coronam pra aurea. ib. 246

CHRISTIANVS CHRISTVM sequatur. 166

In hoc positus ut perferat. 38

CHRISTO conformetur. 266

Perpetuo sit crucifixus. 267

CHRISTVS Magister &

Doctor veritatis. 12

Infans aduersa pra prosperis elegit. 130

Caput fidelium. 167

Vinctus nos vngit. 324

Vt in nobis viuat. 284

Omne cruciatuum genus tulit. 26. & seqq.

Dolor eius de singulis hominum peccatis. 27

Amans paupertatis. 29

Saturatus opprobriis. 30

Cur CRVCEM elegerit. 74

Cur crucifixus. 144

Cur d CRVCE non descendit. 185

Quo animo CRVCEM intulerit. 181

Proposito sibi gaudio sustinuit CRVCEM. 207

Cur CRVCEM baiulauerit. 260

78

MEMORABILIVM.

Vt in eâ gloriatus sit. 259
Est imitandus. 163
Eius erga nos amor. 215
Quis verè sit eius. 267
Illi seruire. 73
Illi conformamur per CRV-
CEM. 365
Illi configi CRVCI vt pos-
simus. 282
Citharâ canere spirituali-
ter. 229.234
S. Clara in morbo gratias
Deo refert. 243
Clavi amoris. 270.282
Clavi spiritalis quibus ho-
mo crucifigendus. 269
Clavis ianua cali. 400
Coniugatorum CRVCES. 95
Conscientia vermis quantum
tormentum. 86
Consolatio à C R V C E non
abest. 212
Consuetudo mitigat afflictio-
nes. 179
Corona tribulationibus per-
ficatur. 352
Maiore passionibus quam
actionibus debeat. 350
Coronari à Deo, quanta di-
gnitas. 348
Creaturam qui prafert Deo,
non fruetur creatore. 69
Cruciarj apud Romanos
CRVCEM suam fere-
bant. 87
Crucifixi figura Salomonis
templo expressa. 337
Crucifixio spiritalis. 269
Crucifixus diabolus. 274
Homo itè spiritualiter. 282
CRVX asperum quid so-
nat. 31

Quidnam sit. 17
Quotplex illa sit. 20
Olim infamis stipes, seruire
supplicium. 71
A CHRISTI membris de-
corata, felix & dulce
lignum. 72
Inter mala non haben-
da. 129
Cur homini necessaria. 39
Cuiusque viribus à Deo
commensurata. 49
Libratur à Deo priusquam
immittatur. 50
Quid sit CRVCEM tolle-
re. 19
Absque dilatione tollen-
da. 124
Sua cuiq; ferenda. 127.134
Integra ferenda. 170
Vadecumque veniat, velut
de pater nâ Dei manu ac-
cipienda. 215
Eam ferre quanta digni-
tas. 261
Eius beneficio homines pror-
sus indigni. 368
Eam cum IESV gestantium
diuersa intentio. 197
Aratrum est spirituale. 315
Character ouium CHRI-
STI. 13.213
Nummus quo emitur re-
gnum Dei. 33.209
Cantico celebrata. 235
Expugnat anima hostes. 301
Philtrum & illecebra diui-
ni amoris. 368
Clavis regni calorum. 400
Consolatione non caret. 212
Eâ vix quisquam vitur
D d 2 male,

INDEX RERV M

malè , prosperitate vix quisquam bene. 248	tias in aduersis, quàm sex millia in prosperis. 239
Vide, Afflictio, Tribulatio, aliaq; toto Indice passim occurrentia.	Dilatatio in negotio salutis no- xia. 121
Curvus triumphalis, CRVX. 380	Dimensiones CRVCIS. 181. 340. 393.
Eius rota. 382	Diuitia quot secum adferant angores. 23
Quomodo ungenda. 348	Spina vocantur. 90
Equi huius curvus, & au- riga. 386	Domus anime corpus, cor- poris mundus, Dei anima. 335
S. Cyprianus auditâ mortis sententiâ, Deo gratias re- spondit. 242	Duce quàm maximè opus in viâ spiritali. 158
Viginti quinque aureos car- nifici numerari iussit. 251	Dulcedo amoris. 214

D.

Demonos timent in quibus CRVCEM conspiciant. 273
Davidis regis humilitas. 75
Despici pro Deo, quàm bo- num. 75
DEVS adest tribulatis. 53. 259
Occultat suam subinde presentiam, 361
Eam probat ipsâ tribulatio- nis tolerantia. 362
Fit pater amantissimus CRV- CES immitit. 53
In bilance CRVCES expen- dit. 50
Dulcedo est quâ cuncta dul- corantur. 209
Ab eo prouenientia bona censenda. 129
Illo vt digni efficiamur 165
Deo gratias quàm bona ora- tio. 244
Plus valet vnum Deo gra-

E.

Echinus marinus vt procellis se opponat. 324
Eduardi Anglorum regis pia humilitas. 76
Eligere CRVCEM nefas, sed oblata acceptanda. 130. 134
Epulo ob delicias damnatus. 41
Equi Curvus CHRISTI. 386
Erubescere CRVCEM non oportet. 142
Esther summitatem virge Assueri exosculaus, quid mysticè designet. 240
Exemplo aliorum CRVX suscipienda. 124
Exempla imitationem exci- tare debent, non pusillani- mitatem. 255
Orantium in tribulatione. 222
Gratias agentium. 242
Ini-

MEMORABILIVM.

Inimicis bene facientiu. 251	Fructuum spes minuit dolo-
Gaudentiu in aduersis. 231	rem. 290
Extasin facit diuinus amor. 284	Eugere CRUCEM nemo po-
Exultatio S. Andrea in CRUCE. 67	rest. 183
Anima beatitudini vicina. 398.	Fundamentum vite spiri-
	tualis mortificatio. 273

G.

Gaudendum in tribulatione. 227

Qui id fecerint. 231

Gebenne cogitatio patientie

stimulus. 202

S. Gertrudis virium defectum

Domino offert. 352

Gloria Sanctoru in cal 0399

Gloriandum in CRUCE. 257

Gloriari in Domino quid sit. 258

Gloria vana quantum ma-

lum. 151

Quam inanis. 191

Meritorum dissipatrix. 193

Bono operi subdole se immi-

scet. 189

Perfectos infestat. 188

Vi superanda. 152

Eius remedium. 190

Gluten quo anima Deo con-

iungitur, CRUX & affli-

ctio. 363

Gradus scala CRUCIS. 393

Gratia agenda in tribulatio-

nibus. 237. 241

Martyribus aqualur id fa-

ciens. 244

Gratiarum actio discriminat

malos a bonis. 245

Maiores ob aduersa, quam

prospera referenda. 247

Dd 3 Pro

F.

Fabrica templi spiritualis, eiusq. idea. 336

Familia cura quantum onus. 97

Fasidium CRUCIS quo mo-

do pellatur. 293

S. Felicitas dolebat in partu,

gaudebat in martyrio. 366

Ferenda non trahenda CRUX. 138

Fides afflictiones docet esse

bonas. 130

Filij quot parentibus adfe-

rant cruciatus. 99

Filiorum est patri in omnibus

velle placere. 211

Filioru Dei character CRUX

& tribulatio. 213

Flagellat pater filium cui ser-

uat hereditatem. 213

Flagello CRUCIS pecca-

toru pulvis excutitur. 309

Flagellis a Deo inflictis Deo

possumus satisfacere. 306

Fomes diuini amoris CHRIS-

TIVS. 215

S. Franciscus tribulationes

sorores suas vocabat, &

pro iis gratias agebat. 131

Francisci Xaverij patiendi

desiderium. 132

INDEX RERVM

Pro beneficiis non admodum magna.	239	Iniuriarum memoriâ quis perfectè liber.	254
Debita inimicis & persecutoribus.	250	Inseri CHRISTO vt arbori debemus.	285
S. Francisci in tribulatione.	133	Intellectus abnegatio.	113
Aliorum item.	242	Intèrio recta sit, & ad Deum directa.	153
Graviova nemo patitur quàm ferre queat.	51	Bona vana gloria insidiatur.	190
		Eius gradus.	195
		Ioannes Abbas morbum a grotto necessarium curare renuit.	307
		Ioannis Eleëmofynarij pia vindicandi ratio.	252
		Iob in arumnis gratias agit.	239. 241.
		Instar campana percussus suauem edidit sonum.	243
		Omnibus ablatis Deum retinuit.	362
		Passionibus illustrior quam actionibus, etiam bonis.	356
		Eius calamitates & patientia.	25
		Obijcit ei damon quoddam propter mercedem Deo seruiret.	44
		Ira Dei qua optanda.	312
		Miserationis plena.	243
		Irafcitur maximè Deus, cum peccatoribus non irascitur.	310
		Iudicium proprium in re spiritali maximè nocet.	159

I.

Iacobus intercisus quoties membro priuabatur, toties Deo gratias agebat.	242
Iactantia in pio opere vitanda.	149
Ierusalem superna descriptio.	389. 397
Incipientes cur minus tententur.	169
Inferni imago in auaro.	92

L.

Labor non est in amore.	214
Lacedæmonij vt puerorum experiantur indolem.	46
Laudes	

MEMORABILIVM.

Laudes querere quàm vanum. 150
 His delectari, p. ericulusi. 189
 S. Laurentius affatus gratias agit. 242
 Lazarus aduer so vento in finum Abrahæ delatus. 376
 Luxuria malum. 90
 Lydvina virgo iniurias benesicis compensat. 253
 Ei ostensum ut perficienda esset corona. 351

M.

Magdalena de Pazzi longam optabat vitam, ut diu posset pati. 397
 Magister in re spiritali quàm necessarius. 158
 Malleo CRVCIS lapides templi spiritalis cadendi. 341
 Cali fores pulsanda. 400
 Malum cuius suum molestissimum apparet. 173
 Malus spiritalis navis CRVX. 372
 Manasses vinctus & compeditus Deum agnoscit. 318
 Marco & Marcelliano tormenta epula. 232
 Beata MARIAE Virginis CRVX. 22. 35
 Doloris gladius. 37
 Mare est prasens saculum. 322. 374
 Quàm periculosum. 323
 Martyres in lecto. 387
 Matrimonij incommoda. 96
 Mauritius Imperator in ad-

uersis ad Deum conuersus. 318
 Membrum capiti suo compatiatur. 167
 Mercede aeternâ consideratâ afflictiones dulcescunt. 184
 Misericordia Dei magna, dum hic peccatores punit. 311
 Monachorum pia simplicitas, ligneam CRUCEM circumferentium. 17
 Monachorum probatio. 47
 Monachorum trium diuersus in iniuriis affectus. 146
 Morborum CIVX quàm utilis. 23
 Anima benefici. mest. 299
 Eâ ad triginta annos quidam optat affligi. 354
 Moriatur homo sibi, ut viuat Deo. 108
 Moriendi cum CHRISTO votum. 286
 Mors incerta. 123
 Mortificatio. Christiano necessaria. 109
 Quinq; sensuum & potentiarum anima. 112
 Carnis. 268
 Moyses elegit affligi cum populo Dei, aspiciens in remunerationem. 206
 Mulier viro quanta CRVX. 98
 Mundus lacrymarum valis. I
 Mare. 322. 374
 Amarus est ne ametur. 40
 Crucifigendus nobis est. 273
 Illi despecti, à Deo electi. 24
 Dd 4 Ni-

INDEX RERV

Nihil illius nos detineat.
276
Vt illi moriamur. 275. 278
Murmurare ob CRVCEM,
quàm malum. 177

N.

Nabuchodonosor Deum in
prosperis ignorans, agnoscit
in aduersis. 317
Natura superanda. 66
Naufragium passus dines E-
pulo vento secundo. 376
Nauigatio spiritalis descri-
bitur. 373
Nauigantium spirituale ce-
leusma. 374
Nauis CRVCEM exprimit.
371
Eâ mare seculi transfre-
tandum. ibid.
Necessitatem ad Deum recur-
rendi CRVX imponit. 223
Nicolaus Staurophorus li-
gneâ baiulans CRVCEM. 18
Nobili CRVX non erubescen-
da. 74
Nobilium CHRISTI insi-
gnia CRVCE. 260
Nocumenta documenta. 316
Nouitius Carthusianus ut in
proposito fuerit confirma-
tus. 172
Nummus quo calum venae-
le est, CRVX, & tribulatio.
33. 209

O.

Obediens CRVCE uti tur pro
vehiculo. 383
Oculus mentis intentio cor-
dis. 152

Oculus aperit CRVX. 316
Oculi Tobia felle, caci nari
luto sunt curati. 317
Ode in CRVCE exultantis.
235
Officina variarum CRV-
CIM. 20
Omnibus in rebus vanitas &
afflictio. 88
Opera satisfactoria cur sint
penalia. 306
Opinio aduersa videri facit
grauiora. 171
Opprobrium CRVCE exem-
plo CHRISTI ferendū. 141
Orandum in CRVCE. 219
Quare. 221
Quomodo. 225
Orationē inuat afflictio. 222
Oratio pro agnoscendâ viâ
salutis. 6
Osculo CRVX & tribulatio
exicipienda. 240

P.

Palpari post resurrectionem
cur CHRISTVS se
permiserit. 205
Parentum amor mortifican-
dus. 109
Paterna manus est qua CRV-
CEM imponit. 215
Patientia quid sit. 45
Eius initium & finis. 145
Gradus. 146
Patiens quis verè dicendus.
134
Pati pro Deo, maius quàm
mortuos suscitare. 240
Vtilius quàm magna ope-
rari. 352
Patris

MEMORABILIVM.

Patris disciplinam non repel-
lant filij. 212
Paulus in tribulationibus ge-
stiens. 261
Quanta eius in aduersis fi-
ducia. 324
Apostolatus eius insignia. 262
Pax animi ut acquiratur. 234
Peccatis CRVX debita. 199
Peccator nullam habet re-
quiem. 84
Perfectio omnibus Christianis
prescribitur. 145
Persa gratias agebant, cum à
Rege inberentur flagellari. 240
Perseuerantia in CRUCE ne-
cessaria. 181. 185. 266
Petrus inuerse crucifixus. 21
Philosophi discipulus triennio
mercedem soluit iniurianti-
bus. 251
Placens sibi displicet Deo. 188
Pœna huius uitæ magis meri-
toria quàm futura. 201
Præceptum de diligendis inimi-
cis qui impleuerint. 251
Præmia nutriunt patientiam. 205
Pretium CRVCIS abscondi-
tum. 292
Probatio fortitudinis in ad-
uersis. 262
Procrastinatio periculosa. 122
Prosperitas huius uitæ for-
midabilis. 41. 84
Futura damnationis indi-
cium. 248
Prosperitati succedit aduersi-
tas. 42

Psallere quid sit. 227
Psalterium spirituale quomo-
do tangendum. 234
Pulvis peccatorum CRUCE
excutitur. 309
Purgant animam tribulatio-
nes. 308
Purgatorij pœnis pro peccatis
velle satisfacere, impru-
dens dictum. 201

Q.

Quadraginta martyribus ca-
lestes corona destinatur. 348
Quadrato lapidi similis sit
iustus. 341
Quanam uniuscuiusque di-
cenda CRUX. 129
Quatuor currus CRVCIS
rota. 332
Querela afflictorum à Deo
se derelictos dicentium, re-
iecta. 361
De Deo in aduersis quàm
stulta. 199
Indicium ea est hominis in-
grati. 246
Illi in aduersis non indulgen-
dum. 178
Impiorum de neglectâ viâ
salutis. 79. 84
Pia cuiusdam quoddam integro
anno non fuisset afflictus. 354
Quotidie ferenda CRUX. 182

R.

Redemptio humani generis
cur CHRISTI passioni po-
tius quàm actionibus ad-
scribatur. 354

Dd 5 Re-

INDEX RERV

- Regnat in nobis CHRISTVS 260
 per asperitates. 260
 Regni CHRISTI CRVX, Sceptum. 74
 Regnum calorū sine CRUCE non obtrinetur. 208
 Regū cura & CRVCES. 83.
 Religio summa, in infirmitate gratias agere. 244
 Religiosi CRVCIS à Gentilibus appellati Christiani. 78
 Relinquere semetipsum ut homo possit. 106
 Remora spiritalis, caro nostra. 375
 Resignatio in afflictione necessaria. 226
 Quanti facienda. 249
 Est suavis melodia in auribus Dei. 234
 Rota curru CRVCIS, charitas, obedientia, patientia, humilitas. 382
- S.
- Sacularium gaudium breue, doloribūque permixtum. 82
 Sagitta mystica, orationes sunt. 219
 Samson peccatoris seruitutem exprimit. 85
 Sancti non queruntur se morbis à perfectione impediti. 353
 S. Saturninus gratias agit in tormentis. 242
 Scala CRVCIS, eiusq; typus. 390
 Latera eius & gradus. 393
- Sceptum CHRISTI CRVX. 259
 Schola CHRISTI viam docet CRVCIS. 12
 S. Secunda ignominiam reputat non torqueri. 263
 Flagellorum ictibus aiebat sibi coronas cuius sempiternas. 347
 Sensualitas malorum irruimentum. 111
 Sequi Deum quā gloriosum. 165
 Serui CRVCIS soli inueniunt viam beatitudinis. 208
 Serui fugitini olim CRUCE notati. 73
 S. Seruulus paralyticus hymnis Deum in morbo celebrat. 243
 Signi CRVCIS efficacia. 301
 Simon Cyrenæus CRUCEM ferens post IESVM, quid designet. 158
 Sitis CHRISTI refocillare ut liceat. 331
 Spes gloria in tribulatione. 208
 Solatium laboris est. 205
 Eius intuitu CRVX toleranda. 203
 Staurophila unde dicta. 211
 Stephano quid lapides effecerit dulces. 207
 Stulta mundi elegit Deus. 78
- T.
- Templum Domini anima nostra. 335
 Quomodo

MEMORABILIVM.

Quomodo adiscendum. 339	Triumphus CRVCIS & Crucifixi. 380
Salomonis CHRISTVM exprimebat. 337	V.
Cur ad CRVCIS formam extruatur. ibidem.	Velle CHRISTVM sequi, primum in itinere CRVCIS. 55. 59
Tentatio vana gloria ex sui confidentiâ accidit. 189	Veris descriptio. 3
Carnis dolore superatur. 302	Via ad patriam præsens vita. 40
Pios frequenter exercet. 169	VIA CRVCIS, via salutis. 10. 11. 182
S. Tereſia virgo aduersarios impensius amat. 253	Quàm difficilis. 343
Eius votum, Aut pati, aut mori. 367	Via triplex bona intentionis. 193
Vt pati posset, calo vellet descendere. 292	Via virtutis ardua. 12
Tharſis mundanorum ciuitas quid significet. 12	Viduarum labores & dolores. 101
S. Thecla tormenta delicias reputabat. 232	Vinum spirituale è torculari CRVCIS. 330
Themistoclis dictum: Perieramus, nisi periissemus. 200	Virga aurea Assueri osculo excipienda CRVX est. 240
S. Theodorus martyrium obiens Domino benedicit. 242	Virga Moysis CRVX assumilata. 139
Timoris via 198	Virgo quadam vt ad perfectionem pertigerit. 217
Timorem Dei tribulatio excitat. 247	Visio cuiusdam Religiosi de varietate hominum CRVCEM ferentium. 125
Torcular spirituale vinum exprimens, CRVX est. 329	Vnctione spiritali linienda CRVCEs. 384
Tribulatio hominē probat. 43	Vnire suas afflictiones meritis CHRISTI utilissimum. 226
Tabulum electorum. 214	Voluntas humana quàm imbecillis. 57
Ad Deum ire cōpellit. 224	Quam varia & mutabilis. 119
Pius consolatio est. 241	Propria abneganda. 113
Anima cuiusq; statum indicat. 225	Cum illa in calum non ascendendum. 160
Abluit peccata. 306	Volun-
Prædestinationis symbolum, & arrha salutis. 325	
Præmiū habet immensū. 249	
Ab eā nemo liber. 82	
Vide, Afflictio, & CRVX.	

INDEX RERVM MEMORABILIVM.

<i>Voluntati Dei se conformet</i>	CEM.	63
<i>homo.</i>	184	<i>Vitis comparati homines in</i>
<i>Pacem habet, quid id fa-</i>		<i>hoc saculo.</i>
<i>cit.</i>	235	329
<i>Voluntatis Dei adimpletio,</i>		<i>Vxorum servitus.</i>
<i>piorum solatium.</i>	132	97
<i>Voluptates quam noxia.</i>	89	Z.
<i>illis studentes fugiunt</i>	CRV-	<i>Zachaus cur iussus ex arbo-</i>
		<i>re descendere.</i>

158.

FINIS.



A.

63
ines in
329
97

arbo-
158.

ANTVERPIÆ,
EX OFFICINA PLANTINIANA
BALTHASARIS MORETI.
M. DC. XXXV.



